




HISTORIA

ECCLIASTICA

TOMUS QUARTUS

PER J. SCORND A.





HISTORIA  
ECCLESIASTICA  
TOMUS QUARTUS  
*PARS SECUNDA.*

HISTORIA  
ECCLESIASTICA  
TOMUS QUARTUS  
PARS SECUNDA

# HISTORIA

## ECCLESIASTICA

### VARIIS COLLOQUIIS DIGESTA

U B I

#### PRO THEOLOGIÆ CANDIDATIS

*Res præcipuæ, non solum ad Historiam, sed etiam ad  
Dogmata, Criticam, Chronologiam, & Ecclesiæ  
Disciplinam pertinentes, per breves Interroga-  
tiones, & Responsiones perstringuntur,  
& in præclaro ordine collocantur.*

## TOMUS QUARTUS

Completens tria Ecclesiæ sæcula  
Decimum, Undecimum,  
& Duodecimum.

### PARS SECUNDA


Continens Duodecimum.

AUCTORE

FR. IGNATIO HIACYNTHO

AMAT DE GRAVESON

Sacræ Facultatis Parisiensis Doctore, & Collegii  
Casanatensis Theologo, Ord. Fratrum Præd.

*Ex dono*  *Abbat. Eximii*  
*mi B.* ROMÆ MDCCXVIII. *Abbat. Eximii*  
*Domuliz* Apud Franciscum Gonzagam. *de Testona 179*

SUPERIORUM PERMISSU.





# INDEX COLLOQUIORUM TOMUS QUARTUS

PARS SECUNDA.

## COLLOQUIA

Quæ continentur XII. sæculi.

### COLLOQVIVM I.

**Q**uo loco essent res Ecclesię tàm in Oriente, quàm in Occidente sub Imperatoribus & Principibus Christianis? 355.

### COLLOQVIVM II.

In quo exhibetur series Episcoporum, qui duodecimo Sæculo præcipuas Ecclesię sedes tenuerunt. 410.

### COLLOQVIM. VIII

De Hæresibus, quę duodecimo sæculo Ecclesiã infestarunt. 469.  
COL.

## COLLOQUIORUM.

### COLLOQVIVM IV.

*De Conciliis cùm Generalibus, tùm Nationalibus, quę duodecimo Ecclesię ſeculo ſive ad damnandas exortas hęreſes, ſive ad componendas enatas controverſias, & collapsam reſtaurandam Eccleſię Diſciplinam variis in locis fuerunt celebrata.*

### COLLOQVIVM V.

*De Viris Illuſtribus, qui eruditionis & pietatis laude duodecimo Eccleſię ſeculo claruerunt.*

588.

### COLLOQVIVM VI.

*De Doctrina, de Diſciplina cùm Eccleſiaſtica tùm Monaſtica, & de Ethica Chriſtiana duodecimi Eccleſię ſeculi.*

653.

# HISTORIA ECCLESIASTICA

Duodecimi Sæculi .

*Variis Colloquiis digesta .*



Historia duodecimi Ecclesiæ Sæculi varios ac percelebres complectitur eventus . Plures Expeditiones ex omni ferme Occidente in terram Sanctam pro bello sacro contra Turcas per totum hoc Sæculum decernuntur , vario quidem successu , sed tandem infelici exitu . Occasione juris *Investitura* nova exoritur barbarum seges, disrumpitur concordia Sacerdotii, & Imperii , Ecclesia Romana multis schismatibus diu exagitur, Summi Pontifices cum Imperatoribus, Episcopi cum Regibus in tutandis ac vindicandis Ecclesiæ juribus & privilegiis acre ac diuturnum sustinent bellum ; Anglia sese turpissimè fædat injustâ nece *S. Thomæ Cantuariensis Archiepiscopi* , Jurium & Immunitatum Ecclesiæ acerrimi vindicis , qui à sicariis ad ipsam Aram intrepidus trucidatur . Complures hæreses ex orco prodeuntes sacrilegum caput efferunt, quæ in Conciliis configuntur , & perdoctis clarissimorum Scriptorum Operibus proteruntur . Sanctissimæ conduntur le-



ges, quibus Disciplina Ecclesiastica, & morum doctrinæ integritas facta tecta conservatur. Novis Monachorum, ac Religiosorum Ordinibus munitur, ac illustratur Ecclesia. Denique, sæculo Ecclesiæ duodecimo Theologia Scholastica novâ methodo traditur, ac juris Canonici instituitur professio, quæ postea latissimè propagatur. Hæc est summa rerum, quæ sæculo Ecclesiæ duodecimo contigerunt. Sed ut ampliorem, omnique ex parte accuratam omnium illorum eventuum notitiam tibi suppeditare possim, sex Colloquia, juxta præscriptam, & hætenus observatam methodum instituiam, & singula quæque loco & ordine suo aptè collocare pro viribus studebo. In primo Colloquio ostendam, quo loco essent res Ecclesiæ tam in Oriente, quam in Occidente sub Imperatoribus & Principibus Christianis. In altero exhibebo seriem Episcoporum, qui præcipuas Ecclesiæ sedes duodecimo sæculo tenuerunt. In tertio referam hæreses, quæ eodem sæculo Ecclesiam infestarunt. In quarto agam de Conciliis, quæ tùm ad damnandas gliscentes hæreses, tùm ad consopendas enatas Controversias, tùm ad collapsam restaurandam Ecclesiæ Disciplinam variis in locis fuerunt celebrata. Quintum erit de Viris Illustribus, qui duodecimo sæculo eruditionis & pietatis laude claruerunt. In ultimo de his, quæ spectant Fidei Catholicæ doctrinam, Disciplinam cum Ecclesiasticam, tùm Monasticam illius sæculi, morumque doctrinam, breviter strictimque differam.



## COLLOQUIUM PRIMUM.

*Quo loco essent res Ecclesiæ tam in Oriente,  
quàm in Occidente sub Imperatoribus  
& Principibus Christianis?*

DISCIP.

**Q**Uamquàm res Ecclesiæ sub Imperatoribus, qui sæculo duodecimo summâ rerum in Oriente potiti sunt, optimo loco fuisse, facilè conjecturâ assequi possim ex sacra illa in Palæstinam expeditione, quam sub finem undecimi sæculi, Duce Godefrido Bullionio, magnis animis susceperunt Latini, suisque victricibus armis Saracenos fugarunt, Hierosolymam expugnarunt, multas Civitates in suam potestatem redegerunt, ac tandem Christianam Religionem in ea Orientis loca, à quibus Barbarorum tyrannide pulsa jam pridem exulabat, postliminio revocarunt: nihiloseciùs, ut magis perspectum habeam statum Ecclesiæ sub Imperatoribus, qui duodecimo sæculo Orienti præfuerunt, primùm scire velim seriem Gestaque Imperatorum Orientis, dein, quid gesserint, quidve moliti fuerint Latini, vulgò *Crucesignati* appellati, qui toto duodecimo Ecclesiæ sæculo suas sedes in Oriente fixerunt?

MAG. Imperabat in Oriente *Alexius Comnenus*, quandò sub finem undecimi sæculi Latini Crucesignati sacram in Palæstinam Expeditionem susceperunt, eorumque ope bellum contra Turcas feliciter gessit; sed postea à tam numerosis ac fortibus-

tibus Latinorum exercitibus sibi timens , eos primum fraudibus, dein aperto Marte infestavit, fædè ac fraudulenter deseruit, atque de clade, quæ illis ipso belli initio à Turcis illata fuit, haud parùm, gavisus est, sicut testatur Auctor Anonymus, qui scripsit *Historiam Belli Sacri*, quam *Mabillonius* *tom. 1. Musæi Italici par. 2.* publicavit. Idem etiam testantur Primores sacræ illius in Palæstinam Expeditionis Duces in epistola, quam scripserunt ad *Urbanum II.* Pontificem Maximum, ubi de *Alexio Comneno* Imperatore conqueruntur his verbis: *Tu nos filios per omnia tibi obedientes, Pater piissime, debes separare ab injusto Imperatore, qui multa bona promisit nobis, sed minimè fecit. Omnia enim mala & impedimenta quæcumque facere potuit, nobis fecit.* Hanc epistolam refert *Baluzius* *tom. 1. Miscell.* Conatur quidem *Anna Comnena*, elegantissima Princeps historica, & filia *Alexii Comneni* Imperatoris, excusare patrem suum, eumque in quindecim libris *Alexaidos* à se editis ab hac labe purgare; sed nullam hac in re meretur fidem, quippè quæ, dum adulatur patri suo, acriter invehitur in Latinos, quorum Sacerdotes injuriis & calumniis proscindit libro decimo, atque intempestivo Gallorum, qui in sacro bello merebantur, vituperio, excusationem patris sui libro undecimo fulcit. Sed de *Anna Comnena* plura dicemus in quinto Colloquio, ubi de viris illustribus duodecimi sæculi, eorumque Operibus datâ operâ, sermonem instituemus. Excessit è vivis *Alexius Comnenus* Orientis Imperator die 15. mensis Augusti anni *mcxviii.* postquam vixisset annos circiter septuaginta, & imperasset annos *xxxvii.* menses quatuor, dies quindecim, ut

*Zonaras*, qui in eo Annales suos absolvit, *Nicetas Choniates*, qui eosdem prosequitur, *Anna Comnena* ejus filia, alique produnt. *Alexio Comneno* in Græcorum Orientis Imperium successit ejus filius *Ioannes Comnenus*, dictus à quibusdam *Calojoannes*, qui in consortium Imperii à patre suo anno millesimo nonagesimo primo adscitus, post ejus mortem solus Imperium administravit. Jam uxorem duxerat *Irenem* *Ladislai Hungariæ Regis* filiam, ut testatur *Zonaras*, & ostendit *Ducangius* in Augustis Familiis Byzantinis. Latinis multò æquior patre suo fuit *Joannes Comnenus*, & in Ecclesiam Romanam propensior, ad cujus Instituta & obedientiam Græcos revocare in votis habuit. Exstant enim *Petri Venerabilis Cluniacensis Abbatis* duæ epistolæ, videlicet trigesima nona, & quadragesima libri secundi, quarum prior *Joanni Comneno Imperatori*, & posterior *Patriarchæ Constantinopolitano* scripta est pro restitutione Cœnobii Cluniacensium, quod erat Constantinopoli, & in priori epistola, *Petrus Cluniacensis Abbas Joannem Comnenum Imperatorem* suscipit in Confratrem & comparticipem omnium spiritualium beneficiorum Congregationis Cluniacensis, quemadmodum & alii Catholici Principes jam suscepti erant. Utramque *Petri Venerabilis* epistolam refert *Baronius* anno MCXIX. num. 18. & seqq. undè compertum habemus, sæculo duodecimo Constantinopoli, & in tota Græcia Basilicas fuisse, & varia Latinorum Religiosorum Monasteria, quibus Romanis moribus, & ritu Latino vivere, reliquaque sacra ad ritus Latini normam celebrare permittebatur, quod certè nunquam concessissent Græci, si Latinorum mores



& dogmata, velut hæretica improbaſſent, ut inquit *Leo Allatius* lib. 2. de conſenſu Eccleſiæ Occidentalis & Orientalis cap. II. Eodem imperante *Joanne Comneno*, ſolemne & publicum Colloquium *Anſelmus* Episcopuſ Havelbergenſis, qui tũm Conſtantinopoli *Lotharii II.* Imperatoris Occidentis Legatuſ agebat, habuit de Spiritu Sancti proceſſione, eique Colloquio interfuert Imperator, Patriarcha, & quotquot in Urbe Regia Conſtantinopolitana morabantur viri eruditione conſpicui. Græcorum cauſam tutabatur *Nichites*, ſive *Nicetas* Nicomediendiſis, qui, poſt multa hinc inde obiecta & reſponſa abſque cavillis aut rixandi prurigine, ultrò faſſuſ eſt, Latinorum dogma de proceſſione Spiritu Sancti à Patre, Filioque haud abſonum eſſe, aſſeruit attamen, hanc fidei profeſſionem non eſſe apponendam ſymbolo citrà univerſalis Synodi decretum. Extant collationes quas *Anſelmus* Episcopuſ Havelbergenſis habuit Conſtantinopoli cum Græciſ tomo 2. Spicilegii Dacheriani. Cæterũ, quãvis *Joannes Comnenuſ* Orientis Imperator vehementer optaverit Græcoſ ad gremium & ſubjectionem Eccleſiæ Romanæ reducere, id tamen perficere haud potuit. Fuit optimuſ Princepſ, in domeſtico apparatu modeſtuſ, veræ gloriæ cupiditate illuſtriſ, moribuſ probuſ, munificentia claruſ, à menſarum, veſtiumque luxu omninò alienuſ, tantâque in Deum, & B. Virginem pietate, ut poſt debellatoſ Scythas, Hunnoſ, Servioſ, & Perſarmenoſ triumphoſ honorem Beatiffimæ Virgini Mariæ decreverit. Hunc triumphuſ deſcribit *Nicetas Choniates* in Annalibuſ, aitque, quadrigaſ à quatuor equiſ tractaſ fuiſſe, & currum argento in-



interpunctum non Imperatorem conscendisse, sed Dei Genitricis Imaginem in eo collocasse, cui *vi-*  
*ctorias, ut Collegæ Imperii invictæ, acceptas ferebat.*  
 Qua in re *Joannes Comnenus* imitatus est alterum  
 Orientis Imperatorem, videlicet *Joannem Zimi-*  
*scem*, qui, ut tradunt *Curopolata*, & *Zonaras*, devictis  
 Bulgaris, ita triumphum duxit, ut totam rerum  
 benè gestarum gloriam Deiparæ adscripserit, cu-  
 jus Imaginem in curru collocatam ipse subsecutus  
 est. Post tot præclara gesta, *Joannes Comnenus*  
 dum in Ciliciâ versatur, & aprum inter venandum  
 insequitur, cuspide sagittæ veneno illitæ manum  
 perstrinxit, ex quo vulnere neglecto, & paulatini  
 grassante veneno, occubuit anno MCXLIII. post-  
 quam imperasset annos xxiv. menses septem, ut te-  
 stantur plerique è Græcis. Duos superstites reli-  
 quit filios *Isaacium*, & *Manuelem*. Juniorem, scili-  
 cet *Manuelem*, utpotè moderatâ, atque ad clemen-  
 tiam proniore indole præditum, prætulit majori,  
 natu *Isacio*, iræ impotentis viro, eumque, accerfi-  
 tis Imperii Magnatibus, sibi successorem, ante-  
 quàm moreretur, designavit, sicut scribit *Cinnamus*  
 Scriptor Græcus, vulgò Grammaticus dictus, in  
 fine libri primi Historiæ duorum Imperatorum By-  
 zantinorum è Familia Comnena, *Ioannis* nimirum  
 & *Manuelis*, quam ab anno MCXVIII. usque ad an-  
 num MCLXXVI. concinnavit. Porro, singularem mo-  
 destiam prodidit *Manuel Comnenus* dum ad succes-  
 sionem Imperii fuit à patre suo designatus; quip-  
 pè qui, cum esset natu minor, naturæ leges reveri-  
 tus, demissis oculis, pronoque in pectus capite, profusis  
 lachrymis pavementum rigavit. Chlamydem tamen  
 induens, sumptoque diademate, ab universo exercitu

*Imperator proclamatur*, inquit *Cinnamus* loco mox à me laudato. Anno itaque MCXLIII. Imperium adeptus *Manuel Comnenus*, ut Principatum firmaret, *Istaacium* fratrem natu majorem in Monasterio reclusit. Uxorem duxit *Bertham*, sororem uxoris *Conradi* Regis Germaniæ, quam ob eximias animi & corporis dotes commendant *Cinnamus* laudatus, & *Nicetas Choniates* lib. I. Verùm, *Manuel Comnenus* Imperator neglectâ *Bertha*, cum propria nepte incestu se polluit. Aliam postea duxit uxorem, *Mariam* videlicet *Raymundi* Principis Antiochiæ filiam, ex qua *Alexium* suscepit. In bello multa præclare gessit, sed perfidiæ notâ infamis fuit. Nam *Henricum Dandulum*, allosque Venetorum Legatos excæcavit; *Conradi* Germaniæ Regis exercitum per Bosphorum in Asiam trajicientem pluribus damnis affecit, calcem præcipuè gypsumque farinæ immiscens. *Ludovicum* Galliæ Regem ex Asia redeuntem navibus interceptit, qui mox à *Rogério* Siciliæ & Calabriæ Duce armorum vi liberatur. Italos contra *Fridericum Ænobarbum* Imperatorem concitavit. Legatos Beneventum ad *Alexandrum III.* Pontificem Maximum misit, promittens, se Ecclesiâ Græcam cum Romana juncturum & ipsum à molestia, quâ tum Pontifex à *Friderico* Imperatore vexabatur, liberaturum, si Corona Imperii Occidentalis ab ipso donaretur, quam postulationem *Alexander III.* inquit *Sigonius* lib. 15. *Historiæ Regni Italiæ*, ut parùm Reipublicæ utilem ex Cardinalium sententia reprobavit. In Monachos parum propensus fuit *Manuel* Imperator, quos non in urbibus & locis frequentatis habitare, sed ad Antea, & Montium cacumina ablegari debere dictabat.

bat . Ad Armenos variis infectos erroribus misit *Theorianum*, ut eos ad veram fidem & Ecclesię Gręcę ritum revocaret, quod egregiè ac feliciter præstitit *Theorianus* , atque post varias disceptationes, quas cum Armenorum Patriarcha habuit , tandem obtinuit, ut Armeni, abjectis erroribus, veritatem amplecterentur , & cum Ecclesia Constantinopolitana unirentur , sicut fusè prosequitur ipsemet *Theorianus* in *Gestis suę Legationis* , & in *Dialogo* à se edito *Orthodoxi cum Catholico*, idest , cum Armenorum Patriarcha, qui extat tomo 1. Biblioth. Patrum Gręco-Latinę . In Ecclesiam Romanam propensum fuisse *Manuelem Comnenum* Imperatorem, ex eo liquet, quòd , eo annuente , *Hugo Etherianus* tres libros pro dogmate Latinorum de processione Spiritus Sancti à Patre , Filioque conscripserit, in quibus præcipuos è schismaticis Auctores copiosè & eruditè confutavit , puta Nicomeniæ Aristitem , Nicolaum Methonensem , Nicetam Byzantinum, quem Philosophum appellat, *Theophylactum*, & *Photium* . Obiit *Manuel Comnenus* Imperator anno MCLXXX. cum paulò ante Monachi habitum induisset , & *Matthæi* nomine donatus fuisset. Imperavit annos xxxvii. menses quinque , dies viginti tres . Eo defuncto , ut rectè scribit *Leo Allatius* lib. 2. *De Consensu Ecclesia Orientalis , & Occidentalis* capite decimo tertio, Gręcorum Imperium quotidie in pejus ruere cępit , tum propter Occiduas atque Orientales Barbarorum incursiones, tum propter mollitiem ac tyrannidem imperantium continuis cędibus ac fraudibus sese mutuò prodentium ; tum ob Ministrorum avaritiam , tum etiam ob frequens Magnatum & ambitiosorum homi-

mi-



minum rebelliones . Religio quoque ipsa cum Imperio, in tanta rerum vicissitudine, tristi ruina convelli visa est, cum non ratio & decor, sed malevolentia & rabies, animis perturbatis & in furorem actis, omnia dirigerent . Tunc enim summa cum infimis, divina cum prophanis, recta cum improbis commixta . Christiani licet nomine, non Ecclesiæ dogmata, sed cædes & sanguinem adversariorum anhelabant . Accessit ad tot malorum cumulum infirma ætas *Alexii*, qui annorum duodecim puer patri suo *Manuelli Comneno* in Imperium successit, eique in tutorem *Andronicus* ejus patruelis datus est . Sed *Andronicus* pravâ imperandi libidine percitus, primò Imperatoris *Alexii* matrem suffocari jussit, dein, ipsummet Imperatorem nervo arcus per noctem à sicariis strangulari, ipsiusque corpus in mare projici curavit anno MCLXXXIII. Hac violentâ morte raptus est juvenis *Alexius* Imperator anno ætatis suæ decimo quinto, Imperii verò anno tertio . Nec solum in juniorē *Alexium* Imperatorem, ejusque matrem crudeliter sæviit *Andronicus* ut Imperium usurparet, sed etiam Græcos excitavit in Latinos, & Francos, qui Constantinopoli degébant, sciens Francos junioris *Alexii* majestatem imperiumque tueri, quòd *Agnetem* filiam *Ludovici VII.* Galliarum Regis uxorem duxisset . Græci itaque ab *Andronico* animati irruunt in Latinos & Francos, & quotquot inveniunt, trucidant, aut urbe proturbant, sicut fusè describit *Willelmus* Archiepiscopus Tyrius lib. 22. cap. 12. Tot cædibus infamis *Andronicus* Imperium usurpavit, illudque tyrannicâ dominatione exercuit . *Niceam* siquidem & *Prusam* in Asia expugnavit, ubi immanissimâ sævi-

tiâ debacchatus est in Cives. Crudelitatem quoque Constantinopoli exercuit adversus nobiles, familiares, cognatos & affines suos. Truculentum de omnibus seditiosorum cognatis, quamvis infantibus, de medio tollendis iniit consilium, ac fennale promulgavit edictum. *Agnetem* filiam *Ludovici VII.* Galliarum Regis, undecim annorum adolescentulam sibi matrimonio junxit provectâ jam ætate *Andronicus* Imperator, sed eâ non contentus salacissimus ille senex, & meretricum amore captus, totum sese fœditissimis voluptatibus dedit. Fertur etiam, hunc Imperatorem semper in cubili suo pro excubiis habuisse canem validissimum, qui & cum leonibus pugnabat, & armatum hominem prosternebat. Rapto tam injustè imperio diu *Andronico* frui non licuit. Ille quippe, dùm *Isaacio Angelo* necem molitur, à furente plebe captus est, multisque tormentorum & ignominiarum generibus affectus. Sed tot inter supplicia ac verborum ludibria dicitur, *Andronicum* Imperatorem, tandem aliquandò ad pœnitentiam conversum, sæpiùs pias istas voces ingeminasse: *Domine miserere*, ac plebem hisce verbis, *quid calamum contritum infringitis?* inflectere ac emollire studuisse, sed frustrâ. Periit biennio duntaxat potitus Imperio anno MCLXXXV. Extat *Andronici* Imperatoris *Dialogus contra Judæos*, quem *Sirletus* Cardinalis autumavit, eo tantùm jubente Imperatore, ab *Euthymio Zigabeno* compositum fuisse. Verùm *Lambecius* tomo quinto Biblioth. Cæsareæ pag. 170. demonstrat, *Andronicum* Imperatorem hujus *Dialogi* verum esse parentem, eumque eximiâ eruditione, singulari eloquentiâ, & exquisitâ Scripturæ Sa-

cræ



cræ scientiâ excelluisse . Infertus est hic *Andronici* Imperatoris Dialogus TomoXIV. Biblioth. Patrum Editionis Coloniensis. Occiso *Andronico*, salutatus est Imperator *Iſaacius Angelus*, qui *Andronici* filios excæcavit, in templa resque sacras nonnunquam impius & avarus, nonnunquam in eadem templa & Monasteria liberalis fuit, indèque factum, ut nonnulli Scriptores pium, justumque Principem ipsum dicant, nonnulli verò illum ceù avarum, ignaum, & luxui deditum depingant. Sicularum classem vicit, ac terrestrem etiam dissipavit exercitum, captis etiam eorum Ducibus *Richardo*, & *Balduino*, *Cyprum* tamen ab *Iſaacio Comneno* tyranno frustrà classe repetiit. *Branam Alexium*, qui ejus Imperium invadere moliebatur, jamque Byzantium oppugnabat, debellavit, sed victoriâ haud moderatè usus est, siquidem capiti *Branæ* ad se inter epulas delato insultavit, illudque captivæ ipsius uxori exhiberi jussit. Cum *Mysis*, seu *Walachis* haud prosperum bellum gessit sæpius ab illis victus. *Fredericum*, à barba rufa *Ænobarbum* dictum, Occidentis Imperatorem, per *Thraciam*, *Asiamque*, *Palæstinam* petentem intercludere conatus est & magno suo damno illius in se arma concitavit. Oculis tandem & imperio *Iſaacius Angelus*, natus annos quadraginta, à fratre suo *Alexio Angelo* privatus est anno MCXCV. & in carcerem conjectus, ex quo, ut mox dicemus, à filio suo *Alexio* ereptus est. Eodem anno *Alexius Angelus*, frater *Iſaacii*, Imperium obtinuit. Gentilitium *Angeli* nomen repudiavit, & *Comneni* cognomen assumpsit. Uxorem habuit *Euphrosinam*, fæminam, superbam, querulam & impudicam, sed virili

virili animo, & ad res gerendas supra sexum capaci præditam. Ipse verò Imperator voluptatibus deditissimus fuit, ac in suos asseclas profusissimus, sed indè ex nummorum indigentia factus ad avaritiam pronus, vectigalium auxit exactiones, Magistratus vendidit, ita ut hominum quisquiliæ ad summas dignitates eveherentur. Sacra aurea, & argentea donaria ab Ecclesiis postulavit, & effossis Imperatorum Sepulchris, pretiosa quæque ornamenta detraxit. *Alexium*, filium fratris sui *Iſaacii*, in vincula conjecit, qui tamen ex iisdem elapsus confugit ad Venetos, qui, valido exercitu, largisque opibus ac subsidiis suppetias juveni *Alexio* tulere, unàque cum aliis fæderatis Principibus, *Alexium* ejus patruum deturbarunt Imperio, quod per annos octo, menses tres, & dies octo tenuerat, eodemque anno, seu millesimo ducentesimo tertio, *Alexius* filius *Iſaacii Angeli* Orientis Imperium obtinuit, sibi que patrem suum *Iſaacium Angelum*, quem *Alexius* senior excæcatum in exilium detruserat, Collegam fecit, rursusque Imperii gubernaculis admovit, sicut opportunius ostendemus in Colloquio primo in Historiam insequentis sæculi.

D. Quid gesserunt Latini in Oriente, quem ve exitum habuerunt tot Expeditiones, quas contra Turcas in Palæstina duodecimo Ecclesiæ sæculo susceperunt Crucesignati?

M. Rerum omnium in Bello sacro gestarum accuratissimam Historiam descripsit *Willelmus* Tyrius Archiepiscopus ab anno mxcv. quo Concilium Claromontanum sub *Urbano II.* Pontifice Maximo celebratum est, usque ad annum.

MCLXXXIV. Sed quia nimis longum esset omnia, quæ in hoc Bello sacro à Latinis gesta sunt, singillatim recensere, ea summatim compendiosâ narratione hîc attingere sufficiet. In primis, anno millesimo nonagesimo quinto multi è Gallis & Germanis Proceres, hortante *Urbano II.* Pontifice Maximo, & ductore *Godefrido Bullionio*, Bellum sacrum susceperunt, in Orientem penetrarunt anno millesimo nonagesimo sexto, Hierosolymam, devictis Turcis, expugnarunt, anno millesimo nonagesimo nono, & confestim Regem Hierosolymitanum acclamarunt *Godefridum Bullionium*, Principem omnibus numeris absolutum, qui præ singulari, quâ pollebat, modestiâ, titulum Regis averfatus, non nisi spineâ coronâ in templo Resurrectionis ad ipsum Christi Domini Monumentum inaugurari voluit. Mortuus est *Godefridus Bullionius* anno millesimo centesimo, & successorem in Regnum Hierosolymitanum habuit *Balduinum* hujus nominis primum, fratrem suum germanum, qui Ptolomaidem, & Tripolim cepit, & post varias de Saracenis reportatas victorias obiit anno MCXVIII. & sepultus est in *Golgota juxta Godefridum Regem germanum suum*, inquit *Fulcherius lib. 2.* Historiæ Hierosol. Post obitum *Balduini* hujus nominis I. Hierosolymorum Regis, alterum *Balduinum* Hierosolymorum Regem Latini elegerunt, Comitem videlicet Edeffenum, Regis *Balduini* defuncti cognatum. Hic *Balduinus* hujus nominis II. & inter Latinos Hierosolymorum Reges ordine tertius, à Saracenis captus fuit anno millesimo centesimo vicesimo tertio, sed anno sequenti in libertatem assertus est, sicut scribit idem *Fulcherius*

Car-



Carnotensis, qui tunc Hierosolymis erat. Instituit *Baldwinus* hujus nominis II. Hierosolymorum Rex, Templariorum Ordinem Equestrem, de quo disserendi in Colloquio sexto opportunior se se dabit occasio. Mortuus est *Baldwinus* hujus nominis II. Hierosolymorum Rex anno millesimo centesimo trigesimo primo, eique successit *Fulco* ipsius gener, Comes Turonensium, Cenomanensium, & Andegavensium. *Willelmus* Tyrius Archiepiscopus lib. XIII. cap. ult. & lib. XIV. cap. I. ait, *Fulconem*, uxore suâ defunctâ, Hierosolymam venisse, & *Balduni* hujus nominis II. Hierosolymorum Regis gratiam, & universorum Principum amicitiam sibi conciliasse, cumque ad proprios lares regressus fuisset; à *Balduino* II. Rege, Hierosolymam vocatum fuisse, qui ei filiam suam primogenitam, *Milisendam* nomine, matrimonio copulavit, & ad Regni Hierosolymitani successionem destinavit. Hospitalariorum, seu Equitum, S. Joannis Hierosolymitani Ordinem instituit *Fulco* Hierosolymorum Rex, cujus Ordinis, qui etiam nunc toto orbe percelebris est, originem, progressum, ac præclara in Ecclesiam promerita commodius in sexto Colloquio expendemus. Excessit è vivis *Fulco* Hierosolymorum Rex anno millesimo centesimo quadragesimo secundo, duosque superstites liberos adhuc impuberes reliquit, *Baldunum* videlicet annorum tredecim, & *Almaricum* annorum septem. Quapropter, mortuo *Fulcone*, Regni Hierosolymorum potestas resedit penes *Milisendam* Reginam, cui jure hæreditario competebat, sicut scribit *Willelmus* Tyrius Archiepiscopus in fine libri XV. qui initio libri insequentis



tis ait, *Fulconi* Hierosolymorum Regi successisse  
*Balduinum* præfatum hujus nominis III. juvenem  
 formæ admirabilis, cui mentis quoque benè con-  
 stitutæ respondebat habitus. Regnavit autem  
 Hierosolymis *Balduinus* hujus nominis III. unâ  
 cum matre sua *Milifende*, ad quam S. Bernardus  
 quatuor scripsit Epistolas, nempe Epistolam  
 CCCLIV. quâ eam monet, qualiter, mortuo viro  
 suo, se se gerere debeat; Epistolam CCCLV. quâ *Præ-*  
*monstratenses* Hierosolymam peregrinantes comen-  
 dat & pluribus laudat; Epistolam CCCLVI. quâ eam  
 hortatur ita vivere, ut perpetuò regnet; & Epi-  
 stolam CCLXXXIX. Hierosolymis regnante *Baldui-*  
*no* hujus nominis III. capta est à Turcis anno  
 MCXLIV. celeberrima urbs Edessa, factaque hor-  
 renda in Oriente Christianorum strages. Hinc La-  
 tini ad extremas redacti angustias Legationem  
 ad *Eugenium* III. Pontificem Maximum miserunt,  
 præsentissimum implorantes auxilium. Ad pie-  
 tatem motus Pontifex, ut periclitantibus in Ori-  
 ente Latinis suppetias ferret, usus est operâ & elo-  
 quentiâ Sancti Bernardi Abbatis Clarævallensis,  
 qui in Germania & Gallia *Cruciatam* prædicans,  
 induxit *Conradum* Imperatorem Occidentis, &  
*Ludovicum* VII. Galliarum Regem, ut in Orientem  
 proficiscerentur. Ad sacram itaque militiam *Con-*  
*radus* Imperator, & *Ludovicus* VII. Galliarum Rex,  
 postquam à S. Bernardo Crucem accepissent, ingenti  
 cum exercitu profecti sunt anno MCXLVII. At  
 utriusque infauſta fuit expeditio. *Conradus* siqui-  
 dem Occidentis Imperator totum penè in Oriente  
 amisit exercitum ob malas artes & perfidiam  
*Manuelis Comneni* Orientis Imperatoris, qui, ut  
 jam

jam observavimus, ad delendum *Conradi* exercitum calcem, & gypsum de industria farinæ immiscuit. *Ludovicus* verò Galliarum Rex irritis conatibus obsedit Damascum, & ab eâ expugnandâ, quorumdam proditione Ducum, quos Barbari pecuniâ corruperant, impeditus est. Quare, & *Conradus* Imperator Occidentis, & *Ludovicus VII.* Galliarum Rex, rebus in Oriente infelicitè gestis, sua relegere vestigia, demùmque inglorii redire coacti sunt anno MCXLIX. *Gaufredus* Prior Vosiensis in Chronico apud *Labbeum* Tomo II. Bibliothecæ de magno illorum Principum exercitu ait: *Exercitus ille nihil omninò proficit, quia indisciplinatè habuerunt; quapropter multi defecerunt, innumerabilesque perierunt propter iniquitatem suam; thesauros Ecclesiarum falsa promittentes vadimonia ante iter auferebant, & infirmam plebem diris exactionibus affligebant, pompaticè secuti sunt & superbi humilem Christum, & errarunt frustra à justo humillimo.* Hi omnes vix quamdam cepere civitatem, cùm foret, excepto Rege & Imperatore, Principum Provincialium numerus innumerus. Hanc Expeditionem in Palæstinam *Conradus* Imperator Occidentis, & *Ludovicus VII.* Galliarum Rex susceperunt, dum Hierosolymis regnaret *Balduinus* hujus nominis III. qui anno MCLXII. viam universæ carnis ingressus, *Amalricum* fratrem suum Hierosolymorum Regni hæredem instituit. *Amalricus* autem Regnum Hierosolymorum tenuit usque ad annum MCLXXIII. Quo anno mortuus est, eique successit *Balduinus* hujus nominis IV. ejus filius. Sub hoc *Balduino* Hierosolymorum Rege præclaram Crucesignati de *Saladino* totius Ægypti Principe anno

MCLXXVII. victoriam reportarunt, quam *Willelmus* Tyrius Archiepiscopus lib. 21. cap. 23. alique referunt. At *Saladinus* anno MCLXXX. Crucesignatos aggressus, cruentam illorum edidit stragem, *Balduino* Hierosolymorum Rege, de casu tam periculoso, ut inquit idem *Willelmus* Tyrius, vix à suis erepto. De hac Christianorum clade certior factus *Alexander III.* Summus Pontifex, scripsit ad Christianos Principes, nec non ad universos, Catholicæ communionis Antistites, eosque summopere hortatus est, ut Terræ Sanctæ subsidio essent. Interea, Res Christianorum in Oriente in pejus ruebant, cùmque *Saladinus* anno MCLXXXIV. totum Regnum Hierosolymitanum igne ac ferro devastaret, ad extremas redactus angustias *Balduinus* hujus nominis IV. Hierosolymorum Rex misit eodem anno *Heraclium* Patriarcham Hierosolymitanum cum Magistris Templariorum ac Hospitaliariorum ad *Lucium III.* Papam, & ad Reges Franciæ & Angliæ, ut auxilium necessarium, ad retundendos *Saladini* contra Christianos impetus impetrare possent. Sed anno sequenti seu MCLXXXV. cùm obiisset *Balduinus* hujus nominis IV. Hierosolymorum Rex, in ejus locum successus est ejus ex sorore *Sybilla* nepos adhuc puerulus, dictusque *Balduinus* hujus nominis V. qui tamen eodem anno mortuus est, eique in Regnum Hierosolymitanum successit *Guido de Lusiniaco* Comes Joppensis qui *Sybillam*, matrem *Balduini V.* habebat in conjugem. Hic *Guido* fuit nonus & ultimus è Latinis Hierosolymorum Rex. Eo quippe Hierosolymis regnante, *Saladinus* victoriis suis elatus, & enatis inter Christianos diffidiis opportunè usus, in Palæstinā irruit



ruit anno MCLXXXVII. commisso cum illis prælio, Crucem Domini, & *Guidonem* Hierosolymorum Regem cepit, Hierosolymam expugnavit, sacra loca profanavit, Mahumeticam Religionem introduxit, Latinos inde expulit, & Græcis, Syrisque Christianorum reliquiis ægrè aliquam adhuc Hierosolymis stationem concessit. Sic, proh dolor! Hierusalem Civitas illa Sancta, quam Latini anno MXCIX. Sub Pontificatu *Urbani II.* à Turcis ereptam in suam potestatem redegerant, recidit in manus Turcarum anno MCLXXXVII. sub Pontificatu *Urbani III.* Famâ hujus cladis Hierosolymitanæ in Europam perlatâ, varii consurgunt Reges & Proceres ad recuperandam Terram Sanctam proni. *Guido* antea Hierosolymorum Rex, è captivitate à *Saladino* dimissus, omnes, quas habuit residuas, opposuit vires, quæ tanto reprimendo tyranno impares fuerunt. *Fridericus* Occidentis Imperator, dictus *Ænobarbus*, seu *Barbarossa* Belum *Saladino* ad Hierosolymam ab illius tyrannide eripiendam indixit, & accepto ab *Henrico* Episcopo Albanensi S. R. E. Cardinali Crucis Insigni, cum ingenti exercitu in Orientem profectus est anno MCLXXXIX. Post varia, quæ in itinere incommoda passus est *Fridericus* Imperator, in Orientem appulit, & ex aliquot victoriarum, quas de Turcis retulit, faustis ominibus, feliciter rem confecturus videbatur. Sed dum in amne *Serra*, per æstivos calores corpus lavat, vortice, seu undæ torrente abreptus naufragium fecit anno MCXC. Sicque ea *Friderici* Imperatoris Occidentis in *Saladinum* Expeditio felici exitu caruit. Nec secundam magis fortunam nacta est altera sacra Expeditio,



ditio, quam in eundem *Saladinum* duo Christiani fœderati Reges, nimirum *Philippus Augustus* Galliarum Rex, & *Richardus*, cui cognomen *Cor Leonis*, Angliæ Rex, anno millesimo centesimo nonagesimo aggressi sunt. Feliciter quidem duo illi Franciæ, & Angliæ Reges anno millesimo centesimo nonagesimo primo expugnarunt *Acconem*, seu *Ptolomaidem*, quæ hodie dicitur, *Saint Jean d'Ancre*, eò quòd Equites Sancti Joannis Hierosolymitani ibi sedem per multos annos habuerint. Est etiam emporium à Gallis nunc maximè frequentatum. Verùm, post expugnatam *Ptolomaidem*, *Philippus Augustus* Franciæ Rex causatus aeris intemperiem, in Gallias reditum decrevit. *Richardus* verò Angliæ Rex de Christianæ rei promotione in Syria, ob Christianorum Ducum dissensionem, desperans, pactis cum *Saladino* in triennium induciis, è Palæstina discessit. Hunc infautum habuerunt exitum sacræ illæ Expeditiones, quas ad Hierosolymam, ac Terram Sanctam recuperandam duodecimo sæculo susceperunt Christiani, qui magis perfidiâ Græcorum, suisque intestinis dissensionibus, quàm Saracenorum, seu Turcarum vi collisi, Hierosolymæ, Sepulchri Domini, & Regni jacturam fecerunt, nec hætenùs, proh pudor! repararunt.

D. De rebus in Oriente sæculo duodecimo gestis satis hætenùs diximus. Quapropter hæreamus nunc in Occidente, & in primis differamus de statu Ecclesiæ sub Imperatoribus Occidentis, quorum seriem, ut benè memini, terminasti in *Henrico* inter Reges Germaniæ hujus nominis IV. sed inter Imperatores hujus nominis III.

M. Postquàm *Henricus* inter Reges Germaniæ-

niæ hujus nominis IV. à filio suo *Henrico* privatus Imperio & in carcere detentus, curis & ærumnis confectus obiisset anno MCVI. *Henricus* ejus ex *Bertha* filius, & inter Reges Germaniæ hujus nominis V. & inter Imperatores IV. summâ rerum potitus est. Hic in Sedem Romanam paternæ hæres violentiæ, cujus tamen, antequam adipisceretur Imperium, ultorem se professus fuerat, Ecclesiam diù multùmque exagitavit. Romam quippe anno millesimo centesimo undecimo cùm exercitu veniens *Paschali II.* Pontifici Maximo vim intulit, ab eo *Investiturarum*, de quibus tantum certamen erat exortum, privilegium extorsit, & Imperii Insigna suscepit. Testatur *Ordericus Vitalis* Monachus lib. x. Hist. Eccl. pag. 762. plures Cardinales, & Prælatos Ecclesiarum ægrè admodum tulisse, quòd istud *Investiturarum* Privilegium, contra canones, & prædecessorum Pontificum Decreta *Henrico* Imperatori concessisset *Paschalis II.* *asserebant enim*, ait ille scriptor, *quòd veritate & justitia debuisset mori* (seu *Paschalis II.*) *& usque ad mortem innocenter Christum sequi, satiusque malè vincula & flagra perpeti, quàm aliquid contra jus & statuta Patrum potestati annuere sæculari.* Verùm, ut obiter dicam, excusatione dignus est *Paschalis II.* tum quia animum illius Summi Pontificis in suis propriis malis & calamitatibus intrepidum, aliorum captivorum vexatio, Urbis Romæ, quam *Henricus* Imperator continuis incursibus infestabat, evidens periculum, schismatis denique scandalum, quod Ecclesiæ imminebat universæ, ad annuendum *Henrici* Imperatoris votis, eique Privilegium *Investiturarum* concedendum

dum inflexerunt; tum quia etiam *Paschalis II.* Pontifex Maximus, cui Jurium Ecclesiasticorum conservatio vitâ erat antiquior, hoc *Investiturarum* Privilegium *Henrico* Imperatori concessum revocavit in Concilio Lateranensi à se anno *MCXII.* congregato, ubi omnia suorum Prædecessorum, lata contra *Investituras* Decreta innovavit, seque eis constantèr adhærere palàm professus est. Post *Paschalis II.* Summi Pontificis obitum, qui incidit in annum millesimum centesimum decimum, octavum, *Henricus* Imperator Romam iterum venit, *Gelasium II.* suffectum in locum demortui *Paschalis II.* ex Urbe egredi compulit, & pacem ab ipso minis & terroribus extorquere conatus est, extrema quæque intentans, nisi pacis securitatem daret, ac juramento firmaret. At *Gelasius II.* Pontifex Maximus Deum magis, quàm Imperatorem timens, nihil omninò in Controversia de *Investituris* innovavit, & à Decessorum suorum, Decretis ne latum quidem unguem deflexit. Eâ *Gelasii II.* Constantiâ irritatus *Henricus* Imperator, ei *Burdinum* quemdam, quem alii vocant *Mauritium*, Episcopum olim Braccarensem, Antipapam opposuit, eumque dictum *Gregorium VIII.* in Sedem Romanam violenter intrusit. Mortuo *Gelasio II.* anno millesimo centesimo decimo nono successit in Sede Pontificia *Callixtus II.* Qui statim post inaugurationem suam Concilium indixit Remis in Gallia celebrandum, & ad *Henricum* Imperatorem Legatos misit, ad pacem Imperii & Sacerdotii, si fieri posset, conciliandam. Propensum ad pacem animum non solum exhibuit Imperator, sed etiam pacta conuenta sibi à Legatis Sum-



Summi Pontificis oblata ultrò suâ subscriptione Firmavit. Sed cùm in eorum executione moras consultò traheret, ac novas inducias postularet, nolletque Investituras per Annulum, & Baculum Pastoralem dimittere, cum ceù pertinacem *Callixtus II.* in Concilio Remensi excommunicatione feriit, dirisque devovit. Tùm *Henricus* Imperator cernens, se paulatim à suis destitui, paternæ calamitatis exemplo territus, ad officium rediit, omnia, quæ per tyrannidem expresserat, rescidit in Generali Conventu Wormatiensi, ac tandem, Controversia de Investituris composita est in Concilio Lateranensi I. quod est Oecumenium IX. Imperator Investituras Episcopatum & Abbatiarum per baculum & Annulum dimisit, & Canonicas Electiones liberè fieri permisit. Ecclesia verò concessit, ut Electiones præsentè Imperatore fierent, & si qua inter Electores exoriretur discordia, ipse saniori parti assensum auxiliumque præberet, Metropolitani & Comprovincialium Episcoporum judicio vel consilio: Electus autem Episcopus vel Abbas Regalia ab Imperatore, non per Annulum, & Baculum Pastoralem, sed per sceptrum reciperet. Hoc modo Ecclesiæ pax redita est anno millesimo centesimo tertio, quo celebratum fuit Concilium Generale Lateranense I. ut copiosius in Colloquio quarto agendo de Conciliis ostendemus. Acer ingenio, fortis & audax fuit *Henricus* Imperator, sed parùm felix in præliis. Bellum siquidem sub initium Imperii sui cum Polonis hæud secundo Marte gessit. Alterum quoque anno mxcv. cum Saxonibus, à quibus paritèr penè attritus est, & denique sub finem vitæ suæ,



hoc est anno mcxxiv. collegit exercitum in *Ludovicum* Regem Galliarum Christianissimum, ut *Henrico* Angliæ Regi, cujus filiam *Mathildem* uxorem duxerat, pro vindicanda Normannia opem ferret. Sed Francorum ingenti exercitu ad congressum parato absterritus, pedem retulit, ad frangendam wormaltiensium rebellium conversus audaciam. Obiit *Henricus* Imperator anno mcxxv. Regni sui xx. Imperii verò xiv. & Spiræ sepultus est juxta corpus Patris sui, quod, teste, Abbate Uspergenfi, insepultum extra Ecclesiam solido quinquennio remanserat, & tandem concedente *Paschali II.* Sacerdotibus Germanis assidentibus, ipsum peccatorum suorum pœnitentem obiisse, Christiano ritu sepulturæ mandatum est. Mortuo absque liberis *Henrico* Imperatore, Germaniæ Regnum in *Lotharium* hujus nominis II. Saxonum Ducem, invitum licet ac repugnantem, Electorum suffragiis translatum est anno mcxxv. Fuit Princeps religiosus, pius, justitiæ amans, litterisque ita addictus, ut, sicut nonnulli referunt, ad concitandos legum scientiæ studiosorum animos, Doctoratus & Magisterii gradus in Academiis invexerit, primamque fuisse tradunt Bononiensem, in qua legum libri legi cæperint. Sub initium Regni sui *Fridericum* & *Conradum* Imperatoris *Henrici* ex sorore nepotes æmulos habuit *Lotharius*, quos tamen feliciter repressit, eisque ob contumaciam *Honorius* hujus nominis II. Papa sacris interdixit, & *Anselmum* Archiepiscopum Mediolanensem, qui *Conradum* ad Imperium aspirantem coronaverat, excommunicavit. Bis in Italiam venit *Lotharius*, primò in eam ducto exercitu

citu anno MCXXXIII. Contra *Rogerium* Siciliæ Comitē, & Apuliæ, Calabriæque Ducem, qui expulso *Innocentio II.* legitimo Pontifice, in Sede Apostolica collocaverat *Petrum Leonis* Antipapam, dictum *Anacletum II.* qui, ut *Rogerium* sibi magis devinciret, titulum Regium ei indulgit. At *Lotharius* *Rogerium* in ordinem redegit, *Anacletum* Pseudo Pontificem expulit, & *Innocentium II.* in Sedem restituit, à quo Imperialem Coronam eodem anno MCXXXIII. accepit. Inde *Lotharius* in Germaniam redux, *Fridericum*, & *Conradum*, pacem conciliante *S. Bernardo* Clarevallensi Abbate, in gratiam recepit. Alteram in Italiam militarem expeditionem anno MCXXXV. suscepit *Lotharius* Imperator contra *Rogerium* Ecclesiæ hostem, quem armis adeò insecutus est, ut Campaniā, & Apuliā subactis, eum ex Italia fugere compulerit, & *Rainulphum* Apuliæ Ducem constituerit. Orta eam ab rem contentio est Pontificem inter & Imperatorem, utroque videlicet Ducatum Apuliæ sui juris esse asserente. Sed hæc discordia statim sopita est, quia, ut ait *Falco* Historiæ Beneventanæ Scriptor, electo in Ducem Apuliæ Comite *Rainulpho*, viro prudenti & discreto, qui *Mathildem* sororem *Rogerii* uxorem duxerat, vexillum ad honorem Ducatus, Apostolicus, seu *Innocentius II.* Papa, & Imperator *Lotharius* in conspectu omnium ei tradiderunt, & confirmaverunt. Dùm ex Italia in Germaniam rediret *Lotharius* Imperator, apud Tridentum morbo correptus est, & apud *Bredunvillam* in finibus Alpium constitutam, sicut apud *Baronium* testatur Chronographus Magdeburgensis, mortuus est, non anno MCXXXVIII. ut affir-

affirmat *Baronius*, sed anno *mcxxxvii*. ut tradunt *Robertus de Monte*, *Dodechinus Abbas*, *Continuator Lamberti Scafna burgensis*, *Chronographus Hildensheimensis*, & alii passim. Defuncto absque liberis Imperatore *Lothario*, in Conventu generali Principum *Moguntia* anno millesimo centesimo tricesimo octavo *Conradus* hujus nominis *III*. *Sueviae Dux*, & *Henrici IV*. Imperatoris ex sorore nepos electus est Rex Germaniae, qui tamen vulgò Imperator dictus fuit, licet coronam imperialem nunquàm acceperit, quòd ejus tempore Italia, ipsaque Roma Bellis civilibus arderet. Hic ille est *Conradus*, qui, ut mox dicebamus, ab *Honorio II*. Pontifice Maximo fuerat excommunicatus, quòd *Lotharii* Imperii æmulus esset, & ab *Anselmo* Mediolanensi Archiepiscopo fuisset coronatus. Sed postea cum *Lothario* reconciliatus *Conradus*, ejusque in Regno Germaniae successor, optimum Principem se se exhibuit, multa prudentiae & clementiae exempla præbuit, pluresque Germaniae civitates instauravit & exornavit. *Henricum* superbum Saxoniae ac Bavariae Ducem, ejusque fratrem *Guelphum* rebelles ac tumultuantes representit. Hinc prodire id temporis celebres illae *Guelphorum*, *Gibellinorumque* Factiones. Hostibus Imperatoris inditum est *Guelphorum* nomen, hi verò, qui Imperatori favebant, appellati sunt *Gibellini*, ab urbe *Geblinga*, in qua *Conradi* filius *Henricus*, qui pro patre contra *Guelphum* pugnabat, fuerat ablactatus, ut notat *Naclerus* Tom. 2. Chronici Generatione xxxviii. ubi etiam observat, quòd commissio prælio inter *Henricum* filium *Conradi* & *Guelphum*, cum ex more inter præliandum



dum qui *Guelpho* adhærebant, clamarent: *Hic Gulf*, & vicissim milites *Henrici* clamarent: *Hic Gebelin*, Itali, Longobardi, & Siculi cum *Guelpho* pugnantes interrogarunt, quid sibi vellet hoc dictum: *Hic Gebelin*? quibus declaratum fuit, quòd Papales, seu qui à partibus Summi Pontificis stabant, eo die significati fuerint per *Guelphum* propugnatorem, & Imperiales per *Gibellinos*. Unde ab illo eventu, ait, usque in præsens Papæ adhærentes in Italia significantur per *Guelphum*, & qui Imperio adhærent per *Gibellinos*. Hactenùs *Joannes Naucleus*. Sed quantam perniciem, civilemque pestem duæ illæ factiones *Guelphorum*, & *Gibellinorum* sub *Friderico II.* Imperatore postea in Italia latè sparserint, ostendemus in Colloquio I. in Historiam decimi tertii Ecclesiæ sæculi. Ad *Conradum Romanorum Regem* duas Epistolas scripsit *S. Bernardus Claravallensis Abbas*, videlicet *CLXXXIII.* & *CCXLIV.* quibus eum ad exhibendam reverentiam summæ & Apostolicæ Sedi, & ad defensionem Auctoritatis Pontificiæ contrà Romanos rebelles plurimùm adhortatur. Eodem hortante *S. Bernardo*, *Conradus*, ut superiùs observavimus, Crucis Insigni sumpto, Hierosolyma cum exercitu profectus est, rebusque infelicitèr gestis, rediit, obiitque *Bambergæ* anno *MLII.* Regni sui decimo quarto, non sine suspitione veneni ei propinati à Medicis Italis à *Rogero* Siciliæ Rege corruptis. Filios duos ex conjugè suscepit *Conradus Romanorum Rex*, videlicet *Henricum*, quem Principum consensu Regem creaverat, & *Fridericum*. Sed *Henricus* biennio defunctus est ante patrem. *Fridericum* verò adhuc puerum commendavit nepoti suo *Friderico*

*derico Sueviæ Duci*, quem, ceu virum industrium & ad regendum Imperium Romanum aptissimum, ut Regni successorem eligerent, Principibus suavit. Quod & factum est, nam *Fridericus* die quartâ mensis Martii ejusdem anni millesimi centesimi quinquagesimi secundi *Francofurti* electus, die nonâ ejusdem mensis, quæ in *Dominicam* cadebat, coronatus est, dictusque *Ænobardus*, sive *Barbarossa* à barba rufa, coronam tamen imperialem anno dumtaxat millesimo cêtesimo quinquagesimo quinto ab *Hadriano IV.* Pontifice Maximo accepit *Fridericus Barbarossa*. Præclaris quidem naturæ dotibus præditus fuit hic Imperator, animo acer, administrando aptissimus imperio, & omnibus tum pacis, tum belli, quod in *Polonos*, & *Mediolanenses* feliciter confecit, obeundis muneribus nulli secundus. Sed violata ab ipso Ecclesiæ concordia, & schisma, cujus auctor fuit, ejus virtutum lucem ac splendorem infuscarunt. In primis, *Fridericus Barbarossa* dissidium, habuit cum *Hadriano IV.* Summo Pontifice, à quo fuerat Imperator coronatus. Hoc autem dissidium, licet intra verba tantum, & acres hinc inde missas steterit Epistolas, quas *Baronius* ad annum *MCLIX.* num. v. & seq. refert, totam tamen Ecclesiam in duas partes divisit, & ex eo gravissima mala in universum populum Christianum redundarunt. Querebatur *Hadrianus IV.* quòd dum *Eskeyllus* *Lundensis* Archiepiscopus à Sede Apostolica remearet, in *Germania* captus, & spoliatus fuisset, atque adhuc in custodia teneretur, silente & dissimulante *Friderico* Imperatore, qui tamen ad hujus sceleris ultionem exurgere, & in Auctores animadvertere debuisset. Ex adverso gravitèr *Fridericus* Imperator fuit offen-

fensus, quòd *Hadrianus IV.* Pontifex Maximus cum *willelmo* Siciliæ Rege quem ipse ex Italia, penitùs expellere meditabatur, pacem, se inscio & inconsulto, iniisset. Quà de re supra modum, commotus Imperator inhibuit, ne ullus Episcopus, Archiepiscopus, aut quivis Sacerdos ullam à Pontifice Romano Beneficiorum collationem postularet, aut ulla de causa Curiam Romanam adiret. Mortuo *Hadriano IV.* Pontifice Maximo, *Fridericus* Imperator dirum schisma conflavit in Ecclesia, & contrà *Alexandrum III.* legitimum *Hadriani IV.* Papæ successorem intrusit quatuor pseudo Pontifices sibi mutuò succedentes, videlicet *Victorem IV.* *Paschalem III.* *Callixtum III.* & *Innocentium III.* sicut in Colloquio sequenti opportunius ostendemus. Hoc autem schisma *Friderici* Imperatoris operâ conflatum, quod ab initio Pontificatus *Alexandri III.* hoc est, ab anno millesimo centesimo quinquagesimo nono Christianos vexavit, continuatum est usque ad annum millesimum centesimum septuagesimum septimum, quo tandem anno *Friderici* Imperatoris penitentiâ, humilique ejus obsequio finitum est. Venit quippè *Fridericus IX.* Kalend. *Augusti* coram Papa *Alexandro* apud *Venetiam*, & incredibili honore susceptus, ante illum prostratus, elevatus à Pontifice & deosculatus est. Crastino Festo B. *Jacobi* feria secunda idem *Augustus* ab ipso Papa apud S. *Marcum* sacram percepit communionem. Verba sunt *Gaufredi* Prioris *Vosiensis*, qui hoc tempore vivebat, in suo Chronico apud *Labbeum* Tomo II. Bibliothecæ pag. 324. Hic obiter observare debes, facile ex illius coætanei Scriptoris testimonio refelli vulgò



vulgò jactatam illam fabulam, quòd *Fridericus* Imperator osculum figens dixerit *Alexandro III.* Pontifici Maximo: *Non Tibi, sed Petro*, & quòd *Alexander* Pontifex osculum admittens *Friderici* Imperatoris caput pede presserit, reponens: *Et mihi, & Petro*. Hæc, inquam, fabula facilè ex sufflatur ex hoc testimonio *Gaufredi* Prioris *Vosienfis* eo tempore viventis, qui modum, quo *Fridericus* Imperator cum *Alexandro III.* Pontifice, Maximo reconciliatus est, accuratè refert, nec minimum tamen de ea fabula verbum habet. Eandem etiam fabulam alto silentio prætermiserunt *Romualdus* Salernitanus Archiepiscopus, qui Concilio Veneto & *Friderici* Imperatoris absolutioni interfuit, *Matthæus Paris* in *Historia Anglicana* ad annum MCLXXVII. *Willelmus* Tyrius Archiepiscopus, & *Rogerus de Hoveden* in *Annalibus Angliæ*. Præter quàm quòd, credibile non est, *Alexandrum III.* qui *Joannem Strumensem* Antipapam, à suis *Callixtum III.* nuncupatum, schisma anno MCLXXVIII. ejurantem, tantâ mansuetudine tantâque benignitate suscepit, ut illum teste *Romualdo* Salernitano Archiepiscopo, familiaritate suâ & mensâ dignaretur, voluisse *Friderico* Imperatori ad pœnitentiam converso, suæque ei obsequia deferenti cum tanto fastu insultare. Postremò, ipsemet *Alexander III.* Pontifex Maximus in epistola Venetiis in *Rivo Alto*, vi. Kalend. Augusti ad *Willelmum* Remensem Archiepiscopum, Apostolicæ Sedis Legatum, & Suffraganeos ejus ac Abbates in Remensi Provincia constitutos datâ, reconciliationem *Friderici* Imperatoris, ut gesta est, narrat, scribitque his verbis: *Notum sit sollicitudini vestræ, quòd charissi-*

issimus in Christo filius noster *Fridericus*, illustris Romanorum Imperator, per inspirationem divinæ gratiæ, deposito vanitatis errore, ad viam veritatis conversus, ad obedientiam Ecclesiæ & nostram reverenter & devotè, sicut decuit, rediit, & illam in nobis B. Petro reverentiam & devotionem exhibuit, quam antecessores ejus nostris consueverunt antecessoribus exhibere, & se de cætero exhibiturum promisit. In hac porro Summi Pontificis narratione de reconciliatione *Friderici* Imperatoris, nullum prorsus illius fabulæ apparet vestigium. Optimo itaque jure *Baronius*, aliique viri doctissimi hanc fabulam, non minùs quàm aliam de *Joanna* Papissa confictam, exhibilari debere affirmant. Cum *Alexandro III.* Pontifice Maximo reconciliatus *Fridericus* Imperator, omnium pravè in Ecclesiam gestorum sincerâ pœnitentiâ ductus bellum contra *Saladinum*, qui, debellatis in Oriente Christianis Hierosolymam, occupaverat, suscepit, ibique multis fortiter præclareque gestis, in ipso victoriarum cursu anno millesimo centesimo nonagesimo occubuit demersus in, lumine, in quod sese, æstus refrigerandi gratiâ, projecerat. Qua de re legenda est Anonymi epitola post *Radevici* Canonici Frisingensis Historiam edita. Legendus quoque est Chronographus *Reicherspergensis*, qui expeditionem *Friderici* Imperatoris in Orientem, ubi mortuus est, refert ex *Tagenone* Pataviensis Ecclesiæ Decano, qui Imperatorem comitabatur, & omnia, quæ ad illam in Palestinam Expeditionem spectant, annotavit. Annos triginta octo regnavit in Germania *Fridericus*, Imperium verò tenuit annos triginta quinque. Eodem anno, seu mxc. quo *Fridericus* Imperator è

viviſ

vivis excessit, suffectus est in ejus locum ejus ex *Beatrice* filius *Henricus* inter Reges Germaniæ hujus nominis VI. sed V. inter Imperatores, cognomento dictus *Asper* propter asperrima tormenta quibus Siculos excruciauit. Imperii Coronam à *Cælestino III.* Pontifice Maximo accepit anno millesimo centesimo nonagesimo primo. *Rogerii* primi Siciliæ Regis filiam *Constantiam* uxorem duxit, ejusque consilio arma movit in Siciliam, mortuo absque legitimis liberis *Willelmo* Siciliæ Rege, cum tamen Siculi Germanorum dominationem metuentes Siciliæ Regem creassent *Tancredum* *Rogerii* Ducis Calabriæ filium ex Concubina susceptum. Indicto itaque bello Siciliæ Regnum *Henricus* Imperator repetit, Salernum invadit, Neapolim expugnat, & mortuo post biennium *Tancredo*, ejusque filio, totâ Campania, Apulia, & Sicilia potitus est, *Sybillam*, seu *Sibiliam* *Tancredi* uxorem viduam cum tota familia cepit, in Regni Siciliæ Proceres omne genus immanitatis & exquisita tormenta exercuit. *Richardum* Angliæ Regem è bello sacro redeuntem, & à *Leopoldo* Austriæ Duce Viennæ interceptum, & ad se missum tyrannicè detinuit, magnamque ab eo pecuniæ vim, redimendæ libertatis gratiâ, extorsit, quam ob rem à *Cælestino III.* Summo Pontifice anathemate perculsus est. Sanctum *Albertum* Episcopum Leodiensem & Sâct. Rom. Ecclesiæ Cardinalem Remis ab Apparitoribus occidi jussit, ut fusè narrat *Ægidius* Aureæ vallis Monachus in Historia Episcoporum Leodiensium. Ad tot expianda scelera *Henricus* Imperator Expeditionem in Palæstinam decrevit, ac copias in Asiam misit, quæ tamen post inceptum feliciter bellum audi-



audita morte Imperatoris, in Europam redierunt, ut scribit Nangius in Chronico ad annum MCXCVII. his verbis: *Teutonici, qui in terram transmarinam transierant, dum omnia turbulenter actitant, inducias, quas nostri cum Turcis inierant, abrumpunt, urbemque Berytum oppugnant & capiunt: quo Turci promoti Joppen Civitatem pervadunt, obtruncant omnes, munitionem diruunt, soloque coequant, & post aliqua interposita subjungit: Teutonici, qui mare in Terram Sanctam transierant, cum grandia se facturos sperarent, audita morte Imperatoris repatriant. Idem narrat Abbas Urspergensis, qui hoc tempore vivebat ad annum MCXCVII. quo anno Henricus Imperator apud Messanam urbem Siciliae vita functus est. Fragmentum testamenti hujusce Imperatoris recitat Baronius ad annum MCXCVII. in quo indicat, se pœnitere persecutionis Romanae Ecclesiae illatae, statuitque, ut si Fridericus, filius suus, sine hærede decesserit, Regnum Siciliae ad Romanam Ecclesiam deveniat.*

Post obitum Henrici Imperatoris, de Regno Germaniae inter se decertarunt Philippus, & Otto. At enim, Philippus, germanus frater defuncti Henrici Imperatoris è Sicilia in Germaniam cum Friderico ejusdem Henrici Imperatoris filio puerulo & in cunis vagiente reversus, ab una Electorum parte Rex Germaniae est renunciatus, sed hanc electionem aliis improbantibus, Bertolphus Dux Zaringiae ab altera parte Principum Rex Germaniae creatus est. Veritus tamen Bertholphus potentiam Philippi, regiam dignitatem repudiavit, eamque Philippo cessit. Inde novæ excitatae turbæ, & scissa procerum concordia. Æmuli siquidem Philippi,

*lippi*, ejusque Imperio parère detrectantes, Regem Germaniæ elegerunt *Ottonem* Saxonix Ducem. Sic distractis in duos Electorum suffragiis, alii ad *Philippum* demortui *Henrici* Imperatoris fratrem, alii ad *Ottonem* Saxonix Ducem Imperii decus trahere connitebantur. *Philippo* electo Germaniæ Regi favebat ejusdem cognominis Rex Franciæ *Philippus*; Partes verò *Ottonis*, qui itidem Rex Germaniæ fuerat electus, tuebantur Summus Pontifex *Innocentius III.* & *Richardus* Rex Angliæ, cujus litteras in gratiam *Ottonis* ad hunc Summum Pontificem, *Innocentium* scriptas exhibet *Odoricus Raynaldus* continuator *Baronii* ad annum *mcxcviii.* Atrox inter utrumque Regem Germaniæ electum exarsit bellum, quod protractum est usque ad mortem *Philippi*, qui anno *mccviii.* Bambergæ, dum in cubiculo post venæ sectionem cubaret, ab *Ottone* Palatino ad Colloquium ingresso confossus est pugione, quem sub veste abditum detulerat, anno Regni sui decimo. Tunc *Otto* hujus nominis *IV.* qui, ut mox diximus, contra *Philippum* Rex Germaniæ fuerat electus, eo demortuo anno *mccviii.* tenuit Imperium, & sequenti anno coronam imperialem Romæ accepit ab *Innocentio III.* Pontifice Maximo, sicut suo loco, seu in Colloquio *I.* in Historiam *xiii.* Ecclesiæ sæculi, auxiliante Deo, commonstrabimus.

D. Veniamus modò ad Francorum Reges, & ostende, si placet, quo loco essent res Ecclesiæ sub Regibus, qui duodecimo sæculo Galliarum Regnum gubernarunt?

M. Regnum Francorum seriem in Colloquio *I.* in Historiam sæculorum *X.* & *XI.* perduximus

mus usque ad *Philippum* hujus nominis I. quem anno mcviii. fato functum fuisse ibidem diximus. Verùm circà eundem *Philippum* Galliarum Regem tria hìc obitèr observare debemus, de quibus poco laudato nullam mentionem fecimus. Primum est, errare nonnullos, qui asserunt, Galliarum Regnum, ob noxam *Philippi* Regis, qui, repudiata legitima uxore sua *Berta*, nuptias cum *Bertrada* iniecit, Anathemati & Interdicto fuisse subjectum. Id quidem oppidò falsum esse, apertè probat altum in omnibus veteribus illius ætatis monumentis silentium. Primus adversus *Philippum* Regem classicum cecinit *S. Ivo* Carnotensis Episcopus, ac sæpiùs in epistolis suis adversus divortium *Philippi* Regis, & illicitas ejus cum *Bertrada* nuptias loquitur, de ejus pariter Anathemate, deque ejus interdictione à sacris, sed ne verbum quidem dicit de publico Galliarum Regni Interdicto. Præterea, in Concilio Augustodunensi primùm in has illicitas *Philippi* Regis nuptias actum est, sicut *Bertholdus* memorat, aitque, tantummodò in eo *Philippum* Regem fuisse excommunicatum, interdicti verò, cui, ob noxam *Philippi* Regis fuerit subjectum Galliarum Regnum, nullibi meminit. Communionem item Ecclesiæ, propter incertas illas, nefariasque nuptias, *Philippus* Galliarum Rex in Concilio Clavomontano habito anno mxcv. privatus est, sed in Galliarum Regnum nulla Interdicti lata fuit sententia. Similitèr in Concilio Pictaviensi celebrato anno mc. *Philippus* Galliarum Rex, cum *Bertradam* dimittere nollet, à Legatis *Paschalis II.* Summi Pontificis tertio excommunicationis sententiâ perculsus fuit, at in Actis illius Concilii nulla apparet



Censura Interdicti in Galliarum Regnum, immò ex antiquis Ecclesiæ Gallicanæ monumentis certissimè constat, quòd, toto eo tempore, quo *Philippo* Galliarum Regi sacris & communione interdictum est, Episcopi Galliarum Regni, sicut antea, sacra peragebant, & Clerici omnes suum, quemadmodum priùs, implebant ministerium, & plebs promore Conventus & Liturgiam agitabat, quod sanè argumento est, nullum anathema in Galliarum Regnum, ob illegitimas *Philippi* Regis cum *Bertrada* nuptias, fuisse à Summis Pontificibus, vel Conciliis pronunciatum.

Alterum, quod observare debes, spectat hanc formulam *Regnante Christo*, quæ in Actis publicis, post excommunicationem *Philippi* Galliarum Regis inscripta legitur. Nonnulli liquidem Scriptores occasione istius formulæ affirmant, propter excommunicationem in Regem *Philippum* latam, nomen *Philippi* Regis in Actis publicis fuisse omninò suppressum, illiusque loco substitutum nomen *Christi*, adeò ut in Actis publicisque monumentis hæc formula *Regnante Christo*, non autem *Regnante Philippo*, inscriberetur. Sed hæc conjectura à veritate Historiæ abhorret. Viri quippè doctissimi complura ex veteribus monumentis, Chartis, & Tabulariis afferunt exempla, quæ evincunt, hanc formulam, *Regnante Christo*, jam ante excommunicationem *Philippi* Galliarum Regis, & post ejus tempora fuisse in usu. Reges scilicet Galliarum de se modestè sentientes, Deum rerum omnium supremum Dominum agnoscebant, Regnumque suum ab ipso acceptum ei referebant, istâque formulâ *Regnante Christo*, summam reverentiam Deo debi-

tam testabantur. Quâ de re videsis *Historiam Ecclesiæ Parisiensis* editam à Gerardo Du Bois lib. II. cap. 5. pag. 749. librum secundum *De Re Diplomatica* cap. 26. & *Diatribam*, quam de formula, Regnante Christo, scripsit David Blondellus.

Postremò, observare debes, *Philippum* Galliarum Regem, jubente *Paschali II.* Pontifice Maximo à sententia excommunicationis in Concilio Parisiensi anno MCIV. congregato fuisse absolutum, postquam juramentum præstitisset, se in posterum illicitam copulam cum *Bertrada* non habiturum. Hoc autem *Philippi* Regis juramentum ex MS. Codice Corbejensi refert *Dacherius* tomo 3. Spicilegii, & ex eo *Labbeus* tomo 10. Concil. pag. 658. & seq. *Philippus* Galliarum Rex genuit ex *Bertrada* *Philippum*, *Florum*, & *Cæciliam*, sed quia *Paschalis II.* Summus Pontifex dispensationem ratione affinitatis *Bertrade* cum Rege à *S. Ivone* & aliis quibusdam Episcopis petitam concedere nunquam voluit, pro nothis & spuriiis habiti sunt filii & filię, quas *Philippus* Rex ex *Bertrada* suscepit, sicut asserunt *San-Marthani* in Gallia Christiana. *Philippus* Galliarum Rex, postquam regnasset annos quadraginta septem, mortuus est anno millesimo centesimo octavo, ut testantur Auctores coevi *Orderius* lib. II. *Chronographus Malleacensis*, & *Fulcherius* lib. II. *Historiæ Hierosol.* quibus passim alii consentiunt. Ei in Galliarum Regnum successit illius ex *Berta* legitima Conjuge filius *Ludovicus* hujus nominis VI. cognomento *Crassus*, qui jam ab anno MXCIX. à patre fuerat Rex designatus. Aureliani à *Daimberto* Senonensi Archiepiscopo *Ludovicus* Rex inauguratus fuit, reclamantibus licet, ut videre est apud

Baronium, Remensibus, qui asserebant, Francorum Regum unctionem ad *Remigii* successores, hoc est, ad Archiepiscopos Remenses pertinere. Super eâ enatâ controversiâ *S. Ivo* Carnotensis Episcopus elegantem scripsit Apologiam, quâ ostendit, necessarium non esse, ut Galliarum Reges Remis consecrentur, cum multi Reges Francis imperaverint, qui Remis Regni Insignia, & sacram inaugurationem non acceperunt. *Ludovicus VI.* Galliarum Rex, postquam plerosque Dynastas, qui tyrannidem in Ecclesias & in Regios subditos exercebant, in ordinem redegisset, diuturnum bellum gessit cum *Henrico I.* Anglorum Rege, cujus author fuit *Theobaldus* Blesensis Comes *Adelæ* sororis *Henrici* Angliæ Regis filius, qui *Ludovicum VI.* Francorum Regem offendens belli facem accenderat, & *Henricum* Anglorum Regem Avunculum suum in partes suas pertraxerat. Hinc *Henricum* Anglorum Regem inter & *Ludovicum* Francorum Regem acerbæ iræ, malaque gravissima, quæ plures annos tenuerunt, ita ut, quamvis ab armis interdum cessatum sit, ambo tamen colligendo tantum vires respirasse viderentur, ut fortius insurgerent. Contendebat *Ludovicus* Galliarum Rex, Ducatum Normanniæ, si non *Roberto* *Henrici I.* olim Francorum Regis fratris in vinculis detento, ejus tamen filio, *Guillelmo* nomine, hæreditario jure deberi, ac subindè hunc Normanniæ Ducatum ab *Henrico* Anglorum Rege justè detineri ac possideri haud posse. Ex ea altercatione, quæ magis ac magis illorum Regum exulceravit animos, crudele inter eos exarsit bellum, de quo legendi sunt *Alfordus* in Annalibus, ad annum MCXVIII. *Sugerius* Abbas in Vita *Ludovici* *Craffi*,



*Crassi*, & *Ordericus* lib. 12. Tandem anno MCXX. pax inter utrumque Regem sancita est, & *Willelmus* filius *Henrici* Anglorum Regis hominiū fecit *Ludovico* Francorum Regi, & *Normanniæ* sub illo suscepit Principatum, sicut scribit *Simeon Dunelmensis* in *Hist. de Gestis Regum Anglorum*. Summos Pontifices tempore schimatis egregiè jovit, & impensè coluit *Ludovicus VI.* Francorum Rex, quod ægrè admodum ferens *Henricus* inter Germaniæ Reges hujus nominis V. qui occasione Investiturarum schisma in Ecclesia excitaverat, quàm maximas potuit copias contraxit, in Galliarum Regnum quamprimùm irrupturus. Sed deterritus formidando *Ludovici* Francorum Regis exercitu, in quo ampliùs quàm ducenta hominum millia numerabantur, receptui cecinit *Henricus*, resque suas cum *Callixto II.* Pontifice Maximo composuit. Dissidium habuit *Ludovicus VI.* Galliarum Rex cum *Stephano* Parisiensi Episcopo, qui eum anathemate perculit, quòd Ecclesiæ bona nonnulla usurpasset, eamque ob rem *Stephanus* litteras ad omnes Ecclesiarum Prælatos, & Abbates, ad ipsum quoque *Honorium II.* Summum Pontificem dedit, rogans ut suæ se causæ adjungere vellent. Sed tandem *Ludovicus* Rex ad meliorem frugem conversus ablata restituit, & à vexandis *Stephano* Parisiensi Episcopo, & *Henrico* Senonensi Archiepiscopo *Stephani* Metropolita destitit, uti narrat *Baronius* ex epistolis S. Bernardi 44. 45. 46. 47. & 49. Has epistolas in *Ludovicum* Regem querimoniæ plenas S. Bernardus impatenter ferens quæ adversùs utrumq; Præsulem à Rege gerebantur, tam suo, quàm *Gaufridi* Carnotensis Episcopi nomine ad *Honorium II.* Pontificem Ma-

ximum dedit anno MCXXVII. Gravi dysenterię morbo correptus *Ludovicus* Rex magno cum pietatis affectu sese ad mortem præparavit, ut videre est in ejus Vita à *Sugero* Abbate scriptâ. Sed paulò antequam moreretur, *Guillelmi* Ducis Aquitanie Nuntios excepit, qui ei denunciarunt, præfatum Ducem ad Compostellanam S. *Jacobi* Ecclesiam voti causâ profectum, in itinere mortuum fuisse, eumque morti proximum filiam suam unicam, *Alienoram* nomine, *Ludovico juniori* Regi (qui filius erat *Ludovici Crassi*) desponsandam, cum Aquitanie dote, suprema voluntate deliberasse. Hanc supremam Ducis Aquitanie voluntatem actutum executioni mandari jussit *Ludovicus VI.* misitque filium suum *Ludovicum* cum selecto quingentorum & amplius nobilium Comitatu ad ducendam Serenissimam Sponsam. Sed dum nuptiarum solemnitas *Burdigalæ* celebratur, omniumque maximè lætitia gestit, ecce in medio convivii Legatus pernici cursu delatus *Ludovicum* Regem Parisiis è vivis excessisse denunciat. Sanctè ac religiose obiit ille Rex Kalendis Augusti anni MCXXXVIII. Regni xxx. ætatis penè lx. atque Galliarum Regni hæredem reliquit filium suum *Ludovicum* hujus nominis VII. cognomento *Juniorem*, quem ex *Adelaide* filia *Humberti II.* Comitis Maurinianensis, seu *Sabaudie*, sibi matrimonio copulatâ susceperat, eumque jam anno MCXXX. consortem ac successorem, Regni declaratum, Remis inaugurari curaverat ab *Innocentio II.* Pontifice Maximo in Synodo, quam contra *Petrum Leonis* Antipapam celebravit. Accepto itaque nuncio de obitu patris sui *Ludovicus VII.* festinatò Parisios venit, ubi congregatis Or-

Ordinibus , negotiis Ecclesiæ & Regni providit. Grave dissidium habuit *Ludovicus VII.* Galliarum Rex cum *Innocentio II.* Summo Pontifice occasione *Petri de Castro* Archiepiscopi Bituricensis. Hunc quippè Archipræsulem , quòd absque ipsius assensu fuisset consecratus , *Ludovicus* Rex Biturigibus recipi vetuit . Hanc à Rege illatam violentiam *Innocentius II.* ultus est interdicto , cui Galliarum Regnum per triennium fuit suppositum . Inde etiam causa belli , quod idem *Ludovicus* Rex diù gessit cum *Theobaldo* Comite Campaniæ , qui erat frater *Stephani* Angliæ Regis . At enim cùm *Theobaldus* faveret *Petro de Castro* Bituricensi Archiepiscopo , indignatus ob hoc *Ludovicus* Rex , concitavit omnes ferè Proceres suos, ut unà cum eo bellum inferrent Comiti *Theobaldo*, cepitque Vitriacum oppidū ejusdem Comitis , ubi admoto igne incensa est Ecclesia, & in ea mccc. homines diversi sexus & ætatis perire, ut scribit *Guillelmus Nangius* in Chronico ad annum MCXLII. Causam *Theobaldi* Comitis non solum gravissimis epistolis tuitus est *S. Bernardus* Clavallensis Abbas, sed etiam ipsummet Regem *Ludovicum* severè corripuit epistola ccxxi. quòd malis Consiliariis aures animumque præberet. Tandem *Ludovicus* Rex facti pœnitens anno MCXLIII. misit ad *Cælestinum II.* Legatos pro ineunda pace , & ab eo Anathematis seu Interdicti absolutionem impetravit, annoque sequenti, operâ *S. Bernardi* , pacem iniit cùm *Theobaldo* Campaniæ Comite , quem hætenùs malè habuerat, quæ pax adeò firma fuit , ut *Ludovicus* Rex, post divortium cum *Alienora* prima uxore sua, & post *Constantiam* secundam conjugem vita functam , *Adelam*, *Theobaldi* Comitis Campaniæ



niæ filiâ, matrimonio sibi junxerit, ex qua *Philippus* cognomento *Augustus*, qui patri *Ludovico* in Regnū successit, natus est, sicut mox referemus. Circa idem tempus *Ludovicus VII.* Galliarum Rex, hortante *S. Bernardo*, sacram militiam ad recuperandam Terram Sanctam contra Turcas suscepit, & ingenti cum exercitu iter est aggressus, *Alienora* uxore Comite, Regni administratione *Sugerio* Sandionysiano Abbati commendata. Sed rebus, ut jam observavimus, in Oriente infeliciter gestis, in Gallias reversus est, & congregato Balgentiacensi Concilio repudiavit uxorem suam *Alienoram*, quòd, dum Antiochiæ ageret, in patruī Palatio thori conjugalis fidem impudica libidine violasset. Sic repudiatâ *Alienora*, ejusque matrimonio cum *Ludovico* Rege, objecta, ac juridicè probata affinitate, dirumpto; *Henricus* Normannorum Dux, & Andegavorum Comes, qui postea fuit Angliæ Rex, eâ conjugem duxit, & dotalibus tabulis Dux Aquitanorū, & Comes Pictonum factus est, quibus ditionibus Angliæ Regnū postmodum adauxit. Hoc matrimonium *Alienora* cum *Henrico* semen fuit atrocissimi belli, quod de Aquitanix possessione Francos inter & Anglos ortum est, quod deindè utcumque sopitū est, *Margarita* Ludovici Regis filiâ desponsatâ filio *Henrici II.* Angliæ Regis. Orto in Ecclesia schismate, *Ludovicus VII.* Galliarū Rex, *Alexandrum III.* Pontificem Maximum summa veneratione suscepit, eique cum toto Galliarum Regno obedientiam professus est. Maxima etiâ pietate & observantia excepit, fovitque sanctissimum Cantuariensem Archiepiscopum pro justitia & defensione Ecclesiasticæ libertatis exulem *Thomam*, quem post mortem, tanquam

Martyrem veneratus, Cantuariam ad ejus sepulchrum adiit, voti solvendi causâ, quod nuncupaverat pro recuperanda salute filii sui *Philippi*, qui periculosa ægritudine erat correptus. Domum rediit *Ludovicus* Rex *Philippum* filium, quem sanitati restitutum invenit, solemnî ritu Regem consecrari curavit, obiitque post filii sui inaugurationem Parisiis anno MCLXXX. Regni XLIV. ætatis circiter sexagesimo quarto. Post *Ludovici* Regis obitum, ejus ex *Adela* conjuge filius *Philippus II. Adeodatus*, & *Augustus* nuncupatus, solus regnare cæpit annorum penè sexdecim adolescens, *Villelmo* Reginae *Adelæ* fratre, Remensi Archipræsule avunculo suo sapientiâ & consiliis ipsum in Regni administratione dirigente. *Elizabetham* Comitissæ *Hannoniæ Balduini* filiam, *Philippus* Rex duxit uxorem, Regni que sui exordia Ecclesiæ ac Religioni consecravit. In primis, postquàm Principum quorundam in se conjuratorum, ac civile bellum in Regno incendientium conatus fregisset, subegissetque perduelles, totum se ad officia pietatis convertit. Judæos per innocentum puerorum cædem Sacris Christianis illudentes, & aliorum scelerum convictos, perpetuo multatos exilio, edicto promulgato, ex universo Galliæ Regno exire jussit, ipsorumque Synagogas Christianis expiatis ritibus in sacras Ædes convertit. Contra blasphemos legem tulit, eosque gravissimis poenis subjecit. Coterellos hæreticis nequiores in Provincia Bituricensi ferro ac flammâ grassantes (de quibus in Colloquio tertio Sermonē habituri sumus) penitus delevit. Ecclesiasticā libertatem strenuè tuitus est. Histrones, ac joculatores Aulâ abegit. Oratores è Syria ad ipsum venientes,

ut

ut pro Christianis in Oriente à *Saladino* penè subactis auxilium implorarent, benignè excepit, habitoque Parisiis Antistitum, & Procerum Conventu, sacrum bellum decrevit, ad quod felicibus auspiciis conficiendum, Decimas, quas *Saladinas* appellarunt, assensu Cleri & populi in sumptus belli ad annum duntaxat imposuit, solis Carthusiensium, Cisterciensium, Fontis Ebraldi Ordinibus, ac Leprosis exceptis. In hac Expeditione militari haud prospera fortuna usus *Philippus Augustus*, & ægritudine in Oriente correptus, in Gallias, ut jam observavimus, regressus est, bellumque diuturnum gessit cum *Richardo* Angliæ Rege, quod feliciter & ex animi sententia confecit. Duplex Interdictum passa est Gallia Regnante *Philippo Augusto*. Primum Interdictum anno mxcix. in Galliarum Regnum latum est à *Petro Capuano* Sedis Apostolicæ Legato propter captionem *Petri de Duaco* Cameracensis Episcopi electi mense Majo factam ab *Hugone d'Amelencourt*, ejusque detentionem à *Philippo Rege*, sed illud Interdictum fuit tantum trimestre, duravitque Junio, Julio, & Augusto. Alterum Interdictum in Galliarum Regnum ab eodem Sedis Apostolicæ Legato vibratum est mense Januario anni millesimi ducentesimi, eò quòd *Philippus Augustus* Rex *Ingeburgim* sororem *Canuti* Danorum Regis, quam uxorem duxerat, repudiasset, novasque nuptias iniisset cum *Maria* Ducis Boëmiae, Moraviæque filia. Quod Interdictum octo mensibus duravit, luxitque per id temporis Gallia sacrorum omnium expers, donec *Philippus Augustus* Rex Decreto Pontificio obtemperans, dimissâ *Maria*, *Ingeburgim* legitimam conjugem suam in Regiam reduxisset. Sed de *Philippo*



*lippo Augusto* Galliarum Rege plura dicemus in Colloquio I. in Historiam sæculi XIII. quo sæculo mortuus est *Philippus Augustus*, seu anno MCCXXIII. postquam regnasset annos quadraginta tres, quorum viginti priorum ad sæculum XII. pertinentium Historiam in isto Colloquio breviter exposuisse sufficiat.

D. E' Gallia in Hispaniam transeamus, & compendiosè, quæso, describe statum Ecclesiæ sub Regibus, qui duodecimo sæculo Regna Castellæ & Legionis gubernarunt post *Alphonsum* hujus nominis VI. Castellæ Legionis Regem, cujus mortem in Colloquio primo in Historiam sæculorum decimi & undecimi consignasti anno millesimo centesimo nono.

M. Cum *Mauri* duodecimo Ecclesiæ sæculo complures Hispaniæ civitates occuparent, & Ecclesiæ ac Regno multam cladem inferrent, ad illos Christiani nominis hostes profligandos sæpiùs Hispaniarum Reges bella moverunt. *Alphonsus* hujus nominis VI. de his Barbaris insignem retulit victoriam, Toletum expugnavit, Sacrorum religionem instauravit, & abrogato in Hispania, Ritu Gothico, Romanum Officium, Ritusque in omnibus ditionibus suis suscipi ac celebrari sanxit. De hoc Officio Gothico, vulgò dicto *Mozarabico*, quod diu in Hispania, Gallia item Narbonensi, & aliis regionibus Gothorum Regno subiectis viguit, leges Cardinalem *Joannem Bona* lib. 1. Rerum Liturgicarum cap. XI. Post multa præclare gesta obiit *Alphonsus VI.* anno millesimo centesimo nono, & unicam reliquit filiam nomine *Urracam*, quæ primùm nupta *Raymundo*  
Duci

Duci Burgundiæ peperit filium *Alphonsum*, quem Hispaniarum Proceres Regem salutarunt, renitente licet *Urraca* Regina matre, quæ post prioris mariti sui *Raymundi* obitum, nuptias cum *Alphonso* Aragonum Rege inivit. At *Urraca*, postquam regnasset XIII. annis, in Legionis arce obsessa conditionem illam pacis, volens nolens, accipere coacta est, ut redditibus, unde vitam sustentare posset, assignatis, Regnum ipsa filio cederet. Anno itaque MCXXII. *Urraca* Castellæ Regina ab *Alphonso* hujus nominis VII. filio suo fuit spoliata Regno, isque ab omnibus Regni Magnatibus ut Rex legitimus agnitus est, sicut *Sandovalius*, aliique Scriptores Hispanici tradunt. Non solum Castellæ, ac Legionis Regem, sed etiam Imperatorem se se appellavit *Alphonso VII.* Sic enim Concilio Palentino anno MCXXIX. celebrato subscripsit: *Ego Adelphonsus præfatus Imperator, unâ cum conjuge mea, quod fieri mandavi, proprio robore confirmo*, sicut videre est apud Cardinalem de *Aguirre*, qui hoc Concilium Palentinum ex MS. Mondexarenfi eruit, integrumque publicavit Tomo III. *Collectionis maximæ Conciliorum omnium Hispaniæ*. Varias Expeditiones contra Mauros suscepit *Alphonso VII.* eisque eripuit Cauriam urbem, regionemque universam, quæ Ana & Tago continetur, populatus est. Cordubam quoque, Beatiam, Almeriam, pluresque alias nobiles civitates & arces in suam potestatem redegit. *Berengariam* Raymundi Berengarii hujus nominis III. Barcinonis & Provinciæ Comitissæ ac *Dulciæ* Comitissæ filiam sibi matrimonio copulavit, ex qua duos suscepit filios, *Sanctium* scilicet, & *Fernandum*

um, seu *Ferdinandum*, & filiam *Constantiam*, quæ  
postea *Ludovico VII.* Galliarum Regi nupta est.  
Mortuus est *Alphonfus VII.* ex militari contra  
Mauros expeditione rediens anno MCLVII. sed pri-  
usquàm moreretur, divisit imperium duobus filiis  
suis, *Sanctio* natu majori Castellæ Regnum & *Fer-*  
*ando*, seu *Ferdinando* Legionis Regnum dedit. At  
*Sanctius* hujus nominis III. Castellæ Rex, qui,  
vivente adhuc patre, *Blancam* Garciæ Ramiri Na-  
varræ Regis filiam duxerat uxorem, sublatus est  
immatura morte, ob quam ipsi nomen *Desidera-*  
tum datum est, obiit in procinctu belli, quod in-  
Mauros Baticam infestantes parabat. *Ferdinan-*  
*us* verò ejus frater Legionis Rex hujus nominis  
secundus postquàm unum & triginta annos regna-  
vit, è vita migravit anno MCLXXXVIII. Post *San-*  
*ctii* & *Ferdinandi* mortem Regna Castellæ, & Legio-  
nis inter eorum filios adhuc remansere divisa.  
*Alphonfus VIII.* in Castellæ Regnum *Sanctio* patri  
successit, *Eleonora* filia *Henrici II.* Angliæ Regis  
suppsit, Mauros sæpius deballavit, & *Concham* ur-  
bem prævalidam in Celtiberiæ finibus post diutur-  
nam, gravemque obsidionem expugnavit, anno  
scilicet millesimo centesimo nonagesimo quinto  
*Alphonfus VIII.* Castellæ Rex à Mauris, seu Sara-  
cenis, propè Calatravam ad *Alarcum* oppidum  
clusus, fugatus profligatusque fuit. Sed de *Alphon-*  
*so VIII.* Castellæ Rege iterum redibit sermo in  
Colloquio I. in Historiam Ecclesiæ sæculi decimi  
tertii, cùm ipse vixerit ad annum usque millesi-  
mum ducentesimum decimum quartum. Pauca  
etiam hinc dicemus de altero *Alphonso* dicto IX.  
quem *Ferdinandus* Legionis Rex ex *Urraca* Regis  
*Alph.*



*Alphonſi* Portugalliæ filia ſuſceptum Legionis Regni hæredem reliquit . Nam cùm iſte *Alphonſus* dictus IX. Ferdinandi filius Legionem regnaverit , vixeritque uſque ad annum milieſimum ducenteſimum trigeſimum primum , illius geſta commodiùs referemus in Colloquio I. in Hiſtoriam ſæculi decimi tertii. Hic tantùm dicam obiter, hunc *Alphonſum* IX. Legionis Regem nuptias iniſſe cum *Theraſia* filia *Sanctii* Luſitaniæ Regis , verùm *Theraſia* juſſu Romanorum Pontificum , præſertim *Innocentii* III. ob propinquitatem repudiata anno ducenteſimo ſupra milieſimum, *Berengariam* filiam *Alphonſi* Caſtellæ Regis in ejus locum aſciviſſe . Cæterùm hic prætermittere haud poſſum mala , quæ duodecimo Eccleſiæ ſæculo Chriſtiani in Hiſpania paſſi ſunt , poſtquàm Saraceni dicti *Almohades* in Hiſpania Saracenicæ circa annum MCLV. dominari cæperunt . Hi ſiquidem Saraceni dicti *Almohades* , quos nonnulli perperam confundunt cum aliis Saracenis , qui appellantur *Almorabitæ* , tanto odio Chriſtianos proſequebantur, ut eorum Eccleſias ſolo æquarent , & omnes , qui Religionem Chriſtianam deſerere nollent , interneſione deleſent, nec eos ullo pacto apud ſe permanere ſinerent . Qua in re iſti Saraceni, *Almohades* dicti, longe in Chriſtianos crudeliores fuerunt illis Saracenis , qui *Almorabitæ* dicebantur . Hi quippè , quamdiu in Hiſpania Saracenicæ regnarunt , Chriſtianos , qui à ſua religione diſcedere volebant ſecum permixtos , & ideò *Mozorabes* appellati vivere permittebant . At ſaraceni *Almohades* poſtquàm , deſtructis Saracenis *Almorabitis* , Hiſpaniam Saracenicam occuparunt , omnes Chriſtiano

Christianos sine exceptione trucidarunt, ita ut ex omnibus Christianis Mozarabibus nullus superfuerit præter illos, qui in terras Christianorum Hispaniæ se fugâ proripere potuerunt. Suam tyrannidem exercuerunt Saraceni *Almohades* usque ad annum millesimum ducentesium duodecesimum, quo anno Christiani illos prælio aggressi memorabili clade attritos prostrarunt ac penitus exterminarunt, sicut referemus in Colloquio primo in Historiam sæculi decimi tertii.

D. Res Ecclesiæ sub Regibus, qui duodecimo sæculo Angliæ Regnum administrarunt; non optimo loco fuisse, facile conicio ex morte S. *Thomæ Cantuariensis Archiepiscopi*, quem jura Ecclesiæ invictâ animi constantiâ propugnantem fuisse à sicariis ad Aram trucidatum nuper observasti. Cedo itaque seriem Regum, qui duodecimo Ecclesiæ sæculo summâ rerum in Anglia potiti sunt, & indica tempus, quo S. *Thomas Cantuariensis Archiepiscopus* Martyrium in Anglia passus est.

M. Seriem Regum Angliæ jam in præcedentibus Colloquiis exhibuimus usque ad *Willelmum* hujus nominis II. qui anno centesimo supra millesimum occisus est. Ei sine prole demortuo in Regnum Angliæ successit ejus frater *Henricus I.* Hic, teste *Orderico* lib. x. inter prospera & adversa regnum sibi divinitus commissum prudenter & commodè moderatus est, ac inter præcipuos Christianitatis Principes, obtentu pacis & justitiæ fulgens, insignis habitus est. In diebus ejus Ecclesia Dei divitiis & honoribus alacritè emicuit, & omnis Ordo Religiosorum ad laudem creatoris multipliciter crevit. At enim *Henricus* hujus nominis I. Angliæ Rex, qui

*Mathildi* filia *Malcomi III.* Scotiae Regis nupsit, ut Regnum Angliae bene ac sapienter administraret, Leges à *S. Eduardo* Angliae Rege latas accuratè feruari iussit. Furta, stupra, monetæ adulterationem severissimis pœnis coërcuit. Multa Monasteria in Anglia & Normannia excitavit. *S. Anselmi* Cantuariensis Archiepiscopi in frænanda Clericorum continentia adiutor fuit. *Willelmi II.* fratris sui, antea Angliae Regis, Acta iniusta rescidit, vinctos soluit, insolentia remisit tributa. Nec minùs militiæ laude claruit *Henricus I.* Angliae Rex, quippè qui Normanniam, quæ *Willelmi II.* fratris sui incuria in plures dominos distracta erat, totam subegit, Wallenses ad defectionem, semper proclives domuit. Bellum cum *Ludovico VI.* Galliarum Rege gessit, quod tamen statim compositum est eâ conditione, ut *Willelmus*, filius *Henrici I.* Angliae Regis, hominum Galliarum Regi pro Normannia faceret, ejusque se Beneficiarium profiteretur. *Investituras* quidem *Henricus* Angliae Rex retinere voluit, & hac de causa cum *Paschali II.* Pontifice Maximo, & Sancto *Anselmo* Cantuariensi Archiepiscopo negotium habuit, sed remisit tandem *Investituras* per annulum & baculum. Genuit ex *Mathilde* conjuge sua *Willelmum* filium, qui immatura morte præreptus est, & *Mathildem* filiam, quam *Henrico* Imperatori collocavit. Sed, mortuo *Henrico* Imperatore, *Mathildem* filiam suam ex Germania revocatam cum *Gaufredo* Andegavensi matrimonio sociavit. Nul- lam ex *Adela* filia Ducis Lotharingiae, quam, de- functâ priori conjuge suâ *Mathilde*, uxorem du- xerat *Henricus* Angliae Rex, prolem suscepit, qua-  
pro-



proptèr , priusquam moreretur , *Mathildem* filiam suam , olim Imperatricem , ejusque filium *Henricum* Regni hæredes instituit & anno *mcxxxv* piè omnibusque Ecclesiæ Sacramentis munitus in Normannia obiit , sicut *Hugo* Rothomagensis Archiepiscopus , qui *Henrico* Angliæ Regi morienti adfuit , testatur in Epistola scriptâ ad *Innocentium II.* Pontificem Maximum . Mortuo *Henrico I.* Angliæ Rege , *Stephanus* Bononientis Comes , ejus ex sorore nepos , Regnum invasit , violato juramento , quo *Mathildi* Imperatrici & filiæ *Henrici I.* Angliæ Regis obstrinxerat fidelitatem . Pessimè Angliæ Regnum administravit *Stephanus* , utpotequi Ecclesiarum thesauros diripuit , possessiones terrarum Laicis dedit , Clericorum Ecclesias alienis vendidit , Episcopos vexavit , aut res suas alienare coegit , Abbantias vel amicorum gratiâ , vel relaxatione debitorum indignis concessit , totamque Angliam , teste *Willelmo Malmesburiensi* , Domesticis , externisque motibus toto Regni sui tempore exagitavit . Cum *Mathilde* Imperatrice , & filiâ *Henrici I.* Angliæ Regis nuptâ *Gaufredo* Andegavensi Comiti diuturnum bellum vario eventu gessit *Stephanus* Rex Angliæ , filiumque suum *Eustachium* Normanniæ Ducem constituit , sed , mortuo *Eustachio* , Normanniam sibi subegit *Gaufredus* Comes Andegavensis , *Mathildis* maritus , eoque Ducatu donavit *Henricum* suum ex *Mathilde* filium . Hic ille *Henricus* est , qui ut superius dicebamus , *Alienoram* , à *Ludovico VII.* Galliarum Rege repudiatam , uxorem duxit , & dotali Aquitaniæ Ducatu potitus est , quique *Stephano* Regi Angliæ defuncto anno millesimo cen-

tesimo quinquagesimo quarto in Regnum Angliæ successit, dictus *Henricus II.* Hujus *Henrici II.* Angliæ Regis tempore *S. Thomas* Cantuariensis Archiepiscopus pro tuenda Ecclesiastica libertate, quam pravis Legibus & consuetudinibus violabat ille Rex, gloriosam mortem oppetiit. Hoc facinus perpetrandi verbis imprudentibus, acerbis querimoniis, & impotentis iræ significatione sacrilegis satellitibus occasionem quidem dedit *Henricus II.* eum tamen à cæde *S. Thomæ* Cantuariensis reverà insontem fuisse, multis momentis evinci potest. Primò, legitur cap. III. lib. IV. *Historiæ Quadripartitæ*, quòd statim ac mors *S. Thomæ* Cantuariensis innotuisset *Henrico* Regi Angliæ, *afflictus est afflictione magna . . . . . ingemiscens semper & dolens, & sæpius iterans, Heu! Heu!* Præterea, Episcopi Angliæ & Normanniæ in Epistola, quam ad *Alexandrum III.* Pontificem Maximum scripserunt, *Henricum II.* Angliæ Regem à cæde *S. Thomæ* Martyris purgarunt. Tertiò, coràm Legatis Sedis Apostolicæ *Theodino*, & *Alberto* Presbyteris Cardinalibus, & in frequenti apud Abrincas Episcoporum, & Procerum Conventu Rex *Henricus II.* tactis Sacris Evangeliiis juravit, se Cantuariensis Archiepiscopi necem nec imperasse, nec Consilio, auxilio, vel assensu voluisse, aut approbasse, sed potiùs de ea vehementer indoluisse. Confessus est tamen, se verbis querulis de Sancto Archiepiscopo imprudentèr, & cum doloris testificatione iræque impetu prolatis immane istud flagitium perpetrandi ansam & occasionem dedisse, pro cujus expiatione ad omnem satisfactionem sibi à Legatis Sedis Apostolicæ impositam humili-

ter subeundam, & religiosè adimplendam paratissimum se se exhibuit. Quocircà Rex sibi à Legatis Apostolicis injunctam satisfactionem demisso, ac pœnitenti animo suscipiens, & præ foribus Ecclesiæ veniam postulans, ab iisdem Legatis absolutus, in Ecclesiam introductus est, sicut legitur in Historia quadripartita. Quartò, refert *Gervasius Dorobernensis*, Scriptor Anglus in suo Chronico, quòd *Henricus II.* Angliæ Rex ad implorandam *S. Thomæ Cantuariensis* Archipræsulis & Martyris intercessionem Cantuariam profectus est, ubi in veste lanea, nudis pedibus ab Ecclesia *S. Dunstani*, quæ longè extrà Urbem posita est, usque ad tumbam *Sancti Thomæ Martyris* perveniens, ibidemque diutius & devotè procumbens, ab omnibus, qui adstabant, Episcopis, Abbatibus, & Monachis singulis Ecclesiæ Christi voluntate spontanea verberatus est. Quòd etiam narrant *Baronius* ex vita *Sancti Thomæ Cantuariensis*, & *Vvillelmus Neubrigensis* hujus temporis Scriptor lib. 2. cap. 34. ex quibus momentis apertè colligitur, *Henricum II.* Angliæ Regem nec Imperio, nec consilio, nec auxilio, nec assensu cædi *S. Thomæ Cantuariensis Archiepiscopi* cooperatum fuisse, sed potius de ea plurimum doluisse. Verùm, quia *Henricus II.* Angliæ Rex verbis quibusdam querulis *S. Thomam Cantuariensem Archiepiscopum* trucidandi, sacrilegis satellitibus occasionem dederat, permisit Deus, ut ejus filii *Henricus*, *Richardus*, & *Joannes* cum *Alienora* matre adversus ipsum conjurarent, & ad hanc conjurationem *Ludovicus V. II.* Francorum Rex, *Guillelmus* Scotiæ Rex, *Philippus* Flandriæ Comes, & pluriimi Optimates, Duces ac Principes accesserint.



Quin, testatur *Joannes Bromptonus* Anglus Monachus Cisterciensis in Chronico, quod omnes proximi, *Henrici II. Angliæ Regis*, cum decederet, & familiares circumstantes ita rapacitati indulserunt, ut corpus Regis diu nudum jaceret, donec puer quidam inferioris corporis partes pallio brevi contegeret. Id autem non tam humanæ severitati, quam divinæ ultioni adscribendum esse censet idem Scriptor: Eadem enim mensura, inquit, qua mensus est, remensum est ei, ut qui patrem suum *B. Thomam Cantuariensem Archiepiscopum* usque ad mortem, & licet mortem non intulerit, persecutus est, ipsi à filiis propriis usque ad diem extremum persecutio non deesset. Mortuus est *Henricus II. Angliæ Rex* anno MCLXXXIX. eique in Regnum Angliæ successit *Richardus* hujus nominis I. ejus filius secundò genitus, cum *Henricus*, qui *Henrici II. Angliæ Regis* erat filius primò genitus, jam anno MCLXXXVI. propè *Lemovicum*, è vivis excessisset. Paternum Angliæ Regnum adeptus *Richardus* hujus nominis I. cognomine *Cor Leonis*, in Orientem bellum Saracenis illaturus unà cum *Philippo Augusto* Galliarum Rege anno millesimo centesimo nonagesimo profectus est, ibique, sicut superius observavimus, *Ptolomaidem* cum fæderatis Principibus expugnavit, *Cypri Regnum*, quod in suam potestatem redegerat, *Guidoni Hierosolymorum* quondam Regi vendidit. Sed è *Palæstina* discedens *Richardus Angliæ Rex*, cum naufragium in mari vix evasisset, sæviorem in continenti expertus est tempestatem. Captus quippè à *Leopoldo Austriæ Duce*, quicum privatas simultates gerebat, traditus est anno MCXIII. *Henrico Imperatori*, à quo pessimè habitus, & per annum inter-

grum

grum captivus remansit , & ad libertatem redimendam centum & quinquaginta mille marcas argenti Imperatori persolvere coactus est . Anno itaque millesimo nonagesimo quarto in Angliam reversus *Richardus* Rex , bellum cum *Philippo Augusto* Galliarum Rege quinque circiter annos gessit, hoc est , usque ad annum *mcxcix*. quo *Richardus* Angliæ Rex in obsidione *Calaci*, quod Castrum est in Lemovicis , sagitta in brachio percussus , ac malè curato vulnere , occubuit , sepultusque est in Monasterio Fontis Ebraldi, ubi & patris illius corpus jacebat . *Richardo* in Regnum Angliæ successit *Joannes* ejus frater, sine terra vulgò nominatus, cujus gesta suo loco referemus, hoc est in Colloquio I. in Historiam sæculi decimi tertii .

D. Statum Ecclesiæ sub Principibus Christianis tam in Oriente , quàm in Occidente hætenus accuratè repræsentasti, sed , antequàm huicce Colloquio nostro finem imponamus , hoc unum à te discere cupio, an videlicet Ecclesia aliquod duodecimo sæculo susceperit incrementum ?

M. Haud paruum duodecimo sæculo Ecclesia suscepit incrementum . Anno siquidem millesimo centesimo vigesimo quarto *Otto* Episcopus Bambergensis invitatus à *Boleslao* Poloniæ Duce hujus nominis III. ad conversionem *Pomeranorum* adhuc Paganorum , quos variis præliis sibi subjecerat, impetrato à *Callisto* Papa ad illam Gentem Apostolatu, eandem prædicatione verbi Dei, Domino cooperante , & sermonem signis & miraculis confirmante, ad Christianam fidem perduxit , meruitque dici *Apostolus Pomeranorum* ; ( sunt hi populi Slaviæ , qui *Pomerani* ideò appellantur , quòd

juxtà mare sint posit i. ) *Uratisslaus* Pomeraniæ Dux, amboque ejus filii à Sancto *Ottone* baptizati fuere, & *Adelbertus* Pomeraniæ Episcopus renunciatus sedem posuit *Vollini*, quod Oppidum est Insulæ Julini ad Ostia *Odere* fluvii, sed ea Episcopalis sedes anno *MCLXXV*. Caminum translata est. Omnia, quæ pro conversione *Pomeranorum* gessit *S. Otto* *Bambergensis* Episcopus, legi possunt in vita Sancti illius Episcopi tribus libris comprehensâ, quam Auctor quidam Anonymus hujus temporis Scriptor concinnavit, & quæ extat apud *Canisium* lib. 2. Antiq. lect. Aliud duodecimo sæculo incrementum suscepit Ecclesia sedente *Alexandro III*. Is quippè Summus Pontifex, dum anno *MCLXXVII*. adhuc *Venetiis* ageret, accepit epistolam à *Joanne* Indorum Rege, vulgò *Presbytero*, vel *Pretejean* appellato, quem multi post *Baronium* Existimant, *Abyssinorum* seu *Æthiopiarum* esse Imperatorem, alii verò asserunt, Imperium *Presbyteri Joannis* non in *Africa*, sed in *Asia* esse situm. Ut ut sit, hanc epistolam ad *Alexandrum III*. scripsit *Presbyter Joannes* Indorum Rex occasione adventus *Philippi* ejusdem Summi Pontificis medici, qui regiones illas perlustrans, cum vidisset fidem Christianam, quam populi illi amplectebantur, cum Romana in omnibus consentientem non esse, id *Presbytero Joanni* Imperatori significavit, qui veritatis discendæ cupidus, per eundem *Philippum* in *Italiam* remeantem scripsit ad *Alexandrum III*. litteras, quibus à Summo Pontifice Ecclesiam in Urbe, seu *Romæ*, postulabat, In qua missi ab eo viri prudentes habitare possent, & Apostolicâ plenius instrui doctrinâ, quam postmodum in patriam suam revertentes alios



alios edocerent. Rescripsit per eundem *Philippum* Medicum suum *Alexander III.* petiitque Romam mitti viros illos, & cunctas ipsius Regis petitiones se executioni mandaturum promisit. *Quæ autem secuta sint ista*, inquit *Baronius*, & post ipsum *Spondanus* ad annum *MCLXXVII.* nos latet, nisi quòd sive ab ipso *Alexandro Papa*, sive ab aliis ejusdem Sedis *Apostolica Pontificibus* constat, *Æthyopibus* istis Regni *Pretejani*, *Abyssinis* dictis, datam Ecclesiam *S. Stephani Prothomartyris*, undè cum ejus habitationibus, sitam post absidem *S. Petri*, quam in hanc usque possident diem. Multi Scriptores vanis conjecturis indulgentes, etymologiam hujus nominis *Joannis Presbyteri* Indorum Regis è lingua *Perfica* derivare conantur, sed meras dant conjecturas nulla auctoritate nixas. Longè, meâ quidem sententiâ, verosimilius est, hunc toto terrarum Orbe nominatissimum Indorum Regem vulgò appellatum esse *Presbyterum Joannem*, quia reverà *Presbyter* erat, sed *Nestorianus*, cùmque in Ecclesia Orientali licitum esset *Presb* teris habitare cum uxoribus ante Sacros Ordines susceptos ductis, *Joannes* iste ex sua conjugè genuit filium ac Regni successorem nomine, *Davidem*, uti produnt Historici. Quicumque ergò in hoc nomine *Presbyteri Joannis* latens aliquod mysterium expiscari, & è lingua *Perfica* referare atque explicare se posse existimant, hi certè inani sese torquent labore, & in novis excogitandis conjecturis oleum & operam perdunt.

## COLLOQUIUM II.

*In quo exhibetur series Episcoporum , qui  
duodecimo sæculo præcipuas Ecclesiæ  
sedes tenuerunt .*

D. **S**Æpiùs audiui à viris eruditis , Sedem Romanam eo singulari sibi à Deo concessa , præ cæteris aliis Ecclesiæ sedibus , gaudere privilegio , quòd hi omnes , qui eam hætenus tenuerunt Summi Pontifices , in nullam unquàm impegerint hæresim , eorumque series ab ipsis Apostolorum temporibus ad nostram usque ætatem , non sit interrupta ; cùm tamen aliæ nobilissimæ Ecclesiæ sedes , Antiochena , Alexandrina , Hierosolymitana , & Constantinopolitana sæpiùs ab Episcopis hæreticis fuerint occupatæ , multisque jam ab hinc sæculis sub dura Saracenorum , seu Turcarum tyrannide miserum in modum sint oppressæ , aut omninò destructæ . In serie itaque texenda Summorum Pontificum , qui , duodecimo sæculo Sedem Romanam tenuerunt , ac universam Christi Ecclesiam gubernarunt , potissimùm in hocce Colloquio hære , ac eorum gesta describere debemus . Dehinc , de Episcopis , qui eodem sæculo aliis præcipuis Ecclesiæ sedibus præfuerunt , breviter differemus .

M. Mortuo *Urbano II.* Pontifice Maximo anno millesimo nonagesimo nono , sicut jam observavimus in Colloquio II. in Historiam sæculorum decimi & undecimi , in ejus locum suffectus est *Pascha-*

*Paschalis II.* Monachus Cassinensis ante Pontificatum *Raynerius* appellatus, Presbyter Cardinalis tituli S. Clementis à *Gregorio VII.* creatus, & morum integritate, doctrina, solertia, & singulari in rebus agendis prudentia abundè cumulatus. Hanc *Paschalis II.* electionem divinitùs factam fuisse scribit *Bertholdus* in Chronico ad annum *MXCIX.* Eam etiam viro cuidam religioso revelatam fuisse asserit *Dodechinus* Abbas in Appendice ad *Marianum Scotum*. Certè pro miraculo duci debet, quòd, vivente adhuc *Guiberto* seu *Vviberto* Antipapa, *Clemente III.* dicto, & ob eum in factiones Urbe olim conscissâ, in electionem *Paschalis II.* Pontificis Maximi omnes simul in Urbe Clerici & Ordines, nemine adversante, cõsenferint; solus verò ipse celsissimam hanc dignitatem fugiens, invitus ac mærens eam suscepit. Per hanc tamen *Paschalis II.* electionem non fuit extinctum schisma ab *Henrico* inter Reges Germaniæ hujus nominis IV. in Ecclesia occasione Investiturarum excitatum. *Guibertus* quippè seu *Vvibertus*, dictus *Clemens III.* Antipapa, ab *Henrico* Rege Germaniæ creatus vixit usque ad annum millesimum centesimum, & post ipsius mortem duo confestim à schismaticis electi sunt pseudo-Pontifices, *Albertus* scilicèt, qui tamen eodem suæ electionis die captus à Romanis, & apud Sanctum Laurentium reclusus est; & *Theodoricus*, qui pseudo-Pontificatum tenuit diebus cv. & in Cavenfi postea Monasterio reclusus est, ut testatur *Pandolphus* Pisanus in Vita *Paschalis II.* De nomine, quod duo isti pseudo-Pontifices sibi imposuerunt, altum est apud veteres Scriptores silentium. Præter duos istos pseudo-Pontifices,

post



post obitum *Guiberti*, seu *Vviberti* electos, tertium schismatici elegerunt, ac promoverunt Antipapam dictum *Silvestrum IV.* qui antea vocabatur *Maginulfus*, seu *Maginalfus*. Sed hic tertius pseudo-Pontifex, amissa Urbe, exulem vitam, miserè finisse, sicque Ecclesiam quievissè scribit idem laudatus *Pandolphus* Pisanus in vita *Paschalis III.* Redditâ Ecclesiæ pace, *Paschalis II.* Summus Pontifex anno millesimo centesimo quinto, *Guiberti*, seu *wiberti* Antipapæ ossa, que Ravenne sepulta fuerant; exhumari & in fluentia proiici iussit, eò quòd, ut refert *Willelmus* Bibliothecarius apud Baronium, hi, qui adhuc *Wiberti* Antipapæ studiosi remanserant, falsas in vulgus spargebant visiones ostensas in sepulchro ejus, nimirum visas illic noctu splendere faces cælitus missas, illius sanctitatis indices. Hanc pœnam meritò post obitum luit *Vvibertus* Antipapa, qui per viginti annos Ecclesiam turbavit. Nec meliorem sortem nactus est *Henricus* Imperator hujus nominis *III.* qui contra *Gregorium VII.* Legitimum Pontificem creaverat Antipapam *Vvibertum* quondam Ravennensem Archiepiscopum. Hic siquidem Imperator, qui occasione Investiturarum, *Gregorium VII.* ejusque successores acriter insectatus fuerat, cùm vidit anno millesimo centesimo quarto se imparem esse sedandæ rebellionì, quam proprius filius *Henricus* adversus ipsum excitaverat, tentavit *Paschalem II.* Pontificem Maximum sibi reddere amicum, &, misso ad eum secreto Nuncio, literas scripsit, quibus primò conquestus est de austeritate in se Romanorum Pontificum, deindè, *Paschalem II.* de concordia interpellavit.

Ad di-

ad dijudicandam *Henrici* Imperatoris causam habitus est Moguntia anno mcv. celeberrimus totius Germaniae Praesulum & Principum Conventus, praesentibus, Sedis Apostolicae Legatis *Richardo* Albanensi Episcopo, & *Gebehardo* Constantiensi, ad quos *Henricus* Senior properans apud *Ingelheim*, quod ei Principes Germaniae ad vitandum populum tumultum occurrerant, reatum suum confessus est, & satisfactionem promisit. At nolentibus Sedis Apostolicae absolutionem absque generalis synodi, & Summi Pontificis discussione ei impartire, tandem *Henricus* Senior consiliis utriusque partis acquiescens, depositis Imperii Insignibus, videlicet Cruce, Lancea, Sceptro, Globo, atque Corona, eadem *Henrici* filii potestati tradidit, atque Summi Pontificis & Ecclesiae constitutionibus se se submittens, privatus abscessit in locum quemdam ei assignatum. Non diu tamen quievit *Henricus* Senior, quippe qui è loco, in quem, ut privatam vitam ageret, fuerat ablegatus, fugante se proripiens, Coloniam primum venit, inde Leodium, & exercitum congregans frequentes ad filium suum *Henricum*, ad Episcopos ac Principes Germaniae litteras dedit, quibus post vehementes querelas de injuriis sibi à filio illatis, tertio adversus eum appellavit *Paschalem II.* & Ecclesiam, causamque suam Deo ac sanctis commendavit, sicut constat ex ejus Epistolis ad Episcopos Germaniae scriptis, quas Baronius ad annum mcv. refert. Scripsit etiam *Henricus* Senior tres epistolas ad *S. Hugonem* Cluniacensem Abbatem, Tomo 2. Spicilegii Dacheriani insertas, rogavitque ut ad se veniret, quò pacem inire posset cum Summo Pontifice: *significans*

*ficans vobis, inquit, quod, si Deo propitio Regnum & Sacerdotium in unum colligere poterimus, post confirmatam pacem ire Jerusalem disponimus & videre Sanctam Terram, in qua Dominus noster in carne visus est. Sed, ut vulgari fertur Adagio, serò sapiunt Phryges. Sic enim Henrici Senioris ad fallendum compositus animus omnibus notus erat, ut nemo fuerit, qui ei montes aureos pollicenti, pietatemque simulanti fidem adhibere voluerit. Quocirca Henricus Senior Germaniæ Regno, ac Imperio à proprio filio suo Henrico juniore privatus, miserissimam vitam trahens mortuus est anno mcvl. ut jam in præcedentibus Colloquiis observavimus.*

*D. Fuitne pacatus ac tranquillus Paschalis II. Pontificatus imperante Henrico juniore, qui inter Reges Germaniæ est hujus nominis V. inter Imperatores verò est hujus nominis IV.?*

*M. Qui Patri Henrico seniori successit Henricus junior, Paschali II. Pontifici Maximo molestissimus fuit, cujus persecutionem ut declinaret Paschalis II. anno mclvi. in Gallias venit, ut Regem Francorum, seu Philippum I. & filium Regem designatum Ludovicum, & Ecclesiam Gallicanam consuleret super quibusdam molestiis, & novis Investituræ Ecclesiasticis querelis, quibus eum & infestabat, & magis infestare minabatur Henricus Imperator, vir affectus Paterni, & totius humanitatis expers, qui & genitorem Henricum crudelissimè persecutus exheredavit. ait Sugerius Abbas in Vita Ludovici Grassi Galliarum Regis, quæ extat Tom. 4. Duschonii. A Philippo Galliarum Rege, ejusque filio Ludovico exceptus summo honore Paschalis II. petiit ab illis, ut Beato Petro, sibi que ejus Vicario opem ferrent, Ecclesiam*



manu tenerent, & sicut Antecessorum Regum Francorum, *Caroli Magni* & aliorum mos inolevit, tyrannis, & Ecclesiæ hostibus, & potissimum *Henrico* Imperatori audacter resisterent. *Qui amicitia, auxilii, & Consilii dextras dederunt*, inquit idem *Sugerius* Abbas. Necdum Coronam Imperialem à Summo Pontifice acceperat *Henricus* Rex Germaniæ hujus nominis V. quam proinde ut obtinere posset, Romam anno millesimo centesimo undecimo valido cum exercitu venit, magnificis promissis Coronam Imperii à *Paschali II.* impetravit, obedientiam juravit, & cessionem Investiturarum, quas Summus ille Pontifex in multis Synodis damnaverat. Sed ubi *Henricus* inauguratus fuit Imperator, fidem, fregit, Papam & Cardinales in Castra captivos abduxit, Clericos, Archipresbyteros, & Presbyteros expoliavit, & per vim à *Paschali II.* extorsit Investiturarum concessionem, sicut refert *Landulphus* Pisanus in *Vita Paschalis II.* Multi exprobrarunt, ac crimini verterunt *Paschali II.* quòd Investituras *Henrico* Imperatori concessisset, non defuerunt tamen, qui, habitâ ratione temporis, malorum, quibus Roma premebatur, & imminentis Schismatis metus, eum excusatione dignum esse judicarunt, sicut nos illum excusavimus in præcedenti Colloquio; ut ut sit, hoc Privilegium, quod per vim extorserat *Henricus* Imperator, rescidit postea *Paschalis II.* & inhærendo vestigiis decessorum suorum Investituras damnavit in multis Conciliis, quæ suo loco, idest, in quarto Colloquio referemus. Ecclesiam Romanam rexit *Paschalis II.* annos xviii. menses v. dies vii. & obiit xii. Kalendas Februarii anni mxcviii. Vitam *Paschalis II.* scripsit *Pandulphus*

*phus Pisanus*, qui, teste *Onuphrio* initio *Chronici Ecclesiastici*, in *Vitis Romanorum Pontificum Guilelmum S. R. E. Bibliothecarium* supplevit à *Gregorio VII.* usque ad *Honorium II.* non secus ac *Guillelmus* supplevit *Anastasium S. R. E. Bibliothecarium* ab *Hadriano II.* usque ad *Alexandrum II.*

Postquam è vivis excessisset *Paschalis II.* die *xxi.* *Januarii* anni *millesimi centesimi decimi octavi*, cessavit Pontificatus dies *iii.* ut inquit *Pandolphus Pisanus* in fine *Vitæ Paschalis II.* & in ejus locum, subrogatus est *Gelasius* hujus nominis *II.* natione *Campanus*, *Monachus Cassinensis*, antea dictus *Joannes Cajetanus S. R. E. Archidiaconus*, qui die *xxv.* mensis *Januarii* anni *mcxviii.* omnium *Cardinalium* consensu, *Cleri*, & *populi* voce expetitus in *Romanum Pontificem* fuit electus, & invitus ac renitens in *Apostolica Sede* locatus. Multis procellis jactatus, gravissimisque malis statim post electionem suam tum à *Schismaticis*, tum ab *Henrico Rege Germaniæ* hujus nominis *V.* vexatus est *Gelasius II. Papa.* *Schismatici* siquidem, Duce *Cencio Frangipane*, accurrentes ad *Monasterium*, quod *Palladium* dicebatur, in quo *Gelasii II.* electio peracta erat, & valvas ac fores confringentes, *Ecclesiam* furibundi introierunt, *Gelasium II.* electum Pontificem pugnis, calcibusque immaniter perculserunt, & in carcerem detruserunt, ex quo tamen *Proceres* ac *Populi* eum confestim liberarunt. Adveniente non multò post *Romam* *Henrico Imperatore*, aufugit *Gelasius II.* & *Cajetam* se contulit, ubi die *x.* mensis *Martii* *Romanus Pontifex* consecratus est. Eà *Gelasii II.* fugâ irritatus *Imperator* eadem circiter die *decimâ* mensis *Martii* *Mauri-*

*cium Burdinum* natione Gallum, & Bracarensem, Archiepiscopum in Sancti Petri Sedem intrusit, & *Gregorium VIII.* appellavit, cujus Antipapæ vitam *Stephanus Baluzius* tom.3. *Miscellaneorum* pag.471. ex variis Auctoribus collectam exhibet. Contra *Mauricium Burdinum* Antipapam *Gelasius II.* ad Galliarum Episcopos, cæterosque per Galliam fideles constitutos scripsit litteras, quæ extant tomo x. Conciliorum pag.817. quibus mandat, ut se contra *Mauricium Burdinum* Bracarensem Archiepiscopum ab Imperatore *Henrico* in Sedem S. Petri intrusum, arment. Romam clam venit *Gelasius II.* Postquàm *Henricus* Imperator Româ digressus in Liguriam rediisset; sed cùm Schismatici, qui *Henrico* Imperatori adherebant, ejus vitæ insidias struerent, in Gallias secessit Summus Pontifex, ubi cum cunctis ineffabili, summâ charitate & honore imenso exceptus est, ut testantur *Sugerius* Abbas in *Vita Ludovici* hujus nominis VI. Regis Galliarum, & *Falco* Scriptor coævus in *Chronico Beneventano*. Verùm, *Gelasius II.* postquam multas Galliarum urbes perlustrasset, gravissimâ ægitudine correptus, quam citatus *Sugerius* Abbas ait fuisse *podagram*, *Pandolphus* verò Pisanus *Pleureusim* in *Vita Gelasii II.* appellat, Cluniacum se perferri jussit, quò deportatus, summaque reverentia susceptus, completo Episcopatus sui an.1. & diebus 4. in medio fratrum, circumstantibus Episcopis Cardinalibus in propria domo, proprius Pastor in pace Cluniaco quievit, inquit *Hugo* Monachus Cluniacensis in Epistola ad Pontificem Abbatem Cluniacensem datâ, quæ extat in Bibliotheca Cluniacensi pag.463. Obiit itaque *Gelasius II.* Papa die vicesimâ nonâ mensis Januarii



anni millesimi centesimi decimi noni, sicut scribunt *Falco* in Chronico Beneventano, *Ordericus* lib. 12. *Fulcherius* Carnotensis lib. 3. Historiæ Hierosol. alique. Hujus Summi Pontificis Vitam scripsit *Pandolphus* Pisanus familiaris ejus, quam *Constantinus* Abbas anno MDCXXXVIII. Romæ cum prolixis Commentariis edidit, & post ipsum *Daniel Papebrochius* in Conatu Chronico Historico Romanorum Pontificum integram etiam exhibet.

*Gelasio II.* post Interpontificium duorum dierum successit *Callistus II.* electus Kalendis Februarii anni MCXIX. uti *Onuphrius* in Chronico Ecclesiastico, & *Sigonius* lib. 10. Historiæ de Regno Italiæ tradunt. *Callistus II.* ante Pontificatum *Guido* appellabatur, eratque Archiepiscopus Viennensis. Patrem habuit *Willelmum* Burgundiæ Comitem, fuitque *Adelaidis* Francorum Reginæ, & *Ludovici Grassi* uxoris avunculus, nec non cum *Henrico* Imperatore consanguinitate junctus. In Cœnobio Cluniacensi *Callistus II.* electus est Pontifex Romanus, sed die nonâ mensis Februarii Viennæ in Gallia fuit consecratus ac coronatus. *Falco* in Chronico Beneventano refert, *Gelasium II.* Pontificem Maximum, paulò antequam Cluniaci moreretur, cumque convalescere penitus desperasset, Cardinales, qui eum in Gallias venientem comitati fuerant, hortatum esse, ut *Cononem* Episcopum Prænestinum, tanquàm magis idoneum sibi substituerent, sed *Cononem* Pontificatum recusantem proposuisse *Guidonem* Archiepiscopum Viennensem, Virum pietate doctrinâ, industria, auctoritate, & Principum gratiâ spectatissimum, atque *Paschalis II.* per Galliam Legatum Apostolicum, qui electus est, dictusque

ut mox diximus, *Callistus II.* Romam anno tertio Pontificatus sui, seu anno millesimo centesimo vigesimo primo, cum venisset *Callistus II.* Romanorum ac Normannorum collegit exercitum, & apud Suburium urbem Romę conterminam obsedit, cepitque *Mauricium Burdinum* Antipapam, qui sub nomine *Gregorii VIII.* triennio integro Ecclesiam perturbavit, aliis ei adhærentibus, aliis verò *Gelasium II.* & post eum *Callistum II.* verum Pontificem agnoscantibus. Sic captus *Burdinus* Antipapa, & multis ignominiiis ab exercitu & populo affectus, sicut narrat *Falco* in Chronico Beneventano, Romam in triumphum deductus est, & *Callistus II.* Pontifex Maximus ad exemplum veterum Romanorum, qui devictorum Regum ac populorum nomina, titulosque marmoribus inscribi curabant, hancce Historiam in antiqua Camera Palatii Lateranensis descriptam curavit cum hac inscriptione, quam suâ quoque ætate superfuisset docet Onuphrius:

*Eccè Callistus honor Patrię, decus Imperiale.*

*Burdinum nequam damnat, pacemque reformat.*

Sublato *Mauricii Burdini* Antipapę in Urbe, sedecore, & nobilium Romanorum per *Callistum* Pontificem Maximum rebellionem compressâ, *Henricus* Imperator, qui occasione Investiturarum diu afflixerat Ecclesiam, precibus & commonitionibus Germaniæ Episcoporum atque Principum tandem aliquandò inflexus, pacem cum *Callisto II.* Pontifice Romano in Conventu Wirceburgi in festo S. Michaelis mense Septembri celebrato firmare proposuit, & ad eam perficiendam Legatos Episcopum, Spirensensem, & Abbatem Fuldensem Romam ad *Callistum* Papam misit. Hanc pacis Legationem incre-

dibili gaudio suscepit *Callistus* Pontifex , & ad Imperatorem Legatos itidem destinavit *Lambertum* Cardinalem , Ostiensem Episcopum , & duos alios Cardinales , quibus in mandatis dedit , ut S. Sedis Apostolicæ auctoritate Imperatorem ad Communionem Ecclesiæ reciperent , post *Investiturarum* cessionem . Auditis Legatis Pontificis *Henricus* Imperator dimisit *Investituras* per annulum & baculum , permisitque ut deinceps in omnibus Germaniæ Ecclesiis fierent Episcoporum & Abbatum electio , liberaque consecratio . *Callistus* verò Papa Imperatori concessit , ut electiones Episcoporum & Abbatum Teutonici Regni in præsentia ipsius absque Simonia fierent , & ut Electus Episcopus , vel Abbas Regalia per Sceptrum ab Imperatore reciperet . Pacta scripto tradita , & mutuis utrinque firmata subscriptionibus fuerunt , sicque concordia Sacerdotium inter & Imperium tandiù omnium animis , votisque conspirantibus expetita felicitè restituta est . Post hæc , *Callistus II.* Pontifex Maximus Concilium Generale Lateranense I. indixit , in quo composita est *Investiturarum* Controversia . Sec de hoc Concilio , & de aliis , quæ à *Callisto II.* Summo Pontifice celebrata sunt , opportuniùs in Colloquio quarto differemus . Hic autem præmittere haud possum singulare beneficium , quod *Callistus II.* Pontifex Maximus , dùm adhuc in Galliis esset , Viennensi Ecclesiæ , cujus ante Pontificatum Archiepiscopus fuerat , tribuit , ei videlicet concedendo Primatus auctoritatem in septem Provincias seu *Viennensem* , *Bituricensem* , *Burdigalensem* , *Ausitanam* , *Narbonensem* , *Aquensem* , & *Ebredunensem* cum potestate Synodos indicendi , & negotia Ec



ecclesiastica canonicè dirimendi . Cùm itaque , hoc *Callisti II.* beneficio Bituricensis Ecclesia , quæ Primatu in Aquitania potiebatur , & Narbonensis Ecclesia , quæ ex *Urbani II.* Papæ Decreto Primatum obtinebat in Provincia Aquensi, seu Narbonensi secundâ , subjectæ essent Primati Viennensi , hinc factum est , ut Archiepiscopus Viennensis sibi Primatis Primatum nomen indiderit , & monetæ , quam edi curabat Viennæ , hanc inscriptionem adjecerit : *Maxima Sedes Galliarum* . Titulum Primatis sibi etiamnum in Galliis vendicat Archiepiscopus Viennensis , sed hic titulus sine re, nihil aliud est , quàm magni nominis umbra . Plura hac de re legis apud illustrissimum *Petrum de Marca* in Dissertatione ad Concilium Claromontanum anno mxcv. celebratum . Sedit *Callistus II.* annos quinque , menses decem , & dies duodecim , obiitque die xiii. mensis Decembris anni mcxxiv.

*Callisto II.* Pontifice Maximo ad superos translato , Comitia novo creando Pontifici habita sunt , in quibus, teste *Landulpho Pisano* in *Vita Honorii II.* electus est Pontifex Romanus *Theobaldus* Cardinalis Presbyter S. Anastasiæ, dictus *Cælestinus II.* sed *Leo Frangipanis*, aliique, quibus hæc non probabatur electio, *Lambertum* Cardinalem, Ostiensem Episcopum, Papam acclamarunt . Hæc dissensio in apertum Schisma erupisset, nisi *Theobaldus*, vir insigni modestiâ præditus , eodem die quo electus est , dignitatem abdicasset, ut videre est apud *Baronium*, *Ciaconium*, *Pagium*, & alios . *Lambertus* verò post septem dies , & non post dies duodecim , ut contra *Baronium* evincit *Pagius* ad annum millesimum centesimum vigesimum quartum, intelligens electionem,

suam itidem vitiosam esse, Insignia Pontificatus deposuit coram Cardinalibus, qui videntes ejus humilitatem, ad ejus pedes prociderunt, & tanquam pastori suo & universali Papæ obedientiam exhibuerunt, fuit itaque *Lambertus*, patriâ Bononiensis, dictus in Pontificatu *Honorius Secundus*, consecratus die *xxi.* mensis Decembris anni *mcxxiv.* non, verò die *xxviii.* mensis Decembris ejusdem anni, ut existimat *Baronius*, nec die *iv.* mensis Januarii anni insequentis, sicut putat *Papebrochius* in *Conatu Chronico-Historico*, quos confutat *Pagius* loco mox laudato. In Pontificatu multa strenuè gessit *Honorius Secundus*, quæ hic breviter attingam. In primis, *Conradum*, & *Fridericum*, Imperatoris *Henrici* ex Sorore nepotes, *Lothario* Germaniæ Regi rebelles excommunicavit, *Anselmum* Archiepiscopum Mediolanensem, qui *Conradum* Regem inauguraverat, eidem excommunicationis Censuræ subjecit, & Patriarchas Aquilejensem ac Venetiarum, qui *Conrado* adhærebant, deposuit. *Rogesium* Siciliæ Comitem ob invasionem Ducatus Apuliæ post obitum *Villelmi II.* excommunicavit *Honorius II.* Pontifex Maximus, seque ad arma contra ipsum paravit, sed Belli difficultatibus deterritus, pacem inivit cum eodem *Rogerio*, eumque Siciliæ, Calabriæ, & Apuliæ Ducatu investivit, postquàm sibi hominum præstitisset ac fidelitatem jurasset. Viros Sanctitate & doctrinâ his temporibus conspicuos, *Norbertum* præmonstratensis Ordinis fundatorem, *Hugonem* Gratianopolitanum Episcopum, *Bernardum* Claravallensem Abbatem, *Petrum* Cluniacensem, *Stephanum* Cisterciensem, & *Hugonem* à Sancto Victore singulari benevolenti âcomplexus est *Honorius II.* Sed

*Oderisium* juniorem Abbatem Cassinensem, ob ipse-  
ta mandata Pontificia, & contumaciam, exaucto-  
ravit & excommunicavit, sicut legitur in libro  
quarto Chronici Cassinensis; *Pontium* vero Clunia-  
censem olim Abbatem, qui Abbatiam querelis Mo-  
nachorum abdicare compulsus Hierosolyma petie-  
rat, indèque reversus, Cluniacensem Abbatiam in-  
vaserat, turbabat, diripuerat, idem Summus Pon-  
tifex ab omni Officio, & honore Ecclesiastico amo-  
vit, atque Romæ in carcerem detrudi jussit, ubi  
mœrore affectus migravit è vita, sicut testantur  
*Ordericus* lib. 12. & *Petrus* Clunianensis Abbas lib. 2.  
Miraculorum epist. 12. Ad *Honorium II.* nonnullas,  
Epistolas dedit *S. Bernardus* Abbas Claravallensis  
pro variarum Ecclesiarum necessitatibus, sed præ-  
sertim pro *Stephano* Episcopo Parisiensi, & pro  
*Henrico* Archiepiscopo Senonensi, quos *Ludovicus* hu-  
jus nomine VI. cognomine *Grassus*, Galliarum Rex  
injustè vexabat, eò quòd jura Ecclesiæ, quæ præ-  
dictus Rex interdum usurpabat, prodere nollent in-  
star aliorum Episcoporum Aulicorum, qui Regi  
ignavè adulantes jura Ecclesiæ mandatis Regiis  
postponebant. Verùm, licèt *Honorius II.* Epistolis  
*S. Bernardi* potissimùm excitatus tentarit *Ludovi-  
cum* Galliarum Regem Apostolica mansuetudine,  
Episcopis reddere æquiores, maximâ tamen ergà  
eum œconomia usus est, quia *Ludovicus* Galliarum  
Rex de Ecclesia Romana aliundè benè meritus erat,  
qui Romanorum Pontificum contra Antipapas, &  
Schismaticos Imperatores se se his temporibus  
egregium defensorem exhibuit. Obiit *Honorius II.*  
Pontifex Maximus die XIV. mensis Februarii an-  
ni MCXXX. In ejus locum successus est *Gregorius*, pa-



triâ Romanus, Cardinalis Diaconus Sancti Angeli, quem alii cum *Baronio* Benedictinum, alii cum *Pagio* Canonicum Regularem fuisse affirmant. Ut ut sit, *Gregorius* mortuo *Honorio II.* electus est Pontifex Romanus, & consecratus, teste *Onuphrio* die *xxiii.* mensis Februarii, dictusque in Pontificatu *Innocentius II.* Quàm præclaris dotibus Summus ille Pontifex fuerit exornatus, & quàm difficilè Electioni de se factæ acquieverit, docet nos *Arnulphus* Sagienfis Archidiaconus, ac postea Lexoviensis Episcopus, qui composuit Tractatum de Schismate orto post *Honorii II.* Papæ decessum. Sic enim Cap. 4. de moribus *Innocentii II.* disserit laudatus Auctor: Si vitæ consideretur integritas, & à primis annis sub examen omnia redigantur, nihil deformatum crimine, nihil infamia condemnatum. In eo enim nil illiberale pueritia, nil adolescentia fluxam, nil juvenus infame, nil virilis ætas edidit indecorum. Inconcussa fides operationi bonæ fundamenta perstruxit. Consilio providus, benignus alloquio, facundia celebris, quam nec verborum fastus elatam, nec multitudo faciat effluentem. Tantumque apud omnes bonæ existimationis servabatur, & gratiæ, ut, quod aliàs perrarum est, esset ei ante ejus electionis tempora nullus hostis, cibi, potusque tanta sobrietas, ut illis non fastidium, sed abstinentiæ modus terminator assistat. Vestitus autem Apostolatus tempori sanè conveniens, quem nec professio Clericalis excluderet, Cardinalatus dignitas non horreret. Hæc, & alia id genus de Vita & moribus *Innocentii II.* postquàm retulit *Arnulphus*, describit postea, quo pacto Sanctus ille Pontifex precibus, lacrymis, multisque adductis rationibus Pontificatum semel & iterum pertinaci modestiâ recusarit, quem tandem

dem remittens & invitus ac minis excommunicationis compulsus suscepit . Verùm, contra hunc legitimum Pontificem *Innocentium II.* intrusus est à factiosis in perniciem Ecclesiæ Antipapa *Petrus Leonis* Presbyter Cardinalis , & *Anacletus II.* appellatus , qui *Innocentium II.* verum Pontificem Romanum, tanquàm usurpatorem infectatus est .

D. Quis est iste *Petrus Leonis* , qui contra *Innocentium II.* legitimum Pontificem Schisma in Ecclesia conflavit, dictusque est *Anacletus II.*

M. *Petri Leonis* Antipapæ , qui *Anacletus II.* dictus est , genus, fortunam & mores graphicè describit , ac nativis coloribus depingit mox citatus *Arnulphus* Capite tertio *Tractatus* , quem edidit , de *Schismate Orto post Honorii II. Papæ decessum* . Et primò quidem ait , *Petri Leonis* Antipapæ avum fuisse Judæum , qui inæstimabilem pecuniam cum in Judaismo multiplici corrogasset usurâ , Christianæ fidei Sacramenta suscepit , factusque dignitate Romanus , dùm genus & formam Regina pecunia donat , alternis matrimoniis omnes sibi nobiles civitatis adscivit . Ex hac progenie Judaica suam originem duxit *Petrus Leonis* Antipapa , qui ad ætatem adultam cum pervenisset , & in Gallias studiorum causâ missus fuisset , tantam sibi pravis operibus & fœditate morum suscitavit infamiam, ut ejus ortu, ambitione , vitæque præcognitis , ipsum esse Antichristum universitas gentium passim crederet & publicè testaretur . Posthæc , pergit idem *Arnulphus* , in Cœnobio Cluniacensi Monasticum habitum suscepit , ut vitia mentis ovino velaret amictu , opprobria vitæ præteritæ Cluniacense nomen obnubere , & virtutis existimationem bonorum societ as refer-

ferret . Romam deindè reversus *Petrus Leonis* , factus est Cardinalis , & ad diversas partes functus Legationis officio cupiditati suæ potiùs quam justitiæ satisfacere studuit , adeò ut illi ea tantùm bonos exitus habuisse negotia viderentur , quæ merces adjecta , & marsupii plenitudo subsecuta probaret . Bina singulis diebus sumptu plurimo convivìa parabantur , cùmque pauperes Episcopos , vel Abbates profusioribus vexasset expensis , in ipsa Ecclesiarum ornamenta satis impudenti sacrilegio grassabatur , ut planè sponsam domini spoliare , suisque privare monilibus ausu temerario videretur . Profusa verò convivìa tanta libidinum spurcicia sequebatur , ut ab ipso passim , quidquid occurreret , adiretur . Sororem *Torpeam* bestiali polluisse narratur incestu , & ex eo abominabili prodigio sustulisse filios , quos nepotes , nepotum pater , filiorum factus avunculus , sic naturæ jura confudit , ut eosdem sibi fratres faceret & cognatos . Jam nec Judæus quidem , sed Judæo etiam deterior . Denique , ut alia prætermittam , scribit idem *Arnulphus* , sic effræni libidini indulfisse *Petrum Leonis* , ut , dum in Galliis legationem obiret , puellam virili veste amictam circumduxerit , quæ ipsi in deliciis erat ; cujus rei testem Montis pessulani populum , & circumjectam appellat Provinciam . Solebat etiam idem *Petrus Leonis* inter nocturnos meretricularum amplexus jactare , se se aliquandò futurum Pontificem Romanum . Hæc est vera & ad vivum expressa effigies *Petri Leonis* , qui contra *Innocentium II.* legitimum Pontificem Sedem Apostolicam invasit , seque Antipapam constituit dictum *Anacletum II.*

D. Quem tandem exitum habuit istud Schisma à *Petro Leonis* Antipapa in Ecclesia excitatum ?

M. In-



M. *Innocentius II.* legitimus licèt Pontifex Romanus, anno sui Pontificatus primo, seu millesimo centesimo trigesimo, tyrannidi, quam *Petrus Leonis* Antipapa Romæ exercebat, cedere coactus, in Gallias fugit, ab Ecclesia Gallicana & Christianissimo Rege *Ludovico*, cognomine *Crasso*, in Concilio Stampensi, cèu legitimus Pontifex agnitus & susceptus est, agente potissimum *S. Bernardo* Claravallensi Abbate, qui ad istud Schisma extinguendum præcipuam *Innocentio II.* navavit operam. Paulò post, eundem *Innocentium II.* Reges Angliæ, Hispaniæ, Hierosolymorum, *Lotharius* Imperator tanquàm verum Pontificem Romanum, & Christi in terris Vicarium agnoverunt & coluerunt. Errant nonnulli, qui, post *Petrum Diaconum* in Chronico Cassinensi, asserunt, *Innocentium II.* Summum Pontificem, ut *Lotharium* Imperatorem magis sibi devinciret, ei *Investituras* per annulum & baculum restituisse. At enim, quamvis *Lotharius* Imperator nactus opportunitatem vehementèr institerit apud *Innocentium II.* ut sibi restitueret *Investituras* Episcoporum, ei tamen restitit *Innocentius II.* & pari zelo *S. Bernardus*, qui Concilio, quòd Summus Pontifex Leodii cum *Lothario* Imperatore habuit, aderat, audactèr resistens Regi, verbum malignum mira libertate redarguit, mira auctoritate compescuit, inquit *Arnoldus* Abbas Bonævallis in Vita *S. Bernardi* lib. 2. cap. 1. Intereà, Pseudo Pontifex *Petrus Leonis* dictus *Anacletus II.* frustrà Imperatores, Orientis & Occidentis, aliosque Reges, ac Principes Christianos tentavit suas in partes pertrahere. Frustrà Sanctos Episcopos & Monachos sollicitavit. Vanus, inquam, fuit illius Antipapæ conatus, quia  
omnes

omnes *Innocentio II.* ceu legitimo Pontifici, adhæserunt, solis exceptis *Rogério Siciliae Duce*, & *Villelmo Duce Aquitaniae*, & *Comite Pictaviensi*, quorum Primus, scilicet *Rogérius*, partes *Anacleti Antipapæ*, à quo Regio Titulo donatus fuerat, in Italia sustentabat; Alterum verò, seu *Villelmum Aquitaniae Ducem*, *Gerardus Engolismensis Episcopus*, & *Anacleti Antipapæ Legatus*, in ejus partes traxerat, quem tamen *S. Bernardus*, domitâ miraculo ejus contumaciâ, ad *Innocentii II.* obedientiam, & Ecclesiae unitatem revocavit. Romam cum *Lothario Germaniae Rege* an. MCXXXVII. venit *Innocentius II.* ibique eum Imperatorem coronavit, sed prævalente in Urbe *Anacleti Antipapæ* factione, Pisas secessit *Innocentius II.* Pontifex Maximus, ibique mansit usque ad *Anacleti Antipapæ* obitum, qui contigit anno MCXXXVIII. in locum tamen Antipapæ *Anacleti* quemdam *Gregorium*, Presbyterum Cardinalem, Pontificis ornatum Insignibus & *Victorem IV.* appellatum, Cardinales Schismatici, favente *Rogério Siciliae Duce*, subrogarunt. Sed hic novus Antipa dictus *Victor IV.* intra paucos dies mitram deposuit, & ad pedes *Innocentii II.* supplicem se abjecit, sicque universa Ecclesia ad unitatem rediit. Anno sequenti, seu millesimo centesimo trigesimo nono, *Innocentius II.* Summus Pontifex *Rogério Siciliae Duci*, qui, mortuo *Rainulpho Duce*, Apuliam invaserat, cum copiis obviam progressus, insidiosè, ac fraudulentè ab ipso captus est. At cum *Rogérius* captivo Summo Pontifici pro pace supplicaret, concessit ei *Innocentius II.* Regnum Siciliae in Feudum, ac Investituras Ducatus Apuliae, Calabriae, & Principatus Capuae, pro se suisque hæredibus. Sed

dit *Innocentius II.* Pontifex Maximus annos tredecim, menses septem, & dies novem, obiitque octavo Kalendas Octobris, seu die xxiv. mensis Septembris anni millesimi centesimi quadragesimi tertii. De Conciliis, quæ pro variis emergentibus Ecclesiæ negotiis celebravit *Innocentius II.* & præsertim de Concilio Oecumenico Lateranensi secundo agemus suo loco, idest, in Colloquio quarto in Historiam hujusce sæculi duodecimi.

D. Quem in Sede Pontificia successorem habuit *Innocentius II.* Pontifex Maximus?

M. Mortuo, ut jam diximus, *Innocentio II.* die xxiv. mensis Septembris anni MCXLIII. *Guido de Castello*, natione Tuscus, antea Presbyter Cardinalis S. Marci, electus est Pontifex Romanus die xxvi. mensis Septembris ejusdem anni, dictusque in Pontificatu *Cælestinus II.* qui, ut scribit Chronographus Mauriniacensis, prælatione illa dignissimus erat, quoniam ei tria, quæ inter homines habentur præcipua, simul confluxerant, celebremque Magistrum reddiderant; nobilitas scilicet generis, mentis industria in omni statu æqualis, litterarum quoque, quarum doctrinæ intentissimus fuit, scientia multiformis. Ludovicus VII. Francorum Rex Legatos ad *Cælestinum II.* Pontificem Maximum misit ad obtinendam absolutionem ab interdicto, cui *Innocentius II.* Papa Galliarum Regnum subjecerat. Quam absolutionem, ut narrat idem Chronographus Mauriniacensis, ita dulcissima impetratione obtinuerunt Legati, ut in conspectu illorum, multorumque nobilium, quorum frequentia Roma fremere solet, benignè assurgeret, *Cælestinus* Papa, manuque elevata signum Benedictionis contra regionem  
hanc



hanc faciens, ipsam à sententia interdictionis absolueret. Epistolam ccxxxv. ad *Celestinum II.* & Epistolam ccxxxvi. ad totam Curiam Romanam scripsit *S. Bernardus* contra *Willelmum Eboracensem* Archiepiscopum electum, quem intrusum appellat, & cui *Celestinus II.* Pallium denegavit. Præfuit tamen Ecclesiæ Eboracensi *willelmus* usque ad Pontificatum *Eugenii III.* à quo in concilio Parisiensi anno MCXLVII. depositus est, sed postea, cognitâ ejus innocentia, ab *Anastasio IV.* anno MCLIII. in Archiepiscopatum Eboracensem restitutus, Pallioque insignitus fuit, ac post mortem ob celebritatem miraculorum sanctorum fastis adscriptus ab *Honorio III.* Pontifice Maximo anno MCCXXVI. ut videre est apud *Odoricum Raynaldum* in Annalibus Ecclesiæ ad annum MCCXXVI. Romanam Ecclesiam rexit *Celestinus II.* Papa menses quinque, dies tredecim, obiitque die nonâ mensis Martii anni millesimi, centesimi quadragesimi quarti. Post triduum ab obitu *Celestini II.* Papæ, Cardinales convocati *Gerardum Caccianimum*, civem Bononiensem, quem *Honorius II.* Summus Pontifex ex Canonicis Regulari Cardinalem creaverat, Pontificem Romanum elegerunt, eoque consecrato, *Lucium secundum* appellarunt, sicut tradunt *Sigonius* in Historia de Regno Italico libro XI. & *Onuphrius* in Chronico Ecclesiastico. Monachos Vezeliacenses protegit *Lucius II.* contra *Guillelmum II.* Comitem Nivernensem, scripsitque ad Sanctum *Bernardum*, ut hunc Comitem Sedis Apostolicæ nomine commoneret, ne quid præter jus ab illis Monachis exigeret. Monachos Cluniacenses tantâ itidem benevolentia complexus est *Lucius II.* ut *Petro Cluniacen-*

niacensi Abbati ejusque successoribus Monasterium  
*S. Sabæ* à *S. Gregorio Magno* Romæ fundatum in-  
 perpetuum commiserit. Multa Romæ *Lucius* Pa-  
 pa passus est incommoda à seditiosa factione *Ar-*  
*naldistarum*, qui non solum priscam senatorum  
 dignitatem instaurare, verum etiam *Patricium*  
 instituire ausi fuerant, & omnes Ecclesiæ Roma-  
 næ redditus ei adjudicare nitebantur, dictitantes,  
 Pontificem, Cardinales, omnemque Clerum de  
 Decimis tantum & oblationibus vivere oportere.  
 Ad frangendos itaque tumultantium *Arnaldista-*  
*rum*, seu Romanorum rebellium impetus, *Lucius II.*  
 auxilium *Conradi* Romanorum Regis interpellavit.  
 Cr. psere etiam ad *Conradum* Regem Romani con-  
 tra Pontificem rebelles, eumque Romam voca-  
 runt, sed *Conradus* eorum Legationem despexit.  
 Pacem cum *Rogério* Siciliæ Rege composuit *Luci-*  
*us II.* eique, seu Ecclesiæ Romanæ, *Alphonsus* Lu-  
 itaniam vestigalem annuo censu unciarum auri  
 quatuor reddidit, eâ lege ut defensionem ac sola-  
 tium Apostolicæ Sedis haberet, & nullam potesta-  
 tem alicujus Ecclesiastici, vel sæcularis Domini,  
 nisi tantum Apostolicæ Sedis vel ipsius Legatorum,  
 in Regno suo reciperet. *Innocentio II.* jam homi-  
 nium fecerat *Alphonsus*, qui in suis ad *Lucium II.*  
 litteris se quidem Lusitanix Regem inscribit, sed  
 à Pontifice *Lucio II.* tanquam *Dux* tantum saluta-  
 tur, ut videre est apud *Baluzium* lib. II. Miscell.  
 pag. 220. & seq. ubi *Alphonsi*, & *Lucii II.* Episto-  
 las in lucem emisit. *Henricus de Cunha* in suo *Epi-*  
*scoporum Portuensium Catalogo* part. 2. cap. 3. Di-  
 ploma *Alphonsi* anno millesimo centesimo qua-  
 dragesimo datum repræsentat, in quo is se Por-  
 tuga-

tugaliæ, seu Lusitaniæ Regem appellat. Sedit *Lucius II.* Papa menses undecim & dies quatuordecim, sed, ut ait *Gotfridus Viterbiensis* in *Chronico*, intendens senatum extinguere, cum ingenti militia Capitolium Romæ conicendit, ut sedentes ibi tum Senatores cum dedecore removeret. Senatus autem, Populusque Romanus ad arma conversus, Papam cum suis omnibus à Capitolio in momento repellant, ubi Papa (sicut tunc audivimus) lapidibus magnis percussus est. Obiit die xxv. mensis Februarii anni millesimi centesimi quadragesimi quinti, ut tradunt *Baronius* in *Annal. Eccl. Onuphrius* in *Chronico*, & *Sigonius* lib. xi. *Historiæ de Regno Italico*.

Justis *Lucio II.* persolutis, *Bernardus*, Patria Pisanus, Monachus Cisterciensis, Monasterii Sanctorum *Vincentii*, & *Anastasi* Abbas, atque *S. Bernardi* Clarævallensis discipulus, maximo animorum consensu Pontifex Romanus electus est, die xxvii. mensis Februarii anni mclv. & *Eugenius III.* appellatus. Sed, tumultuante Romæ factione Hæreticorum *Arnaldistarum*, quorum errores in Colloquio tertio referemus, statim post electionem suam *Eugenius III.* Româ egressus fugit ad Monasterium Farfense ordinis Benedictini in territorio Sabinensi situm, quod Româ tantum xxv. passuum millibus distat, in quo die quartâ mensis Martii consecratus est. Verum, pacatâ Romanorum seditione, *Eugenius III.* relicto *Viterbio*, ubi per octo menses commoratus fuerat, Romam reversus, iterum arripere fugam coactus est. Romani quippè ab Hæreticis *Arnaldistis* excitati, dum antiquæ Romanæ Reipublicæ ac libertatis formam restituere



tuere adnitebantur, solâ facrorum curâ Romano Pontifici relictâ, vectigalia Pontificum sibi vindicabant, volentes, Pontificem Decimis & oblationibus tantum more prisco contentum vivere debere. Quod cum accepisset *S. Bernardus* scripsit ad Romanos Epistolam, quæ in Editione *Mabillonii* est cexliii. in qua eos asperè, sed justè increpat, quòd tam iniqui essent in Summum Pontificem, aitque eos Dei vindictam non evasuros, ni quamprimùm resipiscant. Scripsit etiam idem *S. Doctor* Epistolam ad *Conradum* Romanorum Regem, quæ est ordine cexliv. in qua eum adhortatur, ut Romanos, si fortè obstinati perseverent, armis compescat. In his rerum angustiis constitutus *Eugenius III.* tumultuantium semper *Arnaldistarum* persecutionem fugiens, in Galliam, prædecessorum suorum exemplo, sese contulit, ubi à *Ludovico VII.* Galliarum Rege ingenti honore exceptus est, & ad novam suscipiendam Expeditionem Terræ Sanctæ, vel ad proscribendos gliscentes quorundam hæreticorum errores nonnulla celebravit Concilia, quæ in Colloquio quarto proferemus in medium. *Eugenium III.* in Pontificatu nihil de Corporis macerationibus, quibus, dùm adhuc in monasterio esset, se se assuefecerat, immutasse, docet nos *Arnaldus Abbas Bonævallis* lib. 2. vitæ *S. Bernardi* cap. 8. ubi de *Eugenio III.* Papa hæc habet: *Adhærebat carni ejus lanea tunica, diebus & noctibus cucullo vestitus, sic ibat, sic cubabat. Intus Monachi habitum retinens, extra se Pontificem & vestibus & moribus exhibebat . . . . . Læctus palliis opertus, cortina ambebatur purpurea, sed si revolueres operimenta, invenires superiectis laneis*

complosa stramina, & paleas conglobatas. Homo in facie, Deus videt in corde; ipse verò bona coram Deo & hominibus providebat. Alloquitur fratres non sine lachrymis, miscens sermonibus auulsa à corde suspiria, hortatur & consolatur, & se inter eos fratrem & socium, non dominum exhibet vel Magistrum. De laudibus etiam *Eugenii III.* Papæ legendus est *Petrus Venerabilis* in Epistola XLVI. libri VI. quam scripsit ad S. *Bernardum*, eique significat, se se ab *Eugenio III.* Summo Pontifice fuisse amantissimè susceptum, & præclaras tanti Pontificis dotes magnis celebrat encomiis. Sedit *Eugenius III.* annos octo, menses quatuor, & dies decem, atque ad cælestem vitam migravit die septimâ mensis Julii anni millesimi centesimi quinquagesimi tertii. Statim post mortem miraculis refulsit sanctissimus ille Pontifex, & in Martyrologio Cisterciensi ut sanctus colitur. *Chrysostomus Henriquez* in suo Fasciculo paruum Tractatum de *Miraculis Eugenii* ex Codice MS. Dunensis Cœnobii publicavit Auctore Anonymo, sed oculari & Synchrone, qui miracula septem ad sepulturam ejus patrata notavit, præfixâ semper ad *Eugenii* nomen appellatione *Beati*. Eundem Tractatum eddidit *Papebrochius* in conatu Chronico Historico ex antiquo codice Monasterii Ursicampi in Picardia, & in Abbatia Ordinis Cisterciensis, cui titulus *Misericordia Dei*, in Diœcesi Pictaviensi sitâ, ubi ille codex MS. asservatur. Post mortem *Eugenii III.* vacavit Sedes Pontificia dies duos, ut testantur *Martinus Polonus*, Auctor magni Chronici Belgici, & *Sigonius*, eique successit *Conradus de Suburra* Cardinalis & Episcopus Sabinensis, Apostolicæ Sedis in Urbe

*Urbe Vicarius, natione Romanus, Vir grandævus, & apud Romanos auctoritate præclarus; exindè vocatus Anastasius IV. ut ait Auctor antiqui Chronici Normanniæ pag. 988. Anastasium IV. ante Pontificatum nec fuisse Monachum vel Abbatem Cænobii S. Rufi in Gallia, nec etiam Monachum Benedictinum, sed Canonicum Regularem, & Veliternensis Monasterii Priorem, solidè contra Ciaccium, Onuphrium, & Trithemium probat Antonius Pagius in Critica Baronii ad annum MCLIII. Grafante fame, ingentes eleemosynas in pauperes profudit pius ille Pontifex. S. Willelmum, quem Eugenius III. deposuerat, in Archiepiscopatum Eboracensem restituit. In Ecclesiam Lateranensem multum benificus fuit, ut videre est in libro de Ecclesia Lateranensi edito à Joanne Diacono juniore ejusdem Ecclesiæ Canonico. Direxit etiam idem Summus Pontifex anno MCLIV. ad Raymundum de Podio Magistrum Ordinis Hospitalariorum, seu Equitum Sancti Joannis Hierosolymitani, Rescriptum Apostolicum, quo statuit, ut quascumque possessiones & omnia bona, quæ ad sustendendam peregrinorum & pauperum Hierosolymam aduentantium necessitatem offerri Xenodochio contingeret, vel jam essent concessa, quieta semper & integra possiderent, & bonorum à se possessorum decimas nec Laicis, nec Episcopis soluerent. Quod privilegium Equitibus S. Joannis Hierosolymitani ab Anastasio IV. concessum causa fuit gravissimi dissidii, quod exarsit Equites illos inter & Clerum Hierosolymitanum, sicut ostendemus in Colloquio sexto in Historiam istius sæculi XII. Brevis fuit Pontificatus Anastasii IV. quippè qui sedit tantum*



annum unum, menses quatuor, dies viginti quatuor, & obiit diè secundâ mensis Decembris anni millesimi centesimi quinquagesimi quarti. Mortuo *Anastasio IV.* successit in Sede Pontificia *Nicolaus de Brekspere*, dictus in Pontificatu *Hadrianus IV.* Variam hujus *Nicolai* ante Pontificatum fortunam *Guillelmus Neubrigensis lib. 2. de Rebus Angl. cap. 6.* describit his verbis: *Is (seu Nicolaus, dictus in Pontificatu Hadrianus IV. (natione Anglicus, patrem habuit quemdam, seu Robertum, non multæ facultatis, qui, relicto, cum sæculo, filio impubere apud sanctum Albanum factus est Monachus. Ille verò (seu ejus filius Nicolaus) adolescentiam ingressus, cum propter inopiam scholis vacare non posset, idem monasterium quotidianæ stipis gratia frequentabat. Undè pater erubuit, verbisque mordacibus socordiam ejus increpitans, omni solatio destitutum, cum gravi indignatione abegit. ille verò, seu Nicolaus, sibi relictus & fortè necessitate aliquid audere coactus, Gallicanas adiit regiones, ingenuè erubescens in Anglia vel fodere vel mendicare. Cumque in Francia minus prosperaretur, ad remotiora progressus trans Rhodanum peregrinatus est in regione quæ Provincia dicitur. Est autem in illa regione monasterium nobile Clericorum Regularium, quod dicitur Sancti Ruffi (extra civitatem Avenionensem olim positum, & postea Valentiam translatum) ad quem locum ille veniens & subsistendi occasionem ibidem inveniens, quibus potuit obsequiis, iisdem se fratribus (seu Canonicis Regularibus, qui indiscriminatim modò Fratres modò Monachi appellabantur) commendavit. Et quoniam erat corpore elegans, vultu jucundus, prudens in verbis,*

*injuncta impiger, placuit omnibus, rogatusque Canonici Ordinis suscipere habitum, annis plurimis ibidem resedit regularis imprimis disciplinæ æmulator . . . . .* Undè factum est, ut Abbate defuncto, scilicet Willemo, Fratres, seu Canonici Regulares, eum concorditer atque solemniter in Patrem, seu Abbatem, eligerent. Denique, refert idem *Guillelmus Neubrigensis*, quo pacto *Nicolaus* Abbas factus cœnobii *S. Rufi* incurrerit in odium Canonorum Regularium, qui pœnitentiâ ducti atque indignati, quòd hominem peregrinum sibi ipsis præfecissent, quasdam contra ipsum querelas ad Sedem Apostolicam detulerunt. *Eugenius III.* qui tunc arcem Pontificatus tenebat, pacem Abbatem inter & Canonicos composuit. At diù non quievit nescia quietis malitia, graviusque intonuit rediviva tempestas. Interpellatus est iterum Summus Pontifex, qui utrique parti ut prospiceret, permisit Canonicis ut alterum Abbatem eligerent, *Nicolaum* verò Romæ retinuit, & Cardinalem Episcopum Albanensem creavit. Hæc de *Nicolao* referunt jam citatus *Guillelmus Neubrigensis* Scriptor Anglus, qui hoc tempore vixit, & *Matthæus Parisius* in *Vitis Abbatum* San-Albanensium in *Roberto* Abbate. Albanensis Cardinalis creatus *Nicolaus* missus est Legatus in Norvergiam, ubi multos Infideles ad Christi fidem convertit, Metropoles erexit, & tantâ cum laude donâdato sibi munere defunctus est, ut, mortuo *Anastasio IV.* Summo Pontifice, in ejus locû summo omnium consensu suffectus fuerit, dictusque *Adrianus IV.* Retulimus in superiori Colloquio grave dissidium, quod enatum est *Hadrianum IV.* Summum Pontificem inter & *Fridericum* Imperatorem, quòd

occasionem præbuit diro schismati ab eodem Imperatore in Ecclesia excitato, de quo mox dicturi sumus. Bellum etiam gessit idem *Hadrianus* Papa cum *Guillelmo* Siciliae Rege. Sed narrat *Sigonius* lib. 12. *Historiæ de Regno Italiæ*, quòd *Guillelmus* Siciliae Rex pacem ab *Hadriano IV.* postulavit, & spondit, si se beneficiarium Ecclesiæ confirmaret, Romanorum adversus eum contumaciam reprefurum. Quam conditionem cum *Hadrianus* Papa repudiasset, cum ingentibus copiis è Sicilia in Apuliam transiit *Guillelmus*, Græcos prælio vicit, *Barium* in suam potestatem redactum planè evertit & *Hadrianum* Papam in tantas difficultates adduxit, ut de pace componenda cogitarit. Hanc in rem *Guillelmum* ad pedes procidentem recepit, eumque, postquam Sedi Apostolicæ hominium præstitisset, & ea, quæ invaserat, Ecclesiæ Romanæ restituisset, Regem Siciliae declaravit. *Henrico II.* Angliæ Regi Hiberniam occupandi pro Christianæ Religionis propagatione facultatem dedit *Hadrianus IV.* sed *Ludovicum VII.* Galliarum Regem monuit, ne sacram expeditionem in Hispaniam contra Saracenos susciperet, inconsultis illius terræ Principibus, alioqui periculum esse, ne bellum intempestivè & absque maturo consilio susceptum infautè cederet. Toletanæ Primatum Ecclesiæ confirmavit idem Pontifex, omnes Constitutiones *Pelagii*, *Alexandri*, & *Urbani II.* Pontificum Romanorum, quibus Patriarchalis dignitas Gradeni Archiepiscopo conceditur, autoritate Pontificia eidem confirmavit, eidemque Patriarchæ Gradeni concessit, ut Constantinopoli, & in aliis urbibus Orientalis Imperii, in quibus Veneti plures tunc



habebant Ecclesias, Episcopos consecrare posset, ut videre est in litteris illius Summi Pontificis, quæ extant tomo 10. Concil. pag. 1170. & referuntur à *Ferdinando Ughello* tom. 5. *Italia Sacra*. Adeò à bonis Ecclesiæ in propinquos profundendis alienus fuit *Hadrianus IV.* Summus Pontifex, ut (teste *Joanne Saresberienfi*, gentili suo, & viro pietate ac doctrina conspicuo) nec ipsi matri suæ, senio licet confectæ & ad summam egestatem redactæ, aliquid ad vitam sustentandam moriens reliquerit, sed solum eam Ecclesiæ Cantuariensis eleemosynis alendam commendaverit, Sedit *Hadrianus IV.* annos quatuor, menses octo, dies viginti novem, & migravit è vita Kalendis Septembris anni millesimi centesimi quinquagesimi noni. Opera, quæ edidit Summus iste Pontifex, referemus in Colloquio quinto, ubi agemus de Viris Illustribus, qui XII. Ecclesiæ sæculo floruerunt. Mortuo *Hadriano IV.* successit *Alexander III.* ante Pontificatum dictus *Rolandus* patriâ Senensis, Cardinalis Presbyter tituli S. Marci, & Cancellarius Sanctæ Romanæ Ecclesiæ. Eum Monasticam vitam in Monasterio *Chiaravalle* Ordinis Cisterciensis propè Mediolanum sito professum fuisse asserunt *Henriquez* in Menologio Ordinis Cisterciensis, & *Puricellus* in Monumentis Ecclesiæ Ambrosianæ. Sed utrumque Scriptorem falli, liquet ex Actis electionis *Alexandri III.* à *Baronio* recitatis, ubi de eo hæc leguntur: *Cum esset in Ecclesia Pisana Canonicus Clericus magni nominis, ad hanc Sanctam Romanam Ecclesiam à Beato Eugenio est vocatus. Vix electo Alexandro III.* Summo Pontifice, Ecclesia exagitari cœpit infecto ac diuturno schismate, quod à *Friderico*, dicto

*Ænobarbo*, Imperatore propagatum & sub quatuor Antipapis continuatum est.

D. Expone, quæso, quo pacto cœperit illud schisma, & quandonam fuerit extinctum?

M. Cùm Cardinales, mortuo *Hadriano IV.* ad eligendum successorem convenissent, omnes, præter *Octavianum* Presbyterum Cardinalem tituli Sanctæ Cæcilie, *Joannem* Presbyterum Cardinalem tituli Sancti Maximi, & *Guidonem* Presbyterum itidem Cardinalem tituli Sancti Callixti, elegerunt *Rolandum* Presbyterum Cardinalem tituli S. Marci, qui in Vigilia S. *Matthæi*, seu die xx. mensis Septembris anni MCLIX. Pontifex Romanus à Cardinali Ostiensi consecratus est, sicut ex Codice Vaticano refert *Baronius*. At *Octavianus* Cardinalis, qui jamdiù ad Cathedram Apostolicam aspiraverat, ubi vidit *Alexandrum III.* electum, ambitione abreptus Pontificatum invasit, & à suis appellatus est *Victor IV.* Poterat sanè, inquit *Vvillielmus Neubrigenensis* lib. 2. de Rebus Anglicis cap. 9. Scissura illa citò resarciri, poterat multitudini paucitas cedere atque uniri, nisi *Fridericus* Imperator veteri odio *Alexandrum* ( Pontificem Maximum ) non ferens, partem *Octavianam* tuendam, fovendamque modis omnibus suscepisset. Conventum itaque generalem, seu potius Conciliabulum, Papiæ indixit *Fridericus* Imperator, in quo omnes Episcopos, qui aderant, in eum consensum deduxit, ut Antipapam *Victorem IV.* pro legitimo Pontifice agnoscerent. Sic voti sui compos effectus Imperator in atrocibus Edicta prorupit, multos Præsules suis sedibus dejecit, & omnes Cisterciensis Ordinis Monachos, qui Antipapæ *Victori IV.* parère detrectabant, expulit

pulit è Regno suo, ut testatur *Helmoldus Presbyter Lubecensis lib. 1. Chronic. Sclavorum cap. 91.* ubi etiam hæc habet: Porro *Alexandrum*, ( seu legitimum Pontificem ) recepit *Hierosolymitana Ecclesia*, & *Antiochena*, præterea omnis *Francia*, *Anglia*, *Hispania*, *Dania*, & omnia Regna, quæ sunt ubique terrarum. Insuper *Cisterciensis Ordo* eidem universus accesserat, in quo sunt *Archiepiscopi*, & *Episcopi* complures, & *Abbates* amplius quàm septingenti, & *Monachorum inæstimabilis numerus*. Ecclesiam turbavit *Octavianus*, seu *Victor IV.* Antipapa usque ad annum *MCLXIV.* quo interiit, die *xx.* mensis *Aprilis*. In illius Antipapæ locum statim schismatici alium Antipapam substituerunt *Guidonem Cremonensem*, à suis appellatum *Paschalem III.* Hic pseudo-Pontifex, postulante *Friderico Imperatore*, *Carolus Magnus Imperatorem Sanctorum Catalogo accensuit*. De qua Canonizatione *Henricus Spondanus* ad annum *DCCCXIV.* verba faciens, hæc habet: Sed quòd is, seu *Paschalis III.* haud legitimus fuit Pontifex, ejusmodi Canonizatio non est recepta ab Ecclesia Romana. Quòd tamen non reperiantur legitimi Pontificeseam impugnasse, res sic tacita permissione sive tolerantia perseveravit, ut in propria Ecclesia, ubi sepultus fuit, coleretur. Ita enim Canonum præcipui interpretes declararunt, propagatus autem postea noscitur ejus cultus in alias Ecclesias *Galliæ*, *Belgii*, atque *Germaniæ*, in quibus idem *Carolus sanctitatis titulo colitur*, faventque scripta plurimorum rerum *Francicarum Historicorum*. Mortuus est hic Antipapa *Paschalis III.* die *xx.* mensis *Septembris* anni *MCLXVIII.* eoque mortuo, schismatici tertium Antipapam *Joannem Abbatem Strumiensem* elegerunt, dictum à suis



à suis *Callistum III.* Sed hic pseudo-Pontificatum anno MCLXXVIII. deposuit, *Alexandrum III.* ceu legitimum Pontificum agnovit, & eodem anno excessit è vivis. Tertio illo Antipapa demortuo, nedum quieverunt schismatici, sed quartum elegerunt Antipapam, seu *Landum Sitinum*, eumque appellarunt *Innocentium III.* cujus mentionem faciunt *Joannes de Ceccano* in Chronico, & *Onuphrius* in Chronico, aliique; illum tamen *Baronius* in Annalibus, & *Oldoinus* in Historia Cardinalium omninò prætermiserunt. Verùm, hic pseudo-Pontifex *Innocentius III.* qui paucos asseclas habuit, captus ab *Alexandro III.* Pontifice Maximo anno millesimo centesimo octuagesimo in exilium ablegatus est, ut testantur idem *Joannes de Ceccano* in Chronico, & *Anonymus Cassinensis* ad annum MCLXXX. sic extinctum est schisma, quòd anno MCLIX. cœpit, & anno dumtaxat MCLXXX. finem habuit.

D. Eo igitur anno millesimo centesimo octuagesimo *Fridericus* Imperator auctor ac promotor istius schismatis reconciliatus est, omnibusque depositis inimicitiis, in gratiam rediit cum *Alexandro III.* Pontifice Maximo?

M. Reconciliatio *Friderici* Imperatoris cum *Alexandro III.* Pontifice Maximo præcessit tribus annis abolitionem schismatis. Facta quippè est Venetiis anno millesimo centesimo septuagesimo septimo hæc *Friderici* Imperatoris cū *Alexandro III.* Romano Pontifice reconciliatio cum maxima omnium gratulatione & totius Ecclesiæ jubilo, sicut ostendimus in Colloquio superiori, ubi etiam post *Baronium*, & alios viros doctissimos explosimus  
puti-

putidissimam fabulam à nonnullis jactatam, quòd videlicet *Fridericus* Imperator osculum figens *Alexandro* Summo Pontifici dixerit: *Non Tibi, sed Petro*; & quòd *Alexander* caput Imperatoris præmens, eique insultans reposuerit: *Et mihi, & Petro*. Post hanc reconciliationem Imperatoris cum Summo Pontifice duravit quidem adhuc per tres annos schisma, cui tamen paucissimi quidã obstinati adhæserunt. Intrepidum ac magnanimum tempore schismatis sese prodidit *Alexander III.* Pontifex Maximus. A *Friderico* quippè Imperatore, & ab Antipapa *Victore IV.* Romã fugatus in Galliam venit, ubi à *Ludovico VII.* Rege perhonorificè susceptus in *Fridericum* Imperatorem, & in *Victorem IV.* Antipapam, ejusque sectatores, partiarios ac fautores excommunicationis sententiam tulit. Romam deindè post obitum Antipapæ *Victoris IV.* reversus, novum Antipapam *Paschalem III.* nec non *Fridericum* Imperatorem schismatis auctorem ab Ecclesiæ communione ritu solemni removit. In vindicandis etiam Ecclesiæ juribus, animi sibi semper constantis magnitudinem, quæ nec injuriâ, nec ullis rebus adversis flecti unquam potuit, contra *Henricum II.* Angliæ Regem exhibuit *Alexander III.* quippè qui non solum Sancto Thomæ Cantuariensi Archiepiscopo aduersus *Henricum II.* Angliæ Regem pro Ecclesiæ libertate pugnantem impensissimè favit, & consuetudines Anglicanas eidem libertati contrarias damnavit, sed etiam necem Sancti illius Martyris latâ in ipsum Regem, & in parricidas excommunicatione ultus est; paternâ tamen benignitate eundem Angliæ Regem, postquam jurasset, se necem *S. Thomæ Cantuariensis Archiepiscopi*  
nec

nec jussu, nec consilio, nec assensu approbasse, per Legatos suos absolvit, ut jam in superiori Colloquio observavimus. Canonizationis Sanctorum Sedi Apostolicæ reservavit *Alexander III.* & inter Sanctos solemni Canonizationis ritu retulit *Eduardum* Angliæ Regem anno MCLXI. *S. Bernardum* Clavallensem Abbatem, *S. Helenam* Viduam genere Vvisigotham, Sanctum *Canutum* Daniæ Regem anno MCLXIV. & Sanctum *Thomam* Cantuariensem Archiepiscopum anno MCLXXIII. Sedit *Alexander Tertius* à die consecrationis suæ, seu à die xx. mensis Septembris anni millesimi centesimi quinquagesimi noni, annos viginti unum, menses undecim, dies decem, & hominem exiit die tricesima mensis Augusti anni millesimi centesimi octuagesimi primi. Post *Alexandri III.* mortem vacasse sedem, diem unum asserunt *Onuphrius*, & *Baronius*. Quare, juxta calculum nostrum, die primâ mensis Septembris anni millesimi centesimi octuagesimi primi electus est Pontifex Romanus *Lucius III.* dictus ante Pontificatum *Ubaldu*, natione Tuscus, patriâ Lucensis, Cardinalis Episcopus Ostiensis, qui Legationibus sub *Innocentio II.* in Galliis, sub *Eugenio III.* in Sicilia, sub *Alexandro III.* apud *Friedericum* Imperatorem maxima cum laude perfunctus fuerat. Hunc Pontificem primâ Dominicâ mensis Septembris, quæ hoc anno incidit in diem vi. Septembris, consecratum ac coronatum fuisse scribit *Gaufridus* Prior Vossensis, qui eo tempore vivebat, *Joannes* verò de Ceccano in Chronico, ait, hanc *Lucii III.* Summi Pontificis coronationem factam fuisse apud *Vilitras*, seu apud *Velitras*, quod confirmat *Anonymus* Cassinensis, qui asserit eum consecra-



creatū esse apud *Velletrum*. Pontificatum adeptus  
*Lucius III.* Pictaviensem Episcopum *Joannem*, ma-  
 gnum olim *S. Thomæ* Cantuariensis amicum, creavit  
 Archiepiscopum Lugdunensem, de qua translatio-  
 ne *Stephanus* Tornacensis Episcopus gratulatus est  
 Epistolâ ordinē Lxxv. ad eundem *Joannem* data.  
*Willelmum* Scotiæ Regem à *Rogero* Archiepiscopo  
 Eboracensi excommunicatum absolvit, Regnumque  
 interdicto liberavit *Lucius III.* Pontifex Maximus.  
*Fridericum* Imperatorem, & Reges Galliæ, & An-  
 gliæ vehementer adhortatus est, ut sacram susci-  
 perent expeditionem contra Turcas, qui, *Saladino*  
 Rege Ægypti Duce, Hierosolymorum fines, & to-  
 tam latè Palæstinam populabantur. Sub *Lucio III.*  
 Pontifice Maximo vetus Controversia inter Turo-  
 nensem Archiepiscopum, & Dolensem Episcopum  
 renovata fuit. Nolebat enim *Rolandus* Episcopus  
 Dolensis electus haberi Suffraganeus Archiepiscopi  
 Turonensis, seque ex veteri privilegio totius mino-  
 ris Britannię Archiepiscopum & Primatem esse ja-  
 citabat. Contra verò Archiepiscopus Turonensis  
 Episcopum Dolensem, & ceteros ejusdem Provin-  
 cię Episcopos inter suos connumerabat. Turonensi  
 Archiepiscopo favebat *Philippus Augustus* Gallia-  
 rum Rex. Dolensi autem Episcopo suffragabantur  
 omnes Proceres Britannici, seu Aremorici, & non-  
 nulli Anglicani Principes. At *Lucius III.* Pontifex  
 Maximus, cum pacem Ecclesię turbare nollet, cau-  
 sam, quę vertebatur Turonensem inter & Dolen-  
 sem Antistites, indecisam reliquit, sicuti & ejus  
 Successores usque ad *Innocentium III.* qui an. mxcix.  
 Sententiam pro Turonensi Archiepiscopo dixit, &  
 liti, quę medio circiter sæculo nono cæpit, finem  
 impo-

imposuit. Sedit *Lucius III.* annos quatuor, menses duos, dies octodecim, numerando videlicet durationem ejus Sedis non à die electionis, sed à die ejus consecrationis, seu à die sexta mensis Septembris anni millesimi centesimi octuagesimi primi, & mortuus est Veronæ die xxiv. mensis Novembris anni mclxxxv. Hic autem prætermittere non debeo observationem *Onuphrii*, qui in Annotatione ad Vitam *Alexandri III.* dicit, in electione *Lucii III.* eam tunc primùm redactam fuisse ad solos Cardinales, Clero omninò & populo à Summi Pontificis electione exclusis, legemque salutarem in Concilio generali Lateranensi anno mclxxxix. celebrato latam de duobus tertiis Suffragiorum Cardinalium, ad evitanda impostero Schismata, executioni mandatam fuisse, quod dicit sibi constare ex ejusdem Pontificis Diplomate apud se asservato. Celebratis exequiis *Lucii III.* Summi Pontificis die xxv. mensis Novembris anni millesimi centesimi octuagesimi quinti, *Lambertus* natione Lombardus, patriâ Mediolanensis, ex prosapia Cribellorum creatus est Summâ Cardinalium concordia ex Archiepiscopo Mediolanensi Pontifex Romanus, dictusque *Urbanus III.* quem multa cum *Friderico* Imperatore commiserunt negotia, præsertim repetitio Patrimonii Comitissæ *Malhildis*, quod prædictus Imperator injustè occupabat; exuviæ, seu spolia morientium Episcoporum, quæ in Fiscum redigebat, & stipendia Abbatissarum, & Sanctimonialium, quæ idem Imperator sibi arrogabat. Has & alias id genus causas dissensionis *Urbanum III.* inter & *Fridericum* Imperatorem *Arnoldus* Abbas Lubecensis in Chronico Sclavorum lib. 3. cap. 16. 17. & 18.

sè narrat. Anathema *Friderico* Imperatori Eccle-  
 siæ minimè satisfaciendi intentavit *Urbanus III.*  
 exemplo decessoris sui *Lucii III.* noluit *Henricum*  
*friderici* Imperatoris , patre adhuc supersti-  
 tem, coronare Imperatorem. Intra minas tamen hæsit  
 summus Pontifex , & Veronensium precibus vi-  
 ctus , excommunicationis fulmen in *Fridericum* Im-  
 peratorem non vibravit . *Octavianum* S. R. Eccle-  
 siæ Diaconum Cardinalem in Angliam misit *Urba-*  
*nus III.* ut *Joannem*, filium *Henrici II.* Angliæ Regis ,  
 Hiberniæ Regem coronaret. De procuranda Chri-  
 stianorum Principum concordia , eorumque armis  
 contra Infideles convertendis plurimum sollicitus  
 fuit . Sed , postquàm Ferrariæ nuncium accepisset  
 de labefactatis in Asia Christianæ Rei-publicæ re-  
 bus, & de captâ à *Saladino* Hierosolymorum urbe ,  
 ærore ob eam cladem confectus est , ut testantur  
 omnes Scriptores ; excepto tamen *Willelmo Neu-*  
*rigensi* , qui lib. 3. de *Rebus Anglicis* cap. 20. falsò  
 asserit, *Urbanum III.* è vivis excessisse , antequam de  
 eade Christianis terræ Sanctæ illata nuncium acce-  
 pisset . Obiit *Urbanus III.* Ferrariæ die XIX. mensis  
 Octobris anni MCLXXXVII. postquàm sedisset annum  
 unum , menses decem , dies viginti quinque , ut as-  
 serunt in suis Chronicis *Joannes de Ceccano* , *Marti-*  
*nus* , *Anonymus Cassinensis* , *Ptolomæus Lucensis* , *Ab-*  
*bas Uspergensis* , *Platina* , & alii . *Urbanum III.* ex-  
 cepit *Gregorius VIII.* Beneventanus , dictus antehac  
*Albertus* , Presbyter Cardinalis S. *Laurentii in Lucina*  
 & S. R. E. Cancellarius . Porro, electus est *Gre-*  
*gorius VIII.* die XXI. mensis Octobris anni MCLXXXVII.  
 postquàm Sedes Pontificia die uno vacasset, & con-  
 secratus est die XXV. ejusdem mensis in quam inci-  
 dit



dit dominica dies . Pontificali itaque dignitate suscepta, *Gregorius VIII.* vir litteris facundiaque clarus, sed puritate vitę & animi integritate præclarior, sui que corporis castigator, pensare cepit attentius , qualiter labenti rerum statui subveniret . Videlicet nempe sui temporis Ecclesiam per vitia diffluentem, & in maligna prolapsam, ambitioneque, & avaritia, luxuriaq; necnon hæresibus , quasi quibusdam pestilentissimis hostibus vineam domini totam ferè jam esse depastam . Hoc meditabatur die ac nocte , hæc ejus cura , hoc studium , ut sui negligens viveret omnibus, ut per eum, cooperante domino , facies Ecclesiæ marcida refloresceret, ait *Hugo Altifiodorensis* , qui hoc tempore floruit . Epistolam Encyclicam ad universos Christi fideles , quam integram refert *Baronius*, scripsit *Gregorius VIII.* Pontifex Maximus , in quas eos ad pœnitentiam agendam , ad Expeditionem Sacram , seu ad recuperandam terram Sanctam Christianis nupèr à Saracenis ereptam vehementer adhortatur ; Sed dum ad ferendum Christianis in Asia gementibus præsidium totus incumbit optimus ille Pontifex , Pisas profectus ibique inopinato morbo correptus ad vitam immortalem transit die xvii. mensis Decembris anni MCLXXXvii. postquam sedisset mense uno, diebus viginti septem , sicut testantur *Bromptonus*, *Joanne de Ceccano*, & *Martinus Polonus* in suis Chronicis, ve Pontificatus sui die lvi. ut habet *Platina* . Post mortem *Gregorii VIII.* Sedem Pontificiam dies viginti vacasse multi post *Baronium* asserunt . At *C. Pagius* in Critica *Baronii* ad annum MCLXXXvii. luculentè ostendit, *Clementem III.* patriam Romanum antea dictum *Paulinum* , Prænestinum Episcopum ac Cardinalem Pisis die xix. mensis Decembris an-

ANNO MLXXXVI I. electum fuisse Pontificem Romanum,  
 & sequenti die consecratum, adeoque hoc viginti  
 annorum Interpontificium esse planè commentitium.  
 Duo maximè momenti negotia confecit *Clemens III.*  
 Pontifex Maximus. Pacem siquidem cum Senatu  
 populoque Romano fecit, & *Friderico I.* dicto  
*Enobarbo* Imperatori, *Philippo Augusto* Galliarum, &  
*Richardo* Angliarum Regibus author fuit, ut Sacram  
 expeditionem contra Turcas ad recuperandam  
 Terram Sanctam susciperent, quamvis tamen hæc  
 expeditio, ita propter Christianorum peccata per-  
 mittente Deo, felici exitu caruerit, sicut diximus in  
 superiori nostro Colloquio. *S. Ottonem* Bambergensem  
 Episcopum, de quo itidem in superiori nostro  
 Colloquio sermonem habuimus, in Sanctorum nu-  
 merum retulit idem Summus Pontifex, & è vivis  
 excessit die xxviii. mensis Martii anni mxcxi. Bi-  
 duo post illius obitum *Hyacinthus*, Petri Bubonis  
 & *Ursini* filius, Diaconus Cardinalis Sanctæ Ma-  
 riæ in Cosmedin, maximis Sedis Apostolicæ legatio-  
 nibus functus, electus est Pontifex Romanus die xxx.  
 mensis Martii ejusdem anni, & die xiv. mensis Apri-  
 lis, in quam Pascha incidit, consecratus est, dictus-  
 que *Cælestinus III.* sicut disertè testatur Chronogra-  
 phus Reischespergensis. *Henricum* inter Reges Ger-  
 maniarum hujus nominis VI. postquam Jurium Eccle-  
 siasticorum conservationem, & patrimonii S. Pe-  
 tri restitutionem integram jurasset, & *Constantiam*  
 ejus uxorem Imperiali Coronâ insignivit *Cælesti-  
 nus III.* Pontifex Maximus. Ad recuperandam Ter-  
 ram Sanctam haud parùm adlaboravit Sanctissimus  
 ille Pontifex, ut videre est in ejus Epistola, quam  
*Baronius* recitat ad annum mxcxi I. in qua Pontifex

universis Orbis Principibus in remissionem peccatorum injungit, ut, si quis adversus aliquem concepit rancorem, Creatori dimittat, & omnes toto animi studio procurent, ut Terram Sanctam, & Sepulchrum Dominicum, devicto & conculcato penitus occupantium furore, liberent, *Leopoldum* Austriae Ducē, qui *Richardum* Angliæ Regem è Sacra Expeditione revertentem ceperat, & injustè detinebat, Anathemate perculit, ac *Henrico* Imperatori, ejusque ditionibus, Censuras Ecclesiasticas etiam comminatus est, nisi eum liberum dimitteret, ut refert *Rogerius de hoveden* in Annalibus Anglicanis. Sanctum *Ubaldu*m Episcopum Eugubinum Fastis Sanctorum adscripsit idem Summus Pontifex, & obiit die viii. mensis Januarii anni mxcviii. postquam sedisset annos sex, menses novem, & dies novem. Denique, *Cælestino* III. successit *Innocentius* III. qui Pontificatum tenuit usque ad annum millesimum ducentesium decimum sextum; de cujus proinde electione, doctrina, ac præclaris gestis opportuniùs disseremus in Colloquio II. in Historiam decimi tertii Ecclesiæ sæculi.

D. Gaudeo planè, quòd inter tot turbas, factiones, & schismata, quibus Sedes S. Petri duodecimo Ecclesiæ sæculo fuit agitata, Series Romanorum Pontificum singulari Providentiæ divinæ benefici non fuerit interrupta, dùm tamen aliæ illustriore Ecclesiæ Sedes multis abhinc sæculis Barbarorum tyrannide oppressæ, ab Episcopis hæreticis, vel Schismaticis occupentur. Verùm, cùm in secundo Colloquio in Historiam sæculorum x. & xi. Series Episcoporum Sedis Constantinopolitanæ perduxeris usque ad *Nicolaum* hujus nominis III. qui ab ann  
mil



millesimo octogesimo quarto usque ad annum millesimum centesimum undecimum Constantinopolitanam rexit Ecclesiam, nunc continenti ordine prosequi debes eam seriem Episcoporum, qui, post *Nicolaum* hujus nominis *III.* Sedem Constantinopolitanam duodecimo Ecclesiæ sæculo tenuerunt.

*M.* Per viginti septem annos *Nicolaus* hujus nominis *III.* Constantinopolitanam rexit Ecclesiam. Anno siquidem millesimo octogesimo quarto Patriarchale solium conscendit, & anno millesimo centesimo undecimo è vita migravit. De isto Patriarcha *Nicolao* hæc scribit *Zonaras* in *Alexio Comneno* Imperatore: *Patriarcha Nicolaus*, per annos viginti septem Ecclesia gubernata, Senex admodum decessit, cujus funus Imperator magnificis honoribus prosecutus, filium Patriarcham in solio collocavit, ex fratre nepotem ejus, qui tùm Chalcedonensi præerat Ecclesiæ, in litteris tùm prophanis, tùm sacris ab ineunte versatum ætate, quem ipse Imperator in Ecclesia declaravit. Hic successior *Nicolai* in Sede Constantinopolitana appellatur *Joannes Hieromnemon* in libro quarto *Juris Græco-Romani*, ubi textitur *Series Episcoporum Byzantii*. Ecclesiam Constantinopolitanam gubernavit *Joannes Hieromnemon* ab anno millesimo centesimo undecimo, usque ad annum millesimum centesimum trigesimum quartum, hoc est per viginti tres annos, sicut legitur in serie Episcoporum Byzantii in libro IV. *Juris Græco-Romani* recitatâ. Ei successit *Leo Styopita*, cujus *Baronius* meminit an. *MCXLIII.* qui tamen *Joannem Hieromnemonem*, cognomento *Chalcedonium*, ejus decessorem prætermisit, sed *Onubrius* in *Chronico* utriusque mentionem fecit. Hic *Leo Styopita* Patriarcha Constantinopolitanus Sy-

nodum anno millesimo centesimo quadragesimo coëgit, in qua *Constantini Chrysomali* libri, qui multa dogmata *Enthusiastarum* & *Bogomilorum* doctrinâ absurdiora continebant, damnati, proscripti, ac igne exusti sunt, districtèque vetitum est, ne quispiam, deinceps auderet novas doctrinas edere, aut disseminare, antequàm à Catholica Ecclesia examinata, judicata & approbata fuissent. De hac Synodo legendus est *Leo Allatus* lib. 2. de Ecclesiæ Occidentalis & Orientalis consensione cap. 11. Ecclesiam Constantinopolitanam *Leo Styopita* rexit annos octo & menses octo, ut habet Catalogus Episcoporum Byzantinorum lib. 4. *Juris Græco-Romani*, & obiit anno millesimo centesimo quadragesimo tertio, sicut post *Onuphrium* in Chronico, asserit *Baronius* ad annum MCXLIII. ubi etiam ex *Balsamone* refert, *Leonem Styopitam* Patriarcham Constantinopolitanum gravissimè animadvertisse in quosdam vaticinatores, & veneficos, qui uxorem *Alexii Comneni* filii Imperatoris *Manuelis* lethali morbo decumbentem, cum securaturos professi fuissent, re tamen infectâ evanuerunt, ægrâ non solum nihil adiuventi adeptâ, sed etiam diuturno morbo vexatâ decedente. *Leonem Styopitam* excepit in Sede Constantinopolitana *Michaël* Monachus cognomento *Oxita*, quod ex *Oxia* insula, in qua erat ejus Monasterium, eductus sit, & ad Thronum Constantinopolitanum sublimatus, Vir fuit, teste *Joanne Cinnamo* lib. 2. Historiæ suæ liberalibus disciplinis, humanioribusq; litteris levitèr quidem imbutus, at morum elegantia, rerumque divinarum scientiâ nemine inferior, unusque adeo ex iis, quorum eâ ætate virtus erat magis conspicua. Refert etiam *Leo Allatus* lib. 2. de Consensu Eccles

Eccles. Orientalis & Occidentalis capite duode-  
 cimo Synodum, quam *Michael Oxita* Patriarcha  
 Constantinopolitanus celebravit contra *Niphonem*  
 Monachum, necnon pseudo Episcopos *Clementem*,  
 & *Leontium*, quos ceu *Bogomilorum* hæresis fauto-  
 res ac propugnatores condemnavit. *Manuelem* Im-  
 periali diademate insignivit idem Patriarcha,  
*Michael Oxita*, sed anno millesimo centesimo  
 quadragesimo sexto, postquam sedisset annos duos  
 & menses octo, ut legitur in Catalogo Episcoporum  
 Constantinopolitanorum, spontè se hac sublimi  
 dignitate abdicavit, & in *Oxiam* insulam rediit,  
 in qua vitæ inopis & simplicis institutum, quod à  
 puero fuerat amplexus, observavit, ibique, ut refert  
*Baronius* ad annum MCXLV. in templi vestibulo pro-  
 stratus, cuivis Monacho collum calcandum præbuit,  
 vehementer dolens, quòd adamatam à teneris  
 annis quietem repudiasset, nulloque cum fructu  
 honorum Constantinopolitanum conscendisset. In  
 huius locum successus est *Cosmas Atticus*, qui ta-  
 men, postquam Patriarchatum Constantinopoli-  
 tanum per menses decem tenuisset, sede pulsus est  
 anno millèsimo centesimo quadragesimo septimo,  
 quòd *Bogomilorum* hæresi nimium favere videretur,  
 ut videre est apud *Leonem Allatum* lib. 2. de  
 consens. Eccles. Occid. & Orient. cap. 12. ubi re-  
 fert sententiam depositionis adversus hunc Pa-  
 triarcham Constantinopolitanum latam. Rem ta-  
 men aliter refert *Nicetas Choniata* lib. 2. ubi ait,  
*Cosmæ* Patriarchæ Constantinopolitani æmulos  
 apud *Manuelem* Imperatorem calumniatos  
 esse, & in vindictam injustæ dejectionis Impera-  
 tricem nullos mares peperisse, sicut ei *Cosmas* im-



precatus fuerat. Ut ut sit, vacante Sede Constantinopolitana per depositionē *Cosmæ Attici*, ad thronum Constantinopolis evectus fuit *Nicolaus Monachus*, *Muzalo* dictus, antea Archiepiscopus Cypri, ut habet Catalogus Episcoporum, At statim ac *Nicolaus Muzalo* res administrare cepit, omnium ora in eum commota sunt, injustè occupatum ab illo thronum clamitantium, ut qui cum Ecclesia quam nactus fuerat, Sacerdotium quoque deposuisset. Sed is obstinatus, primò, throno se deturbari haud quaquàm passus, ubi autem re ad Imperatoris examen delata, malè sibi cessurum agnovit, iudicium nolens denuò experiri, abdicata ultrò dignitate, ad vitam rursùs privatam rediit. Theodotus ei sufficitur, vir Monachicis institutis apprimè instructus, inquit *Joannes Cinnamus* lib. 2. Historiæ suæ Ex quo facilè intelligitur, *Baronium* incidisse in Catalogum Episcoporum Constantinopolitanorum depravatum. Ait enim primò, *Nicolaum Muzalonem* Patriarcham Constantinopolitanum obiisse anno mxcvii. cum tamen certò constet, *Nicolaum Muzalonem* anno dumtaxat millesimo centesimo quinquagesimo primo Patriarchali dignitate se se abdicasse. Secundò, scribit *Baronius*, *Cosmæ Attico* in sede Constantinopolitana successisse *Charitonem*, & tamen ex accurato Episcoporum Constantinopolitanorum Catalogo liquet, *Cosmæ Attico* Patriarchæ Constantinopolitano successisse non *Charitonem*, ut asserit *Baronius*, sed *Nicolaum* huius nominis iv. dictum *Muzalonem*, quem perperam idem *Baronius* confundit cum altero *Nicola* huius nominis III. Patriarcha Constantinopolitano, qui *Grammaticus* dicitur, & obiit, ut superius dixi-

diximus, anno millesimo centesimo undecimo. Post depositionem *Nicolai Muzalonis* factam, ut jam observavimus, anno millesimo centesimo quinquagesimo primo, *Theodotus* Monachus Patriarcha Constantinopolitanus renunciatus est, ut videre est in serie Episcoporum Byzantinorum lib. 4. Juris Græco-Romani, quod in lucem emisit *Joannes Leunclavius*. Huic Patriarchæ Constantinopolitano *Theodoto* demortuo anno millesimo centesimo quinquagesimo tertio successit *Neophytus inclusus*, & *Neophyto incluso* Patriarchæ Constantinopolitano anno incerto defuncto successit *Constantinus Chliarennus*, Diaconus & sacelli Præfectus, & huic successit *Lucas Chrysoberges*, ut patet ex serie Episcoporum Byzantinorum, quam mox citatus *Joannes Leunclavius* in libro iv. Juris Græco-Romani edidit, in qua tamen, cùm anni sedis horumce Patriarcharum Constantinopolitanorum injuriâ temporis deleti fuerint, scire tantum possumus, *Lucam Chrysobergem* anno millesimo centesimo quinquagesimo quinto Patriarchatum Constantinopolitanum obtinuisse, idque colligimus ex duratione sedis aliorum Patriarcharum Constantinopolitanorum, qui ad finem usque hujus sæculi duodecimi sedem Constantinopolitanam tenuerunt. *Leo Allatius* libro 2. de Consens. Eccles. Occid. & Orient. cap. 12. meminit Synodi Principum & Patriarcharum, Metropolitaram, Episcoporum, & aliorum Ecclesiasticorum numero spectatissimæ, quæ celebrata est anno millesimo centesimo sexagesimo sexto, cui interfuere *Lucas Chrysoberges* Patriarcha Constantinopolitanus, *Athanasius* Theopolitanus, aliique, quorum no-

mina recitat *Allatius*, qui Synodum illam MS. se se habere ibidem asserit. Ecclesiam Constantinopolitanam rexit *Lucas Chrysoberges* ab anno MCLV. usque ad annum MCLXVII. ei que successit *Michael* huius nominis III. Diaconus, Sacelli Præfectus, & summus Philosophorum, sic ut legitur in Catalogo Patriarcharum Constantinopolitanorum. Hic *Michael* huius nominis III. præfuit Ecclesiæ Constantinopolitanæ novem annos & obiit anno millesimo centesimo septuagesimo sexto. In ejus locum successus est *Charito*, qui teste *Onuphrio* in Chronico Ecclesiastico, post brevem Pontificatum, seu post unum annum & duos menses è vita migravit anno millesimo centesimo septuagesimo septimo, atque successorem habuit *Theodosium*, qui anno millesimo centesimo octogesimo tertio se se Patriarchatu Constantinopolitano abdicavit, & in Insulam Terebinthum, ubi sibi diversorium & sepulchrum extruxerat, secessit, ut narrat *Nicetas Choniates* sub finem libri secundi in *Andronico* Imperatore. Post abdicationem *Theodosii*, Imperator *Andronicus*, ut scribit idem *Nicetas*, virum sibi addictissimum ad thronum Constantinopolitanum evexit *Basilium Camaterum*, qui, postquam sedisset non annos sex & menses sex, ut legitur apud *Baronium*, sed annos tantum tres & menses sex, sicut accuratè scribit *Onuphrius* in Chronico Ecclesiastico, fuit tandem anno millesimo centesimo octogesimo sexto sede dejectus ab *Issaacio* Imperatore, uti narrat *Baronius* ex *Niceta* in *Issaacio* Angelo Imperatore. In locum dejecti *Basilii Camateri* subrogatus est *Nicetas Muntanes*, magnus Sacellarius, sicut legitur in Catalogo Patriarcharum Constantinopoli-



politanorum. *Onuphrius* in Chronico Ecclesiastico  
 initium Patriarchatus *Nicetæ Muntanis*, seu *Mun-*  
*dani*, connectit cum anno millesimo centesimo  
 octogesimo sexto, aitque, eum, postquàm annos  
 sex & menses sex Ecclesiam Constantinopolitanam  
 rexisset, sede fuisse pulsum. Quare, juxta *Onuphri-*  
*um*, *Nicetas Mundanus* Patriarchatum Constan-  
 tinopolitanum tenuit usque ad annum millesimum  
 centesimum nonagesimum secundum, quo *Leontius*  
 Monachus factus est Patriarcha Constantinopoli-  
 tanus, quem tamen *Isaacius Angelus* Imperator  
 anno millesimo centesimo nonagesimo tertio,  
 postquàm uno anno sedisset, abdicavit, eoque re-  
 pudiato, statuit idem Imperator *Dositheum* Hie-  
 rosolymorum Patriarcham ad thronum Constan-  
 tinopolitanum transferre, sed, ut scribit *Nicetas*,  
 cum sciret Imperator, id Canonibus vetitum esse,  
*Theoderum Balsamonem* Patriarcham Antiochenum,  
 virum eâ ætate juris consultissimum, astu circum-  
 veniens finxit, sibi esse in animo ipsum Antiochiâ  
 ad Regiam urbem evocare, si ipse, ut Legum &  
 Canonum peritissimus, demonstrare ac vulgo per-  
 suadere posset, ejusmodi translationes licitè fieri  
 posse. His promissis illecto *Theodoro Balsamone*,  
 postridiè in Conventu Episcoporum questione illâ  
 agitatâ, conclusum est pro translationibus, mox-  
 que Imperator *Dositheum* è sede Hierosolymitana  
 ad Constantinopolitanam transtulit, quâ tamen  
*Dositheus* potitus non est. Obstupefacti quippè  
 Episcopi, cum se, Canonibus temerè violatis, de-  
 usos viderent, *Dositheum* alienæ Ecclesiæ occupa-  
 tionis insinularunt, eumque ut invasorem ejece-  
 runt anno millesimo centesimo nonagesimo quar-  
 to,

to, cui *Georgius Xiphilinus*, magnus vasorum custos, in hanc Sedem Constantinopolitanam successit, quam septem annos tenuit, hoc est usque ad annum millesimum ducentesium. Sic viri eruditi post *Onuphrium* disponendam ac ordinandam esse censent Patriarcharum Constantinopolitanorum, seriem, seu Chronotaxin, quam in Annalibus *Baronii* non satis accuratè esse digestam pertendunt.

D. Ostendisti, ut benè memini, in Colloquio secundo in Historiam sæculorum Ecclesiæ septimi & octavi, texti haud posse seriem Episcoporum Hierosolymitanorum, qui à morte *Sophronii* Patriarchæ Hierosolymitani, hoc est, ab anno sexcentesimo trigesimo septimo, quo à Saracenis Hierosolymorum urbs capta est, sedem Hierosolymitanam tenuerunt, quia eorum Patriarcharum nomina planè incognita sunt, usque ad aduentum Latinorum, qui sub finem XI. sæculi, Duce *Godefrido Bullionio*, victricibus armis Terram Sanctam occuparunt, Saracenos expulerunt, Regnum Hierosolymitanum instituerunt, & Patriarchas Latinos Ecclesiæ Hierosolymitanæ præfecerunt. Horum itaque Patriarcharum Latinorum, qui duodecimo sæculo Ecclesiam Hierosolymitanam gubernarunt, nomina, seriem, gesta que describendi hic peropportunos locus esse videtur.

M. Ecclesiæ Hierosolymitanæ, quando Latini in Palæstinam sub finem undecimi Ecclesiæ sæculi venerunt, præerat *Simon* Patriarcharum Græcorum ultimus. Sed hic Patriarcha propter Turcarum minas ad Insulam Cyprum profectus, tempore obsidionis civitatis Hierosolymitanæ, in præ-

prædicta insula ex hac luce subtractus Ecclesiam Hierosolymitanam pastore viduatam reliquit. Quapropter, Latini, captâ urbe Hierosolymitana anno millesimo nonagesimo nono, elegerunt in Patriarcham Hierosolymitanum *Arnulphum*, quem *Albertus Aqueus* lib. 6. Historiæ de Expeditione Hierosolymitana valdè laudat, de quo tamen variant Scriptorum judicia. Ut ut sit, *Guibertus Abbas Monasterii S. Mariæ Novigenti*, hujus temporis Scriptor, testatur lib. 7. Historiæ de Expeditione Hierosolymitana, hunc *Arnulphum* statim fuisse sede dejectum. Quò fit ut hic *Arnulphus* in serie Latinorum Patriarcharum Hierosolymitanorum primum locum non teneat, sed *Daibertus*, seu *Daymbertus Pisanus Episcopus*, & Sedis Apostolicæ in Expeditione Hierosolymitana Legatus, quem à Latinis exeunte anno millesimo nonagesimo nono Patriarcham Hierosolymitanum fuisse electum prodit *Fulcherius Carnotensis*, qui præsens erat, lib. 1. cap. xxi. Historiæ Hierosolymitanæ, quam ab anno mxcv. usque ad annum mcxxvii. perduxit. Ab hoc *Daymberto* primo inter Latinos Patriarcha Hierosolymitano *Godefridus Bullionius* Regni Hierosolymitani Investituram accepit. Sed, mortuo *Godefrido Bullionio* anno millesimo centesimo, *Balduinus frater Godefridi*, ejusque in Regno Hierosolymitano successor, Sede Hierosolymitanâ dejecit *Daymbertum* anno millesimo centesimo tertio, & quemdam simplicem & religiosum circumveniens Sacerdotem, *Ebremarum* nomine, in sedem Hierosolymitanam intrusit, cunctis quidem honestæ conversationis merito acceptum, sed qui in hoc crassam nimis & supinam inventus est habere igno-



ignorantiam, quòd, vivente Domino Patriarcha, licere sibi credebat, sedem ejus usurpare, sicut ait *Willelmus* Archiepiscopus Tyrius lib. X. de Bello Sacro cap. 26. Interim, *Daymbertus* sede suâ à *Balduino* Rege pulsus, Romam anno mcv. navigavit *Paschali* II. Pontifici Maximo suas querelas delaturus, & ab eo in pristinam dignitatem restitutus in Orientem revertitur. Quod ubi audivisset *Ebremarus* in hanc sedem Hierosolymitanam à *Balduino* Rege intrusus, Romam itidem se contulit, ubi tamen nihil aliud impetrare potuit, quàm ut secum mitteretur *Gobelinus*, seu *Gibelinus*, *Arelatensis* Archiepiscopus, qui tanquàm Sedis Apostolicæ Legatus hanc causam denuò examinaret atque dirimeret. *Gibelinus* itaque Sedis Apostolicæ Legatus congregavit Hierosolymis Concilium, & quamvis jam nunciatum esset, *Daymbertum* Patriarcham Hierosolymitanum in itinere mortuum esse *Messanæ* in *Sicilia* anno mcvii. intrusum tamen in sedem Hierosolymitanam *Ebremarum* auctoritate Apostolicâ deposuit, quòd *Daymberti* adhuc viventis sedem occupasset, sed habitâ ratione ejusdem *Ebreuarii* pietatis, religionis ac simplicitatis, illum miseratione commotus *Gibelinus* Sedis Apostolicæ Legatus, Cæsariensi, quæ tunc vacabat, præfecit Ecclesiæ. Postmodum verò, cum de substituendo Hierosolymitanæ Ecclesiæ Prælato Clerus ac Populus disceptarent, in *Gibelinum* Sedis Apostolicæ Legatum omnes unanimiter conveniunt. Quod iste *Arnulphus* Sede Hierosolymitanâ, ut jam observavimus, depositus dicitur malitiosè construxisse, ut homo senex & decrepitus in illa sede diu vivere non posset, quemadmodum

dum scribit *Vvillermus* Archiepiscopus Tyrius lib.11.cap.4. *Gibelinus* tam arduum onus suis humeris impositum invitatus admodum suscepit, litterasque ad suos Arelatenenses lachrymis plenas dedit, ad quos etiam *Paschalis II.* Papa scripsit pro electione successoris. Sedem Hierosolymitanam tenuit *Gibelinus* usque ad annum millesimum centesimum duodecesimum, quo obiit, eique substitutus est ille *Arnulphus* Sede Hierosolymitanâ antehac depositus, quem *Vvillermus Tyrius* lib.12. cap.6. appellat *virum inquietissimum & Officii sui Sanctimoniam negligentem*. Hic autem *Arnulphus* licet iterum Sede Hierosolymitanâ in consilio Hierosolymis anno mxcv. celebrato depositus, ut ex *Vvillermo Tyrio* narrat *Baronius*, Sedem tamen Hierosolymitanam occupavit usque ab obitum *Balduini* hujus nominis I. Hierosolymorum Regis, hoc est, usque ad annum mxcviii. quo unâ cum *Balduino* Rege è vita decessit. Mortuo *Arnulpho* Hierosolymorum Patriarcha, *Germundus*, *vir bonæ conversationis, ab omni Clero & Populo in Patriarcham eligitur*, inquit *Albertus* Aquensis lib.12. *Historiæ de Expeditione Hierosolymitana* num.30. Cum Venetis ad Tyri expugnationem perrexerit *Germundus* Patriarcha Hierosolymitanus, & vixit usque annum millesimum centesimum vigesimum octavum, quo ex hac vita migravit, ut testantur *Ordericus*, & *Vvillermus* Archiepiscopus Tyrius lib.13. *Germundo* in Sede Hierosolymitana successit *vir quidem secundum carnem nobilis, sed vita, & moribus multò nobilior, Stephanus nomine*, ut ait *Vvillermus Tyrius* lib.13. cap.25. Rexit Ecclesiam Hierosolymitanam annis duobus, obiit anno millesimo centesimo trigesi-

gesimo, & successorem habuit *Vvillum* Priorem Ecclesiæ Dominici sepulchri, virum simplicem, modicè litteratum, formâ decorum, moribus commendabilem, Natione Flandrum, Hierosolymorum Regi *Baldvino II.* Principibus & populo universo charissimum, teste *Vvillmo Tyrio* lib. 13. Præfuit Ecclesiæ Hierosolymitanæ *Vvillmus* usque ad annum millesimum centesimum quadragesimum quintum, quo vitâ functus est, post annos xv. Pontificatus, ut asserit idem *Vvillmus Tyrius* cap. 17. lib. 14. Quare necesse est, ut memoria lapsus sit *Ordericus* lib. 13. *Historiæ Eccles.* ad annum MCXXXVII. ubi Hierosolymitanum Patriarcham appellat *Radulfum*, cum tamen ex citato *Vvillmo Tyrio* certò constet, *Vvillum* ab anno MCXXX. usque ad annum MCXLV. Sedem Hierosolymitanam tenuisse. In locum *Vvillmi* demortui anno MCXLV. successus est *Fulcherius*, cujus consiliis & adhortationibus animati Latini *Ascalonem*, urbem munitissimam, jamque diù resistentem obsederunt, & septimo demùm mense, seu die XII. mensis Augusti animi MCXLIV. in suam potestatem redegerunt. *Fulcherius* Patriarcha Hierosolymitanus anno XII. sedis suæ viam universæ carnis ingressus est, hoc est anno MCXLVII. eique successit *Amalricus* Ecclesiæ Dominici Sepulchri Prior, vir commodè litteratus, sed simplex nimium & penè inutilis, inquit sæpè citatus *Vvillmus Tyrius* lib. 18. cap. 20. Patriarchatum Hierosolymitanum tenuit *Amalricus* usque ad annum MCLXXX. quo è vita migravit, ut ait *Marinus Sanutus* lib. 3. *Fidelium Crucis* par. 6. cap. 24. his verbis: Anno MCLXXX. Patriarcha *Amalricus* moritur cujus simplicitas parùm profuit Ecclesiæ, cui successi



*Heraclius tam perniciosi exempli, ut procedentem ornatissimam mulierem, quam publicè tenebat, vulgus Patriarchissam vocaret. In ejus electione publicè dictum fuit, sub Heraclio amittendam esse Crucem, sicut sub Heraclio Imperatore recuperata fuerat. Et revera ita contigit. Anno siquidem MCLXXXVII. mense Julio captâ à Turcis Hierosolymitana urbe, Heraclius Patriarcha, Clerus universus, diversorum Ordinum Religiosi, ac innumerabilis penè turba Christianorum cujuslibet ætatis & sexus miserrimè ab Urbe Hierusalem recesserunt, universisque penè Latinis hanc urbem deferentibus, Suriani, & variarum sectarum homines, præcipuè Jacobitæ, & Armeni sub Turcarum dominio ibidem remanserunt. Hunc Heraclium Patriarcham Hierosolymitanum Balduinus hujus nominis IV. Hierosolymorum Rex ad Lucium III. Papam & ad Reges Franciæ & Angliæ anno millesimo centesimo octuagesimo quarto cum Magistris Templariorum & Hospitaliariorum miserat, ad impetrandum Christianis in Asia penè oppressis validum contra Turcas subsidium. Papebrochius in Historia Chronologica, seu in serie Patriarcharum Hierosolymitanorum tomo 3. mensis Maji præfixa pag. 51. loquens de hoc Heraclio Patriarcha Hierosolymitano hæc habet: De hoc Heraclio, ubi, vel quando obierit, incertum est, propter Auctorum silentium. At Cl. Antonius Pagius in sua Baronii Critica ad annum MEXCI. num. XVII 1. profert Rogerum Hovedenum in suis Ang. Annalibus, pag. 685. & Joannem Bromptonem Scriptorem itidem Anglum, & Abbatem Jorhalensem in suo Chronico pag. 1191. qui testantur, Heraclium Patriarcham Hierosolymitanum,*

mortuum esse in obsidione *Acra*, hoc est anno millesimo centesimo nonagesimo primo. Post *Heraclii* obitum *Albertus* Eremita, *Petri* Eremita, qui belli sacri auctor *Urbano* II. Pontifici fuit, pronepos, ex Episcopo *Bethleemitano* Patriarcha Hierosolymitanus à *Cælestino* III. Papa constituitur, sicut Interpolator *Chronici Aquicinctini* scribit ad annum Christi millesimum centesimum nonagesimum primum. Hic autem *Albertus* Episcopus *Bethleemita*, qui postea fuit Patriarcha Hierosolymitanus, interfuit, teste *Vvillmo* Archiepiscopo Tyrio lib. 21. De Bello Sacro capite vigesimo sexto, Concilio Oecumenico Lateranensi III. sub *Alexandro* III. Papa anno MCLXXIX. celebrato, ac proinde diversus est à Beato *Alberto* primum *Bobien*si, postea *Vercellen*si Episcopo, qui anno MCCIV. constitutus est Patriarcha Hierosolymitanus. Ecclesiam Hierosolymitanam rexit *Albertus* hujus nominis primus ab anno MCXCI. usque ad annum MCXCIV. quo, sicut scribit *Vvillelmus* *Armoricus* in Gestis *Philippi Augusti* Galliarum Regis, mortuo *Alberto* Patriarcha Hierosolymitano, *Michael* Decanus *Parisiensis*, vir Theologus & Sanctus in Patriarcham Hierosolymorum est electus, sed antequàm illuc iter arriperet, factus est Archiepiscopus *Senonensis*. Idem scribunt *Rigordus* in Gestis ejusdem Regis, & *Albericus* in Chronico. Post illam electionem *Monachus* in *Florentina* Diocesi natus, eodem anno MCXCIV. factus est Patriarcha Hierosolymitanus, de quo in *Historia Chronologica Patriarcharum Hierosolymitanorum* plura habet *Papebrochius*, qui tamen ejus decessorem *Albertum* prætermisit. Patriarchatum Hierosolymitanum

venit *Monachus* usque ad annum millesimum ducentesium tertium, ac subindè claudere debet ferien Latinorum Patriarcharum, qui duodecimo sæculo Ecclesiam Hierosolymitanam gubernarunt.

D. Latinos in sacra Expeditione, quam ad Terram Sanctam à Turcarum tyrannide liberandam sub finem undecimi Ecclesiæ sæculi susceperunt, Antiochiam armis expugnasse, jam in præcedentibus Colloquiis observavimus. Sed an Latinos Patriarchas Antiochenæ Ecclesiæ, perindè ac Hierosolymitanæ præfecerint? necdùm investigavimus.

M. Quemadmodum Ecclesiam Hierosolymitanam XII. sæculo à Patriarchis Latinis gubernatam fuisse ostendimus, sic etiam Ecclesiæ Antiochenæ Patriarchas Latinos eodem sæculo præfuisse certissimum est. Verùm enim verò, *Villelmus* Archiepiscopus Tyrius lib.7. *De Bello Sacro* cap.23. scribit, quòd postquàm *Boamundus*, Roberti Guiscardi Apuliæ & Calabriæ Ducis filius, Antiochiam anno millesimo nonagesimo octavo Latinorum armis occupasset, ejusque dominium omnium consensu obtinisset, per biennium adhuc post captam Antiochiam *Joannes* Patriarcha Græcus, & egregius sub Saracenis confessor, in sua dignitate remansit, quam tamen postea ultrò abdicavit, quòd non satis utiliter præesset Græcus Latinis, & urbe cedens, Constantinopolim abiit, inquit *Villelmus* Tyrius. Vacante itaque Sede Antiochena per liberam cessionem factà à *Joanne* Græco Patriarcha Antiocheno, *Bernardum* Legati Apostolici Capellanum, natione Valentinum, seu ex Valentia in Galliis



oriundum, Patriarcham Antiochenum Latini elegerunt, ut habet ibidem *Vvillelmus* Tyrius. Porro, hic *Bernardus*, primus omnium Latinorum Patriarcha Antiochenus, strenuè Ecclesiæ suæ jura defendit contra Latinum Patriarchâ Hierosolymitanum, qui suæ jurisdictionis fines latius protendere atque propagare nitebatur. Narrat liquidem, *Vvillelmus* Archiepiscopus Tyrius libri undecimi capite vigesimo septimo, *Balduinum* Hierosolymorum Regem per Nuncios à *Paschali II.* petiisse, ut quascumque urbes sibi posset vendicare, omnes ditioni & regimini Hierosolymitanæ Ecclesiæ subjacerent, quod Regi dato Rescripto indulgit *Paschalis II.* Ad petitionem quoque *Balduini* Regis idem Summus Pontifex ad *Gibelinum* Patriarcham Hierosolymorum scripsit, eique concessit urbes & Provincias, quæ gloriosi Regis *Balduini*, ac exercituum eum sequentium sanguine, per Dei gratiam acquisitæ sunt. Quod cum accepisset *Bernardus* Antiochenus Patriarcha, de illata Ecclesiæ suæ manifesta injuria plurimum conquestus est apud *Paschalem II.* Pontificem Maximum, qui litteris à *Vvillielmo* Tyrio ibidem recitatis respondit, actum id esse propter ignorantiam, & locorum prolixam longitudinem, seque jus & honorem quibusque Ecclesiis conservaturum. Dedit etiam hanc in rem idem *Paschalis II.* Pontifex Maximus literas ad *Balduinum* Hierosolymitanum Regem, eique mandat, ut Hierosolymitana Ecclesia sit suo jure contenta, nec injustè, aut procacitè usurpare ea contendat, quæ certò sciuntur ad jus Antiochenæ Ecclesiæ pertinere. Has Summi Pontificis litteras datas xv. Kalend. Aprilis refert *Baronius* ad annum m<sup>c</sup>xii. num. ii.

Sedit *Bernardus*, Latinorum primus Patriarcha Antiochenus, annos triginta sex, ut asserit *Vuillelmus Tyrius* lib. 14. cap. 19. & obiit anno MCXXXVI. Post mortem *Bernardi* in Sedem Antiochenam intrusus est *Rodolphus*, seu *Radolphus* cognomine *Mamistranus*, natione Gallus Diœceseos Cenomanensis, qui ab *Alberico* Episcopo Ostiensi, quem *Innocentius II.* Papa in Orientem Legatum miserat, damnatus ac depositus est in Synodo Antiochiæ celebrata, & in carcerem detrusus, ex quo tamen elapsus *Rudolphus* Romam perrexit, & gratiam Sedis Apostolicæ assecutus, dum ad Sedem suam redire maturaret, ex hac vita veneno sublatus est anno MCXL. & in ejus locum subrogatus est *Haimericus* Decanus ejusdem Ecclesiæ Antiochenæ, ut scribit idem *Vuillelmus Tyrius*, qui etiam cap. 8. libri 22. asserit, ad hunc *Haimericum* Latinum Patriarcham Antiochenum anno MCLXXXI. Maronitas accessisse, & abjurato errore, quo unam tantum in Christo agnoscebant voluntatem & operationem, aliisque repudiatis erroribus, quos, post suam ab Ecclesia Catholica separationem, adjecerant; eidem orthodoxam unâ cum Patriarcha suo, & nonnullis Episcopis suscepisse, atque ad omnes Ecclesiæ Romanæ traditiones amplectendas & observandas sese paratos exhibuisse. In qua fide Catholica Maronitæ postea semper immobiles perstiterunt, variis licet infidelium pressuris agitati, ut litteræ eorum ad *Leonem X.* Pontificem Maximum apertè demonstrant. Patriarchatum Antiochenum tenuit *Haimericus*, seu *Aimericus* annos XLVII. hoc est, usque ad annum MCLXXXVII. quo in vivis esse desiit, ejusque

loco substitutus est *Rodolphus* hujus nominis II. qui Antiochenam Ecclesiam rexit annis triginta tres, seu usque annum MCCXX. Post *Rodolphum* II. Sedem Antiochenam per viginti annos occupavit *Rainerius* Tudertinus, Prior S. *Fridiani* Lucensis, & obiit anno MCCXL. eique successit *Elias Robertus* Regiensis, antea Episcopus Brixianus, qui sedit annos octo, & obiit anno MCCXLVII. qui verò post *Eliam* ex latinis Patriarcha Antiochenus fuerit, planè incompertum est, ut videre est apud *Panvinum Onuphrium*, & *Genebrardum* in Chronico.

D. Ecclesia itaque tam Hierosolymitana, quam Antiochena nullos alios duodecimo sæculo Patriarchas habuit præter Latinos?

M. Cum Latini summâ rerum Hierosolymis, & in urbe Antiochia duodecimo sæculo potirentur, non alios, quam Latinos, tam Ecclesiæ Hierosolymitanæ, quam Antiochenæ Patriarchas præfecerunt. Non desierunt tamen Græci suos & Hierosolymis, & in Antiochia instituere, & continuare Patriarchas Græcos, qui tamen erant dumtaxat Patriarchæ nomine tenus, ut patet exemplo *Theodori Balsamonis* patriæ Constantinopolitani, qui à Græcorum Imperatore ad Patriarchatum Antiochenum designatus, nunquam tamen illum occupare potuit, quia tùm temporis Sedem Antiochenam tenebat *Heimericus*, sive *Aimericus* Patriarcha Latinus. Hinc *Theodorus Balsamon*, vir alioqui doctissimus, ægrè ac iniquo animo ferens, quòd Latinorum auctoritate à Sede Antiochena, cujus se Patriarcham dictitabat, excluderetur; Convicia in Latinos pleno ore effudit, & Ecclesiam Romanam in suis libris execrabilibus mendacijs à Capite ac



Calcem scatentibus infamare studuit, ut ostendimus in Colloquio quinto, ubi sermonem institutus de Viris Illustribus, qui duodecimo Ecclesiæ sæculo tam in Oriente, quam in Occidente floruerunt.

## COLLOQUIUM III.

*De Hæresibus, quæ duodecimo sæculo  
Ecclesiam infestarunt.*

D. **P** Lura in superiori Colloquio percensuisti schismata, quæ ab Occidentis Imperatoribus excitata pacem Ecclesiæ diù multumque perturbarunt; nec dubito, quin eodem sæculo ad labefactandam avitam Ecclesiæ doctrinam complures errores in perniciem animarum disseminaverint hæretici, quos in præsentī Colloquio referre juvat, ut omnes, quos de illis Ecclesia reportavit triumphos, in apertam lucem proferamus.

M. Duodecimum Ecclesiæ sæculum multos protulit Hæreticos, qui vel antiquos, & extinctos errores recoxerunt, vel novos proprio Marte cuderunt, quibus nihil absurdius fingi aut existimari posse ex simplici eorum narratione facili negotio judicabis. Agmen Hæreticorum duodecimi Ecclesiæ sæculi ducunt *Petrus de Bruis*, à quo *Petrobustiani* dicti sunt ejus Sectarii; & *Henricus* à quo *Henriciani* discipuli ejus fuerunt appellati. Ambo illi hæretici circa annum mxcvi. suos in Provincia cœperunt spargere errores. Sed *Henricus* discipulus *Petri de Bruis*, relicto in Provincia Magistro, Lausa-

nam primùm se contulit. Dein Cenomanos, Pictavos, & Burdegalam in Galliis fœdavit suis spurciitiis, sicut testatur S. Bernardus Epistola CCXL. quam recitat Baronius ad annum MCXLVII. num. 16. Hujus Henrici Hæretici mores, ingenium, ac supinam ignorantiam Auctor de Gestis Episcoporum Cenomansium Tomo 3. Analect. à doctissimo Mabillonio publicatus describit his verbis: *per idem ferè tempus in adiacentium finibus regionum surrexit quidam hypocrita, quem propria actio, mores perversi, dogma detestabile scorpionibus & parricidalibus protestantur suppliciis. Is enim ovium spoliis lupi rapacis rabiem occultans, vultu & oculorum incitatione mari conformis naufragoso, coma succinctus, intonsus barba, corpore procerus, pernix incessu, nudis humo, bruma debacchante, serpens vestigiis, expeditus affatu, terribilis sono, juvenis atate. Nullus ei nitor in vestitu, victus à publico in promptu dissimilis, hospitium in adibus burgensium, mansio in porticu, cana, cubile in Cœnaculo..... Matronæ etiam atque impuberes pueri (nam utriusque sexus utebatur lenocinio) pro varia vice huic accedentes, excessus suos profitentur, sed augmentant, plantas ejus, clunes, unguina tenera manu demulcendo. Isti planè tanti viri lascivia exhilarati, & adulterii enormitate, publicè testabantur, numquam se virum attrectasse tantæ rigiditatis, humanitatis & fortitudinis, cujus affatu cor etiam lapideum facile ad compunctionem posset provocari. Hujus itaque religionem & calibem vitam Monachi & Anachoretæ, & universi Regulares deberent imitari. Asserebant quoque, sibi à Domino Deo antiquam & authenticam Prophetarum collatam fuisse benedictionem, & spiritum, quo mortalium excessus cæteris incognitos, visa*

tantum eorum facie, cognosceret ac proderet. Narrat præterea idem Auctor, quo pacto *Henricus* hæreticus (Cenomanensibus ejus præsentiam expetentibus) duos ex Discipulis suis Cenomanum miserit, quos habitu & exteriori conversatione penitentium speciem præferentes, non solum plebs quasi Angelos Domini suscepit, sed etiam *Hildebertus* tum temporis Civitatis Cenomanensis Episcopus, qui propediem Romam profecturus erat, jussit Archidiaconis suis ut venientem *Henricum* benignè exciperent, eique Conciones ad populum habere permitterent. Absente itaque *Hildeberto* Cenomanensi Antistite, Romanque iter aggresso, venit *Henricus* hæreticus, & in ovile irruit lupus agni habitu larvatus. Seductorem plebs novitatis amans è vestigio secuta est, & Hæreseos veneno afflata cæco ac præcipiti furore in Clerum grassata est. His permotus Clerus Cenomanensis, ne pestis illa latius serperet, silentium Hæresiarchæ indixit, ipsum, ejusque discipulos ac fautores diris omnibus sacro ritu devovit, si contumaces essent. At *Henricus* hæresiarcha sententiam excommunicationis in ipsum à Clero Cenomanensi latam nihil planè moratus, ab incæpto non destitit, sed apud *S. Germanum*, & *S. Vincentium* sacrilegos conventus agebat, in quibus novi dogmatis virus effundebat, asserens videlicet, fœminas, quæ minus castè vixerant, coràm omnibus vestes suas cum crinibus nudas comburare debere, quod cum factitarent quædam fœminæ, quid singulæ haberent venustatis, quæ ceteris candore excelleret, vel nitore corporis splendidior haberetur, perspiciebat flagitiosus ille hæreticus. Multi etiam juvenes pravis illius hæretici consiliis



delusi venales ducebant mulieres , quas , post breve dilapsum temporis spatium, omni egentes auxilio relinquebant , sicque illi aliis fœminis in adulterio adhærebant , & fœminæ , quas deseruerant , adhuc maritis suis superstitibus, aliorum connubia illicitè expectabant . Rediit interim ex Romano itinere *Hildebertus* , cujus cognito adventu , *Henricus* sibi malè conscius in Castrum *S. Karilefi*, Gallicè *saint Calais*, actutum secessit, ubi nec timore divino , nec pudore hominum ab effræni explenda libidine ullo pacto sibi temperare potuit. Secreto siquidem noctis silentio militis cujusdam ædes ingressus, uxorem ipsius in die sacro Pentecostes constupravit . Ægrè vidit *Hildebertus* Episcopus Cenomanensis plebem ab *Henrico* hæretico fuisse depravatam , quippè quæ ejus benedictionem respueret , Hæresiarcham laudibus in Cœlum extolleret , & in universum Clerum verbis petulantibus & conviciis baccharetur. Quam ob rem, ut dementatam plebem ad saniores mentes reduceret Sanctissimus ille Antistes, adiit *Henricum* Hæresiarcham, qui ab ipso ignorantia, impietatis, & hæreseos convictus ac rubore suffusus, vitam suam, genus dogmatizandi , & præsumptionem professus, clam aufugit , & ceteras regiones, nisi ocyor esset fama, simili modo perturbaret , & viperino hiatu suo inficeret , inquit Auctor jam citatus de *Gestis Episcoporum Cenomanensium* .

D. Quinam erant præcipui errores , quos *Petrus de Bruis* disseminavit in Provincia, ubi, sicut jam observasti , *Henricus* ejus discipulus eum reliquit ?

M. Ad sex potissimum Capita, errores, quos in Provincia sparsit *Petrus de Bruis*, revocat *Petrus Vene-*

*Venerabilis Abbas Cluniacensis* tùm in Epistola, quam ad Archiepiscopos Arelatensem & Ebredu-nensem, & Episcopos Dientem & Vapincensem, scripsit, tùm etiam in alia Epistola, seu potius Tractatu iisdem Præsulibus nuncupato, in quo *Petri de Bruis* errores confutavit. In primis, negabat *Petrus de Bruis*, parvulos esse baptizandos, quia, ut inquebat, aliena fides non potest eis prodesse, nec propriam fidem habere possunt, quæ tamen ad baptismatis susceptionem prorsus necessaria est, Domino dicente: *Qui crediderit & baptizatus fuerit, salvus erit, qui verò non crediderit, condemnabitur*. Secundò, assererat, Templorum, vel Ecclesiarum fabricam fieri non debere, factas insuper subruì oportere, nec esse necessaria Christianis sacra loca ad orandum, quoniam æquè in taberna, & in Ecclesia, in foro & in templo, ante altare, vel ante stabulum, invocatus Deus audit, & eos, qui merentur, exaudit. Tertiò, docebat, sacras Cruces confringi, omni dedecore dehonestari, & igne succendi debere, quia species illa, vel instrumentum, quo Christus tam dirè tortus, tam crudeliter occisus est, non adoratione, non veneratione, vel aliqua supplicatione dignum est. Quartò, non solum veritatem Corporis & Sanguinis Domini quotidie & continuè per Sacramentum in Ecclesia oblatum negabat, sed omninò illud nihil esse, neque Deo offerri debere pertendebat. Quintò, sacrificia, orationes, eleemosynas, & reliqua bona pro defunctis fidelibus facta deridebat, nec his mortuos juvari posse effutiebatur. Postremò, Traditionis, seu Sanctorum Patrum auctoritatem explodebat *Petrus de Bruis*, teste *Petro Venerali Abbate Cluniacensi*, qui

ta-

tamen fatetur, famam, quæ vulgaverat, Petrobusianos esse Manichæos, & novum perindè ac vetus ab ipsis rejici Testamentum, incertam esse & populari dumtaxat rumore jactatam. Hæc *Petrobusianorum* Hæreseos capita à *Petro Venerali* notata refert *Baronius* ad annum Christi MCXXVI. & ab eodem anno hujus hæresis originem arcessendam esse affirmat. Verùm, cum Concilium Tolosanum, quod anno MCXIX. Præsidente *Callisto II.* Pontifice Maximo habitum fuit, damnaverit eosdem errores, quos memorat, & *Petrobusianis* tribuit *Petrus Venerabilis*, longè verosimilius est, *Petrum de Bruis* ante annum millesimum centesimum decimum nonum suos cæpisse disseminare errores, qui postea in Concilio Lateranensi II. Oecumenico celebrato an. MCLXXIX. fuerunt iterum proscripti, sicut datâ operâ in sequenti Colloquio ostendemus. Brevitèr hîc dumtaxat observabo, *Petri de Bruis* nefandam, hæresim, dùm in Provincia serpit, gliscit ac latè grassatur, multas clades ac gravissima damna Ecclesiæ, Galliarumque Regno intulisse. Cernebantur quippè id temporis in Provincia Altaria eversa, Cruces igne succensæ, violatæ ac palam conculcatæ Leges ac cæremoniæ Ecclesiæ, extinctus cælibatus, Christiani rebaptizati, Sacerdotes contempti, exagitati, trucidati, ac denique augustissima templa prophanata, diruta & solo penitus æquata. Tam malignis improbissimorum hæreticorum conatibus acriter restiterunt, seque horum furoribus ac stragibus opposuerunt sanctissimi Provinciæ Episcopi, hîsque debet Provincia, quòd quæ monstra vidit in sacra, religionesque suas furiosè conjurantiâ, fracta eadem incredibili vigi-



vigilantissimorum Antistitum virtute ac debellata viderit. E Provincia itaque fugatus *Petrus de Bruis*, in Occitaniam se recepit, locum, sed non animum mutans. At ibi suos disseminans errores captus extremo affectus est supplicio, seu, ut testatur *Petrus Venerabilis*, in Villa Sancti *Ægidii* in Diœcesi Nemausensi damnatus & combustus est.

D. Obtigitne *Henrico* hæretico eadem fors, quam nactus est *Petrus de Bruis* ipsius Magister?

M. *Henricus* discipulus *Petri de Bruis* è civitate Cenomanensi, ut jam diximus, pulsus, in Occitaniam venit, ubi, sicut & per totum Comitatum Tolosanum tam latè Magistri sui propagavit errores, ut teste *S. Bernardo* in Epistola cxxii. ad *Ildephonsum*, seu *Alphonsum* hujus nominis primum Comitem Sancti *Ægidii* ac Tolosatam, Basilicæ essent sine plebibus, plebes sine Sacerdotibus, Sacerdotes sine debita reverentia, & sine Christo deindè Christiani. Ecclesiæ reputabantur Synagogæ, Sanctuarium Dei sanctum esse negabatur, Sacramenta non sacra censebantur, dies festi festivis frustrabantur solemnibus. Moriebantur homines in peccatis suis, rapiebantur passim animæ ad tribunal terrificum, heu! nec pœnitentiâ reconciliati, nec sacra Communionem muniti. Parvulis Christianorum, Christi intercludebatur via, dùm Baptismi negabatur gratia, nec saluti propinquare sinebantur; Salvatore licèt piè clamante pro eis: *Sinite*, inquit, *parvulos venire ad me*. Rogat deindè *S. Bernardus* in eadem Epistola hunc Comitem *Ildephonsum*, ut hunc pestiferum hæreticum abjectâ omni cunctatione è tota sua

sua ditione expellat, & ne ab illo callido hypocrita aliquam pietatis præferente speciem decipiat, sic ejus mores describit: *Nec mirum tamen, si serpens ille callidus decepit te, quippè speciem pietatis habens, cujus virtutem penitus abnegavit. Sed nunc audi quis ille sit. Homo apostata est, qui relicto Religionis habitu (nam Monachus extitit) ad spurcicias carnis & sæculi, tanquàm canis ad suum vomitum est reversus. Præ confusione habitare inter cognatos & notos non sustinens, vel potius non permissus ob magnitudinem criminis, succinxit lumbos suos, & iter, qua nesciebat, arripuit, factus gyrovagus & profugus super terram . . . . . Inquire, si placet, vir Nobilis, quomodò de Lausana civitate exierit, quomodò de Cenomanis, quomodò de Pictavis, quomodò de Burdegali, nec patet ei uspiam aditus utpotè qui feda post se ubique reliquit vestigia. Innumeros hæreticos Henricanos concionibus, collationibus & miraculis ad Catholicam fidem adduxit S. Bernardus, quem Cardinalis Albericus Episcopus Ostiensis, & Sedis Apostolicæ Legatus in Gallias ad exterminandam hæresim Henricianam missus sibi comitem adscivit anno MCXLVII. Testatur Goffridus Monachus libro 3. de vita S. Bernardi capite quinto, Henricum hæreticum fugisse ac delituisse, sed tandem captum & catenis vinctum, Legato Apostolico traditum fuisse, & carcere perpetuo damnatum, ne pluribus aliis suæ hæreseos virus afflaret. Hæc fuit misera fors, quam justo Dei judicio experti sunt duo illi obstinati hæresiarchæ Petrus de Bruis, & ejus discipulus Henricus, quos tamen tanquàm Patriarchas suos Lutherani, Calvinistæ, Anabaptistæ, alique hujus fursuris hæretici nostri temporis agnoscunt ac venerantur.*

D. Habueruntne multos sectatores duo isti Hæresiarchæ *Petrus de Bruis*, & *Henricus* ejus discipulus?

M. Præter illos, qui tam in Provincia, quàm in Occitania duobus istis Hæresiarchis adhæserunt, verosimile etiam est, Hæreticos Petragoricenses, quorum errores refert *Heribertus* Monachus in Epistola, quam ad omnes Christianos direxit, fuisse *Petri de Bruis*, & *Henrici* Discipulos. Hanc *Heriberti* Monachi Epistolam inseruit *Mailionius* Tomo III. Veterum Analectorum pag. 467. eamque ipse integram hic exhibebo, ut errorum, quos spargebant hæretici Petragoricenses, notitiam habere possis.

Omnibus Christianis notum esse cupio ego *Heribertus* Monachus, ut se cautè agant à pseudo Prophetis, qui Christianitatem pervertere nituntur. Surrexerunt enim in Petragoricensi regione quàm plurimi hæretici, qui se dicunt Apostolicam vitam ducere, carnes non comedunt, vinum non bibunt, nisi permodicum tertia die, centies in die genua flectunt, pecunias non recipiunt, illorum autem secta valdè perversa est & occulta. Gloria Patri non dicunt, sed pro gloria Patri: Quoniam Regnum tuum, & tu dominaris universis creaturis in sæcula sæculorum Amen. Eleemosynam nihil esse, quia undè fieri possit, nihil deberet possideri. Missam pro nihilo ducunt, neque communionem percipi debere dicunt, sed fragmentum panis. Missam si quis cantaverit seductionis causa, nec Canonem dicit, nec Communionem percipit, sed hostiam juxta, aut retrò altare, aut in Missalem proicit. Crucem seu vultum Domini non adorant, sed adorantes prohibent, ita ut ante vultum Domini dicant:

Simu-



Simulacra gentium &c. in hac seductione quàm plures jam, non solum Nobiles propria relinquentes, sed & Clerici, Presbyteri, Monachi & Monachæ peruennerunt. Nullus enim tam rusticus est, qui si se eis conjunxerit, quin infra octo dies tam sapiens sit literis, ut nec verbis, nec exemplis amplius superari possit. Nullo modo detineri possunt, quia, si capiuntur, nulla vincione possunt servari, Diabolo eos liberante, & ita inversi, ut sperent & velint invenire eos, qui se cruciant & morti tradunt. Faciunt quoque multa signa. Nam sicubi ferreis catenis vel compedibus vincti missi fuerunt in tonnâ vinariam, ita ut fundus sursum vertatur, & custodes fortissimi adhibeantur, in crastino non inveniuntur, quoadusque iterum se voluntariè representaverint. Vas vini vacuum ex suo vino parumper immisso, in crastino plenum invenitur. Alia quoque permulta & mira faciunt. Princeps eorum Pontius vocatur. Cujus loci Monachus fuerit iste Heribertus, vel quo anno hanc Epistolam dederit? In obscuro est. Observat dumtaxat Mabillonius, hunc Pontium, cujus, tanquam Petragoricensium hæreticorum Principis, meminit in sua Epistola Heribertus, fuisse hæresiarchæ Petri de Bruis discipulum.

D. Cùm Petrus de Bruis, & Henricus ejus discipulus suos in Galliis duodecimo Ecclesiæ sæculo disseminarint errores, his continenti ordine alios, si qui fuerunt, debes adiungere Novatores, qui eodem sæculo Gallias suis erroribus infestarunt.

M. Gallia duodecimo Ecclesiæ sæculo ortum dedit duobus viris doctissimis quidem, sed Novatoribus, Petro videlicet Abaelardo, & Gilberto

*berto Porretano* Episcopo Pictaviensi, qui tamen suos errores postea ejurarunt, fuitque ab Hæreticis Waldensibus, & Albigenibus diù multùmque exagitata. Incipiam à *Petro Abaelardo*, cujus ingenium, mores, doctrinam, errores, variamque fortunam paucis hic describam, de ejus Operibus commodiùs deindè in quinto Colloquio dicturus, ubi de viris illustribus, qui duodecimum sæculum eruditione nobilitarunt, sermonem instituiam. *Petrus Abaelardus* natione Gallus, patriâ Nannetensis, in gremio Mineruæ à puero educatus, optimas quasque didicit Disciplinas, sed præsertim Dialecticam, cujus addiscendæ percupidus, diversas disputando, Peripateticorum more, peragravit Provincias, iisque perlustratis, Parisios tandem venit, ad *Guillelmum Campellensem* Ecclesiæ Parisiensis Archidiaconum, & Peripateticæ Philosophiæ professorem celeberrimum, cui primò gratus fuit, sed postmodum ejus invidiam subiit, quòd eum in scholis acriùs suis constringeret argumentis, nonnullas illius sententias refelleret, & de suo ingenio nimis præsumens, Meloduni paucis leucis Parisiis diffiti, ac deindè Corbolii scholas aperuisset, ubi Dialecticæ artis Magisterio adeò inclauit & celebris evasit, ut Parisios accitus, sacram scripturam publicè legerit, ejusque operâ usus sit *Petrus Lombardus* postea Episcopus Parisiensis in compositione Sententiarum, sicut prodit *Joannes Cornubiensis* ipsius *Petri Lombardi* discipulus. *Abaelardum* magno omnium applausu & discipulorum concursu Parisiis docentem *Fulbertus* rogavit, ut *Heloissam* nobilem virginem neptem suam, formâ præstantem, doctrinâ præstantiorem, & totâ

Gal-

Galliâ ob singularem, quam sibi comparaverat, eruditionem, ob eximias animi dotes, & peritiam Hebraicæ, Græcæ, & Latinæ Linguae postea celebrem, tam Linguis, quàm Philosophicis, aliisque liberalibus disciplinis imbueret. Promptissimum sese ad id muneris obeundum exhibuit *Petrus Abaelardus*, cui juvenus, formæ gratia, cantus & carminum Ars suavissima, quam apprimè callebat, fæminarum amorem facile conciliabant. Idque re ita contigit. *Abaelardus* quippè juvenem *Heloissam* suæ curæ concreditam suis amoribus illaqueavit, & vicissim ipse *Heolissa* amoribus captus est, ut videre est in Epistola, quam *Abaelardus* ad *Amicum* scripsit, in qua calamitatum suarum Historiam, & amores suos cum *Heloissa* describit. Furtivi quidem & solis amantibus noti fuerunt aliquamdiù prophani isti amores, sed in apertam lucem eruperunt, cùm *Heloissa* concepit & peperit filium nomine *Astrolabium*. Tunc irâ excandescens *Fulbertus* auunculus *Heloissæ*, ad nuptias cum *Heloissa* ineundas ad scelus illud utcumque obregendum coegit *Abaelardum*, qui *Heloissam* in uxorem quidem duxit, sed ut scholis vacaret, eam cùm *Argentoliensibus* Monialibus reclusit, monitam tamen ne velum indueret. Id *Fulbertus*, & *Heloissa* consanguinei ægrè admodùm tulerunt, & rat *Abaelardum* sibi illuisse, eumque abhorrere à Matrimonio *Heloissæ*, quam in Monasterium ablegaverat, fictitiam hanc injuriam vicisci volentes *Abaelardum* nihil minus cogitantem, inflicto pudendo vulnere, quâ parte peccaverat, crudelite mutilarunt, & eunuchum effecerunt. Quò factum est, ut *Abaelardus* ob inflicti illius vulneris infamian



miam pudore suffusus, mundo nuncium remisit,  
& vitam Monasticam in Cœnobio S. *Dionysii* propè Parisios amplexus fuerit, *Heloissa* verò ab Episcopo velum acceperit in Monasterio Argenteolensi Lutetiæ vicino, in quo postmodum Priorissa & Abbatissa fuit. Sed indè pulsis Monialibus à Monachis S. *Dionysii* illum tibi locum vendicantibus, *Heloissa* sese recepit ad Monasterium *Paracleti* in Diœcesi Trecensi situm, & ab ipso *Abaelardo* constructum, quod ut prima Abbatissa rexit. Extant etiamnum *Abaelardi* ad *Heloissam*, & *Heloissæ* ad *Abaelardum* Epistolæ, de quibus pauca dicemus in quinto Colloquio. Factus Monachus *Abaelardus*, iterum scholas aperire coactus est, ob infinitum penè numerum discipulorum, qui ad ipsum certatim accedentes obtinuerunt ab *Adamo* Abbate Monasterii S. *Dionysii*, ut eos publicis suis lectionibus edoceret. Sed, dùm *Abaelardus* nimis inter docendum ingenio suo indulget, aliosque elato supercilio despicit, magnorum & paruorum odia in se concitavit, & sicut manus ejus contra omnes, ita manus omnium contra eum armantur. Gravissimas etiam à suis fratribus & æmulis *Alberico*, & *Latulfo* persecutiones passus est. Isti siquidem, quos haud parùm urebat fama, quam liber de Trinitate *Abaelardo* pepererat, eum ubique velut hæreticum, & trium Deorum assertorem infamarunt. Augebat fratrum, seù Monachorum Cœnobii S. *Dionysii*, in *Abaelardum* conceptum odium ea libertas, quâ sæcularem illorum vitam, moresque irreligiosos interdùm arguebat, & in privatis colloquiis assererat, *Dionysium* *Areopagitam* Corinthiorum potiùs quàm Atheniensium fuisse.

Episcopum. Inde enim sequi videbatur, *Dionysium*, Galliarum Apostolum, non esse *Aeropagitam*, cum ejus Acta eum Atheniensium Antistitem faciant. Id certè concoquere haud poterant Monachi Dionysiani, cum inde Monasterium suum graviter læsum autumarent. Quapropter ad reparationem injuriæ Monasterio S. *Dionysii* illatæ, jusserunt ei Monachi ut palinodiam cantaret, & S. *Dionysii* Areopagitæ Historiam ab *Hilduino* hujusce cœnobii quondam Abbate editam calculo suo comprobaret. Quod, volens nolens, præstitit *Abaelardus*, ut videre est in epistola, quam direxit ad *Adamum* Monasterii Sancti Dionysii Abbatem, in qua retractat suam de *Dionysio Areopagita* sententiam. Consultò hîc prætermitto alias persecutiones, quibus exagitatus est *Abaelardus* factus Abbas Sancti *Gildasii* Rujensis in Diœcesi Venetensi in Britannia minore. Quanta enim mala ibi perpeßus fuerit *Abaelardus* tum ob indisciplinam illorum Monachorum vitam, tum ob vexationem sibi factam à Principe, seu potius illius regionis tyranno, qui ex dissolutione Monachorum occasionem nactus, Abbatiam in usus proprios redegerat, testatur ipsemet *Abaelardus* in priori ad Amicum epistola, ubi post multa, hæc scribit: *Quotidiè quasi cervici meæ gladium imminem suspicio, ut inter epulas vix respirem*. Multorum errorum *Abaelardum* infimularunt Sanctus *Bernardus* in epistola cxc. ad Innocentium II. *Guillelmus* Abbas S. *Theodorici* in Disputatione adversus ipsum *Abaelardum*, Anonymus in Disputatione adversus eundem *Abaelardum* tribus libris comprehensâ, quæ extat tomo 3. Bibliothecæ Cisterciensis, & *Otto Frisingensis* lib. 1. De Gestis

*Friderici Imperatoris cap. 47.* Hi porrò *Abaelardi* errores ad novemdecim potissimum Capita vulgò revocari solent. Primò, ponebat *Abaelardus* in Trinitate gradus, in maiestate modos, numeros in eternitate. Constituebat Deum Patrem plenam esse potentiam, Filium quamdam potentiam, Spiritum Sanctum nullam potentiam. Secundò, asseruebat, Spiritum Sanctum procedere quidem ex Patre & Filio, sed minimè de Patris esse Filiive substantia. Tertiò, negabat, diabolum unquam jus aliquod in homines habuisse, & Filium Dei carnem, assumpsisse ut hominem liberaret. Quartò, affirmabat, Spiritum Sanctum esse animam mundi. Quintò, dicebat, Christum Deum & hominem non esse secundam in Trinitate personam, seu Deum propriè hominem dicendum non esse. Sextò, censebat, homines per liberum arbitrium, sine adjuvante Dei gratia, benè posse & velle & agere. Septimò, docebat, in Sacramento Altaris remanere in aere formam prioris substantiæ. Octavò, pertendebat, ab Adamo non trahi originalis peccati culpam, sed pœnam. Nonò, omnia peccata ex natura sua esse mortalia existimabat. Decimò, adstruebat, nullum concupiscentiâ, delectatione, & ignorantia committi peccatum. Undecimò, volebat, suggestiones diabolicas per physicam actionem fieri in nobis. Duodecimò, fidem definiebat *æstimationem rerum, quæ non videntur*. Quem errorem refellens *S. Bernardus*, elegantèr ait: *Absit ut putemus in fide vel spe nostra aliquid, ut is putat, dubia æstimatione pendulum, & non magis totum quod in ea est, certa ac solida veritate subnixum, oraculis & miraculis divinitus persuasum, stabilitum & consecratum partu*



*Virginis, Sanguine Redemptoris, gloria Resurgentis &c.* Decimotertiò, *Abaelardus* limites præscribat Omnipotentia Divina, asserendo Deum plura facere haud posse, quàm fecerit, aut aliquandò facturus sit. Decimoquartò, animæ Christi descensum ad inferos inficiabatur. Decimoquintò, adventum in fine sæculi ad judicandos homines posse etiam attribui Patri dictitabat. Decimosextò, potestatem ligandi atque solvendi Apostolis à Christo concessam diffitebatur. Decimoseptimò, docebat, Deum mala nusquàm impedire, voluntates hominum impediendo. Decimo octavò, Crucifixo- res Christi à peccato excusabat. Denique, asseverabat, spiritum timoris Domini in Christo non fuisse, & timorem Domini castum in futuro sæculo non permansurum. Hos errores à Petro *Abaelardo* fuisse propugnatos *S. Bernardus* aliique Scriptores testantur. Sed *Abaelardus* in Apologia, seu Confessione fidei, scribit, hujusmodi errores sibi malitiâ vel ignorantia esse affictos. *Berengarius* etiam Pictavien- sis Episcopus Apologiam adornavit, in qua *Petrum Abaelardum* Magistrum suum, ab omnibus illis erroribus vindicat. Sed hac in re nec *Abaelardo*, nec *Berengario* pro Magistro suo peroranti credere par est; tum quia incredibile est, *S. Bernardum*, aliosque probatissimæ fidei testes, voluisse illos errores affingere Petro *Abaelardo*; tum quia etiam iidem *Abaelardi* errores proscripti fuerunt ab *Innocentio II.* Pontifice Maximo, & à Syno- dis Sueffionensi anno mxx. & Senonensi anno mxxl. celebratis; tum quia denique, Apologia, quam in gratiam *Petri Abaelardi* edidit *Berengarius*, plena est acrimoniæ adversus *S. Bernardum*, cumque à mul-

multis fuisset reprehensus, quòd tam gravem, sanctumque virum lascivientis styli acumine pupugisset, excusavit se, idque joco potius, quàm seriò factum respondit. Cæterùm, quamvis negari haud possit, *Petrum Abaelardum* mox memoratos dovuisse errores, inde tamen hæreticus dici non debet, quia *Abaelardus* statim ac vidit, se ab omnibus tanquàm hæreticum deferi, Cluniacum se contulit, ubi *Petrus Venerabilis* Abbas Cluniacensis eum peccatè suscepit, & epistolam, quam recitat *Baconius*, scripsit ad *Innocentium II.* Summum Pontificem, in qua declarat, se Cluniaci retinuisse *Abaelardum*, ignarum quò sese verteret, & de pace inter *Bernardum* & eundem *Abaelardum* conciliandam, gisse, atque eò rem adduxisse, ut ambo tandem convenerint, dissidiaque sua pacificè composuerint. Testatur etiam *Petrus Venerabilis* in eadem epistola, *Abaelardum* suos emendasse errores, idemque etiam disertè asserit *Otto Frisingensis* lib. I. *De Gestis Friderici* cap. 49. Quin & ipsemet *Abaelardus* in suo Apologetico, seu Confessione fidei, se tandem ab erroribus resipuisse indicat his verbis: *Quod si usquam per multiloquium excessi, ut scriptum est: in multiloquio non effugies peccatum, nunquam importuna defensio me effecit hæreticum, paratus semper satisfactionem de malis meis corrigendis, sive delendis, in quo certè proposito usque in finem perseverabo &c.* Deindè, singillatim Catholica Dogmata erroribus se assertis, vel sibi objectis contraria ultrò amplectitur, & constantèr profitetur. Quocircà, *Abaelardus* post fidei suæ expositionem, & errorum emendationem hæreticus dici non debet, ut ostendit *Natalis Alexander* part. 3. sec. XI. & XII. Dissert. 7.

art. II. Legendus etiam est super hac re *Bulaus* tomo II. *Historiæ Universitatis Parisiensis* ad annum MCXL. Post sinceram errorum suorum emendationem lento morbo correptus *Abaelardus*, missus est ad recuperandam salutem à *Petro Venerabili Abbate* suo *Cabillonem*, ubi ex hac vita piè anno Domini MCXLII. excessit, sicut testatur *Petrus Venerabilis* in epistola, quam scripsit ad *Heloissam* ejus quondam uxorem, tunc verò *Abbatissam Monasterii Paracletensis*, ut eam de pio *Abaelardi* obitu solaretur, jussitque, ut ejus corpus ad illud Cœnobium transferretur, ut optaverat *Abaelardus*, missio Epitaphio à se in honorem ipsius composito, in quo dicitur *Abaelardum* XI. Kalend. Maji animam Deo reddidisse.

D. Gaudeo sanè vehementer, quòd *Petrus Abaelardus*, cujus *Historiam* breviter descripsisti, ad sanio rem mentem redierit, suisque sincero animo repudiatis erroribus, piè in gremio *Ecclesiæ Catholicæ* obierit. Transeamus modò ad causam *Gilberti Porretani* *Episcopi Pictaviensis*, quem sæculo *Ecclesiæ* duodecimo in aliquot errores impigisse superius observasti.

M. In omni Artium ac Disciplinarum genere, præsertim verò in *Philosophia* & *Theologia* excelluit *Gilbertus Porretanus* ad *Pictaviensem Episcopatum* anno MCXLI. promotus. Is patriâ *Pictaviensis* non solum *Parisiis*, sed & in aliis *Galliæ* locis *Philosophiam* maximâ cum luminis celebritate docuit, & quidem *Carnuti*, ubi *Canonicus* & *Cancellarius* illius *Ecclesiæ* fuisse perhibetur, deindè *Canonicus S. Hilarii Majoris*, postremò ex *Canonico*, & *Theologiæ* professore clarissimo *Episcopus*



inauguratus. *Ab adolescentia sua, inquit Otto Frisingensis lib.1. De Gestis Friderici cap.50. Magnorum virorum disciplina se subjiciens, magisque illorum ponderi, quàm suo credens ingenio, qualis primò fuit Hilarius Pictaviensis, post Bernardus Carnotensis, ad ultimum Anselmus, & Radulfus Laudunenses germani fratres, non levem ab eis sed gravem doctrinam hausserat, manus non subito ferulæ subducta à scientiæ haud censura morum, vitæque gravitate discordante, non jocis, non ludicris, sed seriis rebus mentem applicabat. Hinc erat, ut tam gestu, quàm voce pondus servans sicut in factis, sic in dictis se ostenderet difficilem, ut nunquàm puerilibus, vix autem eruditis & exercitatis, quæ ab eo dicebantur, paterent animis. Verùm, Gilbertus Porretanus in Theologia Scholastica, cujus studium duodecimo Ecclesiæ sæculo vigere cœpit, maximè exercitatus, ingenii sui subtilitate & rationum acumine Mysteria Fidei perscrutari volens, in aliquot prorupit errores, quos Otto Frisingensis loco mox à me laudato revocat ad ista sex Capita. Primò, quòd assereret, Divinam Essentiam non esse Deum. Secundò, quòd proprietates personarum non essent ipsæ personæ. Tertiò, quòd Divinæ Personæ in nulla prædicarentur propositione. Quartò, quòd divina natura non sit incarnata. Quintò, quòd meritum humanum attenuando, nullum mereri diceret præter Christum. Sextò, quòd Ecclesiæ Sacramenta evacuando, diceret, nullum baptizari nisi salvandum. Ejusmodi errores Gilbertus Porretanus inferuit in suis Commentariis in Psalmos, in Epistolas Pauli, & in librum Boetii de Trinitate, eodemque errores retinuit factus Episcopus Pictaviensis, quos cùm protulisset in sermone quodam*

habito coràm Clericis suis , apud *Eugenium III.* Pontificem Maximum , qui tum Senis degebat , à duobus ex suis Archidiaconis , *Arnaldo* , & *Calone* tanquàm de fide Trinitatis malè sentiens accusatus est . Verùm , Pontifex consultiùs esse judicavit , hujus causæ discussionem in Gallias , quò tunc temporis accedebat , remittere . Dilato itaque istius causæ examine , iidem Archidiaconi , qui *Gilbertum Porretanum* apud Summum Pontificem accusaverant , *S. Bernardum* Abbatem *Clarævallensem* convenerunt , eumque in suas partes pertraxerunt . Testatur *Otto Frisingensis* , Summum Pontificem *Eugenium III.* Causæ *Gilberti Porretani* examen cœpisse in Concilio Antisiodorensi . Sed nullus Scriptor , præter *Ottonem* , meminit hujusce Concilii Antisiodorensis ab *Eugenio III.* in causa *Gilberti Porretani* in Galliis celebrati . In hoc omnes consentiunt Historici , quòd Summus Pontifex *Eugenius III.* anno *MCXLVII.* Synodum Parisiensem convocaverit , in qua tamen , cùm propter partium studia , & æmulatorum contentiones causæ *Gilberti Porretani* finem imponere haud potuisset , illius judicium in aliud tempus distulit , seu ad Concilium Remense , quod anno sequenti , seu *MCXLVIII.* celebratum est , & in quo post maturum ac deliberatum examen , promovente maximè Sancto *Bernardo* , damnatus est *Gilbertus Porretanus* . De utraque Synodo Parisiensi nimirum & Remensi ad dirimendam *Gilberti Porretani* causam convocatâ in sequenti Colloquio disseram , quapropter , duo hic dumtaxat obiter observasse sufficiat . Primum est , *Gilbertum Porretanum* summâ animi demissione exceptâ Summi Pontificis sententiâ , errores suos ejurasse , Archidiaconos,

nos , qui eum accusaverant , in gratiam receperant , & cum honoris plenitudine ad suam Diœcesim reversum fuisse , sicut refert *Otto Frisingensis* . Prætereâ , observare debes , in eadem Synodo Remensi damnatum itidem fuisse quemdam Hæreticum dictum *Eonem* seu *Eudonem* rusticum , illiteratum & idiotam hominem , qui non tam hæretici , quàm fatui nomine dignus videtur , & de cujus incantationibus & phantasiis melius est silere , quàm loqui , ut inquit *Matthæus Parisius* .

D. Cujas erat iste *Eon* , & qua in re potissimum desipuit ?

M. Ex Armorica , seu ex Britannia minori in Galliis oriundus erat *Eon* dictus de *Stella* Gallicè *Eon de l'Etoile* , vir nobilis genere , sed ità ludificatione Dæmonum dementatus , ut cum sermone Gallico *Eon* diceretur , ad suam personam pertinere crederet , quod in Ecclesiasticis exorcismis dicitur : *per eum , qui venturus est judicare vivos & mortuos & sæculum per ignem* . Ita planè fatuus , ut inter *Eon* & *Eum* nesciret distinguere . Hinc insulsè asseribat , se filium Dei esse unigenitum , venturumque ad judicandum vivos & mortuos . Diù , multùmque debacchatus iste *Eon* , tandem à Remensi Archiepiscopo captus est , & interrogatus ab *Eugenio III.* Summo Pontifice , qui Concilio Remensi à se convocato præerat , *quisnam esset ?* respondit : *Ego sum ille , qui venturus est judicare vivos & mortuos , & sæculum per ignem* . Habebat autem ille hæreticus in manu sua baculum inusitatę formę , in superiori scilicèt parte bifurcum . Interrogatus quid sibi vellet baculus ille ? *Res* , inquit , *grandis mysterii est . Quamdiù enim , sicut vi-*  
*detis,*



*detis, duobus Cælum Capitibus suspicit, duas Orbis partes Deus possidet, tertiam mihi partem cedens. Porro, si eadem duo superiora Capita baculi submittam usque ad terram, & inferiorem ejus partem, quæ simplex est, erigam, ut Cælum suspiciat, duabus mihi partibus retentis, tertiam tantummodò partem Deo relinquam. Ad hæc, risit universa Synodus hominem tam profundè datum in reprobum sensum. Jussus ex decreto Concilii, ne pestis iterùm serperet, diligentèr custodiri, tempore exiguo supervixit. Discipuli verò ejus, quos magnis insignierat nominibus, alium scilicèt vocans Sapiéntiam, alium Scientiam, alium Judicium, & in hunc modum cæteros, cùm sanam doctrinam nullâ ratione reciperent, ardere potiùs, quàm ad vitam corrigi maluerunt. Hæc, & alia id genus de Eone, seu Eudone fusè narrat Guillelmus Neubrigensis lib. 1. Hist. Angl. cap. 19. ubi etiam testatur, se audivisse à quodam venerabili viro, qui interfuit dùm hæc agerentur, quòd audierit illum Eonis discipulum, qui Judicium dicebatur, cùm ad supplicium duceretur, crebriùs dicentem: Terra! findere: tanquam ad oris ejus Imperium terra aperienda esset, & devoratura, sicut Dathan, & Abiron, ejus hostes. Tanta vis semel infixi cordibus erroris fuit.*

D. Quandònam erupit in Galliis Waldensium Hæresis, ecquis ejus Auctor fuit?

M. Waldensium Hæresis anno circitèr millesimo centesimo quinquagesimo nono in Galliis orta est hoc modo. In Oppido Vvaldensi Marchiæ Lugdunensis quidam civis dives, nomine Petrus, cognomine Vvaldus, seu Vvaldensis, sic ab isto Oppido dictus, cùm vel audisset, vel legisset in Evangelio Sancti Matthæi Cap. 19. ex præcepto Domini vendenda

esse omnia bona & eroganda pauperibus, sibi persuasit, hanc Vitam Apostolicam omninò desisse in Ecclesia à temporibus *Silvestri* Papæ, cùm scilicèt proprias habere cœpit possessiones. Hanc itaque Vitam Apostolicam quasi postliminiò revocare suū in animum induxit, & confestim propriis bonis venditis, atque ad sustentationem pauperum distributis, vitam ipse pauperrimam ducere aggressus est. Complures ad sui imitationem pertraxit *Petrus Vvaldensis*, quos inter præcipuus fuit *Joannes de Lugduno* civis Lugdunensis, qui cujusdam doctissimi concivis sui subitanæ mortis imagine perterritus, venditis omnibus, quæ possidebat, bonis, sese *Petro Vvaldensi* adjunxit, ac benè multi ejus exemplo provocati in eandem voluntariorum Pauperum sectam admitti atque cooptari voluerunt. Crescente igitur in dies novâ sectâ, varias Provincias & Regna peragrarunt isti, si superis placet, Apostolicæ vitæ restauratores, & pauperi vitæ prædicationem Verbi divini addiderunt, quamquàm essent magna ex parte prorsus illiterati, dictitantes se ab officio prædicandi arceri haud debere, cùm certissimè constet, etiam Apostolos rudes licèt, & litterarum omninò expertes, Verbum Dei per universum Orbem prædicasse. Non ausi sunt tamen isti Sectarii id muneris obire, antequàm à Romano Pontifice prædicandi licentiam petiissent. Eam ob rem Romam profecti, mentem, consiliumque suum Pontifici aperuerunt, sed repulsam passi sunt, quia nec tutum, nec legibus Ecclesiæ consonum visum est, ut verbum divinum fidelibus prædicandi provincia illiteratis & laicis viris committeretur. Româ reversi, nihiloque prudentiores, aut humiliores facti,

excusso omni religionis jugo , & contemptâ Summi Pontificis, Clerique autoritate , prædicationis officium impunè invadunt , sibi que , invitis ac reclamantibus licèt Episcopis, arrogant : Clericos, moresque Sacerdotum innumeris onerant opprobriis , in luxum verò eorum, in divitias & nimias eorum possessiones acriùs invehuntur , Populum à persolvendis decimis eximunt, atque ità, sibi apud plebeculam conciliatâ probitatis famâ , confessiones excipiunt, penitentias injungunt, à peccatis absolvunt, tantòque licentiùs , quòd Laici eos exteriori pietatis specimine præfulgere videntes , se meliùs & efficacius per eos absolvi , quàm per proprios Sacerdotes autumarent . Quò factum est , ut hæc secta, brevi tempore adeò invaluerit, ut in una sola Dicecesi Pictaviensi quadraginta & unam scholas habuerit, variasque in sectas fuerit propagata, quas accuratissimè recenset noster *Reinerus* , qui inter Vvaldenses per septemdecim annos commoratus est, sed, Dei tandem adspirante misericordiâ, agnitâ eorum impietate & fatuitate, hæresim publicè ejuravit , & & ad fidem Catholicam conversus Ordini Prædicatorum nomen dedit . Floruit autem *Reinerus* circâ annum mceliv. fuitque, teste nostro *Antonio Senensi*, vir Philosophiæ , Theologiæ , & Juris Canonici peritissimus, qui Opusculum edidit *de Hæreticis*, quòd penè totum est de Vvaldensium Secta, seu de eorum erroribus, Disciplina & moribus, nec non de variis furculis, qui ex hac Secta diversis in locis promanarunt, & extat Tomo 25. Biblioth. Patrum . Ob varias Sectas , in quas divisa fuit hæc Vvaldensium Hæresis , variis nominibus progressu temporis ejus Sectarii donati sunt, dictique *Vvaldenses* , *Pauperes*  
de



*de Lugduno , Cathari , Cataphrygi , Publicani , Popellicani , Paterini , Piphres , Tifferani , Bulgares , Picardi , Lombardi , Bohemi , Turlupini , Ribaldi , Infabbathi , & boni homines , ob apparentem ac e mentitam morum integritatem .*

D. Quinam fuerunt præcipui Vvaldensium Hæreticorum errores ?

M. Vvaldensium Hæreticorum errores omnium accuratissimè in libro mox laudato exhibet noster *Reinerus* , qui in luto illius Hæreseos septemdecim annos hæserat . Longior profectò essem , si singulos errores , quos hæretici Vvaldenses contrà Ecclesiam , ipsius Statuta & Clerum , contrà Sacramenta & Sanctos , contrà cætera Dogmata & Consuetudines Ecclesiæ temerè sparserunt , hinc notare vellem . Præcipuos itaque Vvaldensium errores breviter hinc indicabo , ex quibus innumeros alios deducebant . In primis , asseriebant , veram & Catholicam Ecclesiam apud se solos consistere , Ecclesiam verò Romanam errorum omnium Magistram , vitiorum sentinam appellabant , ejusque sequaces , præcipuè Ecclesiastici Ordinis , Hæreticos atque Infideles esse dicebant . Hinc Statuta Ecclesiæ contemnebant , Ecclesias , Altaria , eorumque consecrationes , ornatum , & sacram Supellectilem , Sacerdotalia indumenta , luminaria , thurificationes , Aquam Benedictam , Processiones , Indulgentias , aliosque sacros ritus & Caremonias à Ministris Ecclesiæ fieri solitas rejiciebant ac deridebant . Romanum Pontificem , Episcopos , aliosque Ecclesiæ Prælatos infenso odio prosequabantur , iisque parendum non esse docebant . Clericos Præbendas non habere , nec Episcopos , vel Abbates Jura Regalia obtinere pos-

posse, sed manibus, Apostolorum instar, operari debere affirmabant. Officia Ecclesiastica inania, esse ducebant, dignitates, Privilegia & immunitates Ecclesiæ, personarum, & rerum Ecclesiasticarum aspernabantur. Concilia, Synodos, & Conventus Ecclesiæ Catholicæ reprobabant. Decimas non esse solvendas, nec condenda Testamenta, ad fundandas, vel dotandas Ecclesias & Claustra prædicabant. Omnia Jura Parochialia velut humanas ad inventiones explodebant. Observantias Regulares Ordinum Religiosorum Pharisaicis Traditionibus accensebant. Excommunicationem, aliasque Censuras à Prælatis Ecclesiæ Catholicæ latas sugillabant. Exorcismos, & curam omnem Ecclesiæ circa Energumenos repudiabant. Ecclesiastica jejunia, quasi Idolatriam & superstitionem redolentia averfabantur. Hi sunt in summa errores, quos Hæretici Vvaldenses contrà Ecclesiam, ejus Statuta & Clerum, disseminarunt. At præter istos errores, alios contrà Sacramenta Vvaldenses protulerunt, qui ad ista Capita vulgò revocari solent. Primò, duo tantùm Sacramenta se credere profitebantur, Baptismum & Eucharistiam; sed omnes Exorcismos, Benedictiones, cæterasque Baptismi Cæremonias rejiciebant, & parvulos absque Baptismo æternam salutem consequi posse opinabantur. Realem etiam Corporis & Sanguinis Christi in Eucharistia præsentiam inficiabantur, & Missam inanem ritum esse, Apostolis ignotum, & quæstus dumtaxat gratiâ adinventum obganniebant. Omnem potestatem, siue Ecclesiasticam, siue Laicam, solo peccato mortali deperdi effutiebant; undè Sacerdotem, per peccatum mortale, Sacerdotem esse desinere, ac subin-

Undè Eucharistiam, nec ampliùs conficere, nec abolvere, nec baptizare, aut alia similia præstare posse, & quemlibet è contrà probum ac justum, licèt laicum, hæc omnia posse tenebant; Quin, & muerculis verbum Dei prædicandi, & Scripturas sacras in linguam vulgarem translatas legendi atque interpretandi facultatem tribuebant, sed uni dumtaxat Scripturæ Sacræ textui adhærentes, Traditiones, Expositiones Sanctorum Patrum, Decreta, & Decretales rejiciebant, habentes pro fabulis quidquid præter Bibliorum Textum à Concionatoribus diceretur. Cantum Ecclesiæ, Horas Canonicas, cæterasque precum formulas, excepta Oratione Dominicâ, penitùs respuebant, ac nullam Concessionis Sacramentalis necessitatem agnoscebant. Deniquè, cætera penè alia fidei Catholicæ dogmata suis erroribus infestarunt Vvaldenses. Sanctorum quippè invocationem & Cultum impugnabant, reliquias, Translationes, Canonizationes, Vigiliis, Festivitates Sanctorum spernebant. Miraculis adolorum monumenta, & ob eorum merita à Deo contratis nullam adhibebant fidem. Crucem Christi, ejusque signum & Sanctorum Imagines execrantur. Purgatorium negabant, ac proindè Fideum viventium orationes defunctis prodesse non posse pertendebant. Nulla peccata venialia esse, sed omnia mortalia existimabant, & juramentum, usquàm, etiam in judicio, licitum esse credebant. Alios ejusmodi errores, qui apud nostrum *Rein-*  
*um* legi possunt, obtrudebant Waldenses, qui postea varias in Sectas divisi, erroribus, quos mox recensuimus, Manichæorum, & Arianorum pestiferos errores addiderunt. Verùm hic velim sedulò obser-

ves,



res, inter illos Vvaldensium errores, quos hætenus recensui, quosdam esse, qui antiquis Vvaldensibus falsò fuerunt afficti. At enim, antiquos Vvaldenses non tantum duo novæ legis Sacramenta, Baptismum videlicet & Eucharistiam, se credere confessos fuisse, sed etiam Septenarium novæ Legis Sacramentorum numerum admisisse, manifestò evincitur ex fidei Confessione, quam ipsimet Vvaldenses ad *Vladislaum* Ungarorum Regem miserunt, in qua hunc articulum professi sunt; *Sacramenta septenario inclusa numero Ecclesiæ Christi utilia esse pandimus*. Et postquam suam de Baptismate fidem exposuerunt, hæc habent de Confirmationis Sacramento: *Fide ex divinis Scripturis sumpta profitemur temporibus Apostolorum istud observatum fuisse*. Non ergò negabant antiqui Vvaldenses, Confirmationem esse verum novæ legis Sacramentum, in hoc tamen errabant, quòd aliis, præter Episcopos, hoc Sacramentum administrandi potestatem adjudicarent. Secundò, Vvaldenses non negarunt realem Christi Domini in Eucharistia præsentiam; tunc quia noster *Reinerus*, qui contrà illos scripsit, hoc unum de iis habet: *Item de Sacramento Eucharistia dicunt, quòd Sacerdotes in mortali non possint conficere. Item dicunt, quòd transubstantiatio non fiat in manu indignè conficientis, sed in ore dignè sumentis, & quòd confici possit in mensa communi*. Hanc de præsentia reali Corporis Christi in Eucharistia doctrinam Vvaldenses, qui degunt in Sabaudia montibus adhuc profitebantur anno mccccxv. Testatur quippe eruditus *Gaspar Jueninus* in suo Commentario Historico-Dogmatico de Sacramentis, Dissertatione 4. de Eucharistia cap. 1. Art. 1. in Manuscripti

Codicibus Domini *de Thou*, qui Parisiis asservantur in Bibliotheca Marchionis *de Seignelay*, quemdam hæreticum Vvaldensem interrogatum, an à *Barbatis*, seu à Vvaldensium Pastoribus, qui hoc nomine donabantur, doctus fuisset Corporalem Christi præsentiam in Eucharistia? his verbis respondisse: *Se à Barbatis doctum fuisse, quòd cum Sacerdos profert verba Consecrationis, consecrat Christi Corpus, fiatque vera, mutatio panis in verum Christi Corpus.* Tertiò, antiqui Vvaldenses non negarunt, Eucharistiam esse verum novæ legis Sacrificium. Nullus siquidem ex Historicis, qui Sæculis XII. & XIII. texuerunt Catalogum errorum, quos Vvaldenses profitebantur, hunc eis affingit, quòd negarent Eucharistiam esse verum novæ legis Sacrificium. Nec enim *Reinerus* noster, qui scripsit circa annum MCL. cuique accuratè perspecta fuerunt omnia Vvaldensium dogmata, nec *Phlicdorffus*, qui centum post annis eorundem Vvaldensium reliquiis bellum indixit, nec noster *Eymericus* in Directorio Inquisitorum, nec *Claudius Seyffellius* Archiepiscopus Taurinensis, qui anno MDXVII. in dogmata Vvaldensium in quibusdam Taurinensis Diœceseos angulis latitantium diligenter inquisiit, asserunt, Vvaldenses Eucharisticum Sacrificium unquam negasse; immò *Reinerus*, *Phlicdorffus* & *Seyffellius* scribunt, Vvaldenses Eucharisticum Sacrificium admisisse, sed confectum à piis suæ Sæctæ hominibus, sed non ab Ecclesiæ Romanæ Presbyteris, quos, cum Vvaldenses illos impios esse conclamarent, nullam consecrandi Eucharistiam potestatem habere affirmabant, secuti hac in parte Donatistarum errorem. Quartò, antiqui Vvaldenses Pœnitentiam ex albo Sacramentorum

novæ legis non expunxerunt, sed solùm docuerunt, nullum posse absolvi à malo Sacerdote, & bonum Laicum potestatem habere absolvendi. Nec negabant antiqui Vvaldenses Confessionis Auricularis usum, sicut ostendit jam laudatus *Gaspar Jueninus* Congregationis Oratorii Presbyter Dissertatione 6. De Sacramento Pœnitentiæ, Quæstione 5. de Confessione cap. 1. Nec denique Sacramentum Extremæ Unctionis repudiarunt Vvaldenses, sed dumtaxat ritum, quo in Ecclesia Catholica administratur, seu Olei consecrationem reprobarunt, ut luculentè commonstrat idem Auctor Dissertatione septimâ de Extrema Unctione, Quæst. 2. Cap. 2. At, licèt hanc doctrinam circa septenarium novæ legis Sacramentorum numerum antiqui Vvaldenses propugnarent, fatendum tamen est, à Majorum suorum doctrina anno millesimo quingentesimo trigesimo sexto recessisse Vvaldenses, qui in Sabaudia, & Delphinatus montes ducentis ante annis sese receperant. Tunc enim, agente *Farello*, apud Genevenses Pseudo Evangelii Ministro, grassantem Calvinianam superstitionem in omnibus amplexi sunt. Quapropter, ex fide, quam post annum millesimum quingentesimum trigessimum sextum professi sunt superstitites Vvaldenses, nihil prorsus Lutherani, & Calvinistæ pro antiquorum Vvaldensium doctrina, quæ eorum erroribus in multis Capitibus è diametro opposita est, concludere possunt, nec pestiferæ suæ doctrinæ antiquitatem aliquam à Waldensibus duodecimi sæculi hæreticis arcessere debent. Si plura de antiquorum Vvaldensium erroribus scire aveas, leges fragmentum libri *de septem Donis Spiritus Sancti* editi à nostro *Stephano de Borbone*, alitèr de



*Bellavilla*, quod ex manuscripto Codice Sorbonico nupèr publicavit eruditus noster *Jacobus Echard* in libro, cui titulus est: *Sancti Thomæ Summa suo Auctori restituta*, pag. 537. & seq. In eo siquidem *Opere de septem Donis Spiritus Sancti*, parte 4. de dono fortitudinis, titulo 7. de superbia cap. xxx. de errore vel hæresi, laudatus *Stephanus de Borbone* accuratissimè recenset omnes antiquorum Vvaldensium errores. Floruit autem ille Scriptor in Ordine nostro ab an. MCCXXIII. ad annum usque MCCLXI. Quo eum obiisse, vel circitèr, refert noster *Bernardus Guidonis*, & in his, quæ spectant Vvaldensium hæresim, dignus est, cui integra fides adhibeatur, utpotè qui Inquisitoris munus per plures Galliarum provincias exercuit, & ipsius Vvaldensis hæreseos initia ex iis accepit, qui ei inservierant. Consule denique librum I I. Tom. 2. *Hist. Variationum Ecclesiarum Protestantium* editæ ab Illmo *Benigno Bossuet* Meldensi Episcopo, ubi dogmata antiquorum Vvaldensium accuratissimè exponit, multisque momētis vincit, eorum circa fidem & Sacramenta Ecclesiæ doctrinā multum ab his discrepare erroribus, quos heretici Calvinistæ postremis hisce temporibus inxerunt, & etiamnum obstinatis animis defendunt.

D. Fuitne ultra Galliarum fines propagata et Vvaldensium Hæresis?

M. Nonnullæ Waldensium Sectæ Italiam, Germaniam, & Hispaniam duodecimo Ecclesiæ sæculo penetrarunt, illasque regiones pravis erroribus inxerunt. Vvaldenses, qui erant in Italia se se *Catharos*, idest puros, sicut Calvinistæ in Anglia se *Puritanos*, appellabant, erantque in duplici differentia. I siquidem *Cathari*, qui in Lombardia potissimum

grassabantur, præter communes Vvaldensium sectæ errores, admittebant cum Manichæis duo Principia, videlicet boni & mali, Patremque æternum majorem filio & Spiritu Sancto esse blasphemabant. Cathari verò, qui Mediolanum infestabant, Manichæorum, Arianorum, & Vvaldensium erroribus plures alios perabsurdos adjungebant, quos *Bonacursus* illorum quondam in hac Civitate Magister, & postea ad Fidem Catholicam conversus refert, & egregiè confutat in libro, quem contrà illos edidit inscripto, *Vita Hæreticorum*. Hunc *Bonacursi* librum, edidit *Lucas Dacherius* Tomo 13. Spicilegii. Non solum in Italia, sed etiam in Belgio & in Germania, extendebantur isti Cathari, ut manifestissimum sit testimonio *Ekberti Schonaviensis* Abbatis hoc tempore viventis, in tredecim sermonibus, quos adversus illos habuit, & qui extant Tom. 23. Biblioth. Patrum Editionis Lugdunensis. In Epistola nuncupatoria ad *Raginoldum*, seu *Rainoldum* Archiepiscopum Colonensem, his verbis eum admonet *Ekbertus*: *In vestra Diœcesi frequentèr contigit deprehendi quosdam hæreticos . . . . . Hi sunt, quos vulgò Catharos vocant &c.* & in Sermone primo ait: *Sectæ eorum, de quibus agimus, originem accepit à Manichæo hæresiarcha.* At testatur *Nangius* in suo Chronico ad annum MCLXXXIII. multos ex istis Hæreticis Catharis in Belgio detectos incendio traditos fuisse: *Eodem, inquit, tempore multi hæretici combusti sunt in Flandria à Guillelmo Remensium Archiepiscopo, Apostolicæ Sedis Legato, & à Philippo Flandrensium Comite.* Circà idem tempus Hæretici *Barbansones*, seu *Cotarelli* dicti, qui Catharorum errores sectabantur, fuerunt in Galliis flammis ad-

dicti

listi, teste Rigordo de Gestis Philippi Augusti Gal-  
 lorum Regis. Waldenses in Angliam venisse testa-  
 tur Guillelmus Neubrigensis lib. 2. Histor. Angl.  
 ap. 13. ubi hæc habet: *iisdem diebus*, idest anno  
 MCLX. *Erronei quidam venerunt in Angliam, ex eo-*  
*rum (ut creditur) genere, quos vulgò Publicanos*  
*vocant. Hi nimirum ex Gasconia incerto auctore ha-*  
*rentes originem, regionibus plurimis virus suæ per-*  
*fidie infuderunt. Quippè in latissimis Gallie, Hispa-*  
*nie, Italie, Germanieque Provinciis tam multi peste*  
*infecti esse dicuntur, ut secundum Prophetam multi-*  
*plicati esse super numerum arenæ videantur.* Verùm  
 isti hæretici jussu Henrici II. Angliæ Regis depre-  
 hensi & in custodia positi, ab Episcopis in Conci-  
 lio Oxoniensi anno MCLX. congregatis fuerunt dam-  
 nati, & moniti ut pænitentiam agerent. Sed cùm  
 omnem consilii salubritatem spernerent, minas  
 quoque intentatas deriderent, verbo illo Dominico  
 utentes: *Beati qui persecutionem patiuntur pro-*  
*pter justitiam &c.* Tunc Episcopi, ne virus hæreti-  
 cum latius serperet præcavescentes, eosdem publicè  
 pronuntiatis hæreticos, corporali disciplinæ sub-  
 iectos Regi tradiderunt, qui præcepit, hæreticæ  
 infamiae characterem frontibus eorum inuri, &  
 spectante populo, virgis coercitos ab urbe expelli,  
 districtè prohibens, ne quis eos vel hospitio reci-  
 pere, vel aliquo solatio confovere præsumeret.  
 Sic Waldenses expulsi sunt ex Anglia, ubi unam tan-  
 tum mulierculam deceperunt, quæ etiam, ut refe-  
 runt Scriptores Angli, ab illis discedens, factique  
 pænitens errorem confessa est, & reconciliationem  
 meruit. Deniquè, Hæretici Waldenses ex Hispa-  
 niâ, in quam irreperant, & ubi *Sabbatati*, & In-



*sabbatati* vulgò appellabantur, expulsi fuerunt anno millesimo centesimo nonagesimo septimo à Petro Aragoniæ Rege, ut videre est in ejus Constitutione adversùs illos hoc anno editâ, quam ex Archivo Ecclesiæ Gerundensis eruit *Baluzius*, & in Appendice *Marcæ Hispanicæ* publicavit in hac forma: *Præcedentium Patrum nostrorum in fide imitatores, Sacro Sanctæ Romanæ Ecclesiæ Canonibus obtemperantes, qui hæreticos à consortio Dei & S. Ecclesiæ & Catholicorum omnium exclusos, ubique damnandos ac persequendos censuerunt, Waldenses videlicet, qui vulgaritèr dicuntur Sabbatati, qui & alio nomine se vocant Pauperes de Lugduno, & omnes alios hæreticos, quorum non est numerus, nec nomina sunt nota, à S. Ecclesia anathematizatos, ab omni Regno & potestativo nostro tanquàm inimicos Crucis Christi, Christianæque fidei violatores, & nostros etiam regniique nostri publicos hostes exire ac fugere districtè & irremediabiliter præcipimus &c.* In eisdem etiam Hæreticos Waldenses Imperator *Fridericus II.* Constitutionem emisit, quam refert *Golstadius* Tomo I. *Constitutionum Imperialium* pag. 295. in qua illos à suis ditionibus exulare jussit, & eorum fautores bonorum proscriptione multavit, ac velut reos Majestatis puniendos declaravit. De Conciliis Generalibus Lateranensi III. sub *Alexandro III.* & Lateranensi IV. sub *Innocentio III.* nec non de pluribus Conciliis Provincialibus, in quibus hæretici Waldenses proscripti sunt, opportuniùs differemus in sequenti Colloquio.

D. Albigensum Hæresis, quam duodecimo Ecclesiæ sæculo in Galliis exortam fuisse nuper asserabas, fuitne diversa à Waldensium

Hæ

Hæresi, cujus originem, infesta dogmata, variasque sectas mox in medium protulisti?

M. Albigenſium Hæreſis, quæ circa annum MCLXXVI. infaustum caput attollere cæpit, peſſima fuit Waldenſium hæreſis ſoboles, in quam tamen velut in ſentinam quãdam omnium Hæreſum, colluvies confluiſſe videtur. Ab *Albia*, Albigenſium Civitate Metropoli, Tolofæque vicinâ, ſuum traxere nomen iſti Albigenſes hæretici, de quorum origine, erroribus, diſciplina & moribus pauca hîc attingemus, plura de illis dicturi in noſtris Colloquiis in Hiſtoriam ſæculi decimi tertii, in quo inſolentiùs graſſata eſt illorum Hæreſis. In Tolofani Comitatus territorio, inquit *Gervafius* in Chronico ad annum MCLXXVII. *pullulavit hæreſis maligna, quæ fidem & Orthodoxorum Patrum Eccleſiaſtica Inſtituta evacuanſ, non ſolum vulgus ſimplex, ſed & Eccleſiæ Dei Sacerdotes & Episcopos cum Principibus Laicis tæbe conſecit nefanda. Quanta- verò eſſet deteſtandæ huiusce Albigenſium hæreſeos perversitas, facili negotio dignoſcitur ex litteris, quas anno milleſimo centeſimo ſeptuageſimo ſeptimo, Raymundus V. Comes Tolofanus ſcripſit ad Monachos Cisterciènſes, in quibus inter alia, ait: Qui Sacerdotio funguntur hæreſis fæditate depravantur, & antiqua olimquæ veneranda Eccleſiarum loca inculta jacent, diruta remanent, baptiſmus negatur, Euchariſtia abominatur, pænitentia parvi penditur, hominis plasmatio, carnis reſurrectio abnegando reſpuitur, & omnia Eccleſiaſtica Sacramenta annullantur, & quod dici nefas eſt, duo etiam principia introducuntur. & paulò poſt: Scitote, quia in tantum hæreſis virulenta in viſcerata manet, quod ni-*

*si manu Dei valida, ejusque brachio extento extirpari non potest.* Verum, ut flagitiosissimæ illius Albigenſium ſectæ errores magis perſpectos habere poſſis, illos eodem ordine hic deſcribam, quo à *Spondano* in *Epitome Baronii* ad annum MCLXXXI. ex *Rogério Houedeno* in *Annalibus Anglicanis* referuntur. In primis, Hæretici Albigenſes recipiebant tantummodò ſcripturas Novi Teſtamenti, reiicientes penitus Vetus, niſi in iis testimoniis, quæ à Chriſto Domino & Apoſtolis inducta ſunt, & non aliis. Reſpuebant pariter cæteros omnes Doctores Legis Chriſtianæ. Interrogati de fide ſua, dicebant, ſe non teneri ad reſpondendum. Aſſerebant duos Deos exiſtere, bonum alterum, alterum malum, aiebant, bonum Deum eſſe Auctorem Novi Teſtamenti, & creatorem rerum inviſibilium tantum, quæ mutari aut corrumpi haud poſſunt; at malum Deum vetus condidiſſe Teſtamentum, cælum, terram, hominem & alia viſibilia creaviſſe aſſeverabant. Baptiſmum paruulis ad ſalutem prodeſſe, corpusque Domini per miniſterium Sacerdotis indigni, aut aliquibus criminibus irretiti confici peruiſaciter negabant. Matrimonium meretricium eſſe, nec aliquem in ipſo ſaluari poſſe prædicabant, filios & filias generando. Dicebant, Miniſtros Eccleſiæ, qui non eſſent moribus & converſatione tales, quales *Paulus* ordinandos docuerat, non eſſe Episcopos, aut Presbyteros &c. ſed lupos & ſeductores, ideòque nullâ eos pollere poteſtate in rebus divinis & Eccleſiaſticis, aut in Sacramentis adminiſtrandis, nec parendum eis eſſe, aut primitias & decimas ſoluendas. Docebant, Eccleſias, ſeu Tempſa in hono-



honorem Dei & Sanctorum erigi non debere, nec à fidelibus ad Orationem adiri, nec eleemosynas iisdem Ecclesiis, aut pauperibus erogari oportere. Statuebant, satis superque sufficere ad salutem, peccata cuilibet homini confiteri, & post Confessionem non esse necessariam pœnitentiam. A juramento ita abhorrebant, ut assererent, nunquàm omninò debere jurari per aliquod juramentum. Hos Albigenſium errores ex *Rogério Hovedeno* hujus temporis Scriptore refert *Spondanus* loco superius à me laudato.

D. Recensuistine omnes Hæreticorum Albigenſium errores?

M. Præter istos Albigenſium errores, longam aliorum seriem texunt *Lucas Tudensis* in Hispania Episcopus in libris, quos edidit adversus Albigenſes, & *Petrus de Valle Cernaii* Monachus Cisterciensis in sua, quam *Innocentio III.* Pontifici Maximo nuncupavit, *Albigenſium Historia*, cap. 11. Inter illos errores, quos recensent ambo citati Scriptores, hi præcipui habentur. Primò, affirmabant hæretici Albigenſes, damnatos esse, omnes veteris Testamenti Patres, & *Joannem Baptistam* unum esse de majoribus Dæmonibus asserabant. Secundò, Christum illum, qui natus est in Bethleem terrestri & visibili, & in Hierusalem crucifixus, malum fuisse, & *Mariam Magdalenam* ejus concubinam extitisse impudorato ore blasphemabant. Tertiò, Romanam Ecclesiam speluncam latronum, & meretricem Apocalypſis appellabant. Quartò, Sacramentum Eucharistiæ spernebant, & Sacro Sancti Corporis Christi Hostiam à pane communi non discrepare, publicè docebant. Quintò,

tò, Confirmationem, Confessionem, Ordinationem Ministrorum in Ecclesia Catholica, & Missam, tanquàm ritus superstitiosos & inanes omninò reputabant, cantilenis, sacrilegisque iocis sacros ritus irridebant, & varias ac putidas fabulas in Catholicæ Ecclesiæ dedecus & sacrorum Ministrorum opprobrium procudebant. Sextò, Resurrectionem carnis negabant. Septimo, stultè fingebant, Animas nostras esse spiritus illos Apostatas, qui superbiâ è Cœlo præcipites ceciderunt, & Animarum de corpore in corpora transmigrationem cum Pythagora tenebant. Octavò, Purgatorium, & orationes pro defunctis non admittebant. Nonò, quidam inter illos effutiebant, ab umbilico & inferiùs peccare posse neminem, nec peccari gravius dormiendo cum matre vel sorore, quàm cum qualibet alia. Decimo, sacrarum Imaginum usum ac venerationem idololatriam esse asseriebant, & Campanas tubas Dæmonum appellabant. Undecimò, Beatam Mariam Dei Genitricem, prohelus meretricem inelamabant. Hos, & alios hujusmodi impios Albigenium Hæreticorum errores, quibus referendis consultiùs supersedere duco, dampnavit Ecclesia in pluribus Conciliis, sicut latè ostendemus in Colloquiis in Historiam sæculi XIII. in quo fuerunt celebrata. De Bello sacro, quod, Duce Simone Comite Monfortio, ad exterminandos Albigenes hæreticos, qui suis impietatibus & incursionibus bellicis Ecclesiam conturbabant, susceptum est; de insigni victoria, quam de illis fidei hostibus Catholici, Cœlo pro illis pugnante, reportarunt; demùm de zelo Apostolico, & de miraculis ac prædicationibus Beatissimi Patris Domini-

*minici sacri* Prædicatorum Ordinis conditoris, qui in Albigenſis hæreſeos impugnatio- ne, & in hæretico- rum confutatione atque converſione plus omnibus laboravit, commodius ſuo loco, id eſt, in Colloquiis in Hiftoriam ſæculi decimi tertii, differemus.

D. In tot craſſis & deteſtandis Albigenſium hæreticorum referendis, vel confutandis erroribus non eſt quòd diutius immoremur, maxime cum eos retuliſſe, abundè refutaſſe ſit. Quapropter relicto iſto tam malè olenti cœno, cœtera, quæ ad eorumdem hæreticorum Diſciplinam, moresue ſpectant, breviter expediamus neceſſe eſt.

M. Quàm turpis & execranda fuerit Albi- genſis hæreticorum diſciplina, facilè admodum intelliges ex Ritu, quem, teſte *Petro de Valle Cernaii* in ſua Hiftoria Albigenſium, obſervabant illi hæretici erga eos, qui ſectæ nomen dabant. *Cærimonix ſacrilegæ præſes dicebat: Amice, ſi vis eſſe de noſtris, oportet ut renuncies toti fidei, quam tenet Romana Eccleſia. Reſpondebat: Abrenuntio. Ergò, inquiebat, accipe Spiritum Sanctum à bonis hominibus, & tunc aſpirabant ei ſepties in ore. Item dicebat illi: Abrenuncias Cruci, quam tibi fecit Sa- cerdos in baptiſmo, in pectore, & in ſcapulis, & in capite, de Oleo & Chriſmate? Reſpondebat: Abre- nuncio. Credis quòd aqua illa operetur tibi ſalutem? Reſpondebat: non Credo. Abrenuntias velo illi, quòd tibi baptizato Saterdos poſuit in capite? Reſponde- bat: Abrenuntio. Tunc omnes ipſi manus impone- bant, oſculabantur eum, & induebant veſte nigra, & ex illa hora unus ex ipſis cenſebatur. Ita refert *Petrus de Valle Cernaii* Ordinis Ciſterciensis in- Diœceſi Pariſienſi Monachus, qui cum *Guidone* Abba-*



Abbate ejusdem Cænobii, auunculo suo, Carcassonensi postea Episcopo, ad prædicandum contra Albigeneses in partes Tolosanas venit, & bellis Albigenesium plerumque interfuit, atque illorū hæreticorum Historiam descripsit. Iam verò, quàm dissoluti ac flagitiosi essent Albigenesium mores, apertè declarat Lucas Tudensis lib. 3. aduersus Albigeneses cap. 5. ubi hæc de illis refert: *Se fraudibus, homicidiis, latrociniiis & usuris committunt. Efferuntur effrænes per varia desideria carnis, & nulla nociva est delectatio, quam non pertranseat eorum luxuria. Abutitur filius matre, frater fratre, & pater in filia turpitudinem operatur. Retorquent sui erroris mercedem in semetipsos, quorum sunt blasphemii & sine misericordia senes, ad omne nefas promptissimi iuvenes, luxuriosi & protervi adolescentes; impuri pueri sine certo patre, infantes cum lacte matris virus erroris sugentes, mulieres effrontes & sine verecundia, loquacitate garrula, ut alios decipiant, per domos discurrentes. Ad fœdos Albigenesium mores spectant nefanda illa, dirisque omnibus execranda flagitia, quæ ab illis hæreticis in odium Christi & confusionem Fidei Catholicæ patrata fuisse testatur Casarius natione Germanus, Cænobii Heisterbacensis Ordinis Cisterciensis in Diœcesi Colonienſi Monachus, & cœvus Scriptor, *Dialogi Miraculorum distinct. 5. cap. 21.* quæque adeò sunt execranda, ut ea hic describere calamus horreat.*

D. Miror sanè, quòd in Gallia tot sæculentæ hæreses duodecimo Ecclesiæ sæculo emerſerint, tamque latè propagari potuerint. Sed agè, percurramus nunc alias hæreses, quæ eodem sæculo in aliis Orbis partibus proruperunt.

M. Circa annum MCXVI. Laicus quidam nomine *Tanquelmus*, vel, ut alii scribunt, *Tanquelinus*, vir licet indoctus, multos tamen eruditos viros, sed maximè plebeculam in Belgio dementare cœpit falsis quibusdam propositionibus, dogmatis & assertionibus; dictitans nimirum, se Dei filium, esse, Sacri Ordinis Ministros, & Episcopalem, Sacerdotalemque gradus nihili esse faciendos, nihil etiam ad salutem prodesse Corporis & Sanguinis Christi perceptionem, frustraque Missam à Sacerdotibus celebrari. Hic autem flagitiosissimus hæreticus ter mille discipulis, seu totidem stipatoribus vallatus magno apparatu incedebat, inauratis vestibus, & triplici funiculo crinibus intortis lautissima & magnifica instruebat convivias ut auram popularem aucuparetur, sibi que ganeonum gratiam conciliaret. Filias, matribus præsentibus, & sponas, cernentibus maritis, corrumpi jubebat, conjugiaque promiscua esse volebat. Præsertim verò Sacerdotes odio plûsquàm vatiniano prosequeretur, & in eos passim acerbissimè invehebatur, donec tandem ita permittente, Deo, in tot scelerum vindictam, à quodam Presbytero occisus est. Sed nec illo mortuo consepulta omninò jacuit ejus hæresis, ad quam radicitus extirpandam torus incubuit S. *Norbertus* Præmonstratensis Ordinis Clarissimus Institutor, qui sacris suis concionibus adeò profecit, ut omnes ferè, quos illa pestis infecerat, ad fidem Catholicam reduxerit, eosque corde vehementer compunctos ad sinceram compulerit pœnitentiam.

Aliam hæresim circa annum MCXXXVIII. in Italia spargere cœpit *Arnaldus Brixienfis*, discipulus

Ius quondam *Petri Abaelardi*, egregius divini verbi concionator, sed nimis audax ac temerarius. Dùm enim Romæ in luxum & divitias Sacerdotum & Cardinalium nimium asperè & intempestivè invehitur, eorum mores palàm & audaciùs carpit, vivendique rationem perstringit ac insectatur, hæreseos nomine apud Pontificem Maximum accusatur. Mores & errores istius hæretici *Arnaldi Brixien- sis* accuratè describit *Otto Frisingensis* Scriptor coævus lib. 2. *De Gestis Friderici I.* cap. 20. his verbis: *Arnaldus iste ex Italia Civitate Brixia oriundus, ejusdem Ecclesiæ Clericus ac tantum Lector ordinarius Petrum Abaelardum olim præceptorem habuerat, vir quidem naturæ non hebetis, plus tamen verborum profluvio, quàm sententiarum pondere copiosus, singularitatis amator, novitatis cupidus, cujusmodi hominum ingenia ad fabricandas hæreses, schismatumque perturbationes sunt prona. Is à studio è Galliis in Italiam revertens, religiosum habitum, quò ampliùs decipere posset, induit; omnia lacerans, omnia rodens, nemini parcens, Clericorum ac Episcoporum derogator, Monachorum persecutor, Laicis tantum adulans. Dicebat enim, nec Clericos proprietatem, nec Episcopos Regalia, nec Monachos possessiones habentes aliqua ratione posse salvari, cunctaque hæc Principis esse, ab ejusque beneficentia in usum Laicorum cedere oportere. Præter hæc, de Sacramento Altaris, de Baptismo parvulorum non sanè dicitur sensisse. His, aliisque modis, quos longum est enumerare, dùm Brixiensem Ecclesiam conturbaret, Laicisque illius terræ prurientes erga Clerum aures habentibus Ecclesiasticas exponeret paginas, in magno Concilio Romæ sub Innocentio Papa habito, ab Episcopo illius Civitatis, virisque religio-*



giosis accusatur. Romanus ergò Pontifex, ne perniciosum dogma ad plures serperet, imponendum viro lentium decernit, sicque factum est. Ita homo ille de Italia fugiens ad Transalpina se contulit ibique in Opido Alemaniae Turego officium Doctoris assumens periculosum dogma aliquot diebus seminavit. Damnatumque Arnaldus Brixienſis Romam, Italiamque deferens, in Galliam primùm, dein in Germaniam se recepit, & aliquandiù apud Hermannum de Arona Episcopum Constantienſem commoratus est. Quòd ubi reſciviſſet S. Bernardus, ſtatim ad illum, Episcopum litteras dedit, rogavitque ut hunc hæreticum jam ex Gallia & Italia pulſum fugatumque, apud ſe, aut in Diœceſi ſua deliteſcere non pateretur. Scripſit etiam idem S. Bernardus ad Guionem Cardinalem & Legatum Apoſtolicum, eumque monuit, ut ſibi caveret ab Arnaldo de Brixia, uſque conſortium vitaret; Arnaldus de Brixia inquit S. Bernardus ea in epistoſa, quæ eſt ordine cxcvi.) cujus converſatio mel & doctrina venenum, cui caput columbæ, cauda Scorpionis eſt, quem Brixia evomit, Roma exhorruit, Francia repulit, Germania abominatur, Italia non vult recipere, fertur ſe vobiscum; videte, quæſo, ne veſtra auctoritate, ſolus noceat. Nam cum & artem habeat, & voluntatem nocendi, ſi acceſſerit favor veſter, erit funiculus triplex, qui difficile rumpitur, ſupra modum, ut vereor, nociturus &c. Non ſolùm errores contrà fidem occidit Arnaldus de Brixia, ſed etiam, ut in ſuperiori Colloquio obſervavimus, facem ſeditionis Romæ accendit ſub Lucio II. & Eugenio III. fuitque apud factionis Arnaldiſtarum, qui reſtaurandum apitolium, revocandam dignitatem Senatoriam, reſor-

reformandum Equestrem Ordinem, nihil in dispositione Urbis Romæ ad Summum Pontificem spectare, sed ipsi Ecclesiasticum judicium satis superque sufficere debere, palàm, ac perfrixtæ frontis audaciâ asserebant. Tot tumultus Romæ excitavit hæc *Arnaldistarum* factio, & in tantum invaluit, ut non solum nobilium Romanorum, & Cardinalium diruerentur domus, & splendida Palatia solo æquarentur, verum etiam Cardinales aliqui à furente plebecula ab isto *Arnaldo Brixienfi* delusâ inhonestè tractarentur, & in seditione vulnerarentur, sicut refert *Otto Frisingensis* lib. 2. de Gestis *Friderici* Imperatoris cap. 20. Tot scelera non diù impune tulit *Arnaldus Brixienfis* pestiferæ illius seditionis signifer. Nam cū novas anno MCLV. turbas Romæ cieret, justu *Friderici* Imperatoris captus, à *Petro* Urbis Romæ Præfecto ad rogū damnatus est, ejusque cineres in Tyberim projecti, cujus rei meminit *Guntherus* Ligurinus ejusdē tēporis Poëta clarissimus, ita canens

*Appensusque Cruci, flammaque cremante solutus  
In cineres, Tyberine tuas est sparsus in undas.*

*Ne stolidæ plebis, quem fecerat improbus error,  
Martyris ossa novo Cineresque foveret honore.*

D. De Abbate *Joachimo*, qui duodecimo Ecclesiæ sæculo magnum sibi in Italia peperit nomen, nuperrimè viri eruditi haud parum inter se altercabantur, & in varias de illo abibant sententias. Quidam hunc Abbatem, Sanctum, Doctorem apprime Catholicum, ac Prophetam esse dicebant. Alii eum illusorem, hypocritam, Pseudo-Prophetam, & hæreticum fuisse palàm contendebant. Te igitur impensè rogo, ut hæc tria dubia breviter in præsentia discutere non graveris. Primò, an reve-

à Abbas *Joachimus* fuerit hæreticus, necne? Secundò, an verus fuerit Propheta, vel illufor? Deniquè, an piè, & in gremio Ecclesiæ Catholicæ bierit?

M. Priùsquàm tribus à te propositis dubiis aciam satis, observare in primis debes, *Joachimum* Ordinis Cisterciensis, Abbatem Cœnobii Florentis in Calabria, libellum evulgasse contrà *Petrum Lombardum* Magistrum sententiarum, eumque hæreseos potissimum nomine insimulasse, quòd inter cetera sua dogmata, de unitate, sive essentia Trinitatis verba faciens dixisset, quòd quædam summa res est, Pater, Filius, & Spiritus Sanctus, & illa non est generans, neque genita, neque procedens. Contrà verò Abbas *Joachimus* opponebat, quòd *Petrus Lombardus* non Trinitatem in Deo, sed Quaternitatem, adstrueret, tres videlicet Personas, & illam communem Essentiam quasi quartam, manifestè protestans, quòd nulla res est, quæ sit Pater, Filius, & Spiritus Sanctus, nec substantia, nec essentia, nec natura, quamvis tamen concederet Abbas *Joachimus*, quòd Pater, & Filius, & Spiritus Sanctus sunt una essentia, una substantia, una natura. Hanc autem assercionem suam, teste *Matthæo Parisio* in Historia Anglicana ad annum MCLXXIX. his rationibus, & auctoritatibus confirmabat *Joachimus* Abbas: Tres sunt, inquit, qui testimonium dant in Cælo, Pater, Verbum, & Spiritus Sanctus, & hi tres unum sunt. Et tres sunt, qui testimonium dant in terra, Spiritus aqua & sanguis: Et hi tres unum sunt. Item, volo Pater, ut sint unum in nobis, sicut & nos unum sumus. Ex quibus Scripturæ Sacræ testimoniis, inquit *Matthæus Parisius* in Hist. Anglic. colligere, ac palàm in-



nuere videbatur Abbas *Joachimus*, se in Deo admit-  
tere unitatem non veram & propriam, sed quasi  
collectivam & similitudinariam, non secus ac mul-  
ti homines dicuntur unus Populus, & multi fideles  
una Ecclesia. Hæc altercatio inter discipulos *Pet-  
ri Lombardi*, & Abbatis *Joachimi* gliscens, indeci-  
sa remansit à temporibus *Alexandri III.* Summi  
Pontificis, usque ad *Innocentium III.* qui in Conci-  
lio Lateranensi IV. celebrato anno MCCXV. Libellum  
Abbatis *Joachimi* contra *Petrum Lombardum* dam-  
navit. Ex hac porrò damnatione factâ in Concilio  
generali nonnulli occasionem sumunt notam hære-  
ticos inurendi Abbati *Joachimo*, sed injustè & per-  
peram. Nàm primò, quamvis in IV. Concilio Ge-  
nerali Lateranensi libellus, quem edidit Abbas  
*Joachimus* contra Magistrum *Petrum Lombardum*,  
de unitate, seu essentia Trinitatis, proscriptus fue-  
rit, indè tamen colligi non debet, eum fuisse hære-  
ticum, quia certissimè constat, eum duobus annis  
antè mortem omnia scripta sua Apostolicæ Sedis  
judicio approbanda vel corrigenda subjecisse, ut li-  
quidò patet ex ejus protestatione, quam ante obi-  
tum edidit, & quam refert *Franciscus Pegna* Com-  
ment. I. in primam partem *Directorii Inquisitorum*,  
*Nicolai Eymerici*, idque etiam fatetur *S. Thomas* Opu-  
scul. 14. ubi Abbatem *Joachimum* errasse quidem as-  
serit, eum tamen errori pertinacitè adhæsisse negat,  
quia inquit Angelicus Doctor, Abbas *Joachimus* Apo-  
stolicæ Sedis judicio scripta sua subjecit. Præterea, *Ho-  
noriu*s III. Summus Pontifex duabus Epistolis, quæ à  
*Jacobo Græco* Florensi Monacho, & Abbatis *Jo-  
achimi* Vitæ Scriptore cap. 5. referuntur, districtè  
vetuit, ne quis Abbati *Joachimo*, aut Florensi Or-  
dini,

ini, quem fundaverat ille Abbas, detraheret propter libellum Abbatis *Joachimi* in Concilio Lateranensi IV. damnatum, Prior *Honorii III.* Epistola directa est ad Lucanensem Episcopum, eique præcipit Summus Pontifex, ut tam Abbatem, quam Monachos Ordinis Florentis de crimine hæreticæ pravitatis infamare non præsumat, nec à suis infamari permittat: *Fraternitati tuæ*, inquit *Honorius III.* per *Apostolica scripta mandamus atque præcipimus*, quatenus fratres supradicti Ordinis super hæreticos *Crimine*, nec ipse infamare præsumas; nec à subditis tuis permittas, vel aliquatenus dissimules infamari. In altera verò Epistola, quam idem Summus Pontifex Cusentino Archiepiscopo, & Episcopo Bisiniacensi dedit; asserit, eum, qui salutem hominum invidet, occasione ejusdem libelli à Synodo generali Lateranensi damnati, nonnullos tam Clericos, quam Laicos, Prælatos, & subditos concitare adversus Ordinem Florentem, qui ab Abbate *Joachimo* fuit fundatus, exprobrando quòd idem Abbas, qui Pater & institutor fuit Ordinis eorumdem, hæreticus ab Ecclesia Dei habetur. Propter quod non solum simplices lactis participes à consortio ejusdem Ordinis avertunt, sed etiam fortes, qui uti cibo solido dicerunt, & ad discretionem boni & mali exercitatus pro consuetudine habent sensus, circa Instituta Ordinis ejusdem incipiunt fluctuare &c. *Fraternitati vestræ* per *Apostolica scripta mandamus*, quatenus per eam Calabriam faciatis publicè enuntiari, quia fuisse verum Catholicum reputamus, Sanctæ fidei Orthodoxæ defatorem &c. Adhæc, accedit testimonium *Innocentii III.* Pontificis Maximi, qui in Epistola 99. b. 14. datâ anno MCCXI. Abbatis *Joachimi* demor-

tui honorabilem mentionem facit. Testatur etiam *Albericus* Monachus trium Fontium in Chronico ad annum MCCI. quòd *Innocentius III.* vitam religiosam *Abbatis Joachimi*, morum institutionem, & eruditionem non improbavit, sed approbando commendavit. Plura ad vindicandum ab hæresi Abbatem *Joachimum* legi possunt apud *Papebrochium* ad diem xxix. mensis Maii in Commentario prævio ad Vitam *Abbatis Joachimi*, ubi etiam omnia, quæ *Cardinalis Baronius* contrà prædictum Abbatem scripsit, non aliter solvit, quàm optando, ut ad *Annales Ecclesiasticos* proseguendos ulterius vita & otium *Baronio* suffecissent: vix etiam, inquit, dubitamus, quin pro sua ingenuitate emolliisset sententiæ præcipitæ rigorem; ut enim tum ex ipso Concilii decreto, tum ex Pontificum consequentium Bullis cognovisset, unicum dumtaxat, qui sub nomine *Joachimi* ferebatur, libellum fuisse damnatum, idque citrà prætitulati Auctoris notam; ità fortassis etiam ad ipsam *Apocalypseos Expositionem* legendam aliquandò applicuisset animum, agnovissetque, quàm falsis præjudiciis plerique ejus accusatores nituntur.

Circà alterum dubium, an videlicet Abbas *Joachimus* verus fuerit Propheta, an illusor? non convenit etiam inter Historicos. *Rogerus Hovedenus* in Annal. Anglorum parte posteriori ad annum MCXC. quo describit Colloquium *Abbatis Joachimi* cum *Richardo* Anglorum Rege in Sicilia habitum, ipsum, ut Pseudo-Prophetam, insectatur. Idemque de Abbate *Joachimo* fert judicium *Baronius*. At Abbatem *Joachimum* varia spiritu prophetico prænuñciasse, quæ postea evenère, certis exemplis demonstrant *Manricus*, & *Papebrochius*, ejus-



ejusque vaticinia vindicavit *Gregorius de Laude*, seu  
*de Lauro Ordinis Cisterciensis*, Abbas Sagittariensis  
 in libro, cui titulus est: *Beati Joannis Joachimi Ab-*  
*batis Apologetica*, sive *Mirabilium veritas defensa*,  
 edita Neapoli anno MDLX. Ostendunt tamen *Manri-*  
*cus & Papebrochius*, nonnullos eidem Abbati *Jo-*  
*achimo* aliquas fictitias prorsus & inanes prædictio-  
 nes adscripsisse, quarum nugacitas in causa fuit cur  
 suspensi hæserint viri etiam sapientissimi, quo loco  
 scilicet haberent *Joachimum*, vel quid de spiritu il-  
 lius statuerent? Plura de Prophetiæ Dono Abbati  
*Joachimo* concessio legesis apud *Manricum* in Anna-  
 libus Cister. Tomo 1. & 2. & apud *Papebrochium*  
 in Actis SS. Bollandianis ad diem xxix. mensis  
 Maii, quo Vitam Abbatis *Joachimi* Notis illu-  
 travit.

Postremò, Abbatem *Joachimum* piè & sanctè  
 obiisse, atque post mortem miraculis claruisse te-  
 stantur Scriptores probatissimæ fidei. *Lucas Ar-*  
*chiepiscopus Cusentinus* in Calabria citeriori, qui  
 Abbatis *Joachimi* Scriba familiaris fuit, refert, ut  
 videre est apud *Papebrochium* loco mox à me lau-  
 lato, se ministrasse Abbati *Joachimo* celebranti  
 Missã, & ejus pietatem esse miratum, cum nonnun-  
 quàm illum lachrymantem viderit tam in celebra-  
 tione Missæ, quàm dum in ea *Passio Dominica* lege-  
 retur. Varia etiam habet idem Scriptor de Abba-  
 tis *Joachimi* vigiliis, sobrietate, castitate, constan-  
 tia in oratione, & jejunii rigore; testaturque ejus  
 meritis solutam sibi fuisse linguam, depulsam fe-  
 brim, & repressam intempestivi potus appetentiam.  
 Quanto verò honore Abbas *Joachimus* post mor-  
 tem cultus fuerit, ex eo maximè liquet, quòd in

loco, ubi mortuus, & primùm humatus fuit, arserunt aliàs lampades, & Cœnobii Florentis Monachi singulari veneratione profecuti fuerint novum ejus sepulchrum, ad quod, auxilii obtinendi causâ, tùm energumenos, tùm alio quocumque morbo laborantes accedere solitos esse, & curari, pluribus exemplis demonstrant mox citati Auctores. Abbate etiam & Monachi Ordinis Florentis ab Abbate *Joachimo* instituti unum ex suis anno MCCCXLVI. Roman miserunt, qui à Summo Pontifice peteret, Episcopos delegari, qui inquirerent de miraculis, in vita & post mortem à *Joachimo* patratis. *Jacobus Græcus* Monachus Florentis, Patriâ Calaber, Vitam Abbat *Joachimi* ex variis monumentis collegit, & *Gregorius de Laude*, seu *de Lauro* Ordinis Cisterciensis ejus Apologiam edidit, aitque eum anno millesimo ducentesimo secundo ad Cœlestem Patriam migrasse, ac multa à se conscripta reliquisse Opera quæ nos in Colloquio quinto in Historiam hujus sæculi duodecimi commodiùs recensebimus.

D. Texuistine Catalogum omnium Hæresum quæ duodecimo sæculo Ecclesiam exagitarunt?

M. Absolvi quidem Historiam omnium Hæresum, quæ duodecimo Ecclesiæ sæculo pullularunt ei tamen non abs re erit in præsentia addere tres celebres Controversias, quæ eodem sæculo in Galliis inter Theologos fuerunt agitatæ. Prima Controversia circà annum MCLXXV. moveri & ventilari cœpit de validitate Baptismi, qui à Laicis conferebatur. Invaluerat enim in Galliis hæc consuetudo, ut Laici, absente Sacerdote, baptizantes, tantùm verba pronunciarent: *In nomine Patris, & Filii, & Spiritus Sancti*, omissis illis, quæ præmitti solent.

olent: *Ego te baptizo*. Quæsitum igitur est, an pueri ita baptizati, rebaptizandi essent, necne? Pontius Claromontanus Episcopus consuluit super hac re Mauricium Episcopum Parisiensem, & Stephanum, qui fuit postea Tornacensis Episcopus. Respondit Mauricius, Baptismum non valere, nisi à baptizante proferantur hæc verba: *Ego te baptizo*. Contrà verò Stephanus prædicta verba: *Ego te baptizo*, summo quidem honore, & singulari reverentiâ, utpotè ab Ecclesia instituta, esse suscipienda non negavit, at illa ad Sacramenti Baptismi substantiam non requiri, nec esse necessaria rescripsit. Epistolas Pontii Claromontani Episcopi, Mauricii Parisiensis Antistitis, & Stephani Tornacensis integras exhibet Egassius Buleus Tomo 2. Historiæ Universitatis Parisiensis pag. 412. Cæterum, hanc Controversiam eodem sæculo duodecimo definivit Summus Pontifex Alexander III. *Extra de baptismo, & ejus effectu cap. si quis*, ubi sic loquitur: *Si quis puerum tẽr in aqua merserit in nomine Patris, & Filii, & Spiritus Sancti Amen, & non dixerit: Ego te baptizo, puer non est baptizatus*. Eandem definitionem publicavit anno MDCXC. Alexander Papa VIII. quippè qui hanc propositionem inter alias damnavit: *Valuit aliquandò Baptismus sub hac forma collatus in nomine Patris, & filii, & Spiritus Sancti Amen, prætermisiss illis, Ego te baptizo*. Quamvis ergò duodecimo Ecclesiæ sæculo nonnulli celebres Theologi Parisienses salvâ & inculpatâ fidẽ propugnaverint, valere Baptisma collatum in nomine Patris, & Filii, & Spiritus Sancti Amen, prætermisiss his verbis: *Ego te baptizo*, ut videre est apud Gasparem Juveninum in Commentario Hi-



historico-Dogmatico de Sacramentis , Tractatu de Baptismo, attamen post definitionem *Alexandri III.* hæc opinio ab omnibus Theologis explosa est .

Altera Controversia duodecimo sæculo , hoc est , circa annum MCLXXV. in Scholis Parisiensibus agitata est , an videlicet Beata Virgo in corpore assumpta esset in Cælum ? affirmabant eam cum corpore in Cælum assumptam duo inter cæteros egregii , illustresque Scholares , quibus vulgò ab aliis dicterii , & subsannationis loco objiciebatur , quòd Beata Virgo non fuisset in corpore in Cælum assumpta . Quod dicterium illis adeò displicuit , ut, seorsim factis ad Sanctos *Joannem Baptistã & Joannem Evangelistam* precibus, postularint, id certò sibi revelari, ne deinceps cavillis exponerentur. Eorum verò opinio confirmata est miraculo . Nàm eorum alter, qui imberbis erat , subito barbatus evasit, alter verò , qui calvus , crinitus apparuit . Hoc Factum historicum narrat noster *Thomas Cantipratensis* lib.2. de *Apibus* cap.29, & ex eo *Cæsar Egassius Buleus* Tomo 2. Historiæ Universitatis Parisiensis pag.416. Sed utut sit de hoc insigni prodigio , certè negari non potest, sententiam illorum , qui XI. sæculo docebant , Mariæ Virginis corpus , quod in terris nullibi reperitur , in Cælum , unà cum ejus anima fuisse assumptum , perantiquam esse , & in Ecclesia Catholica magis receptam, quandoquidem Patres Concilii Moguntini celebrati an. DCCCXII. & *Carolus Magnus* Imperator in suis Capitularibus Assumptionem Beatæ Mariæ Virginis in Festorum Catalogum retulerint . *Petrus* etiam Blesensis, qui duodecimo Ecclesiæ sæculo florebat , Sermonc 28. hæc habet : *hodiè verisimile est, quòd Beata Virgo &*  
*ani-*

anima beatitudinem, & corporis glorificationem adeptam est, quod ne cui prorsus veniat in dubium, auctoritatibus astruimus, opinando tamen, non asserendo. Quapropter, si quis Beatam Mariam Virginem in corpore & anima fuisse in Cœlum assumptam jam negare, aut in dubium revocare auderet, ad minùs summæ temeritatis notâ esset afficiendus, quippè qui à communi, & jampridem in Ecclesia Catholica opinione recepta descisceret. Sed de Festo Assumptionis Beatæ Mariæ Virginis, sicut & de aliis in ejus honorem ab Ecclesia institutis plura leges apud *Baronium* in Notis ad Martyrologium Romanum, *Thomassinum* in Tractatibus historicis de Festis, & *Tillemontium* in Commentariis ad Historiam Ecclesiasticam, tom. 1. pag. 495. & pluribus aliis proximè sequentibus.

Denique, sæculo Ecclesiæ duodecimo, seu anno MCLXXXVIII. cæpta est in Galliis disputari quæstio de conversione aquæ, quæ calici ante consecrationem infunditur, an scilicet aqua non secus ac vinum, immediatè per verba consecrationis convertatur in sanguinem Christi? vel potius an aqua immediatè convertatur in vinum? vel an maneat mixta speciebus vini aquæ substantia post prolata consecrationis verba? Delata est hæc controversia, ad *Gaufridum* Monachum Claravallensem, & olim S. Bernardi Secretarium, qui *Henricum* Cardinalem Albanensem hoc anno in Gallia Sedis Apostolicæ Legatum consuluit litteris, quas in suis Annalibus ad annum MCLXXXVIII. recitat *Baronius*, & quibus hæc verba ipse subjungit: *Quid autem rescripserit ad petitam consultationem Cardinalis Episcopus Albanensis, non invenimus; sed aliud rescri-*

rescribere non potuisse certum est, quàm quod credit, & custodivit semper Sancta Romana Ecclesia, nimirum aquam simul & vinum transsubstantiari in sanguinem Christi. Quibus verbis eruditissimus ille Cardinalis apertè innuit, sententiam eorum, qui asserunt, aquam calici infusam immediatè non in vinum, sed in sanguinem Christi converti, esse omninò consentaneam perpetuo totius Ecclesiæ sensui, contra quem opinari, vel mussitare nemini licet. Verùm, ut obiter dicam, Cardinali Baronio hac in re non assentitur schola Thomistica, quæ post S. Thomam 3. p. quæst. 75. Art. 8. constantè docet, aquam calici infusam immediatè converti in vinum, & mediante vino, quod sola est à Christo præscripta consecrandi calicis materia, transire in sanguinem Christi. Hanc sententiam probat Doctor Angelicus auctoritate Innocentii III. Pontificis Maximi, qui consultus à Joanne Archiepiscopo Lugdunensi, an aqua cum vino transsubstantietur in sanguinem Christi? celebrem illam edidit Decretalem de celebratione Missarum, ubi cap. vi. *Cùm Marthæ*, tres super hac quæstione refert sententias, quarum secundam, quæ illorum est, qui tenent, quòd aqua cum vino transsubstantiatur in sanguinem, cùm in vinum transeat mixta vino, probabiliorem esse judicat. Scio, aliquos esse modernos Scriptores, præsertim Ægidium de Coninck Soc. Jesu Tomo 1. de Sacramentis quæst. 74. Art. 8. & Manricum in Annalibus Cisterciensibus, qui Baronii opinioni adstipulantes respondent, bimembrem fuisse illam secundam sententiam, quam probabiliorem esse dicit Innocentius III. Primum illius sententiæ membrum est, quòd



quòd aqua cum vino transubstantietur in sanguinem Christi, illudque ab Innocentio III. fuisse approbatum ultrò fatentur. Alterum istius sententiæ membrum est, quòd aqua in vinum transeat mixta vino, & istud ab Innocentio III. non fuisse approbatum, pertendunt. Sed hoc merum effugium est, quod ipsemet Innocentius III. lib. 4. *Mysteriorum Missæ* cap. 30. occupavit. Ibi enim eamdem versans questionem, hæc habet: *Quibusdam verò non absurdum videtur, quòd aqua cum vino transit in sanguinem, ea videlicet ratione, quòd aqua per admixtionem transit in vinum, & vinum per consecrationem transit in sanguinem. Quis enim ambigat, aquam in vinum transire, cum multo vino modicum infunditur aquæ? Hinc est, quòd Concilium Florentinum modicissimam vino imponi aquam imperat, non aliâ certè ratione, nisi quia eam prius in vinum transmutari oportet, sicut liquidò exponit Pontificale Romanum 1. Part. Tract. 10. cap. 2. his verbis: Aqua, quæ in calice vino admiscetur, debet esse in modica quantitate, quia eam in vinum converti oportet. Non video igitur, quâ ratione Cardinalis Baronius potuerit asserere, Sanctani Romanam Ecclesiam semper credidisse, aquam simul & vinum transubstantiari in sanguinem Christi, cum sententiæ S. Thomæ de immediata conversione aquæ in vinum, Scriptores Ecclesiastici apertè suffragentur, sicut disertè testatur Catechismus Concilii Tridentini Titulo de Eucharistia his verbis: *Ecclesiasticorum Scriptorum sententia, & iudicio, aqua illa in vinum convertitur. Baronius ad annum mxcii. refert insigne miraculum, quod in Slavorum Historia legitur. Cum enim puellâ in partibus Thuringiæ**

ægro-

ægrotante, Sacerdos post datum ei ex more viaticum, ablutionem digitorum faciens in calice vitreo, ut illam aquam puellæ bibendam traderet, inscienter particulam sanctissimæ Eucharistiæ in eam excussisset, confestim tota aqua mutata est in sanguinem, & particula formam accipiens digituli versa est in cruentam carnem. Hoc facto narrato, concludit *Baronius*: *Hæc de transubstantiatione aquæ in sanguinem Christi, per commixtionem Christi Corporis divinitus facta: quod semper fieri in vino, cum commixtio intercederet, Antiquitas existimavit.* Vult itaque *Baronius*, vinum absque verbis consecrationis, sed solo tactu hostiæ consecratæ, posse consecrari, hancque ait perantiquam, esse Ecclesiæ doctrinam. Verùm, hanc *Baronii* sententiam nec antiquitate, nec veritate niti, manifestè demonstrat *Mabillonius* Tom. 2. Musæi Italici Comment. in Ordinem Romanum pag. 89. & seqq. At enim, præterquamquod in primis octo sæculis nulla hujusce opinionis apparent vestigia, sed potius concors sit & unanimis sanctorum Patrum sententia, veram utriusque speciei consecrationem non nisi verbis Christi Domini à Sacerdote prolatis perfici posse; in subsequenteribus sæculis, quo tempore apud nonnullos hæc opinio, quam tuetur *Baronius*, invalescere cæpit, multi Auctores, iique gravissimi, in contrariam abierunt sententiam, quorum testimonia ibidem laudat *Mabillonius*. Præterea, si vinum absque verbis consecrationis, sed solo tactu hostiæ consecratæ posset consecrari, ut censet *Baronius*, sequeretur primò, quod in die Parasceves mutaretur vinum, in sanguinem Christi per solum contactum hostiæ conse-

consecrata, quod tamen apertè negant *Guillelmus Durandus* in libro sexto *Rationalis* cap. 75. & *Jacobus à Vitriaco* in *Historia Occident.* cap. 38. ubi hæc habet: *mentiuntur ergò qui dicunt, quòd in die parasceves corpus Christi ex contactu mutat vinum in sanguinem. Illo enim die corpus, sed non sanguis sumitur. Sequeretur secundò, non solum Diaconos, sed & Laicos, quibus antiquitus, faviente persecutione, ad Communionem domesticam hostias consecratas domum asportare licebat, verum Christi sanguinem consecrare potuisse, emittendo videlicet in vinum Hostiam consecratam.* Quod si semel admittatur, ruit profectò potissimum argumentum, quo olim *S. Hieronymus* refellebat Diaconos, qui se se efferebant supra Presbyteros, *ad quorum preces Christi corpus, sanguisque conficitur.* Hæc & alia id genus gravia momenta ad confutandam *Cardinalis Baronii* sententiam de Consecratione vini per solum hostiæ consecratæ contactum adducit *Mabillonius* loco mox à me citato, ex quibus tandè concludit doctissimus ille Scriptor, validè hinc refelli argumentationem hæreticorum, qui ex commixtione particulæ consecratæ cum vino haud consecrato communionem sub altera specie suppleri contendunt. Sed satis hætenùs diximus de Hæresibus, quæ sæculo Ecclesiæ duodecimo eruperunt, nec non de tribus Controversiis, quæ eodem sæculo inter Theologos magno animorum æstu fuerunt in Gallis agitata.



## COLLOQUIUM IV.

*De Conciliis cùm Generalibus, tùm Nationalibus, quæ duodecimo Ecclesiæ sæculo sive ad damnandas exortas hæreses, sive ad componendas enatas controversias, & collapsam restaurandam Ecclesiæ Disciplinam variis in locis fuerunt celebrata.*

D. **U**T omnia tàm Oecumenica, quàm Nationalia Concilia, quæ duodecimo Ecclesiæ sæculo diversis in locis fuerunt convocata, discretè ac distinctè percurramus, ea sic in ordinem redigere debes, ut primo loco reponas Concilia Oecumenica, si quæ eo sæculo congregata fuerunt; dein, percenseas Concilia Nationalia, quæ in Italia, Gallia, Germania, Anglia, & Hispania habita sunt, atque omnia. quæ in his Conciliis tùm ad proscribendas Hæreses, tùm ad sopiendas obortas id temporis controversias, & ad sanciendam Ecclesiæ Disciplinam sanctissimis Legibus statuta sunt, summatim perstringas. In primis igitur scire velim, an duodecimo Ecclesiæ sæculo fuerint celebrata Concilia Oecumenica, & quæ in his gesta ac definita sint?

M. Tria Concilia Generalia duodecimo Ecclesiæ sæculo Romæ habita sunt, videlicèt Lateranense primum, quod inter Concilia Oecumenica est ordine nonum; Lateranense secundum, quod est ordine decimum, & Lateranense tertium, quod

in se-

serie Conciliorum Generalium undecimum numeratur. Dicta sunt autem tria ista Concilia *Lateranensia* à loco, in quo fuerunt celebrata, nimirum à Basilica Lateranensi. *Callistus II.* Pontifex Maximus Concilium Lateranense Generale primum convocavit anno MCXXIII. non verò, ut asserit Baronius, anno MCXXII. Falco enim Auctor *Bozuius* in Chronico, *Simeon Dunelmensis* in Historia, *Anselmus Gemblacensis*, alique passim scriptores, qui hoc sæculo vixerunt, disertè testantur, Concilium Lateranense Generale primum *Callisto II.* fuisse convocatum anno MCXXIII. Hinc *Abriel Cossartius* Soc. Jesu Tomo X. Conciliorum hunc *Baronii*, & *Binii* errorem circa annum celebrationis hujusce Concilii correxit, illudque, secundum peritiorum calculum, anno MCXXIII. indictum esse demonstrat. Trecentos, aut amplius episcopos Concilio Lateranensi Generali primo adfuisse asserunt *Nangius* in Chronico, & diu antea *Sugerius* Abbas Sandionysianus, qui huic Concilio interfuit, in vita *Ludovici VI.* Francorum regis his verbis: *A Domino Papa Callisto, & tota curia honorificè valdè recepti per sex menses, cum tunc eum demorando magno Concilio trecentorum aut amplius Episcoporum Lateranis compositioni pacis de quærela Investiturarum astitissimus.* Scribit quidem *Pandolphus* in vita *Callisti II.* nongentos & nonaginta septem partim Episcopos, partim Abbates ad hanc Oecumenicam Synodum convenisse, sed numeros ibi corruptos esse affirmant viri eruditi.

D. Quânam potissimum de causâ convocatum fuit istud Concilium Generale Lateranense primum?

M. Triplex fuit causa celebrandi hocce Concilium. Prima, ut Investiturarum abrogatio, secundum pacta inter *Callistum II.* Summum Pontificem, & *Henricum Imperatorem* inita, confirmaretur. Altera causa fuit, ut *Palæstina* & *Hispania* ab infidelium tyrannide liberarentur, sicut colligitur ex Canone undecimo istius Concilii. Tertia denique causa fuit, ut Ecclesiasticæ disciplinæ per Clericorum simoniam & luxuriam sædata, consuleretur; uti in pluribus Canonibus in hoc Concilio conditis liquidò apparet.

D. Fuitne tandem composita ac finita in Concilio Lateranensi Generali primo hæc diuturna de Investituris Controversia?

M. Litem Investiturarum, contra quas, sicut in superioribus Colloquiis observavimus, acriter decertarunt Summi Pontifices, *Gregorius VII.* *Victor III.* *Urbanus II.* *Paschalis II.* *Gelasius II.* feliciter tandem in Concilio Generali Lateranensi primo *Callistus II.* composuit istis sub conditionibus, ut Imperator Investituras, seu liberas Episcoporum & Abbatum electiones relinqueret Ecclesiæ; Summus verò Pontifex jus ac potestatem Imperatori permetteret electis Episcopis, & Abbatibus Regalia per Sceptrum dandi, Sacras electiones inspiciendi, & saniori parti assensum, auxiliumque præbendi. Hæ initæ pacis conditione utrimque receptæ, atque mutuâ subscriptione firmatæ fuerunt juxta verborum tenorem qui sequitur:

Ego *Henricus*, Dei gratia Romanorum Imperator Augustus, pro amore Dei & Sanctæ Romanæ Ecclesiæ & Domini Papæ *Callisti*, & pro remedio animæ meæ  
dimit



mitto Deo, & Sanctis ejus Apostolis Petro & Paulo  
 & Sanctæ Catholicæ Ecclesiæ omnem Investituram,  
 per anulum & baculum, & concedo in omnibus fieri  
 electionem & liberam consecrationem. Possessiones &  
 Regalia Beati Petri, quæ à principio hujus discordiæ  
 & que ad hodiernum diem, sive tempore Patris mei,  
 & ve etiam quæ meo ablata sunt, quæ habeo, eidem San-  
 ctæ Romanæ Ecclesiæ restituo; quæ autem non habeo,  
 & restituantur fidelitèr juvabo, &c. Similitèr, Calli-  
 stus II. Pontifex Maximus fidem suam Henrico IV.  
 Imperatori obstrinxit his verbis:

Ego Callistus Servus Servorum Dei, tibi dilecto  
 Henrico, Dei gratia Romanorum Imperatori Au-  
 gusto, concedo electiones Episcoporum & Abbatum  
 & Kentonici Regni, quæ ad Regnum pertinent, in præsen-  
 tia tua fieri absque Simonia & aliqua violentia; ut, si  
 quæ inter partes discordia emerferit, Metropolitani &  
 Provincialium consilio vel judicio, saniori parti assen-  
 sum & auxilium præbeas. Electus autem Regalia per  
 sceptrum à te recipiat, exceptis omnibus, quæ ad Ec-  
 clesiam Romanam pertinere noscuntur, & quæ ex his  
 tibi debet, faciat: Ex aliis verò partibus Impe-  
 rij consecratus, infra sex menses Regalia per sceptrum  
 à te recipiat. De quibus verò mihi querimoniam fe-  
 deris, secundum officii mei debitum, auxilium meum  
 præstabo. Do tibi veram pacem, & omnibus, qui in  
 parte tua sunt vel fuerunt tempore hujus discordiæ, &c.  
 Hæc Pacta Callistum II. Pontificem inter & Henri-  
 cum Imperatorem totius Synodi judicio confirma-  
 ta sunt & executioni mandata, sicque pax optatis-  
 sima Regnum inter & Sacerdotium coaluit, de qua  
 Otto Frisingensis Chronicorum lib. 7. cap. 16. ità scri-  
 bit; Igitur Romano Imperio multis modis in se attri-

to, Imperator propter *Anathema* deficere à se Regnum videns, patrisque metuens exemplum, congregato juxta *Vvormatiam* maximo Principum Conventu, Invenitur Episcoporum Legato Sedis Apostolicæ *Lamberto*, qui postmodum Summus Pontifex factus, Honorius est dictus, resignavit, per eumque ab *Anathemati* vinculo absolutus est. . . . . Abhinc Ecclesia, libertate ad plenum restituta, paceque ad integrum reformata, in magnum montem crevisse sub *Callisto* Papa invenitur.

D. Clarius, si placet, expone alteram Causam, ob quam ut, insinuasti, coactum est istud Concilium Generale Lateranense primum? eam siquidem, ut candidè fatear, necdum satis capio.

M. Cum Infideles, seu Saraceni, Christiano in Palæstina duodecimo Ecclesiæ sæculo multis cladibus afficerent, & suam in Hispania tyrannidem exercerent, *Callistus II.* Pontifex Maximus ad promovendas contra illos Christiani nominis hostes Sacras Expeditiones, Concilium Lateranense Generale primum indixit, & Canone undecimo indulgentias, & remissionem omnium peccatorum his Christianis concessit, qui *Hierosolymitanum* vel *Hispanicum* iter suscipiunt ad Christianam gentem defendendam, & tyrannidem Infidelium debellandam. Cardinalis *Josephus de Aguirre* tomo 3. *Collectioni maximæ omnium Conciliorum Hispaniæ* pag. 33 refer ex *Diago* lib. 2. *Historiæ De Comitibus Barcinonensibus* cap. 103. litteras *Callisti II.* Papæ omnibus Episcopis, Regibus, & Principibus Hispaniarum data statim post Concilium Lateranense, in quibus ei significat, se omnibus Christianis adversus Paganos Hispaniæ Ecclesias opprimentes militantibus eam

dem peccatorum remissionem, quam Orientalis Ecclesiæ defensoribus concedere, subditque: *Verum, quia exercitum vestrum per nos, ut desideramus, visitare nequimus, charissimum fratrem nostrum Oldegarium Tarraconensem Archiepiscopum, ad ipsum ex latere nostro delegare curavimus, nostras ei vices in hoc specialitèr committentes, ut ipsius consilio & dispositione corrigantur, & confirmanda, cooperante Domino, confirmentur. Si quæ verò dubia in exercitu eodem emerferint, ipsius experientia terminentur.* Has litteras eruit *Diagus* ex Archivis Ecclesiæ Barcinonensis, illasque *Bollandus* ad diem vi. mensis Martii recitat in *Vita Beati Oldegarii*. Clarissimus *Stephanus Baluzius* ad calcem xxi. capitis libri vii. idè Concordia Sacerdotii & Imperii illustrissimi Archiepiscopi Parisiensis *Petri de Marca* Canones conditos in Concilio Generali primo Lateranensi publicavit, & hac Notâ Canonem undecimum illustravit: Hispanicum illud iter, inquit, cujus meminit hic Canon, non erat simplex peregrinatio religionis ergò, sed ad exemplum *Urbani II.* qui belli sacri in Oriente gerendi auctor fuit, successores ejus bellum quoque sacrum in Hispania fieri adversus Saracenos decreverunt; eandemque peccatorum indulgentiam euntibus eâ de Causâ in Hispaniam concesserunt, quæ Orientalis Ecclesiæ defensoribus concessa fuerat in Concilio Claromontano. Nàm in Archivo Ecclesiæ Barcinonensis habetur Epistola *Callisti II.* ad universos Christi fideles (data fortassis ex isto Lateranensi Concilio, cum sit data Laterani iv. Nonas Aprilis) quâ pugnantibus in Hispania adversum Saracenos eandem peccatorum remissionem concedit, quæ Orien-



talis Ecclesiæ defensoribus concedi solet. At in Concilio Claromontano sub *Innocentio II.* Papa celebrato, quod nondum editum est, mandatur incendiariis, quæ pestis tunc in Occidente grassabatur, ut Hierosolymam, vel in Hispaniam pergant illic anno integro belligeraturi. Præterea, extat in Archivo Regio Barcinonensi Epistola *Hadriani IV.* quâ *Raymundum* Comitem Barcinonensem, totamque terram ejus, sub Beati Petri, ac sua protectione suscipit, quamdiu pugnaverit contra Saracenos. At in Concilio habito apud Montem Pessulanum in prima Narbonensi anno *mcxcv.* cui præfuit Magister *Michael* Sedis Apostolicæ Legatus, ab usurarum solutione ita liberantur illi, qui in Hispaniam pergunt, ut etiam fidei iussores eorum cogi non possint ad earum solutionem. Hæc ad dilucidandum Concilii Generalis Lateranensis primi Canonem undecimum, in quo altera hujus Concilii celebrationis causa exprimitur, observat eruditus *Baluzius*.

D. Quot Canones ad sanciendam Disciplinam Ecclesiasticam edidit Concilium istud Generale Lateranense Primum?

M. Duos supra viginti Canones in Concilio Generali primo Lateranensi conditos vulgatæ Conciliorum Editiones exhibent, sed, ut observat *Baronius*, septemdecim dumtaxat habentur in Codice Vaticano, qui continet Collectionem *Anselmi*, & in veteri Codice MS. Monasterii Anianensis in Dicecesi Monspeliensi, ex quo illos eruit, ac Notis illustratos publicâ luce donavit *Baluzius*. Ipse tamen secutus vulgatam Conciliorum Editionem, quæ duos supra viginti Canones recenset, eorum synopsim, ac brevem præcipuorum expositionem hic subji-

objiciam. Canon I. prohibet, ne quisquam per  
 cuniam in Ecclesia ordinetur & promoveatur, ju-  
 tque, ut sic ordinatus vel promotus acquirat  
 ivetur dignitate. Ad compescendam Simoniam,  
 & iis temporibus latissimè grassabatur, conditus  
 t iste Canon, qui tamen eorum, qui simoniacè or-  
 nati, aut promoti fuerant, irritam non declarat  
 ordinationem sumptā quantum ad substantiam, sed  
 ntum secundum illius executionem & exercitium.  
 Canon secundus decernit, nullum in Præpositum, vel  
 rchipresbyterum assumi posse, nisi Presbyterum;  
 ut nec in Archidiaconum, nisi Diaconum. Hic Ca-  
 on non est amplius in usu, nā juxtā hodiernam di-  
 iplinam satis est, ut intrā annum sit Presbyter, qui  
 igitur ad dignitates quę non nisi à Presbyteris ha-  
 ri possunt. Canon tertius Presbyteris, Diaconis, &  
 bdiaconis concubinarum & uxorum contubernia  
 nitus interdicat, aliarumque mulierum cohabitati-  
 onem, præter matrem, sororem, amitam, & ma-  
 rteram, aut alias hujusmodi, de quibus justè nul-  
 possit suboriri suspicio, sicut jam statutum fuerat  
 Concilio Nicæno celebrato anno cccxxv. Ca-  
 on IV. vetat sub pœna sacrilegii Principibus, aliis-  
 ue laicis, ne rerum Ecclesiasticarum, sive posses-  
 onum dispensationem, sive donationem sibi arro-  
 ent. Canon quintus edicit, ne fiant conjunctiones  
 onfanguineorum, quas divinis humanisque legi-  
 us prohibitas ac infames esse declarat. Canon se-  
 tus Ordinationes à *Burdino* Antipapa, aliasque ab  
 aliis Episcopis per ipsum consecratis, mittit in irri-  
 um. Quod tamen, ut mox observavimus, intelli-  
 gendum est de Ordinationibus, non quantum ad  
 ubstantiam spectatis, sed quantum ad earum exe-

cutionem & exercitium . Canon VII. prohibet sub pœna excommunicationis Archidiaconis , Archipresbyteris , Præpositis , & Diaconis , ne curam animarum, aut Præbendas sine iudicio vel consensu Episcopi conferant . Canon Octavus Beneventanæ Civitatis , quæ tempore Schismatis multis incurfibus & invasionibus patuerat , securitati consulit , & in eos , qui deinceps Beneventanam Beati Petri Civitatem invadere auti fuerint , anathema vibrat . Canon nonus illos , qui à suis Episcopis excommunicati sunt , ab aliis Episcopis , vel Abbatibus in Communionem non esse recipiendos statuit . Canon decimus vetat , ne Episcopus , qui non est canonicè electus , consecratur sub pœna depositionis tam consecrantis , quàm consecrati . Canon undecimus Christianis ad pugnandum contra Infideles Hierosolymam , vel in Hispaniam pergentibus indulgentias concedit , eorumque familias & bona sub Beati Petri & Ecclesiæ Romanæ protectione suscipit , lato in invasores & prædones anathemate . Hujus Canonis undecimi expositionem habes ex his , quæ superius à nobis dicta sunt . Canon duodecimus sancit , ut *Porticanorum* sine hæredibus morientium bona non pervadantur . Quid autem *Porticanorum* nomine , de quibus agit Canon ille duodecimus , intelligendum sit ? non convenit inter Scriptores . Alii quippè putant , Porticanos illos fuisse *Portuenses* , sive Romani portus incolas , quorum bona, si absque liberis morerentur , Urbis Præfectus sibi vindicabat . Sed hæc non mihi probatur sententia , quia nunquàm Ostiensis portus incolæ in ullis Pontificum Constitutionibus aut Diplommatibus , fuerunt *Porticani* appellati , sed sem-



er *Portuenses* ubique dicti. Quapropter ad illos  
bentius accedo, qui asserunt, per *Porticanos* intel-  
gi peregrinos & advenas, qui in Romanæ urbis  
porticibus recipiebantur, & hospitabantur, sicque  
*Porticani* à Porticibus vocabantur. Erant enim  
omæ, antè Barbarorum vastationes & incendia, in-  
gentes Porticus, in quibus peregrini recipiebantur  
advenæ, teste *Sigonio* in *Historia Italix* ad an-  
num MCXLV. & illorum Peregrinorum his in Porti-  
cibus degentium, & sine hæredibus morientium bo-  
na sibi Urbis Præfectus adjudicabat. Quam pra-  
vam inolitam consuetudinem hoc Canone XI. sustu-  
lit & abolevit *Callixtus II.* Hanc esse veram Porti-  
canorum notionem, seu Ethymologiam, conjicit  
*Dominicus Galefius* Episcopus Rubenlis, ejusque hac  
re Observationem *Hierolexico* suo, seu sacro Di-  
tionario Romæ edito anno MDCLXXVII. inseruerunt  
*Dominicus & Carolus Macri* fratres, verbo *Porticani*  
pag. 483. nec non *Odoricus Raynaldus* in suis Annali-  
bus Ecclesiasticis ad annum MCXCVIII. Canon de-  
cimus tertius decernit, ut si quis treugam, sive in-  
ducias à privatis bellis auctoritate Ecclesiæ indi-  
cas fregerit, & ter monitus satisfacere contempse-  
rit; Episcopus vel cum Metropolitani consilio, aut  
cum duobus, aut cum uno vicinorum Episcopo,  
rebellem anathematis sententiâ percellat, eumque  
per Scripturam Episcopis circumquaque denunciet.  
Porro, quid *Treugæ* nomine intelligendum sit? jam  
satis superque exposuimus in Colloquio IV. in Hi-  
storiam sæculorum X. & XI. Canon decimus quar-  
tus inhibet sub pœna anathematis, ne Oblationes  
Ecclesiis factæ à Laicis auferantur, & ne Ecclesiæ  
tanquàm sibi propriæ usurpentur, aut in servitu-

tem redigantur . Canon decimus quintus falsę monetę culores tanquã maledictos , & pauperum oppressores ac Reipublicę perturbatores à Fideiun Comunionem removet . Decimus sextus eãdem penanimadvertit in eos, qui peregrinis Romam, aut ali sacra loca, devotionis ergo, adeuntibus molestiam intulerint, aut eos teloneorũ, vel pedagiorum exactio nibus vexaverint . Canon decimus septimus interdicit Abbatibus, & Monachis, publicas imponere penitentias, infirmosque visitare, eis Sacramenta administrare , unctiones facere , & Missas publicas cantare, jubetque, ut Chrisma, & Oleum Infirmorum Consecrationes Altarium, Ordinationes Clericorum ab Episcopis accipiant , in quorum Diocesis sunt constituti . Canon decimus octavus in Parochialibus Ecclesiis Presbyteros ab Episcopis Præfici mandat , ipsis de animarum cura responsuros ; eos verò, qui decimas & Ecclesias à Laicis absque Episcoporum consensu susceperint , canonicę subiicit ultioni . Canon decimus nonus servitia , seu contributiones, quas Monasteria , aut eorum Ecclesię à tempore Gregorii VII. Episcopis præstare consueverant, confirmat ; possessiones Ecclesiarum tricennales , Abbates, & Monachos habere prohibet . Canon vigesimus anathemate ferit illos, qui Ecclesiis , earumque bonis ac personis , scilicet Clericis , Monachis , Conversis , Oratoribusque negotium faciunt . Canon vigesimus primus Presbyteris, Diaconis, Subdiaconis, & Monachis concubinas habere, seu matrimonia contrahere penitus interdicit , contracta dirimit , & contrahentes , juxta Canones, puniendos esse decernit . Postremus Canon alienationes Possessionũ

avennatis Exarchatus, & generalitèr omnes alios bonorum Ecclesiasticorum quocumque modo, à quocumque factas damnat & irritas reddit, ordinationesque ab Episcopis seu intrusis, seu Canonice electis, absque communi Clericorum Ecclesiæ consensu, sive per simoniam factas, paritèr irritas declarat, non quidam quantum ad Ordinis characterem, sed quoad executionem, locum, exercitium & Ordinis Privilegia, quibus carere iurim, aut simoniacè ordinatos decernit Sancta Synodus. Extant isti Canones viginti duo cum *Totis Baluzii*, & Acta Concilii à *Binio* undique congesta Tomo X. Conciliorum pag. 891.

D. Quandonam? & quibus de causis celebratum fuit Concilium Lateranense Generale secundum?

M. Concilium Lateranense secundum, quod inter Oecumenica decimum numeratur, habitum est anno MCXXXIX. eique mille circitèr Patres interfuerunt, ut Abbas Urspergensis in Chronico, *otto Frisigensis* alique Scriptores sæculi XII. testantur. Ob tres præsertim causas fuit convocatum istud Concilium. Primò, ut omninò aboleretur schisma *Petri Leonis* Antipapæ, qui dictus est *Anacletus II.* Secundò, ut errores *Petri de Bruiis*, & *Arnaldi de Brixia* ejus discipuli proscriberentur; Denique, ut ad pristinum vigorem restitueretur Disciplina Ecclesiastica, quæ occasione diuturni schismatis erat collapsa. Quod primum caput spectat, Concilium Lateranense secundum, sublato iam è vivis *Petro Leonis*, seu *Anacleto II.* Antipapæ, Paceque, per *Victoris* alterius Antipapæ cessionem, Ecclesiæ redditâ, Acta *Petri Leonis* pseudo Pon-



Pontificis rescidit, & Ordinationes ab ipso factas misit in irritum Canone xxx. cujus hæc sunt verba: *Ad hæc, Ordinationes factas à Petro Leonis, & aliis schismaticis & hæreticis evacuamus, & irritas censemus.* Qui Canon quomodo intelligendus sit, docet Chronographus Mauriniacensis in Chronico pag. 382. & seq. ubi *Innocentium II.* in hac Synodo Oecumenica sic loquentem inducit: *Et quicumque per Girardum Engolismensem, qui stabat à partibus Petri Leonis Antipapæ, ad altaris Officium accesserunt, Apostolica auctoritate interdicimus, ne ipsum impleant, & in illo ordinis gradu perennitèr demorantes ad superiorem non ascendant.* Quibus verbis haud obscurè innuit *Innocentius II.* Pontifex Maximus, se Ordinationes à *Petro Leonis Antipapa*, & ab aliis Schismaticis factas non irritas declarasse quantum ad substantiam, sicut Theologi de schola loquuntur, seu quantum ad caracterem; sed solum, ut superius observavi, quoad executionem, locum, exercitium & ordinis privilegia. Quapropter, falsò *Gratianus*, & *Petrus Lombardus* Magister sententiarum hunc Canonem xxx. Concilii Lateranensis secundi exponunt de Ordinationibus quantum ad substantiam & caracterem. Docent quippè communiter Theologi, Ordinationes factas non solum ab Episcopis Catholicis, sed etiam ab hæreticis, excommunicatis, suspensis & degradatis imprimere caracterem, ac subinde iterari haud posse, & eâ de causâ explodunt sententiam Patris *Joannis Morini* Congregationis Oratorii doctissimi Presbyteri, qui in suo libro *de Ordinatione* multa exempla & Monumenta Ecclesiastica adducit, ex quibus evinci putat, Ordinationes ab Episcopis

opis hæreticis, vel schismaticis factas, in his, qui  
 juratâ heresi, vel relicto schismate ad Ecclesiæ  
 Catholicæ gremium redibant, fuisse iteratas, sicut  
 jam observavimus in Colloquio II. in Historiam  
 anni Ecclesiæ sæculi agendo de Ordinationibus  
 Formosi Papæ. Quod attinet ad errores Petri de  
 Bruis, & Arnaldi de Brixia, quos in superiori Col-  
 loquio recensuimus, Concilium Lateranense secun-  
 dum illos confixit Canone xxiii, his verbis: *Eos,*  
*qui religiositatis speciem simulantes, Domini Corporis*  
*& Sanguinis Sacramentum, Baptisma puerorum,*  
*Sacerdotium, & ceteros Ecclesiasticos Ordines, & legi-*  
*tima damnant fœdera nuptiarum, tanquàm hæreticos*  
*ab Ecclesia Dei pellimus, & damnamus, & per potesta-*  
*tes exteras coerceri præcipimus. Defensores quoque*  
*ipsorum ejusdem damnationis vinculo innodamus.* Præ-  
 ter duos istos Canones, in quibus Ordinationes à  
 Petro Leonis Antipapa, & ab aliis schismaticis fa-  
 ctæ, irritæ, in sensu mox à me exposito, decla-  
 rantur, & grassantes id temporis Petrobusiano-  
 rum, atque Arnaldi de Brixia errores proscribun-  
 tur, alios viginti octo Canones pro restauratione  
 Disciplinae Ecclesiasticæ Sancta Synodus Oecume-  
 nica Lateranensis secunda condidit, quibus disso-  
 lutos hominum mores emendare, gravesque abu-  
 sus, quos diuturnum schisma in Ecclesiam invexe-  
 rat, radicitus extirpare voluit. Tunc enim, ut  
 obiter dicam, nec conditi olim Canones executio-  
 ni mandabantur, simonia, Clericorum incontinen-  
 tia, bellorum privatorum, ludorumque gladi-  
 atoriorum furor, consanguineorum connubia, Be-  
 neficiorum absque canonica institutione possessio,  
 Monachorum, & Sanctimonialium laxata regula-  
 ris

ris disciplina, insatiabilis fœneratorum rapacitas, extincti Pœnitentiæ ritus, aliaque id genus teterima mala faciem Ecclesiæ miserum in modum deturpabant. Ut igitur tot exundantibus malis præsentissimum adhiberetur remedium, Synodus Generalis Lateranensis secunda viginti octo edidit Canones, qui unâ cum duobus aliis modò à me relatis, qui schismaticorum & hæreticorum damnationem continent, extant Tomo X. Conciliorum pag. 999. Inter illos xxviii. Canones, qui morum reformationem, & Disciplinam Ecclesiasticam spectant, quatuor præcipuè notabiles sunt, quos hic breviter exponam. Canon duodecimus est *de treuga & pace*, seu de induciis à bellis privatis, injuriis, & deprædationibus quæ tum temporis, ut jam observavimus, impunè fieri solebant. Cùm enim Ecclesia horumce privatorum bellorum furorem nullo pacto sistere posset, quædam veluti repagula & obices ad ea suspendenda apposuit. Hinc quamvis Concilium Oecumenicum Lateranense secundum præcipiat canone undecimo, ut Presbyteri, Clerici, Monachi, peregrini, mercatores, & rustici omnes euntes & redeuntes in agris cum bobus, equis, aratoribus, ac ovibus omni tempore securi sint, nullisque bellis privatis impetantur, injuriisue afficiantur; attamen idem Concilium Lateranense Canone duodecimo ergà alios *treugam* tantum, idest, inducias aliquot dierum imperat, scilicèt à die mercurii usque ad diluculum diei lunæ subsequæ, & ab Adventu Domini usque ad octavam Epiphaniæ, & à Quinquagesima usque ad Octavam Paschæ, ita ut excommunicatione mulctarentur pacis & treugæ violatores,



s, & ad refarciendum damnum, quod læsis in-  
 lerant, cogerentur. Quo tempore hæc treuga,  
 u à bellis privatis suspensio, primùm in usum,  
 ocata fuerit, jam ostendimus in Colloquio IV.  
 Historiam sæculorum X. & XI. nunquam tamen  
 ecclesia hanc treugam, seu pacem, ad certum,  
 umtaxat tempus præfixam suâ auctoritate ap-  
 robavit, sed ea solùm prudentis æconomix cau-  
 i toleravit, cùm privata bella omninò tollere,  
 aud posset, sicut testatur Ivo Carnotensis Episco-  
 pus in Epistola xc. ad Daimbertum Senonensem,  
 archiepiscopum his verbis: *Trevia Dei non est*  
*communi lege sancita, pro communi tamen utilitate*  
*ominum, ex placito & pacto civitatis ac patriæ Epi-*  
*oporum & Ecclesiarum, ut nostis, est auctoritate*  
*rmata. Undè judicia violatæ pacis modificari oport-*  
*et secundùm pacta & definitiones, quas unaquæque*  
*ecclesia consensu Parochianorum instituit, & per*  
*scripturam, vel bonorum hominum testimonium me-*  
*morix commendavit. Bella ista privata à Sancto*  
*Ludovico Galliarum Rege vetita fuerunt, sed cùm*  
*evixissent, Philippus IV. Galliarum itidem Rex*  
*Constitutione suâ Tolosæ editâ in perpetuum ea*  
*prohibuit anno millesimo trecentesimo tertio.*

Canon decimus tertius Concilii Oecumenici  
 Lateranensis II. prohibet usuram tanquàm Veteri  
 & Novo Testamento damnatam, & fæneratores ab  
 omni Ecclesiastica consolatione sequestrat, præcipit-  
 que, ut *nisi cum summa cautela*, hoc est, nisi post  
 actam restitutionem, non absoluantur, & ad com-  
 munionem recipiantur, sed *in tota vita infames*  
*habeantur, & nisi resipuerint, christiana sepultura*  
*priventur.* Ex quo Canone, qui nullam in usuræ-  
 prohi-

prohibitione exceptionem apponit, facile colligere potes, tam à paupere, quàm à divite aliquo ultrà sortem accipere peccatum esse, quamvis tamen usuram à pauperibus exigere gravius peccatum sit & immanius, quàm à divitibus; non secus ac furari pauperibus gravius ac crudelius est, quàm divitibus; licèt utrumque, nemine refragante, peccatum sit. Nec audiri debet *Molinæus*, Auctor damnatus, qui abnormes & immensas usuras jure quidem divino prohibitas esse fatetur, sed non mediocres, seu vulgares illas usuras, quas fœneratores, pecuniâ minimè abalienatâ, certum ex ea redditum capiunt. Hanc quippè *Molinæi* sententiam scripturæ sacre, canonibus Conciliorum & constanti SS. Patrum doctrinæ è fronte oppositam esse apertè demonstrant Theologi purioris Christianæ Moralis doctrinæ cultores, qui etiam reiciunt friuolas quasdam argutias, & nefarias exceptiones, quibus ad purgandam usuram nonnulli molliores olim Casuistæ sacris Ecclesiæ legibus ludificari tentarunt.

Canon XXI I. definit, falsis pœnitentiis animas decipi, & in infernum pertrahi. Quæ autem falsa sit pœnitentia, docent Patres istius Concilii his verbis: *Sane, quia inter cætera unum est, quod sanctam maximè conturbat Ecclesiam, falsa videlicet pœnitentia; Confratres nostros & Presbyteros admonemus, ne falsis pœnitentiis Laicorum animas decipi, & in infernum pertrahi patiantur. Falsam autem pœnitentiam esse constat, cum spretis pluribus, de uno solo pœnitentia agitur; aut cum sic agitur de uno, ut non discedatur ab alio . . . . . Falsa etiã sit pœnitentia, cum pœnitens ab Officio vel Curiali*

vel *Negotiali non recedit, quod sine peccato agi nulla ratione praevallet, aut si odium in corde gestetur, aut si offensus cuilibet non satisfiat, aut si offendenti offensus non indulgeat, aut si arma quis contra justitiam gerat*. Hunc Canonem Confessarii, aliique, qui incumbit cura animarum, semper præ oculis habere, & circa falsas Laicorum pœnitentias diligentè invigilare deberent, ne nimia absolventi facilitate falsam & perniciosam peccatoribus pacem largiantur, sibi quæ æternam damnationem accersant.

Canon vigesimus nonus sub anathemate prohibet, ne Ballistariorum, & Sagittariorum artes adversus Christianos exerceantur. Quinam autem essent Ballistarii, & Sagittarii, explicat *du Rongius* in suo Glossario, ubi ait, Ballistarios, & sagittarios fuisse homines, qui conducti ad privata illa certamina, quorum superius mentionem fecimus, ballistis, & sagittis utebantur. Sed hæc ad expositionem illorum Canonum Concilii Oecumenici Lateranensis secundi dicta sufficiant. Nunc continenti ordine ea, quæ in Concilio Generali Lateranensi tertio gesta sunt, compendiosâ narratione prosequi juvat.

D. Quis convocavit Concilium Generale, Lateranense tertium, & quid in eo præcipuè actum & definitum est?

M. Cùm *Fridericus I.* Imperator schisma, quod in Ecclesia excitaverat, ejurasset, jamque vacato bello, & extincto schismate, *Alexander III.* toto orbe Christiano legitimus Pontifex coleretur, celebrata est Romæ ab eodem Summo Pontifice anno MCLXXIX. Synodus Generalis Lateranensis  
 tertia,



tertia, quæ est inter Occumenicas undecima. Ei præfuit *Alexander III.* qui eam convocaverat, & adfuerunt trecenti Episcopi, teste *Willelmo* Archiepiscopo Tyrio lib. 21. de *Bello sacro* cap. 25. Decem suprâ trecentos Episcopos huic Synodo interfuisse asserit quidem *Matthæus Parisius* in *Historia Anglorum* ad annum MCLXXIX. Sed *Willelmo* Tyrio Archipræsuli, qui erat unus è Patribus, potior fides adhiberi debet. Tria in hac Synodo Generali statuta sunt. Primò, ad futura deinceps in electione Romanorum Pontificum vitanda schismata, decretum est, Summi Pontificis electionem non fore posthàc Canonicam, nisi duæ Cardinalium partes ad eam conspirarent. Irritæ, quæ ad usum & exercitium, non quantum ad substantiam & characterem, declaratæ sunt omnes Ordinationes à schismaticis pseudo Pontificibus *Ostavianò*, *Guidone*, & *Joanne* factæ, & Provisiones ac Beneficia ab ipsis impetratæ omninò rescissæ sunt. Secundò, damnatæ sunt Waldensium, Catharorum, & Albigenantium hæreses, quæ tum tempore in Occitania & Aquitania latissimè grassabantur. Postremò, cum occasione schismatis, quod per viginti & amplius annos duravit, serperet in Ecclesiis & Monasteriis simoniaca labe, in Clericis fastus & avaritia, in Laicis Usurarum vorago, in beneficiorum collationibus injustitia, ideò ad reparandum luxatum Ecclesiæ Statum, & ad restaurandam labefactatam his abusibus Ecclesiæ Disciplinam viginti septem conditi sunt Canones, quorum una cum Actis illius Synodi à *Binio* undique collectis extant Tomo X. Conciliorum pag. 1503. Delata est à quibusdam in isto Concilio Lateranensi

generali tertio accusatio adversus *Petrum Lombardum* Episcopum Parisiensem, quod scripsisset, Christum, secundum quod est homo, non esse aliquid. Quibus annis ante celebrationem hujus Concilii Magister *Gualterus* Prior Sancti *Victoris* Parisiensis, insignis Theologus, *Petrum Abaelardum*, *Petrum Lombardum*, *Petrum Pictavinum* ejus discipulum, & *Gilbertum Porretanum* hærescos insinulaverat, quod nimirum Trinitatis, cæteraque divina Mysteria Aristotelicis regulis & præceptis explicare præsumerent, & contra eos quatuor libros composuerat, qui, ut observat *Bulaeus* Tomo 2. Historiæ Universitatis Parisiensis, extant adhuc MSS. in duobus exemplaribus asservatis Parisiis in Bibliotheca Sancti *Victoris*, quorum prologus sic incipit: *Quisquis hoc legerit, non dubitabit quatuor labyrinthos Franciæ, idest, Abaelardum, & Lombardum, Petrum Pictaviensem, & Gilbertum Porretanum uno spiritu Aristotelico afflatos, dum ineffabilia Trinitatis & Incarnationis scholastica levitate tractant, multas hæreses olim vomuisse, & adhuc errores cellulare.* Dein, idem *Gualterus* in his libris citatam illam propositionem *Petri Lombardi*, aliasque ejusdem Auctoris pluribus refellit argumentis. Nichil tamen adversus *Petrum Lombardum* in Concilio Generali Lateranensi tertio decretum ac definitum est, sed tantum *Alexander III.* Pontifex Maximus ad *Willelmum* ab Ecclesia Senonensi ad Remensem translatum scripsit Epistolam, quam laudatus *Gualterus* refert his verbis conceptam: *Alexander Episcopus, Servus Servorum Dei Willelmo Archiepiscopo Remensi, Apostolicæ Sedis Legato salutem & Apostolicam Benedictionem.* Cum Christus

perfectus Deus, perfectus sit homo, mirum est, quatenus temeritate quisquam audet dicere, quod Christus non sit aliquid secundum quod est homo. Ne autem tanta possit in Ecclesia Dei dici abusio suboriri, vel error induci; Fraternitati tuæ Apostolica scripta mandamus, quatenus convocatis Magistris scholarum Parisiensium & Remensium, & aliorum circumpositarum Civitatum auctoritate nostra sub anathemate interdicat, ut quis de cætero dicere audeat, Christum non esse aliquid secundum quod homo est. Quia sicut verus Deus, ita verus est homo ex anima rationali & humana carne subsistens. Datum XII. Kal. Martii. Hic *Vvillelmus*, ad quem *Alexander III.* suam post celebrationem Concilii Generalis Lateranensis tertii direxit Epistolam, fuit primum Episcopus Carnotensis, & Archiepiscopus Senonensis, postea anno MCLXXVI. ab Ecclesia Senonensi ad Remensem translatus est, & in Concilio Generali Lateranensi tertio, cui interfuit, Presbyter Cardinalis tituli S. Sabinæ creatus est. Hinc in Gallias reversus severè animadvertit in hæreticos dictos Coterellos quos Oecumenica Synodus Lateranensis tertiā damnavit, eosque detectos flammis adici jussit sicut refert Chronographus Aquicinctinus ad annum MCLXXXIII his verbis; Transactis diebus Nativitatis Dominicæ *Vvillelmus Remensis Archiepiscopus & Comes Flandriæ Philippus* in civitate *Atrebatensi* de secretis suis locuturi conveniunt. Ibi multarum hæresum fraudes per quamdam mulierem in terra Comitum sunt detectæ, Isti hæretici nullius hæresiarche muniuntur presidio. Quidam dicunt illos *Manichæos*, alii *Cataphryges*, nonnulli verò *Arianos*. *Alexander autem Papa* vocat eos *Paterinos*. Sed quid qui



quid sint, oris proprii confessione convicti sunt hæretici immundissimi. Multi sunt in præsentia Archiepiscopi & Comitis accusati, nobiles, ignobiles, Clerici, milites, rustici, virgines, vidua, uxorata. Tunc secretalis sententia ab Archiepiscopo, & Comite præfixa est, ut deprehensi incendio traderentur; substantiæ verò eorum Sacerdoti & Principi resignarentur.

D. Quem errorem profitebantur isti Coteelli, quos damnavit Synodus Generalis Lateranensis tertia? & quorsum eo nomine fuerunt appellati?

M. Synodus Generalis Lateranensis tertia postquam Canone vigesimo septimo, qui ultimus est, damnavit hæreticos waldenses, & Albigeneses his verbis: *Quia in Guasconia, Albigenso, & partibus Tolosanis, & aliis locis, ita hæreticorum, quos alii Catharos, alii Patarenos, alii Publicanos, alii aliis nominibus vocant, invaluit damnata perversitas . . . . . eos & defensores eorum, & receptores anathemati decernimus subjacere &c.* Subdit postea: *Brabantionibus, & Aragonensibus, Navarris, Bascolis, Coterelensibus, & Triaverdinis, qui tantam in Christianos immanitatem exercent, ut nec Ecclesiis, nec Monasteriis deferant . . . . . similiter constituimus, ut qui eos conduxerint, vel tenuerint, vel foverint per regiones, in quibus taliter debacchantur, in Dominicis & aliis solemnibus diebus per Ecclesias publicè denuncientur, eadem omnino sententia & pena cum prædictis hæreticis habeantur adstricti.* Observat Oihenartus in *Notitia Gasconia* lib. 3. per *Bascolos*, seu *Basculos* designari *Vascos*. Alii tamen existimant, *Bascolos* fuisse eos populos, quos Galli vulgò appellant *Les*

*Basques*. Illustrissimus dominus *De Marca* in sua *Historia Bearnensi* censet, *Coterellos*, quorum meminuit canon vigesimus septimus Concilii Generalis Lateranensis tertii, fuisse prædones ita dictos, quòd majoribus cultellis essent armati, quos *Tolosani* vulgò *Cotterels* vocant. Denique *Triaverdini*, seu potius *Triamellini*, ut legendum monet *Cangius* in suo Glossario, erant itidem prædones ità appellati, quòd pugionibus, quibus triplex lamella, seu lamina ferrea erat, ad trucidandos homines uterentur. Hos itaque nefarios prædones Waldensium, & Manichæorum erroribus infectos, qui ex Belgio, seu Brabantia, Aragonia, Navarra, & ex Occitania certatim erumpentes in omnes Christianos promiscuè sæviebant, & more Paganorum omnia perdebant atque vastabant, damnat canon vigesimus septimus Concilii Generalis Lateranensis tertii, ac districtè vetat, ne ad Communionem Ecclesiæ recipiantur, nisi societate illa pestifera & hæresi abjuratis.

D. Quid ad Disciplinam Ecclesiasticam instaurandam sanxit hæc Synodus Oecumenica Lateranensis tertia?

M. Jam observavimus, viginti septem Canones à Synodo Generali Lateranensi tertia conditos fuisse, quorum multi spectant Disciplinam Ecclesiasticam, quæ id ætatis occasione schismatis, quod diù afflixerat Ecclesiam, cum haud parum labefactata esset, sanctissimis legibus munita, ac restaurata fuit. Vigebat antehac in Ecclesiis & Monasteriis simonia, dominabantur in Ecclesiasticis avaritia & fastus, usuras Laici impunè exercebant, perversus erat iudiciorum Ecclesiasticorum

um ordo, juvenes & indigni Beneficiis præficiantur, sicut conqueritur S. Bernardus in Epistola XLII. ad Henricum Senonensem Archiepiscopum his verbis: *Scholares pueri, & impuberes adolescentuli, ob sanguinis dignitatem promoventur ad Ecclesiasticas dignitates, & de sub ferula transferuntur ad principandum presbyteris &c.* Denique, apud Clericos spiritualis polygamia, seu Beneficiorum pluralitas latissimè grassabatur. His, aliisque id genus in perniciem Ecclesiæ gliscentibus malis opportunum ac præsentissimum cum sacra Synodo Decumena *Alexander III.* Pontifex Maximus adhibuit remedium, multis canonibus cum in finem constitutis, quorum præcipuos hîc referemus. In primis, canone tertio *Alexander III.* & Concilii Lateranensis, Patres sanciunt, ut, juxta canones, nemo Episcopus ordinetur, nisi trigesimum ætatis annum, Decanus, Archidiaconus, Curatus &c. nisi qui vigesimum quintum attigerit, ac moribus scientiâ sit commendatus. Quâ sanctione sublata est illa corruptela, quæ erat sæculo duodecimo sequens, & in quam non solum S. Bernardus jure merito invehitur, sed eam etiam in Rogerio Eboracensi Archiepiscopo acriter perstringit *Guillelmus Neubrigensis* lib. III. de Rebus Anglicis cap. V. his verbis: *Pro personis, inquit, spectabilibus, quibus tanquàm quibusdam monilibus Eboracensis olim fulsit Ecclesia, titulavit imberbes, & quosdam agentis sub ferula, aptos magis pro ætate adificare casas, pro stello adiungere mures, ludere par impar, equitare in arundine longa, quàm personas gerere in Ecclesia Magnatum.*

Quartus Canon prohibet, ne Archiepiscopi,



Episcopi, Archidiaconi & Decani subditos gravent in visitationibus, permittit tamen Archiepiscopo in visitatione quinquaginta equos; Cardinalibus viginti quinque; Episcopis viginti. Sed ne inde prælati aliquam mundano sumptui, & sæculari pompæ auctoritatem conciliarent, subdit idem canon, id permitti non tanquàm rem licitam, sed dumtaxat secundum *tolerantiam*, & in his tantum locis in quibus ampliores sunt redditus, & Ecclesiæ facultates.

Quinto canone edicitur, ne quis in Presbyterum, aut Diaconum sine certo titulo ordinetur & ut Episcopus ei, quem absque titulo ad ordines promovit, suppeditet ad vitam necessaria, nisi ordinato hæreditariæ facultates vel ex patrimonio, vel ex propriis bonis ad honestè vivendum suppetant.

Canon sextus agit de Appellationibus, vetatque Monachis, cæterisque Religiosis ne appellent à sui Prælati correctione. Canon septimus prohibet, ne quid exigatur pro Episcoporum, Abbatum, aliarumque personarum benedictione, sicut nec pro sepulturis, exequiisque defunctorum aut nubentium benedictionibus. Si quid ergò, secundum piam consuetudinem, in Christianorum funeribus exigit Ecclesia, eleemosyna esse debet pro redemptione peccatorum imperata, non verpretium pro loco, vel spatio sepulturæ. Octavus Canone damnantur Gratiæ Expectativæ, seu inhabetur, ne ulla promittantur, vel conferantur Beneficia Ecclesiastica, antequàm vacent, ne desiderare quis mortem proximi videatur. Nonus Canon quædam privilegia Templariis, & Hospitalariis

riis S. Joannis Hierosolymitani, aliisque viris  
 Religiosis auctoritate Apostolica concessa moder-  
 atur. Canone decimo pretii exactio pro ingres-  
 su Religionis & peculium Monachis & Religio-  
 sis quibusque viris prohibentur. Non vetat tamen  
 iste canon, quin ille, qui in Monasterium est ad-  
 mittendus, quidpiam det in eleemosynam, modo  
 exacta non fuerit ejusmodi eleemosyna, & aliunde  
 constet Monasterium esse tenue, sicut post Sanctos  
 Thomam, Bonaventuram, & Raymundum evincit  
 Joannes Cabassutius in Dissertatione quam *De simo-*  
*niaco in Religionem ingressu* edidit in *Notitia Ec-*  
*clesiastica* pag. 458. & seqq. Canon undecimus con-  
 continentiam Clericis imperat, & ut mulierculas ex  
 sedibus suis eilciant; Officium alioqui & Benefi-  
 cium Ecclesiasticum amissuri. Canone duodecimo  
 prohibetur Clericis, ne ad sæcularia tribunalia,  
 causas agant, nisi proprias, vel Ecclesiæ, & ne  
 litium procuraciones suscipiant, nisi pro misera-  
 bilibus fortè personis, & ex charitate; & ne Vil-  
 larum procuraciones, aut jurisdictiones sæcula-  
 res assumant, quia hoc est contra doctrinam Apo-  
 stoli dicentis: *Nemo militans Deo implicat se nego-*  
*tiis secularibus*. Canon decimus tertius & deci-  
 mus quartus Beneficiorum pluralitatem prohibent,  
 & Beneficiariis residentiam imperant. Canon de-  
 cimus quintus Ecclesiastica Bona à Beneficiariis  
 acquisita, eorum post obitum ad hæredes transi-  
 re vetat, sed penès Ecclesiam remanere jubet. Ex  
 quo Canone facile colligitur, Clericos non habe-  
 re dominium in Ecclesiasticos redditus, ac sub-  
 inde ad restitutionem in foro interiori cogendos  
 esse Clericorum hæredes.

Deniquè, cetera, quæ Canonibus 20. 21. 23. & 25. de Torneamentis, treugis, seu pace servanda, & de publicis usurariis decernuntur, jam satis superque explicuimus agendo de Canonibus Concilii Generalis Lateranensis secundi. Hic tantum obiter advertere debes, *Torneamenta*, quæ Canone vigesimo exerceri districtè prohibentur, nihil aliud fuisse, quàm privata quædam certamina, seu gladiatorias pugnas, quas milites ex condicto & ad virium ostentationem in nundinis, vel certis quibusdam feriis temerè committebant. Hæc itaque torneamenta prohibet, & eos, qui in hujusmodi congressibus moriebantur, sepulturâ privandos esse sancit huius Concilii Lateranensis Canon vigesimus, qui insertus est libro v. Decretalium. Titulo xiii. capite *Felicitis memoriæ*.

D. De tribus Oecumenicis Conciliis Lateranensibus, quæ Romæ duodecimo Ecclesiæ sæculo fuerunt convocata, satis hætenus diximus nunc recto tramite veniamus ad Concilia Provincialia, seu Nationalia, quæ eodem sæculo tum ad dirimendas enatas controversias, tum ad extirpandas hæreses & sanciendam Ecclesiæ Disciplinam variis in locis fuerunt celebrata. Ut autem in his recensendis Conciliis aliquem ordinem teneamus, ab his, si placet, initium sumamus, in quibus de celebri illa *Investiturarum* controversia actum est.

M. Benè multa occasione Controversiæ *Investiturarum* sæculo XII. habita sunt Concilia Nationalia, quæ hic Juxtà Ordinem Chronologicum exhibebo. In primis, anno mcm. *Paschalis II.* Pontifex Maximus Concilium Nationale Lateranense pri-



imum indixit, in quo in *Henricum* Imperatorem  
jussus nominis III. qui non semel ob Investituras,  
sibi arrogabat, excommunicatus ad causam  
decidendam Romam non venerat, sententia excom-  
municationis iterum lata est. Ad prohibendas  
idem Investituras idem Summus Pontifex coegit  
Romæ Concilium Lateranense secundum anno mcv.  
in quo Investiturarum in Anglia fautores senten-  
tiâ excommunicationis perculit, videlicet tam  
*Henrici I.* Angliæ Regis Consiliarios, qui ei ad  
investituras retinendas auctores erant, quam illos,  
qui à Rege hoc modo fuerant investiti. At istud  
investiturarum negotium, quod Anglicanam diu  
turbavit Ecclesiam, ac causa fuit gravissimi diffi-  
cultatis, quod *Henricum I.* Angliæ Regem inter & *S.*  
*Anselmum* Cantuariensem Archiepiscopum exarsit,  
rudenter tandem, compositum fuit à *Paschali II.*  
qui permisit *Anselmo*, ut eos, qui à Rege Investi-  
turas acceperant, aut investitos consecrarent, aut  
Hominia fecerant, præmissâ satisfactione suscipe-  
ret, ac nondum consecratos, nisi aliud intercede-  
ret impedimentum, inauguraret. Regi verò per-  
misit idem Summus Pontifex, ut Hominia secun-  
dum Regni consuetudinem fierent, modò solem-  
nem Investituram per Annulum & Baculum di-  
mitteret. Decretis *Paschalis II.* morem gessit *He-*  
*ricus I.* Angliæ Rex, cum Sancto *Anselmo* concor-  
diam iniit, & Ecclesiæ Anglicanæ diu optatam  
pacem ac tranquillitatem restituit anno mcvl. Lon-  
gè aliter se gessit *Henricus* inter Imperatores hu-  
jus nominis tertius. Is quippè Decretis Sedis Apo-  
stolicæ parère, & Investituras dimittere cum  
pertinaciter detrectaret, in frequenti tum Episco-  
porum

porum, tùm Optimatum Moguntino Conventu habito anno mcv. præsentibus Sedis Apostolica Legatis, depositus est, ejusque filius *Henricus* omnium Germaniæ Procerum calculo ad Imperium fuit evectus, cui proindè Imperii Insignia Crucem videlicèt Lanceam, Sceptrum, Globum, & Coronam, volens nolens, *Henricus* senior tradere coactus est. Interim, *Paschalis II.* Pontifex Maximus, in damnandis Investituris sibi semper constans, celebravit anno mcv. Guastallæ, quæ Villa est in Longobardiâ ad ripam Padi fluminis, Synodum cum diversarum Provinciarum Episcopis, præsentibus etiam *Henrici* inter Imperatores hujus nominis IV. Legatis, in qua Investituras à Laicis fieri omninò prohibuit, & statim post hujus Synodi celebrationem in Galliam, tutissimum Romanorum Pontificum azylum, Rebus Germaniæ consulturus venit, ibique Concilium Trecense anno mcvii. habuit, in quo, sicut testatur Abbas Urspergensis, Decessorum suorum Decreta contra Investituras confirmavit. Hinc, ut obitèr dicam facillè colligitur, Galliarum Reges ante *Paschalis II.* in Regnum Franciæ appulsum Decretis contra Investituras paruisse. Nec enim verissimile est, *Paschalem II.* in Gallias confugisse ut *Ludovici Crassi* Regis præsidium imploraret adversùs *Henricum* inter Imperatores hujus nominis IV. qui usum Investiturarum contra Pontificia & Synodica Decreta & Anathema obstinato animo retinebat, si Rex Galliarum solemnem Investituram per traditionem annuli & baculi Pastoralis tam sæpè à Sede Apostolica reprobata, æquè ac ipse Imperator, usurpasset. E Gallia in Italiam

redux

edux *Paschalis II.* Investituras damnavit in Synodo Beneventana habita anno mcviii. & in Concilio tertio Lateranensi Romæ convocato anno mxc. Verùm, *Henricus* inter Imperatores hujus nominis IV. Romam anno mcxi. cum numerofo exercitu veniens, Investiturarum concessionem, sicut jam in præcedentibus Colloquiis observavimus, à *Paschali II.* Pontifice Maximo per vim extorsit. Hoc tamen surreptitium Privilegium contra Ecclesiæ utilitatem ac libertatem Imperatori concessum revocavit ac damnavit paulò post *Paschalis II.* tam in Concilio Lateranensi quarto celebrato anno mcxii. quàm in Concilio quinto Lateranensi habito anno millesimo centesimo decimo sexto, in quo Summus ille Pontifex præ insigni humilitate ac modestia sese ipsum coram Patribus his verbis excusavit: *Postquàm inquit, Dominus de servo suo fecit quod voluit, & me, Populumque Romanum tradidit in manus Regis, videbam quotidie fieri rapinas, & incendia, cædes & adulteria. Hec & ejusmodi mala cupiebam avertere ab Ecclesia & populo Dei; & quod feci, pro liberatione populi Dei feci. Feci autem ut homo, quia pulvis sum & cinis. Fateor me malè egisse, sed rogo vos omnes, orate pro me ad Deum, ut indulgeat mihi. Illud autem malum scriptum, quod in tentoriis factum est, quod pro pravitate sui Privilegium dicitur, condemnno sub perpetuo Anathemate, ut ullius unquam sit bonæ memoriæ, & rogo vos omnes ut idem faciatis. Tunc ab universis acclamatum est: fiat, fiat.* Occasione istius Investiturarum privilegii, quod *Paschalis II.* Imperatori *Henrico* concessit, duo in Galliis coacta sunt Concilia Nationalia. Primum convo-



convocatum fuit à *Guidone* Archiepiscopo Viennensi, & Sedis Apostolicæ Legato, qui istud Privilegium, quod *Henricus* Imperator à *Paschali* Papa extorserat, rescidit, ipsumque Imperatorem feriit Anathemate, Kalendis Octobris anni millesimi centesimi duodecimi. Hujus Concilii Viennensis Decreta confirmavit *Paschalis II.* Pontifex Maximus datâ ad *Guidonem* Archiepiscopum Viennensem Epistolâ, cujus exemplum ex codice sancti Petri Caralaunensis à *P. Sirmondo* Soc. Jesu descriptum, in Labbeana Conciliorum Editione Tomo x. vulgatum est. Sub idem tempus, occasione istius Privilegii *Henrico* Imperatori à *Paschali II.* Pontifice Mâximo concessi, *Joannes* Archiepiscopus Lugdunensis Nationale Concilium apud *Ansam* propè Lugdunum celebrandum indixit, in quo Investituræ à Laicis factæ paritèr damnatæ sunt. Mitto, brevitatis ergò, alia Concilia, quæ post mortem *Paschalis II.* contra *Henricum* inter Imperatores hujus nominis quartum, & ad prohibendas Investituras sub *Gelasio II.* successore *Paschalis II.* fuerunt celebrata, videlicet Capuanum anno mxcviii. Colonienſe, Fritislarienſe, & Viennense, quæ anno mxcix. habita sunt. Brevitèr hic observare sufficiet, mortuo *Gelasio II.* Pontifici Maximo successisse *Callistum II.*, qui statim post inaugurationem suam Remis in Galliis Concilium habuit anno mxcix. Imperatori, qui Investituras dimittere volebat, & *Burdino* Antipapæ Anathemæ dixit. Quò factum est ut *Henricus* pertimescens, ne si diutiùs decretis Ecclesiæ in causa Investiturarum pervicaci animo resisteret, ac parère detrectaret, ab omnibus suis desereretur, & instar patris

s sui, omni suâ ditione spoliaretur, ad sanio-  
 n mentem redierit, & Legatos ad Summum  
 Pontificem miserit pacem suppliciter rogantes,  
 tandem Generalis Concilii decreto firmare-  
 tur. Nihil sanè jucundiùs *Callisto II.* Pontifici Maxi-  
 mo, nihil Ecclesiæ conducibiliùs accidere potuit  
 Legatione, per quam, extincto tam diuturno  
 fismate, sedatisque atrocibus Bellis, quibus Ita-  
 & Germania tot annis conflagraverant, pax  
 sideratissima tandem aliquandò sanciri, atque  
 Ecclesiæ unitatem Imperatores redire deberent.  
 uocircà ad hanc felicissimam incundam pacem,  
*Callistus II.* anno *MCXXIII.* celebravit Concilium,  
 generale Lateranense primum, in quo vexatissime,  
 uque agitatæ hujus temporis de Investituris Cõ-  
 versis finis impositus est, sicut superiùs osten-  
 mus. Hæc sunt Concilia, quæ duodecimo Ec-  
 cliæ sæculo ad dirimendam gravissimam de Inve-  
 turis controversiam fuerunt convocata.

D. In superiori Colloquio de erroribus *Pet-  
 ri Abaelardi*, & *Gilberti Porretani* Episcopi Picta-  
 ensis, nec non de Hæresibus *Petrobusianorum*,  
*Waldensium*, & *Albigensium* latè disseruisti, sed de  
 conciliis, quæ ejusmodi errores ac Hæreses pro-  
 ripserunt, te in hocce Colloquio dicturum spo-  
 ondisti. Incipe itaque, si placet, ab his Conci-  
 lis, quæ duodecimo Ecclesiæ sæculo damnarunt  
 errores *Petri Abaelardi*.

M. Duæ Nationales Synodi ad configendos  
*Petri Abaelardi* errores fuerunt in Galliis celebra-  
 æ, *Suessionensis* nimirum & *Senonensis*. Syno-  
 um *Suessionensem* *Conon Prænестinus* Episcopus &  
 edis Apostolicæ in Galliis Legatus indixit anno

MCXXI. ut consent peritiores Critici, non vero anno MCXIX. ut plures existimarunt, vel anno MCXX cum quo conjungitur Tomo x. Con ciliorum. In hac Synodo *Abaelardus* ob malefanam circa Personas sanctissimæ Trinitatis sententiam damnatus suumque *De Trinitate* librum, qui materia offensionis erat, propriis manibus flammis tradere ab Episcopis coactus est, cumque fidem suam coram omnibus exponere, ac propriis verbis profiteri vellet, jusserunt Patres, ut *Symbolum S. Athanasi* ex scripto recitaret, quò magis hominis Novatoris, qui in Dialecticæ argutiis nimium confidebat superbiam retunderent; eumque mox Abbati *Sancti Medardi* tradiderunt, ejus Claustro, velut carere, concludendum, quem tamen inde postea eductum Legatus Apostolicus ad Sandionysianum Coenobium remisit. Hæc in causa *Abaelardi* in Synodo Sueffionensi gesta fuisse testantur *S. Bernardus* in Epistola CXCI. ad *Guonem* Cardinalem & *Otto Frisingensis* lib. I. de *Rebus Gestis Friderici* cap. XLVII. Rem tamen aliter narrat *Abaelardus* in Epistola prima ad Amicum, in qua suas calamitates describens, si tamen ei in propria causa adversus æmulos loquenti fides habenda sit, Primum conqueritur, quòd sui æmuli, *Albericus* scilicet & *Lotulfus* scholarum Remensium Regentes vehementer accensi, *Radulfum* ejusdem urbis Archiepiscopum crebris suggestionibus adversus ipsum commovissent, & *Cononem* Prænestinum Episcopum ac Sedis Apostolicæ Legatum instigassent ad convocandum Concilium Sueffionense. Secundò, ait se ad Concilium vocatum, nullâ prævia interrogatione, sine ullo libri sui examine, sed hoc solo nomine,



ne, quòd in eo scripſiſſet, *Solum Deum Patrem*  
 Omipotentem eſſe, juſſum eſſe manu propriâ librum  
 de *Trinitate* compoſitum in ignem conſicere, &  
 ſymbolum *Athanaſii* recitare: Indè, inquit *Abael-*  
*ardus*, quaſi reus & convictus *Abbati Sancti Medar-*  
*di* qui aderat, traditus, ad *Claſtrum* ejus tanquàm ad  
 carcerem trahor, ſtatimque *Concilium* ſolvitur. Verùm,  
 cum teſtis in propria cauſa plurimùm ſuſpectus  
 non eſt dubiũ, quin *S. Bernardo* in referenda Hi-  
 ſtoria hujusce *Concilii Sueſſionenſis* potiùs credere  
 debeamus, quàm *Petro Abaelardo*, qui hujus *Con-*  
*cilii* auctoritatem elevare & ſententiam in ipſum  
*Episcopis* latam fuiſſe omninò iniquam pro vi-  
 ſus oſtendere conatus eſt. Certè eventus com-  
 probavit, *Abaelardum*, ejusque ſectatores parvũ  
 ciſſe cenſuram, quæ in *Concilio Sueſſionenſi* fa-  
 cta fuerat nonnullarum ejus propoſitionum, quæ  
 illius Operibus, ſed potiffimùm in libro de *Tri-*  
*nitate* legebantur, *Abaelardus* ſiquidem egreſſus è  
 carcere, in quem juſſu *Concilii Sueſſionenſis* detru-  
 ſus fuerat, non ſolùm à ſuis erroribus non reſipuit,  
 ſed ulterius progreſſus, plurima dogmata inter  
 ſententias & colloquia effutire, ac libentiùs ſpar-  
 ere cæpit *Catholicæ fidei* parum conſona. Quin,  
*S. Bernardum* in publico *Episcoporum* & *Abba-*  
*rum* *Conventu* ad diſputandum provocavit, & ſo-  
 niſticis captionibus confidens, petiit ab *Henrico*  
*Senonenſi Archiepſcopo*, ut ſibi cum *S. Bernardo*  
 publicè congregi liceret, effecitque ut ad definien-  
 das ejusmodi lites *Senonis* in *Galliis* *Concilium* in  
 ſtativa *Pentecoſtes*, ut liquet ex *Epiftola cccxxvii.*  
*Bernardi ad Innocentium II. Pontificem Maximũ*,  
 celebraretur. Huic *Concilio Senonenſi* interſuit

*Henricus* Archiepiscopus Senonensis, adfuere quoque ejusdem Senonensis Metropoleos suffraganei, *Samson* Remensis, *Joslenus* Suessionensis, & *Gaufridus* Catalaunensis, nec non Christianissimus Rex *Ludovicus VII.* cum multis Regni Proceribus, Abates plurimi, & non pauci scholarum Magistri sicut testatur *S. Bernardus* in Epistola clxxxix. Die dicta est *Petro Abaelardo*, dicta quoque *S. Bernardus*, qui tamen abnuitt adesse, eo præsertim nomine, quòd de damnatis jam in Concilio Suessionensibus erroribus quæstio renovaretur. Quia tamen magna Prælatorum, & nobilium virorum multitudo cum *Ludovico VII.* Galliarum Rege concurrerat *S. Bernardus* se se præsentem exhibuit, & excerptis ex *Abaelardi* libris Capitula proposuit, & cum illo in arenam descendit. At, ubi ad rem ventum est, *Abaelardus*, se congressus Achillis imparem expertus, ac suæ causæ meritis minus fidens ad Sedem Apostolicam appellavit. Cui appellationi ob Sanctæ Sedis reverentiam Episcopi deferentes, licet ejus prava dogmata damnarint auctoris tamen nomini parentes nihil de illo pronunciarunt, sed ad *Innocentium II.* Pôtificem Maximi litteras Synodicas direxerunt, referentes quæcumque in Synodo gesta fuerant, & ab eo errorum *Abaelardi* censuram obtinuerunt, ut testatur *Gaufridus* Monachus Claravallensis olim *Abaelardi* discipulus lib. 3. *Vitæ Sancti Bernardi* cap. 5. Interim, dum hæc agerentur, *Berengarius* Pictaviensis, unus ex *Abaelardi* discipulis, ausus est Magistri sui concinnare, ac publici juris facere Apologiam plenam acrimoniam adversus *S. Bernardum*, in qua sibi omnem omninò fidem abrogat, non solum quia *Pe-*

*rum Abaëlardum* immensis laudibus cumulat , & in *Sanctum Bernardum* contumeliosè invehitur, sed quia etiam effræni stylo debacchatur in Patres Concilii Senonensis, quos tanquàm cæcos, ebrios, cornutos, canes & porcos traducit ac sugillat. Denique, *Petrus Abaelardus* videns se ab omnibus tanquàm hæreticum deferi, Cluniacum se contulit, ubi, sicut in superiori Colloquio diximus, à suis erroribus resipuit, & sancitâ cum *S. Bernardo* inter mutuos amplexus amicitia, reliquum vitæ tempus maxima cum pietate exegit, atque post mortem tumulo ejus hoc Epitaphium insertum est :

*Est satis in titulo Petrus hîc jacet Abailardus .*

*Cui soli patuit scibile quidquid erat .*

D. Uberiùs, quæso, expone ea, quæ in superiori Colloquio obiter insinuasti, de Conciliis Parisiensi, & Remensi, in quibus errores *Gilberti Porretani* Episcopi Pictaviensis proscripti sunt, & res alias in his duobus Conciliis gestas, paulò fusiori narratione describe?

M. Cùm *Eugenius III.* apud quem *Gilbertus Porretanus* aliquot errorum fuerat insimulatus, in Gallias, tumultuantium semper in Italia *Arnaldistarum* persecutionem fugiens, pervenisset, & à *Ludovico VII.* Galliarum Rege honorificentissimè fuisset exceptus; Parisiis anno MCXLVII. Synodum habuit, ut in ea *Gilberti Porretani* Causa ad se delata discuteretur. Contrà *Gilbertum Porretanum* in Synodo Parisiensi testimonium dixerunt Magister *Adam de Parvo Ponte*, vir subtilis, & Parisiensis Ecclesiæ Canonicus, & *Hugo de Campo Florido*, *Ludovici VII.* Galliarum Regis Cancellarius. Nihil



tamen in *Causa Gilberti Porretani* definire voluit *Eugenius III.* Pontifex Maximus, sed pleniorē illius discusſionem ad frequentius Concilium Remis proximè celebrandum remiſit. Anno itaque ſequenti, ſeu MCXLVIII. habitum eſt Concilium Remenſe, in quo *Gilbertus Porretanus* erroris convictus eſt à *Godeſcalco de Monte S. Eligii* Ordinis Præmonſtratenſis Abbate, à Sancto *Bernardo* Clarævallenſi, à *Sugero* Abbate S. *Dionyſii*, & ab aliis. Contra illius errores Præſules Gallicani Symbolum condiderunt, & *Dominus Papa*, inquit *Gauſfredus* Monachus Clarævallenſis, auctoritate Apoſtolica, de aſſenſu totius Eccleſiæ, quæ convenerat, Capitula ipſa damnavit, diſtinctè præcipiens, ne eundem librum legere, vel tranſcribere etiam ſic reprobatum quis auderet, niſi prius eum Eccleſia Romana correxiſſet. Cùmque reſponდიſſet Episcopus (ſeu *Gilbertus Porretanus*) corrigam ad arbitrium veſtrum: non vobis, ait Pontifex, hæc correctio committetur. Hanc Summi Pontificis ſententiam reverentè excepiſſe *Gilbertum Porretanum*, ſuosque ejuraſſe errores, teſtatur jam laudatus *Gauſfredus*. Præcipuus *Gilberti Porretani* error in hoc ſitus erat, quòd vellet Divinam Eſſentiam non eſſe Deum, & proprietates Perſonarum non eſſe ipſas Perſonas. De hoc *Gilberti Porretani* errore iudicium ferens *Joannes Gersonius* ſacræ Facultatis Pariſienſis Cancellarius in Episto-  
la, quam ſcripſit ad quemdam fratrem Minorem, anno MCCCCXXVI. ait: *Gilbertus Porretanus*, ſi minus errabat in materia de Relationibus divinis, quàm plurimi poſterioris temporis, patebit evidentè illi, qui ſubtilitèr, & abſque Perſonarum acceptione voluerit, & ſciverit iudicare, & argumentum B. Ber-

ardī à Petro de Tarentasia recitatum ponderare. damnata est nupèr per Prædecessores meos in sacra-  
 neologiæ Facultate, sub pluribus Articulis, Do-  
 rina, quam nonnulli solùm impunè subtilem gar-  
 unt; quam ignorantes vocem propriam, nonnulli ve-  
 ti picæ loquacissimæ stabilire nituntur, cùm sit mera  
 sania, & vanitas falsa. Unus Articulus inter  
 teros est: Quòd aliquid sit Deus realitèr, quod non sit  
 malitèr Deus. Huic Gersonii judicio subscribit  
 octissimus Dionysius Petavius Soc. Jesu lib. 1. Theo-  
 gicorum Dogmatum cap. 8. num. 8. ubi hæc habet:  
 lib hac Gilberti Porretani sententia vel nihil, vel pa-  
 am discrepare, Scholasticorum aliquot opinio creditur,  
 Scoti; qui citrà notionem, & intelligentiam nostram  
 r se ab essentia divina differre proprietates, & in-  
 r sese ipsas existimat. Sed revertamur ad Conci-  
 um Remense, in quo non solùm proscripti sunt  
 lberti Porretani errores, sed etiam damnati  
 nt Hæretici, qui tùm temporis in Provincia, &  
 Occitania grassabantur. Sic enim in Cano-  
 xviii. illius Concilii legitur: *Præsentis decreti*  
*toritate præcipimus, ut nullus omninò hominum,*  
*eresiarchas, & eorum sequaces, qui in partibus Ga-*  
*oniæ, aut Provinciæ, vel alibi commorantur, manu-*  
*neat, vel defendat: nec aliquis eis in terra sua re-*  
*ptaculum præbeat.* Hi hæretici alii non erant,  
 iàm Henricus, Eudo, sive Eon, aliique nefarii No-  
 tores, de quibus jam egimus in superiori Collo-  
 quio. Præter istum Canonem decimum octavum,  
 quo condemnantur hæretici, alios septemdecim  
 anones Disciplinam spectantes condidit istud  
 concilium Remense, in quibus de Continentia,  
 clericorum, & modestia in tonsura & vestibus lex

constituta est, & in contumaces decreta Beneficiorum Ecclesiasticorum privatio, immò suspensionis lata sententia in Episcopos, qui hanc ipsis pœnam non infligerent. Sanctimonialium Canonicarum statuta reformatio, cujus duo præcipuè notantur Capita, Clausura videlicet & Vita communis; pœna Interdicti & privationis Christianæ Sepulturæ decreta in eas, quæ Synodi mandatum post tempus præfixum non implerent. Ecclesiasticorum negotiorum judicium Laicis prohibetur. Decimarum iisdem prohibita possessio. Jussu ut Archidiaconi ex Diaconorum vel Presbyterorum Ordine assumerentur. Conducitii Presbyteri ab Ecclesiis eliminati, sancitumque ut singulis Ecclesiis proprius Sacerdos præficeretur; nullius, nisi Episcopi, aut Archidiaconi auctoritate depellendus. Treuga & Pax confirmata. Militum ad nundinas vel ferias pugnæ vetitæ. Clericorum & Monachorum percussores excommunicati, eorumque absolutio Romano Pontifici reservata. Ecclesiarum & Cæmeteriorum immunitati provisum, Incendiarii Anathemate damnati. Pretii exactio pro Chrismatis, Olei sacri, & Sepulturæ acceptione prohibita. Ordinationes ab Hæreticis, & Schismaticis factæ, missæ in irritum; hoc est, non quantum ad substantiam, seu Characterem, qui prorsus indelebilis est, ut docent Theologi, sed quantum ad exercitium & executionem Ordinis. Extant l. xviii. Canones, & Acta Synodi Remensis à Bini ex variis Auctoribus compilata Tomo x. Conciliarum pag. 1107. *Baronius* ad annum mxcxlviii. num. 10. Canones septemdecim dumtaxat Concilii Remensis enumerat, quia in exemplari Vaticano



quo usus est , Canones xvii. & xviii. in unum  
confunduntur , sicut accuratè observat Cl. *Pagius*  
ad hunc annum Num.vi.

D. Fueruntne multa Concilia adversùs Wal-  
densium , & Albigenſium Hæreses sæculo Ecclesiæ  
duodecimo celebrata ?

M. Quamvis Albigenſes , sicut in superiori  
colloquio observavimus, ex Vvaldensibus hæreti-  
cis sæculo duodecimo prodierint, nulla tamen ad-  
versùs ipsos legitur fuisse eo sæculo celebrata Con-  
cilia, quia eorum hæresis sæculo dumtaxat decimo  
tertio sub *Innocentii III.* Pontificatu insolentiùs  
passari , & suam , ut ità loquar, maturitatem ha-  
bere cœpit, sicut docet *Cæsarius Heisterbacensis* Scri-  
tor cœvus, *Dialogi Miraculorum* Distin.5. cap.21.  
his verbis : *Temporibus Innocentii Pape , Prædeces-*  
*oris ejus , qui nunc Papatum tenet, Honorii , Diaboli*  
*avidia Hæreses Albigenſium cœperunt pullulare , vel*  
*ut veriùs dicam ) matureſcere . . . . . Cujus vi-*  
*res erant tam validæ , ut omne triticum fidei gentis il-*  
*lus versum videretur in lolium erroris .* Cum igitur  
nulla sæculo xii. contrà Albigenſes convocata fue-  
runt Concilia, sed dumtaxat sæculo decimo tertio ,  
et his suo loco , seù in Colloquiis nostris in Histo-  
riam sæculi decimi tertii opportuniùs differemus.  
hic autem referam , juxtà Ordinem Chronologi-  
cum Concilia , in quibus duodecimo sæculo erro-  
res Vvaldensium fuerunt ab Ecclesia damnati . Et  
primò quidem anno millesimo centesimo sexagesi-  
mo habitum est in Anglia contrà Vvaldensium, sive  
Republicanorum errores Concilium Oxoniense, de quo  
agitur *Guillelmus Neubrigensis* lib.2. cap.13. ut  
legere est Tomo 10. Conciliorum . Venerunt quip-

pè iisdem diebus , ut ait citatus ille Scriptor , *erroris quidam in Angliam ex eorum (ut creditur genere) quos vulgò Publicanos vocant . Hi nimirum olim ex Gasconia incerto auctore habentes originem , regionibus piurimis virus suę perfidię infuderunt . Quippè in latissimis Gallię , Hispaniæ , Italiæ , Germaniæque Provinciis tam multi hac peste infecti esse dicuntur , ut secundum Prophetam multiplicati esse super numerum arenę videantur . Refert postea Guillelmus Neubrigensis , quo pacto Henricus II. Angliæ Rex ejusmodi hæreticos in suo Regno deprehensos in carcerem detrudi jussit , eosque ab Episcopis in Concilio Oxoniensi congregatis damnatos , atque contumaces , spectante populo , virgis coercitos ab urbe expulerit , districtè prohibens , ne quis eos vel hospitio recipere , vel aliquo solatio consovere presumeret . Sed hæc de Concilio Oxoniensi contra Vvaldenses in Anglia habito jam in superiori Colloquio me observasse memini . Quare , ne iteratis repetitionibus tibi tædium ingeram , quatuor alia Concilia Nationalia , nimirum Turonense , Lumbardense , Tolosanum , & Senonense , quæ duodecimo Ecclesiæ sæculo contra Vvaldenses coacta sunt , breviter hinc recensebo . Alexander III. Pontifex Maximus , relicta Italiâ , quæ , ob Schisma à Fridrico Enobarbo Imperatore in Ecclesia excitatum , armis perstrepebat ; in Gallias appulit , & anno MCLXIII. Turonensem convocavit Synodum in qua non solum in Octavianum Antipapam dictum Victorem IV. ab eodem Imperatore intrusum & in ejus sectatores excommunicationis sententiam tulit , verum etiam nefaria Vvaldensium hæreticorum dogmata damnavit , & Christianis præcepit*

pit, ut illorum hæreticorum eonsortium fugerint, sicut videre est in Canone quarto hujusce Concilii his verbis concepto: *In partibus Tolosæ dam-  
nanda heresis dudum emersit, quæ paulatim more can-  
ni ad vicina loca se diffundens, per Guasconiam &  
alias Provincias quamplurimas jam jam infecit. Quæ  
in modum serpentis intrâ suas evolutiones abscon-  
ditur, quantò serpit occultius, tantò gravius domini-  
um vineam in simplicibus demolitur. Undè contra,  
Episcopos omnes Domini Sacerdotes in illis parti-  
bus commorantes vigilare præcipimus, & sub inter-  
dicatione anathematis prohibere, ut, ubi cogniti fue-  
rint illius heresis Sectatores, ne receptaculum quis-  
quam eis in terra sua præbere, aut præsidium imper-  
ire præsumat. Sed nec in venditione, aut emptione,  
aliqua cum eis omninò commercium; ut, solatio hu-  
manitatis amisso, ab errore viæ suæ resipiscere compell-  
antur. Quisquis autem contrâ hæc venire tentaverit,  
inquam particeps iniquitatis eorum, anathemate fe-  
ciatur. Illi verò, si deprehensi fuerint, per Catholicos  
principes Custodiæ mancipati omnium bonorum amif-  
sione mulcentur. Cætera legi possunt apud Baro-  
nium Tom. 12. Annalium Eccles. ad annū MCLXIII.  
Præter hunc Canonem quartum, quo damnantur  
hæretici Vvaldenses, alios novem Canones pro in-  
auranda Ecclesiæ Disciplina condidit eadem Sy-  
nodus Turonensis, in quibus multa statuuntur con-  
trâ Clericorum avaritiam, usuram, & Simoniam,  
contrâ Monachos, qui Medicinam, Physicas con-  
fectiones, & leges Civiles profitentur, contrâ non-  
nullos alios ejusmodi abusus, ac denique contrâ  
Ordinationes Octaviani Pseudo-Pontificis, dicti  
Victoris IV. quæ irritæ fuerunt declaratæ, non*



quantum ad substantiam, seu Characterem, ut sæpius diximus, sed quantum ad exercitium & executionem Ordinum. Extant hujus Concilii Canones x. & Acta Tomo 10. Conciliorum.

Concilium Lumbariense, quod in Gallia Narbonensi adversus hereticos Vvaldenses an. MCLXXVI. fuit celebratum, fusè narrat *Baronius ex Hovedeno* in poster. parte Annal. Anglic. Cum enim *Alexander III.* Pontifex Maximus ægerrimè ferret, Vvaldensium Sectam magis in dies invalescere, & vires acquirere cundo, voluit rem in ipsis partibus peste illà infectis agitari, & ne haberent undè conquererentur hæretici, doctissimos eorum ad concilium evocari jussit. Illi *Magistros* suos illuc delegarunt, & præterea quatuor *Judices* Disputationis & Controversiæ, quæ in Concilio fieri debebat, delegerunt, videlicet *Gerardum* Episcopum Albigensem, *Rogerium* Abbatem Castrensem, *Petrum* Abbatem Ardorelli, & *Ernaldum* Presbyterum Narbonensem. Addiderunt & Abbatem de *Candilio*, de quibus etiam Catholici cum Hæreticis convenerunt. Admissi sunt quoque Magnates & Barones plurimi illius regionis, ut utriusque partis rationes & fundamenta audirent. Porro, interrogati hi, qui hæreticorum partes propugnabant, de Fide, & Sacramentis, Vetus Testamentum audacter rejecerunt, Matrimonii Sacramentum repudiarent, Baptismum parùm curarunt; Sacerdotem peccati lethalis labe infectum consecrare Corpus & Sanguinem Christi apertè negarunt, neque Prælati, qui luxu diffuerent, aut aliis vitiis dediti essent, parendum esse contenderunt. Hæc præcipua hærescos Capita diù fuerunt ultrò citroque agi-

gitata, tandemque damnata, sed Concilii judi-  
 cio obtemperare detrectarunt hæretici, dictitan-  
 tes, se veritatem & viam salutis in ore habere, ac  
 coindè *Bonos homines* se appellantes. Eorum  
 princeps erat *Oliverius* quidam, cui veluti Chri-  
 sto, aut Paulo Apostolo fidem adhibebant isti Hæ-  
 retici ab eo delusi, sicut *Baronius* Tomo 12. *Annal.*  
*eccles.* ad annum MCLXXVI. fusè narrat ex *Hovede-*  
*den*. Extant etiam Acta integra hujusce Concilii  
 Lumbariensis Tomo 10. *Conciliorum*. Paulò post  
 celebrationem istius Concilii Lumbariensis, *Pe-*  
*trus* Sedis Apostolicę Legatus Tolosæ an. MCLXXVII.  
 Concilium habuit, in quo damnati Waldenses, &  
 Tolosâ expulsi à *Ludovico VII.* Franciæ, & *Henri-*  
*co II.* Angliæ Regibus, qui, teste *Roberto de Monte*  
*Chronico*, illuc ad extirpandam hanc Hæresim  
 profecti fuerant, secesserunt *Albiam*, quæ est *Al-*  
*bigensium* Civitas Metropolis, indèque Vvalden-  
 ses cæperunt appellari *Albigenses*. Hinc anno se-  
 quenti, seu anno MCLXXIX. Concilium Oecumeni-  
 cum Lateranense III. Canone xxvii. damnavit Hæ-  
 reticos, qui Vasconiam, Albigenes; Tolosates,  
 recomicos, & finitimas Provincias pestilenti do-  
 ctrinâ infestabant, qui nunc *Cathari*, nunc *Albi-*  
*enses*, nunc *Manichæi*, nunc *Paterini* vocabantur,  
 quos unà cum illis, qui eos defendunt, vel reci-  
 piunt, anathemati subjicit sacra illa Synodus,  
 principes verò, & populos Catholicos ad bella con-  
 trà eos incitat, propositis, quemadmodùm & in  
 acris adversùs Saracenos militiis, Indulgentiis &  
 penitentiarum relaxationibus. Denique, contrà  
 Vvaldenses, dictos etiam *Popelicanos* coacta est  
 anno MCXCVIII. Synodus Senonensis, in qua eo-  
 rum

rum fœculentissima Hæresis damnata est . Quæ de re extant *Innocentii III.* Pontificis Maximi Epistolæ duæ cum Notis *Gabrielis Cossartii* Tomo II Conciliorum part. 1. pag. 3. quarum una directæ est ad *Michaëlem* Archiepiscopum Senonensem , Altera ad *Petrum* Sanctæ Mariæ in Via lata Diaconum Cardinalem, Apostolicæ Sedis Legatum, & ad *Odonem* Episcopum Parisiensem . Has duas Epistolâ scripsit *Innocentius III.* Pontifex Maximus occasione sententiæ latæ in hoc Concilio Senonensi contra Abbatem Sancti Martini Civitatis Nivernensis , & Decanum ejusdem Urbis Ecclesiæ, qui, ut testatur *Robertus* Monachus in Chronico Antifiodorensi, de pestilentissimo Popelicanorum , seu Vvaldensium errore in Concilio Senonensi fuerunt accusati , ut Abbas depositus , & Decanus suspensus , hancque in eos à Concilio prolatam sententiam confirmavit *Innocentius III.* ad quem uterque fuerat à Concilio remissus . *Henricus Spondanus* Appamiarum in Gallia Narbonensi Episcopus, & *Baronii* Continuator , asserit ad annum *mcxcviii.* Concilium istud Senonense celebratum fuisse à *Petro* Capuano Cardinali , & Sedis Apostolicæ Legato . At *Gabriel Cossartius* loco mox à me laudato *Spondanum* duobus testimoniis refellit . Primum est *Rigordi* , qui in *Gestis Philippi Augusti* Galliarum Regis testatur, *Petrum* Cardinalem in Gallias Legatum missum esse anno *mcxcviii.* ut pacem inter Francorum , Anglorumque Reges componeret , eumque in Gallias antè exeuntem Decembrem ejusdem anni non venisse affirmat . Cum igitur Concilium Senonense habitum fuerit anno *mcxcviii.* ei antè anni hujus finem præesse haud potuit *Petrus* Cardinalis



nalis, præfertim cùm sancienda, cujus causâ delegatus erat, paci priùs operam nonnullam ab eo tam oportuerit, quàm de celebrandis aliâ de re conciliis cogitaret. Alterum testimonium est *Incentii III.* Papæ, cuius ex Epistolis duabus eâ de scriptis ostendit *Gabriel Cossartius*, Archiepiscopus Senonensem huic Concilio præfuisse, ipsumque, & Episcopos Trecensem, Antisiodorensensem, Nivernensem Judices in ea causa fuisse. Hæc sunt Concilia, in quibus Vvaldensium hæresis sæculo Ecclesiæ duodecimo damnata ac profligata sit.

D. De Conciliis, in quibus Hæreses, quæ duodecimo Ecclesiæ sæculo emerferunt, damnatæ protritæ fuerunt, satis hætenùs differuimus. Superest, ut sub finem hujusce nostri Colloquii pau- attingamus de Conciliis Nationalibus, quæ pro formatione morum, & Disciplinæ Ecclesiasticæ stauratione variis in locis eodem sæculo fuerunt celebrata?

M. Ad reformandos fidelium mores & ad sanciendam Ecclesiæ Disciplinam multa Concilia Nationalia, præfertim in Gallia, Anglia & Hispania duodecimo Ecclesiæ sæculo fuerunt convocata, quorum præcipua hic breviter referam, incipiendo a Conciliis, quæ in Causa *Philippi* hujus nominis I. & *Philippi Augusti* Galliarum Regum celebravit Ecclesia Gallicana. *Philippus I.* Franciæ Rex, sicut jam observavimus in Colloquio I. in Historiam sæculorum decimi & undecimi, *Bertham* filiam *Florentii* Hollandiæ Comitis in matrimonium duxerat, & ex ea *Ludovicum* genuerat & *Constantiam*; sed affinitatem postea causatus, eam repudia-

vit, & *Bertradam*, uxorem *Fulconis Andegavenſis* Comitis, conſanguinitate ſibi junctam rapuit, & cum maximo ſcandalo in uxorem, ſeu potius concubinā aſſumpſit. Haſ inceſtas & adulteras nuptias *Ivo Carnotenſis* Epicoſus, multiq; alii priſcæ integritatis Gallicani Antifites reprobarunt, earumq; celebritati intereſſe noluerunt. *Urbanus II.* Papiſ *Philippo* Regi ſacris interdixit, niſi *Bertradam* dimitteret, eumque obedire detrectantem in Synodo *Claromontana* anno *MXCV.* habitâ, & *Bertradam* ejus pellicem excommunicavit. Hac ſententiâ percuſus *Philippus Rex* dimiſit quidem *Bertradam*, ſed illam paulò poſt revocavit, & contrâ omnes *Urbanus II.* preces ac minas, nullâque in ipſum latæ excommunicationis habitâ ratione retinuit. Quapropter, *Pafchalis II.* ſucceſſor *Urbanus II.* ubi Pontificatum adeptus eſt, per *Joannem* & *Benedictum* Cardinales Legatos ſuos Concilium *Pictavienſe* anno *MC.* celebravit, in quo iterùm in *Philippum* Francorum Regem lata eſt excommunicationis ſententia, ſicut teſtantur *Hugo Flaviniacenſis* in Chronico, & *Gauſfredus Groſſus* in Vita Sancti Bernardi primi Abbatis *Tironienſis* in Dioceſi *Carnotenſi*. Reſipuit tandem *Philippus Rex* anno milleſimo centeſimo quarto, & *Pafchali II.* Pontifici Maximo pro ſua abſolutione ſupplicavit. Annuat *Pafchalis* Pontifex, & negotium iſtud commiſit *Richardo* Cardinali *Albanenſi* Epicoſo, & Sedis Apoſtolicæ Legato, qui in Gallias cum veniſſet, *Balgentiaci* (quod eſt oppidum duodecimo ab urbe *Aurelianenſi* milliaro diſtans) die *xxx.* menſis *Julii* anni *MCIV.* Concilium congregavit, in quo *Philippus Rex*, & *Bertrada* carnalem copulam, immò mutuam collo-

onem abjurare usque ad Papæ dispensationem par-  
s esse se protestantur . Verùm, istud Balgentiacen-  
Concilium ( Rege se malè esse tractatum clami-  
nte ) re infectâ solutum est . Rex per se & per  
uonem , & alios Episcopos dispensationem pro-  
antes, ad *Paschalis* Papæ aures pulsat , Causamque  
am temperari rogat, ut videre est in Epistola cen-  
sima quadragesima quarta , quam *Ivo* Carnoten-  
s Episcopus eâ de re ad Paschalem Summum  
ontificem scripsit, & quam recitat *Baronius* ad an-  
um MCIV. Posthæc, *Paschalis II.* Pontifex Maximus  
bsolutionis *Philippo* Regi & *Bertrada* impartien-  
æ potestatem fecit *Lamberto* Atrebatensium  
piscopo, cum trium Provinciarum Episcopis, *Re-*  
*nenfis*, *Senonensis*, ac *Turonensis* ; si tamen *Ri-*  
*bardus* Cardinalis, quem antea Legatum miserat,  
m è Galliis excessisset . *Lambertus* itaque IV. No-  
as Decembris anni MCIV. vel, ut alii volunt, MCV.  
arisiis Synodum habuit , in qua Philippum Re-  
em absoluit, postquam, secundum Summi Pontifi-  
is litteras, tactis Sacro-sanctis Evangeliiis , pec-  
atum & consuetudinem carnalis & illicitæ copu-  
æ , quam hætenus cum *Bertrada* exercuerat , pa-  
âm , devotè ac humiliter abjurasset , solemnique  
uramento sese obstrinxisset , cum eadem quoque  
œmina mutuum colloquium & contubernium ,  
nisi sub testimonio personarum minimè suspecta-  
rum , se deinceps non ampliùs habiturum . Idem  
uramentum præstitit *Bertrada* antequàm absolu-  
tionem impetraret . Hoc Juramentum tam *Phi-*  
*lippi* Regis, quàm *Bertrada* , aliaque in hoc Conci-  
lio Parisiensi gesta ex MS. Corbejensi refert *Lucas*  
*Dacherius* tom. 3. *Spicilegii*, & ex eo *Labbeus* tom. 10.

Con-



Conciliorum, pag.742. ubi exhibet Epistolam *Lamberti ad Paschalem II.* quam ex Codice MS. Igniacensi P. *Sirmondus* descripsit.

Non minores turbas sub finē duodecimi sæculi excitavit in Ecclesia Gallicana *Philippus Augustus* Galliarum Rex, qui an.mcxciii. *Canuti* Danorum Regis sororem *Ingeburgim*, formosissimam, & castissimam Virginem in uxorem duxerat, sed postridiē nuptiarum, factō cum *Ingeburge* Regina divortio, novum iniit conjugium anno mcxcvi. cum *Maria* Ducis Bohemiæ, Moraviæque filiâ. De injuria sorori, sibi que illata *Canutus* Danorum Rex apud *Cælestinum III.* Pontificem Maximum conquestus est. Pontifex duos in Galliam misit Legatos, *Meliorem* Presbyterum Cardinalem, & *Cencium* Subdiaconum, qui eodem anno Parisiis, Archiepiscoporum, Episcoporum, & Abbatum totius Regi Synodum convocarunt. Verum, Antistites in hoc Concilio Parisiensi congregati metu Regis territi, facti sunt velut canes muti non valentes latrare, nec quidpiam contrā illicitas Regis nuptias mutire ausi sunt. Defuncto *Cælestino* Papa, *Innocentius III.* ejus Successor, misit in Galias Legatum *Petrum Capuanum* Cardinalem, qui Gallicanorum Præsulum Synodum Divione mense Decembri anni mcxcix. congregavit, in qua, fulmen à Cardinali, cæterisque Patribus vibrandum ut averteret *Philippus Augustus* Rex, ad ipsum Pontificem per Oratorem appellavit. Sententiam aliquamdiū suspendit Legatus, quam tandem promulgavit in Concilio, quod anno mcc. Viennæ in Galliis convocavit, & Regi totique Galliarum Regno Sacris interdixit. Huic universali Interdicto

octo menses suppositum est Galliarum Regnum, illudque tandem solvit *Octavianus* Ostiensis Episcopus Cardinalis & Sedis Apostolicæ Legatus Concilio Nigellensi, seu Nivellensi in Brabantia, hoc mense Septembri ejusdem anni MCC. ad huc cognitionem Causæ ab eo indictum est, ut videtur est apud *Rogerium Hovedenum* posteriori partem Annalium Anglic. ad annum MCC. Denique, anno sequenti, seu anno MCCI. habita est Synodus Eboracensis, in qua post multas Jurisperitorum de matrimonio *Philippi Augusti* dirimendo, vel confirmando disputationes, *Philippus* Rex, qui Concilio præsens aderat, longioris moræ tædio affectus, hancque contrariam Patrum subodoratus sententiam, summo mane, in salutatis omnibus, inde recessit, & *Ingeburgim* Reginam, legitimam uxorem suam, in Regiam reduxit, quam tamen conjugali amore per multos adhuc annos diligere haud potuit, hoc est, usque ad annum MCCXIII. quo tamen *Philippus Augustus* post viginti ferme dissensionis annos *Ingeburgim* conjugem suam in gratiam cepit; magna populorum lætitia, ob egregias Regiæ virtutes, & in amarissimis ærumnis longanimitatem, qua multos annos apud *Stampas* in arcta Custodia transfegerat, sicut ait *Spondanus* Continuator *Gregorii* ad annum MCCXIII. num. 6. Ad petitionem *Philippi Augusti* Galliarum Regis *Innocentius III.* Pontifex Maximus liberos, quos idem *Philippus* Rex *Maria* superducta uxore susceperat, nempe *Philippum*, & filiam, nomine *Joannam*, natalibus restituit, & post matris ipsorum obitum legitimos heredes declaravit litteris datis anno quarto Pontificatus sui, quas edidit *Baluzius* ad calcem libri 5.

Epi-

Epistolarum *Innocentii III.* pag. 684. Cùm verò eam dem gratiam *Vvillelmus* Comes Montispeffulan pro filiis , quos ex superducta uxore paritèr susceperat , postulasset ; illam negavit idem Pontifex tùm quia *Philippus* Rex Legati Apostolici sententi fuerat ab uxore *Ingeburge* separatus , & aliam , scilicet *Mariam* superduxerat , ex qua geminam susceperat prolem, antequàm Apostolica de non contrahendi matrimonio cum altera prohibitio ad ipsum perveniret ; Comes verò proprio iudicio uxorem suam temerè repudiaverat . Tùm quia etiam *Philippus* Rex consanguinitatem matrimonium dirimentem *Ingeburgi* Reginae objecerat, & ad eam probandam testes induxerat coràm Legato , qui istud matrimonium dissolverat , quamvis ejus sententi fuerit postmodùm abrogata, non quòd contrà jura lata esset , sed quia judiciarius ordo in ea servatus non fuisset ; pendente autem consanguinitatis questione , de filiis ex superducta uxore susceptis dubitari poterat , an legitimi essent , vel illegitimi quod certè dici haud poterat de filiis, quos Comes Montispeffulani ex superducta uxore susceperat quia nihil repudiatae uxori objecerat, quod iusta divortio occasionem dare potuisset . Hæc de Casibus tam *Philippi I.* quàm *Philippi Augusti* Galliarum Regum breviter hìc referenda esse duxi , quoniam ad illam dirimendam multa in Galliis duodecim Ecclesiæ sæculo Concilia Nationalia fuerunt celebrata . Progrediamur nunc ad Concilia Nationalia , quæ in Galliis ad sancendam Ecclesiæ Disciplinam fuerunt eodem sæculo convocata . In Concilio *Pictaviensi*, quod, ut superius observavimus habitum est anno MC. in rem Disciplinæ tam E



ecclĒsticæ, quàm Monasticę sexdecim conditi sunt  
 Canones, qui *Baronii* tempore latebant, sed nunc  
 tant Tomo 10. Conciliorum pag.724. ubi etiam  
 observatur, Canones decem, quos *Baronius* tribuit  
 hic Concilio Piſtaviensi celebrato anno millesi-  
 mo centesimo, pertinere ad aliud Concilium Pi-  
 ſtaviense habitum anno millesimo septuagesimo  
 octavo, cui præfuit *Hugo* Diensis Episcopus Lega-  
 tus *Gregorii VII.* Papæ, & de quo disertam men-  
 tionem facit *Hugo Flaviniacensis* in Chronico  
 pag.202. Concilium *Trecense I.* Præside *Richardo*  
 Cardinali Episcopo Albanensi, & *Paschalis II.* Pon-  
 tificis Maximi Legato habitum est anno mclv. in  
 quo *Hubertus* Silvanectensis Episcopus simoniæ ac-  
 cūsatus jurejurando se purgavit, ut videre est in  
 Epistola *Ivonis* Episcopi Carnotensis ad *Pascha-*  
*lem II.* & apud Editores Conciliorum Tomo 10.  
 pag.738. ubi etiam referuntur aliquot Privilegia,  
 quæ in eadem Synodo quibusdam Abbatiarum,  
 Ecclesiis fuerunt concessa. Concilium *Trecense II.*  
 circa Ascensionem Domini à *Paschali II.* Pontifice  
 Maximo celebratum est, in quo Simoniaci, Laici  
 beneficiorum Collatores, & rerum Ecclesiastica-  
 rum invasores fuerunt excommunicati, sicut Col-  
 lectores Conciliorum Tomo 10. pag.754. ex Ab-  
 bate Urspergenſi, ex *Sugero* Cœnobii Sancti Dio-  
 nysii propè Parisios Abbate, & ex aliis Scriptori-  
 bus referunt. Concilium *Tolosanum I.* pro sacra in  
 Hispaniam Expeditione adversus Saracenos, sub  
 horum jugo miserè gemebant hoc tempore Hi-  
 spani, habitum est an. mclviii. cujus meminit *Chro-*  
*nicon* Malleacense ad hunc annum, & de eo etiam  
 agunt Collectores Conciliorum Tom. 10. pag.824.

& *Josephus de Aguirre* Cardinalis tom. 3. Collectio-  
 nis Maximæ Conciliorum Hispaniæ pag. 334. Con-  
 cilium *Tolosanum II.* indixit *Callistus II.* Pontifex Ma-  
 ximus anno mxcix. in quo Disciplinæ Ecclesiastica  
 decem conditi sunt Canones de Ordinationibus  
 primitiis, & oblationibus, contra Hæreticos, si-  
 moniam & alienationem Bonorum Ecclesiastico-  
 rum, Acta illius Concilii, quæ edidit *Catellus* lib. 2  
*Comitum Tolosæ* cap. 3. extant cum Epistola Syno-  
 dali *Callisti* Papæ, & decem illis Canonibus Tomo x  
 Conciliorum pag. 856. Concilium *Turonense* ab  
*Alexandro III.* Pontifice Maximo coactum est an-  
 no mclxiii. in quo decem pro Disciplina Ecclesia-  
 stica sanciti sunt Canones, de quibus, sicut & de  
 his, quæ in eadem Synodo gesta sunt; superiùs  
 satis egimus differendo de Conciliis, quæ contr  
 hæreticos Waldenses, & Albigeneses sæculo Eccle-  
 siæ XII. fuerunt celebrata. Concilium *Abrinca-  
 tense* apud Normannos congregatum est ann  
 mclxxii. cui præfuerunt *Theodinus*, & *Albertus*  
 Cardinales Sedis Apostolicæ Legati. In eo *Henri-  
 cus II.* Angliæ Rex, postquam à cæde *S. Thomæ Can-  
 tuariensis Archiepiscopi* sese juramento purgasset  
 absolutus est; & tredecim Canones de moribus  
 Ecclesiæ, seu ad refarciendam Ecclesiæ Discipli-  
 nam constituti sunt, quos referunt *Rogerus Hoved-  
 nus* parte posteriori Annal. Anglic. & Collectore  
 Conciliorum Tomo x. pag. 1458. Denique, ann  
 millesimo centesimo nonagesimo quinto Magiste-  
*Michael* Sedis Apostolicæ Legatus Concilium apu-  
 Montem Pessulanum celebravit, cui interfuere  
 Prelati Ecclesiarum Provinciæ Narbonensis. in  
 hoc Monspeliensi Concilio multa de variis Eccl  
 si

& negotiis, & Clericorum moribus statuta sunt, sed præsertim sancitum est, ut arma contra Saracenos, qui in Hispaniam irruerant, sumerentur. *Stephanus Baluzius* hoc Concilium primus in lucem edidit *Conc. Gall. Narbon.* pag. 28. & inde *abbens* illud inseruit Tomo x. Concil. pag. 1796. ubi etiam exhibet Notam *Baluzii* existimantis, quod Concilium Monspeliense coactum fuisse à *Michaele* cum in Hispaniam profisceretur, Legationem illic obiturus nomine *Celestini III.* Papæ, occasione irruptionis Saracenorum contra Christianos in finibus Hispaniæ & Gallaciæ, quæ tamentè & atrocitè sævit, ut Rex Hispaniæ metu periculi perterritus, conditione cum eis factâ, in Regnum Regis Franciæ demigrarit, pactâ pace cum Ethnicis usque in Pentecosten anni sequentis, seu MCXCVI, sed hætenus satis de Conciliis Nationalibus, quæ duodecimo sæculo ad sanciendam Ecclesiæ Disciplinam fuerunt in Galliis celebrata.

D. Eâdem, si placet, brevitæ percense Concilia Nationalia, quæ in Anglia ad restaurandam Ecclesiæ Disciplinam fuerunt sæculo duodecimo coacta.

M. Complura tùm ad vindicanda Ecclesiæ pura tùm ad pravos Clericorum reformandos mores in Anglia, præsertim Londini, duodecimo sæculo habita sunt Concilia Nationalia, quæ hic, ne longiùs, quàm par sit, nostrum protrahatur Colloquium, paucis indicare sufficiet. In primis, anno millesimo centesimo secundo S. *Anselmus* Cantuariensis Archiepiscopus, & totius Angliæ Primas Londini celebravit Concilium, in quo, præter multa Disciplinæ Ecclesiasticæ necessaria con-



stituta, nonnulli Abbates propter simoniā, vel alias ob causas, Concilii sententiā damnati sunt atque exauctorati. Extant Acta istius Concilii Londinensis I. & tam Ecclesiasticæ, quàm Monasticæ Disciplinæ Canones undetriginta, seu potius horum Canonum *Breviarium* ex S. Anselmi Operibus excerptum apud *Eadmerum* lib. III. *Historiæ Novorum* pag. 67. & apud Collectores Conciliorum, Tomo x. pag. 728. Concilium *Londinense II.* indictum est anno mcvii. in quo *Henricus I.* Angliæ Rex Investituras per Annulum, & Baculum Pastoralem dimisit, statuitque ut deinceps per donationem baculi Pastoralis, vel annuli quisquam de Episcopatu vel Abbatia per Regem, vel quamlibet Laicam manum nunquam investiretur in Anglia, sicut testatur *Eadmerus*, qui huic Concilio Londinensi adfuit, lib. 4. *Historiæ Novorum*. De hoc Concilio Londinensi legendus etiam est *Petrus Blesensis* in Continuatione *Ingulphi* natione Angli pag. 126. ubi hæc habet: *Quantum tunc gaudium agitabat Clerus, quam devotus arridebat populus, quam solemniter & sanctè omnes & singuli Regis animum ad sydera extollebant, nullus ediceret, nec Tullius edoceret.* Concilium *Londinense III.* habitum est anno mcviii. in quo ad extinguendum concubinarum usum, qui inter Clericos tum temporis grassabatur, decem conditi sunt Canones, & graves in transgressores pænæ decrete, nec non in Decanos, aut Archidiaconos cum eis conniventes. Extant x. illius Concilii Canones apud *Eadmerum* lib. 4. *Historiæ Novorum* cap. 3. Concilium *Londinense IV.* coactum est anno mcix. & in eo causa *Thomæ Eboracensis*, obedientiam *Anselmo* præstare recusantis, excussa ac de-

definita est, atque, jubente *Henrico I.* Angliæ rege, *Thomas Eboracensis* Archiepiscopus in consecratione sua Canonicam obedientiam Sedi Cantuariensi præstitit, sicut refert *Eadmerus lib. iv. Historiæ Novorum* pag. 97. Concilium Londinense V. convocatum est anno MCXXV. eique præfuit *Joannes de Crema* Cardinalis, & Sedis Apostolicæ Legatus, in quo ad corrigendos pravos Clericorum mores septemdecim constituti sunt Canones qui præterea cum *Honorii II.* Pontificis Maximi aliquot Episcopis ad hanc Synodum pertinentibus extant Tomo x. Conciliorum pag. 911. Referunt nonnulli scriptores Angli, *Joannem de Crema* Sedis Apostolicæ Legatum, qui in hac Synodo legem adversus Clericos concubenarios tulerat, eadem nocte, post Missam celebratam, cum meretrice in lecto fuisse deprehensum. At *Baronius* ad annum MCXXV. pluribus momentis evincit, hoc crimen falsò à quibusdam Scriptoribus Anglis *Joanni de Crema* impactum fuisse. Præterquàm quòd, etiamsi in hoc crimen prolapsus fuisset *Joannes de Crema*, inde tamen adversus Ecclesiam Romanam nihil exundare possent hæretici nostri temporis, quia, ut optimè observat *Spondanus* ad annum MCXXV. Nec ipsa sibi hoc vindicat Romana Ecclesia, ut Legatos suos omni carere turpitudine asserat; cum & ipse Deus inter Angelos suos, & Christus Dominus inter Apostolos à se electos repererit pravitatem. Concilium Londinense VI. celebratum est anno MCXXVII. Præsidente *Willelmo* Cantuariensi Archiepiscopo, & Sedis Apostolicæ Legato. In eo Ecclesiastica Disciplina Canonibus viginti duobus sancita est, & Canonibus V. VI. & VII. Presbyteris & Canonicis

prohibitum, ne uxores vel concubinas haberent. Immò in Canone VII. statuitur, *ne ab aliqua potestate minore, vel majore detineantur hujusmodi concubinæ, sed liberè eisdem ministris Ecclesiæ tradantur, & Ecclesiasticæ disciplinæ vel servituti Episcopali judicio mancipientur*. Acta hujus Synodi describunt *Matthæus Parisius* in Chronico ad annum MCXXIX. & Florentii Wigorniensis continuator ad annum MCXXVII. ubi etiam XXII. Canones exhibentur, qui etiam extant Tomo x. Conciliorum pag. 992. Concilium *Londinense VII.* congregatum fuit anno MCXXXVIII. Præsidente *Alberico* Cardinali, Episcopo Ostiensi, & *Innocentii II.* Pontificis Maximi Legato. Extant Acta, & Canones Ecclesiasticæ Disciplinæ septemdecim Tomo x. Conciliorum pag. 992. Concilium *Londinense VIII.* celebratum est anno MCLXXV. in quo novemdecim Disciplinæ Ecclesiasticæ Canones de continentia, sobrietate, & honestate, vitâ & moribus Clericorum & Monachorum, de Sacramentis, de Decimis integrè persolvendis, matrimoniis clandestinis, usura, simonia, & de aliis tollendis abusibus conditi sunt, extantque apud *Rogerium Hovedenum* parte posteriori Annal. Anglic. & apud Collectores Conciliorum Tomo x. pag. 1461. His Conciliis, quæ Londini in Anglia XII. Ecclesiæ sæculo ad restaurandam Ecclesiasticam Disciplinam fuerunt celebrata, addi merito debet Concilium Eboracense, quod anno MCXCV. in Anglia habitum est, Præsidente *Huberto* Cantuariensi Archiepiscopo & Sedis Apostolicæ Legato, in quo duodecim Canones de modesto habitu Clericorum, de non frequentandis tabernis, de vitando

suspe-



ſpectarum mulierum contubernio, nec non de  
disciplina & Regulis, quæ observari debent in  
administratione Sacramentorum Baptismi, Pœni-  
tentia, Eucharistia, conditi sunt. Extantque apud  
*Gerium Houedenum* in Annalibus Angliæ part. 11.  
apud Collectores Conciliorum Tomo x. pag.  
91 Hæc sunt in summa Concilia Nationalia,  
quæ pro bono Ecclesiæ regimine, ejusque Disci-  
plinæ instauratione duodecimo sæculo fuerunt in  
Anglia celebrata.

D. Ut plenior sit, atque omni ex parte ab-  
soluta Conciliorum Notitia, quam hætenus tradi-  
disti, superest ut in fine hujusce nostri Colloquii  
adtexas Concilia Nationalia, quæ duodecimo sæ-  
culo ad sancendam Ecclesiæ Disciplinam in Hi-  
spania habita sunt.

M. *Josephus De Aguirre* S. R. E. Cardina-  
lis Tomo 3. *Collectionis Maximæ Conciliorum omni-  
um Hispaniæ* exhibet, ac perdoctis Notis illustrat  
singula Concilia Nationalia, quæ duodecimo Ec-  
clesiæ sæculo in Hispania fuerunt convocata.  
Quapropter in his referendis Conciliis diù non  
immorabimur, sed eorum dumtaxat seriem juxtà  
ordinem temporis disponere, & breviter, quan-  
tum fieri poterit, texere satagemus. Concilium  
*Fusselense* apud S. Mariam de *Husillos* propè Palen-  
ciam in Hispania, Præsidente *Richardo* Sedis Aposto-  
licæ Legato, celebratum est circa annum mciiv.  
ut multis momentis Card. de *Aguirre* Tomo 3.  
Conciliorum Historiæ pag. 317. probat contra  
*Andovalium*, qui istud Fusselense Concilium re-  
fert ad annum mxxxv. In eo potissimum disce-  
ratio fuit de regendis finibus, sive de terminis

dividentibus Oxomensis Episcopatum ab Occensi, seu Burgenſi. Deindè, quædam circa Officium divinum tractata ſunt. Denique, cautum, fuit extirpandæ incontinentiæ Clericorum, quorum multi tanquàm uxorati vivebant; ſed irritò penè conatu, cùm id vitium altas radices egiffet, quod tamen annis ſequentibus eliminatum fuit. Concilium *Carrionenſe*, Præſide *Bernardo* Archiepiſcopo Toletano & Sedis Apoſtolicæ Legato, celebratum eſt in fine anni MCX. vel ineunte anno ſequenti MCXI. In eo ventilata fuit cauſa adverſus *Gundiſaluum* Mindoniensẽ Episcopum, qui duos Archiprebyteratus cum dimidio contra jus Eccleſiæ Compoſtellanæ violenter retinebat, ut patet ex litteris *Bernardi* Archiepiſcopi Toletani, quas ad eundem *Gundiſaluum* poſt celebratum iſtud Concilium directas exhibet Cardinalis *de Aguirre* pag. 318. Non poſt multum temporis idem *Bernardus* Toletanus Archiepiſcopus Concilium *Legionenſe*, circa annum Chriſti MCXIV. indixit, ſed quid in eo actum fuerit, omninò latet, ut videre eſt apud Card. *de Aguirre* pag. 319. Aliud Concilium eodem anno MCXIV. *Palentia* convocavit *Bernardus* Archiepiſcopus Toletanus & Summi Pontificis Legatus, in quo ſubverſionibus & calamitatibus, quæ Eccleſias Hiſpaniarum tantopere exagitaverant, Patres finem imponere ſollicitè ſtuduerunt, & *Petrum* Cappellanum Reginæ ad Sedem Lucenſem canonicè electum, Episcopum conſecrarunt. Extant Acta, aliaque hoc Concilium Palentinum ſpectantia, & ex *Historia Compoſtellana MS.* alioque *Garſiæ Loaiſæ* Codice MS. cruta apud Cardinalem *de Aguirre* Tomo III.

*Conc. Hisp. pag. 319. & seqq. Ad eundem annum*  
*cxiv. referri debet Concilium Compostellanum,*  
*quod Didacus Gelmirez ejusdem Sedis Episcopus*  
*celebravit, & in quo multa ad Disciplinam Ec-*  
*clesiasticam, quædam ad communem utilitatem,*  
*subriter sancita sunt. Extant Canones viginti*  
*quinque hujusce Concilii de Judicibus, de Calum-*  
*niis & Causis Pauperum, de Proditoribus & Latro-*  
*cinis, de die Dominica, de Quadragesima, de Vica-*  
*ris, de Rebus captivorum, de muratoribus & pere-*  
*grinis, de Clericis &c. Quos ex codice MS. Mon-*  
*acharensi cum Codice MS. Toletano publicavit*  
*Card. de Aguirre Tomo III. Conc. Hisp. pag. 322.*  
*& seqq. Concilium Ovetense in Asturia, Præside*  
*Magno hujus urbis Episcopo, habitum est die Pén-*  
*tescostes anni mcxv. Extant hujus Concilii contra*  
*hereticos, sacrilegos, & diversi generis malefi-*  
*cos, qui in Asturiarum partibus grassabantur,*  
*et Canones, quibus adiectæ sunt subscriptiones*  
*tum Nobilium, tum Episcoporum, quibus Syno-*  
*dales illi Canones confirmantur. Quæ omnia ex*  
*codd. MSS. Toletanis deprompta Card. de Aguir-*  
*re eruditè Notis illustravit Tomo III. Conc. Hisp.*  
*pag. 324. & seqq. Concilium Palentinum II. in*  
*Hispania Tarraconnensi, Præside Raymundo Archi-*  
*episcopo Toletano, habitum est anno mcxxix.*  
*primâ Quadragesimæ hebdomadæ. In eo plurima*  
*ad Ecclesiæ, & Regni commodum, ad instauran-*  
*dam Ecclesiæ Disciplinam statuta sunt, ac jus Eme-*  
*ritanæ Ecclesiæ Compostellano Archiepiscopo re-*  
*stitutum. Extant hujus Concilii Canones xvii.*  
*de Proditoribus publicis, de Concubinis Clericorum*  
*deiciendis, de Monachis vagis, de Excommunicatis,*  
*de Ad-*



de *Adulteris & Incestuosis separandis*, de *Laicorum Investituris*, de *Obedientia Regi fidelitè & sine dolo ab omnibus præstanda*, &c. Hos xvi. Canones ex Codice MS. Mondexarenſi exhibet Card. de *Aguirre* Tomo 3. *Conc. Hisp.* pag. 341. Concilium *Legionense* habitum est anno mcxxxv. & in eo multa ad obsequium Dei, & ad utilitatem Regni statuta sunt, quæ à Cardinali de *Aguirre* accuratè referuntur Tomo iii. *Conc. Hisp.* pag. 344. Celebrata est anno sequenti, mcxxxvi. Synodus *Burgensis*, in qua, Præſide *Guidone* Cardinali, & Sedis Apostolicæ Legato, plura circà ordinem divini Officii sancita sunt, ut ait sæpè citatus Card. de *Aguirre* pag. 345. Idem *Guido* Cardinalis indixit anno mcxxxvii. Concilium *Vallis-Oletanum* cujus meminit Card. de *Aguirre* pag. 347. Sed quid in eo Concilio gestum sit, nos ferè latet. Nec melioris notæ sunt, quæ de Concilio *Tarraconensi* anno mcxli. & de Concilio *Palentino* anno mcxlii celebratis refert idem Card. de *Aguirre* pag. 354 nec non etiam ea quæ habet pag. 364. de Concilio *Valis-Oletano* Generali, quod, præſide *Hyacinto* Cardinali, & Sedis Apostolicæ Legato celebratum est anno mclv. Cùm igitur nota non sint ea quæ in prædictis Conciliis duodecimo Ecclesiæ sæculo in Hispania celebratis gesta sunt, illa lev. brachio attigiſſe ſufficiat. Poteris tamen, ſi tibi per otium liceat, adire sæpius laudatum Cardinalem de *Aguirre*, qui in exquirendis ac illustrandis veteribus Hispaniæ Monumentis, præſertim illis, quæ manuſcripta in antiquiſſimis Bibliothecis per multa sæcula latuerant, maximam adhibuit diligentiam, eaque, poſt maturum ac diuturnum

num Criterium, summo Reipublicæ tam Ecclesiasticæ, quàm litterariæ emolumento publici iis fecit.

D. Hæc sunt igitur omnia Concilia, quæ duodecimo Ecclesiæ sæculo variis in locis fuerunt celebrata?

M. Aliquot Concilia, quæ tanti non sunt pō-  
ris, consulto prætermisi. Hic tamen unum, quod  
in Dalmatia anno millesimo centesimo nonagesi-  
mo nono *Joannes Cappellanus*, & *Simon* Subdiaconus  
Sedis Apostolicæ Legati, Auctoritate *Inno-*  
*centii III.* Pontificis Maximi ad curandam Eccle-  
siasticam Disciplinam celebrarunt, adicere haud pigebit.  
In hoc Dalmatiæ Concilio duodecim conditi sunt  
canones, de non dandis aut recipiendis in Ordina-  
tionibus pecuniis; de Clericorum cœlibatu, &  
ordinationum temporibus, de Oblationum, & De-  
imarum Canonica in quatuor partes divisione ac  
distributione; de Sigillo Confessionis Sacramenta-  
tis inviolatè servando sub pœna privationis Offi-  
cii & Beneficii; de reverentia Sacerdotibus exhi-  
enda, & de excommunicatione eorum, qui sa-  
cristis hominibus violentas manus injiciunt, Summo  
Pontifici, vel ejus Legatis reservanda; de prohi-  
endis Matrimoniis inter consanguineos in quarto  
gradu, vel infra, sub pœna excommunicationis;  
de servanda Tonsura Clericali; de excommunica-  
tionis anathemate quo percelluntur Clerici, qui  
de manu laicâ Beneficia Ecclesiastica suscipiunt, &  
laici dantes; nec non illi, qui thesauros Ecclesiarum  
injustè possident, ac viri, qui uxores suas, sine Ec-  
clesiæ judicio, dimittunt. Undecimus Canon no-  
vos à Sacris Ordinibus arcet, denique, duodeci-

mus prohibet ne ullus ad Sacerdotii gradum promoveatur, nisi trigesimum annum expleverit. Extant duodecim istius *Dalmatici* Concilii Canones Ecclesiasticam Disciplinam spectantes Tomo 11. Conciliorum par. 1. pag. 7. Sed hinc nostrum de Conciliis Colloquio finem ac metam imponamus, alterum postridiè habituri, in quo disseremus de Viris Illustribus, qui doctrina & sanctitatis famâ celebres duodecimo Ecclesiæ sæculo, variis ac perdoctis editis lucubrationibus, floruerunt.

## COLLOQUIUM V.

*De Viris Illustribus, qui eruditionis & pietatis laude duodecimo Ecclesiæ sæculo claruerunt.*

DISCIP. **N**E ingens copia, seu multitudo Scriptorum Ecclesiasticorum, qui duodecimo Ecclesiæ sæculo floruerunt, aliquam in Colloquio nostro confusionem pariat, meamque nimium oneret memoriam; optarem ut illos in sex omnino Classes distribueres, & in prima essent Scriptores, qui doctrinâ, & pietatē Orientem illustrarunt, in altera hi, qui de *Historia* libros ediderunt; in tertia Scriptores *Galli*; in quarta *Angli*; in quinta celebriores *Monachi*, & in ultima illi, qui de *Theologia Scholastica*, & de *jure Canonico* scripserunt. Eo præclaro ordine omnes duodecimi Ecclesiæ sæculi Scriptores disponendo, multò facilius, ut spero, eorum patriam, Opera, atque præ-



peclara gesta meæ memoriæ mandabo.

MAG. Amplissimum suppeditas dicendi argumentum, quod si, pro eo ac meretur, in præsentia tractare, & omnia, quæ dici in hanc materiem possunt, vellem in medium adducere, jam me dies, & lateraque deficerent. Ut igitur brevitati, tam nobis à principio præscripsimus, consulamus, necesse est, ut istud tam latè patens argumentum ità in hocce Colloquio contrahamus, ut tamen nihil eorum prætermittamus, quæ potissimum spectant Scriptores Ecclesiasticos, qui duodecimo sæculo tam Ecclesiam Orientalem, quam Occidentalem doctrinâ & sanctitate nobilitarunt. Scriptorum Ecclesiasticorum, qui duodecimo sæculo in Oriente floruerunt, agmen ducet *Philippus Solitarius*, Monachus Græcus, qui anno 1194. direxit ad *Callinicum*, opus *Dioptram* dictum, & *Regulam Vitæ Christianæ*, quæ in libros, seu Sermones quatuor dividitur, & in quibus anima & corpus disputant. Prodiit hoc Opus latinè ex versione *Jacobi Pontani* Ingolstadii anno MDCIV. & inde insertum est Bibliothecæ Patrum tom. 21. p. 553. *Petrus Crofolanus*, seu *Chrysolanus* dictus, vixit circa annum MCX. fuit primùm minoris curiæ Civitatis, seu Savonensis, Præsul, deindè Ecclesie Mediolanensis Archiepiscopus, & à *Paschali II.* Pontifice Maximo Constantinopolim missus, ubi strenuè adversus Græcos schismaticos de processione Spiritus Sancti tum voce, tum scriptis decernit. Domum postea reversus, ortâ illum inter *Jordanem* de sede Mediolanensi lite, sententiâ Concilii Lateranensis habiti anno MCXVI. Mediolanensi Archiepiscopatu abdicatus est, & ad prior-

rem

rem sedem redire coactus. Extat ejus oratio a  
*Alexium Comnenum Imp. De processione Spiritus Sancti* Latinè apud *Baronium* ad annum MCXIX. & Græco-Latinè apud *Leonem Allatium* tomo I. *Orthodoxæ Græciæ* pag. 379. *Euthymius Zigabenus*, Monachus Græcus Ordinis S. Basilii, floruit circa annum MCXVI. vivente adhuc *Alexio Comneno* Imperatore, cujus jussu edidit *Orthodoxæ fidei dogmaticam Panopliam adversus omnes hereses ex variis Sanctorum Patrum Scriptis contextam*, & duas in partes divisam, quarum prior 11. posterior 13. titulos continet. Extat hæc *Panoplia*, interprete *Francisco Zino* latinè edita Lugduni anno MDLVI. Parisii anno MDLVI. Venetiis MDLXXV. in Bibliotheca Patrum tom. 19. ubi etiam habentur latinè ejusdem *Euthymii* commentaria in omnes Psalmos, & in decem Scripturæ Sacræ Cantica, nec non Commentarium in quatuor Evangelia. Testatur *Simlerus* Græcè extare in Bibliotheca Sambuci Commentarium *Euthymii* in epistolas Catholicas, quod tamen necdum lucem adspexit. Hunc *Euthymium* schismaticum fuisse probat *Leo Allatius* ex Tractatu MS. Bibliothecæ Regiæ, cujus hic titulus est *Euthymii Monachi Zigabeni contra Latinos duodecim Capita de processione Spiritus Sancti*. *Panopliam* ejusque Auctorem *Euthymium* lib. 15. *Alexaides* pag. 490. egregiè commendat *Anna Comnena* elegantissima quidem Princeps historica, sed schismatica, ut mox ejus referendo Opera, ostendemus *Eustratius*, Metropoli Nicænus, scripsit adversus *Chrysolanum*, cujus mox mentionem fecimus *Opus de processione Spiritus Sancti*, quod nondum editum est. Quinque alios ejusdem argumen-

imposuit *Traëtatus*, quos adhuc manuscriptos  
 lit, & recenset *Leo Allatius* lib. 2. de *Consensu Ec-*  
*cl. Orient. & Occid.* cap. 10. Extant etiam ejusdem  
*Stratii* *Commentarii in posteriora Analytica Ari-*  
*stotelis* Græcè editi Venetiis anno MDXXXIV. &  
*Commentarii in Aristotelis Ethica* Græcè ibidem  
 editi excusi anno MDXXXVI. & Latine Parisiis  
 MDXLI II. Contra Latinorum dogmata *Nicetas Sei-*  
*scriptor* Græcus edidit *Opusculum*, in quo  
 ostendendum suscipit, antiqua non esse novis vene-  
 rabiliora, ac subinde Sedem Romanam, antiquio-  
 rem licet, pluris non esse faciendam, quàm Sedem  
 Constantinopolitanam. Ampla quædam, nec con-  
 temnenda ex hoc *Opusculo* fragmenta profert *Leo*  
*Allatius* in suis libris de *Consensu Eccles. Orient. &*  
*Occid.* lib. 1. cap. 14. §. 1. & 2. lib. 2. cap. 1. §. 2. & lib. 3.  
 cap. 12. §. 4. *Isaac*, Magnæ Armeniæ Catholicus,  
 fuit, omnibus Armeniæ Episcopis Primatis jure  
 præfatus, claruit, ut conjicit doctissimus noster  
*Combesius* circa annū MCL. Duas scripsit *Orationes*  
*perpetuas adversus Armenorum errores*, quas edi-  
 dit, & eruditis Notis illustravit idem *Combesius*  
*Auctuario Bibliothecæ Patrum* tom. II. pag. 317.  
*Michael Glycas* Scriptor Græcus, natione Siculus,  
 composuit *Annales quadripartitos*, qui Latine ex ver-  
 ne Joannis Leunclavii prodierunt Basileæ an-  
 no MDLXXII. & Græco-Latine cum versione & No-  
 tis *Philippi Labbei* Parisiis anno MDCLX. *Discepta-*  
*tionulas duas ejusdem Michaelis Glicæ* edidit *Lati-*  
*ne Jacobus Pontanus* unà cum *Philippi Monachi*  
*Dioptra* Ingolstadii anno MDCIV. Plura frag-  
 menta diversarum epistolarum *Michaelis Glicæ*  
 profert *Leo Allatius*, & lib. 2. de *Consensu Eccl. Oc-*  
*cid.*



*cid. & Orient. cap. 18. §. 17. citat tres ejusdem Scriptoris Tractatus adhuc ineditos, unum videlicet ad Maximum Smeriotem de Processione Spiritus Sancti; Alterum, ad eundem, an Christus Azymo suprema cœna usus sit, & tertium, qui directus est ad Esaiam Monachum de animabus à corpore separatis. Quædam etiam Glycæ in Sacram Scripturam Opera Exegetica in Bibliotheca Cæsarea Viennensi asservari MSS. prodiit Posssevinus tomo secundo Apparatus pag. 112. Nicetas patriâ Byzantinus, & vicedominus in Instituto Philosophus, vel, ut alii volunt, Monachus, scripsit Tractatum Apologeticum pro Synodo Chalcedonenensi adversus Armeniæ Principem, quem Græco-Latinum Leo Allatius inseruit tomo 1. Græciæ Orthodoxæ pag. 663. Constantinus Manasses Scriptor Græcus direxit ad Irenem, sororem Manuelis Comneni Imperatoris, Compendium Historiarum ab initio mundi usque ad tempus Imperatoris Alexii Comneni, hoc est, ad annum usque MLXXXV. Prodiit istud Compendium Historicum Latinè & Leunclavii versione Basileæ anno MDLXXIII. Fuit etiam Græco-Latinum typis Parisiënsibus excusum cum Notis Leunclavii, Meursii, Allatii, & Fabricii anno MDCLV. Non diù post exortam Bogomilorum hæresim claruit in Oriente duodecimo sæculo Constantinus Harmenopolus Sebastus, Judex Thessalonicensis, & Auctor Promptuarii Juris Civilis, quod prodiit Græcè Parisiis anno MDXL. Latinè Lugduni anno MDLVI. & Græco-Latinè cum Joannis Merceri, & Dionysii Gothofredi Notis Genevæ MDLXXXVII. Edidit etiam idem Scriptor Epitomen divinarum sacrarumque Canonum, quam Græco-Latinam publicavit Leunclavius tomo 1. Juris Græco-Romani. Extat quoque*

tom. I. Auſtuarii *Frontoni Duccæi* ad Bibliothecam Patrum liber ab eodem *Constantino Harmenopo* editus *De Seditis Hæreticorum*, cui ſubjicitur *ſeſſio de opinionibus Hæreticorum*, & *de Fide Orthodoxa*.

Præter iſtos Scriptores Græcos doctrinæ facieſ celebres, quos hæc tēnūſ laudavimus, alii non tēnūſ eruditionis laude illuſtres duodecimo Ecclēſiæ ſæculo in Oriente claruerunt, quos hīc conſuā ſerie recensere debemus. *Joannes*, ex Monacho in Oxia Inſula ad Sedem Patriarchalem Antiochenam provectus compoſuit *Orationem in donationes Monasteriorum Laicis factas*, in quas acriter reſchitur, & graviſſimos indē nascentes abuſus, in perniciem Monasticæ diſciplinæ vergunt, reſtatatur. Hanc *Joannis* Orationem, ſeu Tractatum, edidit *Cotelerius* tomo I. *Monumentorum Ecclēſiæ Græcæ*. Jam obſervavimus in Colloquio I. in ſtoriam hujus ſæculi duodecimi, *Andronicum* Imperatorem Orientis eſſe verum Auſtorem *Dialecticæ contra Judæos*, quem Cardinalis *Sirletus* putat eo tantūm jubente, ab *Euthymio Zigabeno* compoſitum fuiſſe. Extat ille Dialogus tomo 14. Biblioth. Patrum editionis Colonienſis. Floruit eo ſæculo XII. alter *Andronicus*, dictus *Camater* Urbis Conſtantinopolitanæ Præſectus, & Imperatoris *Manuelis Comneni* affinis, qui ſcripſit librum adverſus Latinos, ſeu potiūſ *Dialogum inter Manuellem Imperatorem, & Cardinales Romanos proceſſione Spiritus Sancti*; quem Dialogum, reſutavit poſtea *Veccus*, qui ſæculo decimo tertio, hoc eſt, circa annum MCLXXIV. clariuit. Auſtor etiam, idem *Andronicus Camaterus* Diſputatio-

nis Imperatoris Manuelis cum Petro Patriarcha Armenorum, & libelli de duabus in Christo Naturis. Sec isti duo libri adhuc inediti sunt, & extare MSS. dicuntur in Bibliotheca Bavarica. Georgius Metropolitae Corcyrensis, de quo, ejusque libris adversus Latinos editis latè differit Léo Allatius in Diatriba de Georgiis & eorum scriptis, edidit Syntagma contra Latinos de Purgatorio igne, & Commentarium etiam contra Latinos, quo probare nititur, Apostolos, & Ecclesiam primitivam panem solummodo fermētatum in Eucharistiæ confectioe adhibuisse Utrumque Opus Græcè extat in Bibliotheca Barberina. Cardinalis Baronius tomo 12. Annalium videlicet ad annum 1176. 1178. 1179. & 1180. inseruit Latine versam Monodiam, quam hic Georgius composuit in obitum Nestarii Monasterii Casulorum Abbatis, nec non aliquot ejusdem Scriptoris epistolas Latine itidem versas. Antonius, Melissa ol Sermonum ejus suavitatem nuncupatus, Monachus Græcus, scripsit libros duos locorum communium seu sententiarum ex SS. Patrum Scriptis excerptarum, de virtutibus, & vitiis, qui extant tomo 5 Biblioth. Patrum editionis Parisiensis pag. 878 Blasius Achridenus, Metropolitae Thessalonicensis ab Hadriano IV. Papa per litteras sollicitatus, ut relicto Græcorum schismate ad Romanæ Ecclesiæ gremium rediret, respondit, Ecclesiam Græcan non esse schismaticam, nec Romanam Ecclesiam superiorem. Extat ejus ad Hadrianum epistola, unicum litteris Hadriani Papæ apud Baronium ad annum MCLV. Lucas, Chrysoberges cognomento dictus, cujus in Colloquio secundo in Historiam hujus sæculi duodecimi texendo seriem Patriarcharum



in Constantinopolitanorum, jam meminimus, decem condidit *Decreta Synodalia*, nimirum, ne in nuptiis in septimo gradu consanguinitatis; De Clericis se immiscerentibus secularibus negotiis; ne jusjurandum irregulare servetur; De infantibus captivis baptizandis; de *Agarenis* &c. Quæ *Decreta Leunclavius* inseruit libro 3. *Juris Græco-Romani* pag. 217. *Alexius Aristenus*, Scriptor Græcus, & Ecclesiæ Constantinopolitanæ Oeconomus, *Synopseos Canonum* Notis illustravit, quas *Beveregius* in *Indectæ Canonum* edidit Oxoniæ anno MDCLXXII. eandem *Synopsim Canonum Scholia* ediderat *Neon Logotheta*, qui *Alexio Aristeno* suppar fuit, hæc *Scholia*, ut observat *Beveregius*, omninò perierunt. Sunt nonnulli Critici, qui existimant, hic *Simeonem Logothetam juniorem* esse Auctorem libri de *Opificio Mundi*, quem MS. penes minimum *Du Fresne Du Cange* extitisse memorat *Casimirus Oudin* in *Supplemento Scriptorum Ecclesiasticorum* pag. 413.

Huic Catalogo Græcorum Scriptorum, qui eruditione sæculo 12. Orientem illustrarunt, inseri meritò debent *Joannes Cinnamus*, *Theophrastus*, *Hugo Etherianus*, *Nicephorus Bryennius* *Magnus*, *Anna Comnena*, & *Joannes Zonaras*, de quorum Operibus pauca hic dicemus. *Joannes Cinnamus* cognomento *Grammaticus*, scripsit *Historiam Imperatorum Comnenorum*, *Joannis*, & *Manuelis*, quam in sex libros distributam cum versione latina, Notisque Historicis, & Philologicis *Carolus Ducangius* edidit Parisiis an. MDCLXX. hic *Joannem Cinnamum*, præ cæteris aliis Scriptoribus Græcis, Auctorem elegantem appellant *Leo*

*Allatus in Diatriba de Symeonum Scriptis, & Gerardus Vossius lib. 4. de Historicis Græcis cap. 19. Theor-  
 rianus, natione Græcus, & ab Imperatore Manuel  
 Comneno missus ad Armenos, ut cum ipsis pro fide  
 Orthodoxa disputaret, Dialogum, seu Colloquium  
 habuit cum Armenorum Patriarcha, qui Theorian  
 argumentis victus manus dedit. Dialogum istum  
 litteris mandavit Theorianus, in quo præcipuè  
 id incumbit, ut Sanctorum Patrum autoritate  
 Eutychianos & Monophysitas, quorum erroribus  
 Armeni infecti erant, refellat, & doctrinam Catho-  
 licam de duabus in Christo naturis, Synodique  
 Chalcedonensis auctoritatem stabiliat. Edidi  
 hunc Dialogum Græco-Latinum Joannes Leuncla-  
 vius Basileæ anno MDLXXVII. eumque exinde re-  
 cudi curavit Fronto Duccæus in Bibliotheca Patrum  
 Græco-Latina. Hugo Etherianus, licet natione He-  
 truscus esset, floruit tamen Constantinopoli, im-  
 perante Manuele Comneno, quo annuente, tres li-  
 bros, pro dogmatibus Latinorum conscripsit, in  
 quibus præcipuos è Schismaticis Auctores copio-  
 sè & eruditè confutavit, putà Nicomediæ Antist-  
 tem, Nicolaum Methonensem, Nicetam Byzan-  
 tinum, quem Philosophum appellat, Theophylactum  
 & Photium. Edidit etiam idem Hugo Etherianus  
 librum de Anima corpore exuta. Extant omnes  
 huius Scriptoris libri tomo 22. Bibliothecæ Patrum  
 pag. 1176. Nicephorus Bryennius, gener Alex-  
 Comneni Orientis Imperatoris, omni disciplin-  
 rum genere instructus fuit. Scripsit enim rerum  
 Byzantarum Historiam ab anno MLVII. usque ad  
 annum MLXXXI. quæ prodiit Græco-Latina cum  
 Versione & Notis Petri Possini Parisiis an. MDCLX*

etas etiam historicas & Philologicas in eandem  
 toriam scripsit *Carolus Ducangius*, & ad Calcem  
 nam Scriptoris Græci edidit Parisiis an. MDCLXX.  
 orem habuit Nicephorus Bryennius *Annâ* Co-  
 enam Imperatoris *Alexii Comneni* & *Irenes* filiam,  
 uni scientiarum laude clarâ, quippè quæ *Hi-*  
*riarum* libros 15. de rebus ab *Alexio Comneno*  
 peratore patre suo gestis, quos ideò *Alexaida*  
 pellavit, elegantissimè scripsit, qui integri cum  
 otis *Heschelii*, & *Possini* Glossario prodierunt Pa-  
 ris Græco-Latini anno MDCLL. Notas etiam hi-  
 oricas & Philologicas in eosdem quindecim li-  
 os concinnavit *Carolus Du-Cangius* & *Historiæ*  
*nam* subjecit Parisiis anno MDCLXX. Verùm,  
 amvis *Anna Comnena* Princeps fuerit historica,  
 gantissima, in hoc tamen jure ac meritò repre-  
 nditur, quòd in sua describenda *Historia*, passim  
*Alexio Comneno* Imperatori patri suo nimium adu-  
 ur; quòdque Græcorum Schismati addicta Præ-  
 es & Sacerdotes Latinos, qui sacris Expeditioni-  
 bus aderant, calumniis proscindat, eosque cœu-  
 manes & sanguinarios traducat libro decimo  
 verbis: *At Barbarus Latinus, simul atque initia-*  
*sacris, primitias Sacrificii libaverit, Clypeo sta-*  
*in levam inserto, correpta in dexteram vibrata-*  
*lancea, simul divinum communicat corpus & san-*  
*inem, simul torvum ac sanguinarium tuetur, desi-*  
*ans ad cædem homines oculis vir Sanguinum. Aded*  
*erbarum hoc genus non minus sibi belli ac gladii jus*  
*umque arrogat, quàm Sacerdotii apicem deposcit.*  
 on solùm *Anna Comnena* litteris exulta fuit, sed  
 am *Alexius Comnenus* Imperator, ejus Pater, &  
 ne *Ducæna* ipsius mater litteras impensè colue-



runt. Extant siquidem *Alexii Comneni* Imperatoris Monita ad *Spaneam* nepotem, versibus politici Græcobarbaris scripta & publicata Venetiis à *Christophoro Zaneto*, sed sine versione latina & absque ulla mentione anni impressionis. Hujus Operis exemplar MS. in Bibliotheca Cæsarea extare testatur *Lambecius* lib. 5. pag. 262. aliudque in Bibliotheca Regis Christianissimi asservari monet *Du-Cangius* Tomo 2. *Glossarii mediæ Græcitatæ* in Indice Auctorum Græcorum ineditorum, qui in eo laudantur. *Irenem* verò *Ducenam*, matrem *Annæ Comnenæ*, ingenio itidem præditam, litterisque instructam fuisse, testatur ipsamet *Anna Comnena* in *Alexiade* lib. 5. pag. 147. ubi matris suæ studia, & litterarum patrocinium extollit. Denique, inter Scriptores Græcos, qui duodecimo sæculo floruerunt, recensetur *Joannes Zonaras*, qui multis in juventute dignitatibus ornatus, & in Imperio Orientis Clarissimus, sæculo nuncium remisit, a vitam iniit monasticam sub Regula Sancti Basilii. *Annales* scripsit ab Orbe condito usque ad obitum Imperatoris *Alexii Comneni*, hoc est, usque ad annum MCXVIII. istud Annalium Opus Parisiis anno MDCLXXXVI. edidit *Du-Cangius*, illudq; distribuit in 18. libros. *Commentarios* etiam *Zonaras* adornavit in *Canones Apostolorum*, & *sacrorum Canonum*, necnon in *Epistolas Canonicas Sanctorum Patrum Dionysii & Petri Alexandrinorum*, *Gregorii Thaumaturgi*, & *Basilii*. *Canon*, seu *Hymnus* de Sancta Virgine, Auctore *Zonara*, extat in Bibliotheca Patrum, & in Tomo 3. *Monumentorum Ecclesiæ Græcæ*, quæ edidit *Cotelerius*.

Nonnullos duodecimi sæculi Scriptores Græ-

s, qui parùm noti sunt, aut quorum Opera,  
 ad viros eruditos non multùm ponderis habent,  
 insultò prætermitto, duos tamen ejusdem sæculi  
 scriptores Græcos, videlicèt *Lupum Protospatam*,  
*Theodorum Balsamonem*, cujus sub finem Collo-  
 quii II. obiter mentionem feci, silentio hìc præte-  
 re minimè debeo. *Lupus Protospata*, quem ità  
 cognominatum ajunt, quòd Officio Protospatarii  
 Palatio Imperatoris fungeretur, seù Palatino-  
 rum Militum Dux esset; ex Apulia oriundus, scri-  
 psit *Chronicon de Rebus in Regno Neapolitano Gestis*  
 anno DCCCLX. ad annum MCII. breve quidem  
 accuratum, teste *Auberto Miræo*. Hoc Chroni-  
 con edi curavit *Antonius Caracioli Theatinus* Nea-  
 poli anno MDCXXVI. illudque continuavit ad an-  
 num usque MDXIX. *Theodorus Balsamon* jussu *Manue-*  
*Imperatoris*, & *Michaëlis Anchialis Patriarchæ*  
*Constantinopolitani*, *Expositionem Nomocanonis Pho-*  
*taggessius*, Opus postmodùm absolutum *Georgia*  
*Chilino Patriarchæ Constantinopolitano* nuncu-  
 avit. Eo in Opere Latinam Ecclesiam totis suis  
 viribus infamat *Balsamon*, qui tamen, ut ait *Leo*  
*Latius* lib. 2. de *Consensu Eccl. Occid. & Orient.*  
 c. 13. execrabiliora evomuit in *Meditatis*, maxi-  
 mùm agit de Patriarcharum Privilegiis, & in  
 responsionibus ad *Marcum Patriarcham Alexan-*  
*drinum*. Ea *Balsamonis Meditata* publicavit *Joan-*  
*Leunclavius* Tomo 7. *Juris Græco-Romani*, ejus-  
 dem *Responsa ad Interrogationes Marci Patriarchæ*  
*Alexandrini* edidit idem *Leunclavius* lib. 5. *Juris*  
*Græco-Romani*. Præter hosce libros, *Theodorus*  
*Balsamon*, Græcorum sui temporis doctissimus, Ju-  
 ris Orientalis, Canonumque Ecclesiasticorum,

omnium quos tulit ferax Græcia peritissimus, varia reliquit Opera, quæ in sæpè citato Opere *Juris Græco-Romani* inseruit *Leunclavius*.

D. Constituimus in secunda Classe Scriptorum, qui duodecimo Ecclesiæ sæculo floruerunt illustres Auctores, qui res ad Historiam spectante litteris mandarunt. Cedo itaque, si placet, nomina & Opera eorum, qui duodecimo sæculo de Historia scripserunt?

M. Cum inter Historicos duodecimi sæculi Scriptores, alii sint, qui universalem Historiam scriptis consignarunt, alii, qui particulares dumtaxat Historias videlicet *Rerum Anglicarum*, aut *sacrarum Expeditionum* prosecuti sunt; illos ut ordine percenseamus, ab his incipiemus, qui Historiam universalem conscripserunt. *Florentinus Bravonius* dictus, natione Anglus, & Monachu Vvignoniensis scripsit *Chronicon* ab Orbe conditusque ad annum MCXVIII. ex *Mariano Scoto* ut plurimum desumptum, quod excusum est Londini anno MDXCII. & Francofurti anno MDCI. Scripsit etiam idem Auctor librum de *Regali Prosapia Anglorum*, seu *Regum Anglorum Genealogia*, qui habetur ad calcem ejus Chronici in Editione Londinensi. *Hugo*, Ordinis Sancti Benedicti Monachu Floriacensis, scripsit *Chronicon* à creatione mundi usque ad annum DCCCXLVII. quod *Monasterii* editum est a. 1600. Composuit quoque *Hugo* libros duos de *Regia potestate*, & *Sacerdotali dignitate*, ad *Henricum Angliæ Regem*, quos publicam in lucem emisit doctissimus *Baluzius* Tom. 4 *Miscellaneorum* pag. 9. *Ordericus Vitalis* Anglus, & Monachus, tredecim *Historiæ Ecclesiasticæ* libros:



Natali Christi Domini usque ad annum MCXLI. cubavit, quos in volumine *Historicorum Norannie* publicâ luce donavit *Duschenius*. Inter opera, quæ edidit *Sigebertus* Gemblacensis in-  
rabantia Monachus Ordinis Sancti Benedicti, duo sunt præcipua, quæ ad Historiam universalem pertinent, nimirum liber de *Viris Illustribus*, seu de *Scriptoribus Ecclesiasticis*, & *Chronicon* ab anno CCCLXXIX. ad annum MCXII. perductum, quod *Anselmus* Gemblacensis Abbas, & Scriptor ejusdem sæculi duodecimi continuavit usque ad annum MCXXXVI. Hanc *Chronici Sigeberti* Continuationem, unâ cum aliis duabus, quarum una perditur ad annum MCXLIX. alia usque ad an. MCCXXV. lucem edidit *Aubertus Miræus* Antuerpiæ anno MDCVIII. In conscribenda Historia excelluit *Otto* Frisingensis Episcopus, qui filius fuit S. *Leoldi* Marchionis Austriæ, & *Agnetis* sororis *Henrici V.* Imperatoris, quæ primis nuptiis *Friderico* Saxonum Duci juncta fuit, ex eoque *Fridericum* ultimum *Friderici* Imperatoris, & *Conradum* Germaniæ Regem genuit. Quare *Otto* Frisingensis Episcopus, nepos exstitit *Henrici IV.* sororius *Henrici V.* pater uterinus *Conradi* Regis Germaniæ, & *Friderici* Imperatoris Patruus. Verum, Majorum suorum stemmata pro Christo parvi faciens *Otto*, Ordini Cisterciensi nomē dedit, dein Abbas Morimundensis in Burgundia, ac demum Frisingensis Episcopus creatus est. Scripsit *Chronicon* à creatione mundi usque ad annum MCXLVI. septem libris comprehensum, quibus octavum addidit de fine Mundi, Antichristi persecutione, & Mortuorum resurrectione. Octo hosce libros primus edidit

*Joannes Cuspinianus* Argentinæ MDXV. Prodierunt deinceps Basileæ anno MDLXIX. ac denique Francofurti inter Historicos Germanos anno MDLXXXV. & MDCLXX. typis excusi sunt, unâ cum continuatione *Ottonis de Blasio* qui *Chronicon Ottonis Frisingensis* perduxit usque ad annum MCCX. Scripsit etiam *Otto Frisingensis* libros duos de *Gestis Friderici Barbarossæ Imperatoris*, nepotis sui, qui ad calcem ejus *Chronici* excudi solent. Piè obiit *Otto Frisingensis*, ejusque Sepulchrum statim ab ipsius morte in veneratione apud fideles fuisse affirmat *Rodevicus*, qui illius Historiam continuavit. *Hugo Menardus*, Ordinis Benedictini Congregationis Sancti Mauri, *Ottonem Frisingensem* Martyrologio Monastico ad diem 22. mensis Septembris inscripsit, & *Henriquez Menologio Cisterciensi* ad diem 7. ejusdem mensis.

In hac serie Virorum Illustrium, qui duodecimo Ecclesiæ sæculo de Historia universali scripserunt, locum itidem habere debent *Godefridus*, vel *Gotefridus Viterbiensis*, *Robertus de Torigny*, vulgò dictus *Robertus de Monte*, & *Joannes Bromptonus*; quorum prius, seu *Gotefridus Viterbiensis*, natione fuit Italus, dignitate Presbyter, & trium Imperatorum *Conradi III. Friderici I. & Henrici VI.* Capellanus ac Notarius. Scripsit ad *Urbanum III.* Summum Pontificem *Chronicon* universale, quod, ob diffusam rerum, ætatum, Gentiumque historiam, *Pantheon* appellavit, ab Orbe condito ad annum usque MCLXXXVI. istud *Chronicon*, licet multis fabulis refertum sit, habet tamen aliqua singularia, & extat inter Scriptores Rerum Germanicarum à *Joanne Pistorio* editos Francofurti

ANNO MDLXXXIV. *Robertus de Torigni* Gallus, vulgò  
*Stus Robertus de Monte*, eò quòd esset Abbas San-  
*cti Michaelis de Monte* in Diœcesi Abrincensi, con-  
 tinuavit *Chronicon Sigeberti* ab anno MCXII. us-  
 que ad annum MCLXXXVI. De hoc Chronographo  
 in *Chronico ejusdem Monasterii Sancti Michaelis*  
*de Monte à Labbeo Tomo 2. Biblioth. pag. 449. pu-*  
*licato*, ad annum MCLIV. legitur: anno MCLIV.  
 mense Majo sexto Kal. Junii, feria 5. infra Octavas  
 Pentecostes electus fuit *Robertus de Torinejo*, Prior  
 Australis Becci. Plurima bona operatus est, & fuit  
 Abbas Castellii de Ponte Ursonis. Obiit MCLXXXVI.  
*Chronicon Roberti* sub ejus nomine usque ad  
 annum MCCX. Auctor quidam Anonymus conti-  
 nuavit, & alia quædam ejusdem Roberti Opera  
 divulgavit *Lucas Dacherius*. Denique, *Joannes Brom-*  
*nius*, natione Anglus, Monachus Cisterciensis,  
 postea Cœnobii Jornalensis, vel Jorvalensis, in  
 Eboracensi Abbas, *Chronicon* condidit ab an-  
 no DLXXXVI. ad annum MCXCIX. quod inter Scri-  
 ptores x. Anglicos *Tuvifdenus* publicavit Londini  
 anno MDCLII. Existimat tamen *Seldenus*, Joannem  
 Comptonum non esse Auctorem istius Chronici,  
 sed illud dumtaxat in usum sui Monasterii describi  
 curasse.

D. Percense nunc, quæso, illos Scriptores,  
 qui litteris mandarunt celebrem *Historiam sacra-*  
*rum Expeditionum*, quas Christiani in Oriente con-  
 tra Turcas ad recuperandam Terram Sanctam,  
 duodecimo Ecclesiæ sæculo magnis animis susce-  
 perunt?

M. Inter eos, qui duodecimo sæculo famo-  
 sam sacrarum Expeditionum Historiam descripse-  
 runt,



runt, quatuor sunt omninò ignoti, utpotè Anonymi; Alii verò, qui noti sunt, novem recensentur, quorum primus est *Petrus Theutbodus*, qui rerum, quas scripsit, testis oculatus fuit. Secundus, est *Robertus* Gallus Monachus Sancti *Remigii* Remensis, qui sacrae Expeditioni interfuit, & jussu Sancti *Bernardi* Abbatis sui eandem Historiam libris novem descripsit, sed desiit in *Victoria* apud *Ascalonam* anno *MXCIX.* à Christianis reportata. Tertius est *Baldricus*, Gallus, primùm Monachus, dein Archiepiscopus *Dolensis* in *Aremorica* factus, qui *Historiam Hierosolymitanam* descripsit quatuor libris, quibus Christianorum Latinorum res gestas in Oriente ab anno primo susceptæ sacrae Expeditionis, seù ab anno *MXCV.* usque ad captam à Latinis *Hierosolymam*, & *Godefridi Bullionii* Regis mortem, idest ad annum *MC.* veraciter juxtà ac elegantè descripsit, teste *Orderico Vitali* sub finem libri noni *Historiæ Ecclesiasticæ*. Quartus, est *Raymundus de Ageles* Gallus, Canonicus *Podiensis*, qui Comitem *Tolosanum* exercitum in Terram Sanctam ducentem secutus, scripsit *Historiam Hierosolymitanam*. Quintus est *Albertus*, Gallus, *Aquensis Ecclesiæ* Canonicus & Sacrista, qui *Historiam Hierosolymitanæ Expeditionis* in 12. libros divisam perduxit usque ad annum secundum *Balduini* hujus nominis II. *Hierosolymorum* Regis, hoc est, usque ad annum *MCXX.* Sextus est *Fulcherius* Monachus *Carnotensis* Gallus, qui *Robertum* *Normanniæ* Ducem cum exercitu an. *MCXX.* in Terram Sanctam proficiscentem comitatus est, scripsitque *Historiam*, quam vocavit; *Gesta Francorum Hierusalem peregrinantium ab anno MXCV. ad annum us-*  
que

MCXXIV. Septimus, est *Gautherus*, sive *Galterius* Cancellarius, natione Gallus, qui texuit Historiam rerum, quas Christiani ad Antiochiam anno MCXV. feliciter gesserunt, & rerum ab iisdem Christianis anno MCXIX. infelicitèr gestarum, quibus ipsemet interfuit. Octavus, est *Guibertus*, gente Gallus, & Abbas Monasterii S. Mariæ Norwenti in pago Laudunensi, qui descripsit *Gesta Dei per Francos*, seu *Historiam Hierosolymitanam*, novem libris comprehensam. Hic Scriptor fuit amodùm celebris, multaque alia edidit Opera, ex collegit, ex Codicibus MSS. eruit, & cum Notis & Observationibus doctissimis primus in eam extulit *Lucas Dacherius* Parisiis anno MDCLI. Titinus, qui duodecimo Ecclesiæ sæculo sacrarum Expeditionum adornavit Historiam, fuit *Guillelmus* Archiepiscopus Tyrius, quem alii Gallum, alii Germanum, alii verosimiliùs natione Syrum fuisse putant. Scripsit viginti tres libros de *Historia Belli à Principibus Occidentis Christianis in Palestina ac Oriente gesti*, ab anno MXXV. usque ad annum MCLXXXIV. Quapropter, ipsius Historia, etiam per annos LXXXIX. in Bello sacro gestarum narrationem complectitur. Hos novem Scriptores, sicut & alios quatuor Anonymos, qui, ut mox dixi, Historiam de sacris Expeditionibus, duodecimo sæculo litteris prodiderunt, *Jacobus Ungarsus* inseruit in sua *Historicorum de sacro Bello Collectione*, quam sub hoc Titulo: *Gesta Dei per Francos*, Hannoniæ anno MDCXI. publici juris fecit.

D. Fueruntne alii duodecimi Ecclesiæ sæculi Scriptores, qui, præter hanc Historicam rerum in Bel-

in Bello sacro gestarum narrationem, aliquas particulares Historias, vel Chronica ediderunt?

M. Complures alii fuerunt, quos hîc breviter indicabo. Rerum Anglicarum Historiam scripserunt quinque insignes viri, scilicet *Guillelmus Malmesburiensis*, *Henricus Huntingtoniensis*, *Rogerus Hovedenus*, *Guillelmus Neubrigensis*, & *Radulphus de Diceto*. Anglorum Historiam accuratè descripsit *Guillelmus* cœnobii Malmesburiensis in Anglia Monachus, dictus *de Sommerfet*, libris quinque, quibus duos Historiæ Novellæ addidit libros, & quatuor alios *de Rebus Gestis Pontificum Anglorum*, qui omnes libri extant inter Scriptores Rerum Anglicarum ab *Henrico Savilio* editos annis MDXCVI. Londini, & MDCI. Francofurti. Vitam S. *Aldhelmi* Episcopi Schireburgensis ab eodem *Guillelmo* Malmesburiensi scriptam edidit *Mabillonius* sæculo IV. Benedictino, Tomo I. pag. 726. & seqq. *Henricus* Huntingtoniensis Archidiaconus, edidit ad *Alexandrum* Lincolnensem Episcopum Historiam Rerum Anglicarum libris decem, qui extant inter Scriptores Rerum Anglicarum ab *Henrico Savilio* editos. Epistolam *de contemptu Mundi* ab *Henrico* Huntingtonensi Archidiacono exaratam publicavit *Lucas Dacherius* Tomo VII I. Spicilegii. *Rogerus Hovedenus* Historiam, sive Annales Anglorum duobus elaboravit libris, quos auspicatus est, ubi *Venerabilis Beda* desinit, ab anno videlicet MCCXXXI. eosque perduxit usque ad *Joannem* dictum *sine terra* Anglorum Regem, qui anno MXXCIX. regnare cæpit. Extant *Rogerii Hovedeni* Annales inter Autores Rerum Anglicarum ab *Henrico Savilio* editos,



C. *Guillelmus* cognomento *Paruus*, dictus etiam *Neubrigensis*, quòd Cænobii *Neubrigensis* Canonus regularis esset, *Historiam Anglicam* ab anno *xvi.* usque ad annum *mcxcvii.* concinnavit in quinque libros distributam, quæ *Parisiis* cum *Noë Joannis Picardi* prodiit anno *mdcx.* *Radulphus Diceto* composuit *Imagines Historiarum* ab anno *xlviij.* ad annum *mcc.* & *Abbreviationes Chronicorum* ab initio *Mundi* usque ad annum *mcxcviii.* Ecce *Radulphi de Diceto* Opera extant inter *Scriptores* decem *Anglicos* à *Tuissdeno* editos *Londini* anno *mdclij.* Pars tamen prior *Abbreviationum Chronicorum*, quæ est ab *Orbe condito* usque ad *S. Gregorium M. Papam*, edita non fuit, eò quòd non nisi *vulgaria* & è *trivio* petita contineret. His quinque *Scriptoribus Anglis* alios nonnullos adungere possem, qui *Rerum Anglicarum Historiam* conspicerent, sed ut *brevitati* consulam, his, ut præ minus notis, in *presentia* referendis superaddabo. *Legesis*, si tibi per *otium* liceat, *Baleum*, & *Pezum*, qui de *Scriptoribus Anglis* eruditè ac copiosè tractarunt.

D. Absoluistine tandem seriem *Scriptorum*, quod *duodecimo Ecclesiæ sæculo* *Chronica*, vel *particulares Historias* ediderunt?

M. Tres adhuc proferam *historicos duodecimi sæculi Scriptores*, missis cæteris aliis, qui minus *famæ* *celebritate* clauferunt. Primus, est *Ego*, qui ex *Monacho Virdunensi*, factus *Abbas Ewiniacensis* in *Ducatu Burgundiæ*, scripsit *Chronicon Virdunense* duas in partes distributum, quarum prima incipit à *Christo nato* & desinit ad annum *mij.* Secunda verò ab anno *mij.* perducitur

tur ad annum usque MCII. Hoc Chronicon tantum fecit *Labbeus*, ut illud *Thesaurum incomparabilem* appellarit, & ex ipso Authoris Autographo in Bibliotheca Soc. Jesu Claromontana Parisiis asservato ediderit in sua *Bibliotheca Nova MSS.* Tomo I. pag. 75. Alter Scriptor Historicus, est *Sugerius Abbas Cænobii S. Dionysii* propè Parisios, *Ludovico VI. & Ludovico VII.* Galliarum Regibus ab intimis consiliis ac Ministerio, qui scripsit *Vitam Ludovici VI.* cognomento *Grossi*, librum *Epistolarum* de gravioribus Galliarum Regni negotiis, quibus *Ludovico VII.* dicto *Iuniore* ad Sacram Expeditionem profecto, summa cum laude præfuit; edidit etiam librum *de Rebus in Administratione Cænobii Sandionysiani à se Gestis*, & alterum *de Consecratione Ecclesiæ à se ædificatæ*, & *Translatione Corporum Sancti Dionysii & Sociorum*. Edita sunt hæc *Sugerii Abbatis Opera* à *Francisco Duchesnio* Tomo IV. *Scriptorum Historiæ Francorum*. Tertius denique Scriptor Historicus, est *Saxo* dictus *Grammaticus*, gente Danus, qui, in gratiam *Absalonis Archiepiscopi Lundensis* suorum studiorum impulsoris, composuit stylo venusto, florido & eleganti (ut observat *Desiderius Erasmus* in *Ciceroniano*) libros sexdecim *Historiæ Danicæ*, quæ amplissimis Prolegomenis, & perdoctis Notis à *Stephano Ioanne Stephano* illustrata prodit *Soræ* anno MDCXLIV. Sed satis hætenus dictum sit de historicis Scriptoribus duodecimi sæculi.

D. Tibi nunc differendum incumbit de viris Galliarum Illustribus, quos in tertia classe Scriptorum duodecimi Ecclesiæ sæculi reposuimus.

M. Non facile est enumerare quàm multi  
 obiles Scriptores, illustresque viri sæculo Eccle-  
 e duodecimo floruerint in Galliis, & præsertim  
 Academia Parisiensi, ad cujus dignitatem extol-  
 ndam & amplificandam plurimum contulerunt  
 es Galliarum Reges litteratorum omnium patro-  
 ac Mæcenates munificentissimi, videlicet *Ludo-*  
*icus VI.* cognomento *Crassus*, *Philippi* filius, *Lu-*  
*vicus VII.* dictus *Iunior*, & *Philippus Augustus*.  
 t enim, præter historicos Scriptores Gallos, quos  
 m laudavimus, circa initium duodecimi sæculi  
 lebres extiterunt in Academia Parisiensi Theo-  
 gi, Philosophi, Oratores, & Grammatici, quo-  
 m nonnulli etiam superiori sæculo claruerunt,  
 ilicet *Anselmus* Laudunensis & *Rodulfus* fratres,  
*Albertus* universalis dictus; *Hugo* *Farsitus*, *Richar-*  
*us*, *Rupertus* *Tuitiensis*, *Algerus* insignes Theolo-  
 : *Guillelmus* *Campellensis*, *Guillelmus* *S. Theodo-*  
*ci*, *Gildurius* *Cænobii S. Victoris* primus Prior  
 Abbas, *Petrus* *Abaelardus*: *Hugo*, & *Thomas*  
 in *Victorini* Canonici Regulares, *Guillelmus* de  
*nchis*, & *Bernardus* *Carnotensis* præstantissimi  
 ilosophi & Grammatici: *Ulgerius* *Andegaven-*  
 : *Goslenus*, seu *Goslenus*, qui fuit Episcopus  
 essionensis, *Gilbertus* *Porretanus*, Episcopus *Pi-*  
*aviensis*, *Henricus* *Murdachius*, & alii innumeri.  
 circa medium sæculum duodecesimum illustres fue-  
 unt in Academia Parisiensi *Petrus* *Lombardus*,  
*Ioannes* *Belethus*, *Adam* de paruo, *Hugo* de Campo  
*lorido*, *Ioannes* *Saresberiensis*, *Petrus* *Cellensis*,  
*Arnulfus* *Lexoviensis*, *Mauricius* de *Soliaco*, *Thomas*  
*Antuariensis*, *Petrus* Cantor, *Petrus* Comestor, &  
 ii longè plures. Circa finem ejusdem XII. sæculi



magnam in Academia Parisiensi sibi eruditionis famam pepererunt *Petrus Blesensis, Petrus Pictaviensis, Alanus de Insulis, Petrus corboliensis, Stephanus Tornacensis, Guillelmus Brito, Gualterus Insulensis, Petrus de Riga, Odo de Soliaco, Robertus de Curthornio, Stephanus de Langetona, Ægidius Corboliensis*, alique propè infiniti, quorum accuratissimum Catalogum texit, eorumque merita, ac Opera per censet *Egassius Bulæus* ad calcem Tomi II. *Historiæ Universitatis Parisiensis*. Non est certè animus singillatim hic expendere, & ad Crisim revocare omnia Opera horumce, & aliorum clarissimorum virorum, qui duodecimo sæculo Academiam Parisiensem doctrinâ & pietate illustrarunt sed ne in immensum diffandar, præcipuorum dumtaxat Scriptorum Opera breviter annotabo, *Petrus Abaelardus*, cujus variam fortunam, errores ac pænitentiam descripsimus in Colloquio tertio varia reliquit Opera, ex quibus extant Epistolæ variae, Expositiones in Orationem Dominicam, in Symbolum Apostolorum, & in Symbolum *S. Athanasii*, Solutiones *Problematum* ab *Heloissa* propositorum, Commentariorum in Epistolam ad Romanos libri quinque, Sermones xxxi. ad *Virgines Paracletenses* per totum annum legendi; *Introductionis ad Theologiam* libri tres, quorum postremus est imperfectus; Liber adversus Hæreses, & Institutio, seu *Regula Sanctimonialium*, rogante *Heloissa*, *Virginibus Paracletensibus* scripta. Quæ omnia *Abaelardi* Opera edita sunt ab Illustri viro *Francisco Amboesio*, Opera *Gilberti Porretani* Episcopi Pictaviensis, de quo plura in Colloquio tertio diximus, necdum edita sunt, sed in variis

Bibliothecis adhuc manuscripta latent. Solam  
Epistolam ad *Matthæum Abbatem S. Florentii*  
edidit *Lucas Dacherius* in Appendice ad Opera  
*Roberti Abbatis Novigentini*. *Joannes Beletus*,  
Theologus Parisiensis, scripsit librum de *Divinis*  
*Scripturis*, cujus meminit *Henricus Gandavensis* in  
libro de *Scriptoribus Ecclesiasticis*. Opera *Petri*  
*Carnotensis*, à natali solo, Blesis videlicet urbe Galliæ  
venerabilissima sic cognominati, & Humanioribus lit-  
teris exculatissimi, sacrarumque litterarum, & Ju-  
ris Canonici peritissimi, curâ ac studio *Petri de*  
*Canvilla* collecta, & Notis atque variantibus  
lectionibus illustrata prodierunt Parisiis anno  
M<sup>CC</sup>XLVII. & exinde in Bibliotheca Patrum To-  
m. XXIV. Ecclesiam Carnotensem in Galliis duo-  
centesimo sæculo doctrinâ & sanctitate illustrarunt  
insignes Episcopi, videlicet *Ivo*, *Joannes Sa-*  
*verienensis*, & *Petrus Cellensis*, quorum primus,  
necnon *Ivo*, edidit *Decretorum librum* in decem octo  
libros distributum, & maximam partem ex *Bur-*  
*hardi* Collectione depromptum, quo ante *Gratia-*  
*norum* tempora per sexaginta annos usi sunt Juristæ.  
Cum, hinc obiter observare debes, duas extare  
Canonum ac Decretorum Collectiones antiquas,  
quæ *Ivoni Carnotensi* Episcopo attribuantur, qua-  
rum unam, quæ *Decretum Ivonis* vulgò vocatur,  
veteri Critici vindicant *Ivoni*, Alteram verò, quæ  
*Normia* dicitur, alii post doctissimum *Baluzium*  
vindicant *Ivoni*, alii existimant, Opus esse *Hugo-*  
*nii* cujusdam *Catalaunensis*, qui *Decretum Ivonis*  
compendium redegit, sicut testatur noster *Vin-*  
*centius Bellouacensis*, qui sæculo sesqui medio post  
eum obiit, libro XXV. *Speculi Historialis* cap.

LXXXIV. ubi de *Iuone*, & de *Hugone Catalaunensi*  
 ejus Abbreviatore sermonem habet. Hanc Criti-  
 corum Controversiam, quæ longiùs me abduce-  
 ret, in medio relinquo. Scripsit Præterea *Iu-*  
*Carnotensis* Episcopus *Epistolas* CCLXXXVII. quæ  
*Ecclesiasticæ Disciplinæ* promptuarium merito  
 appellaveris. Item *Sermones* XXIV. & *Chronicon*  
*breve de Regibus Francorum*. Alter Episcopus *Carn-*  
*notensis* *Joannes Saresberiensis* ex Anglia quiden-  
 oriundus, sed in Scholis Parisiensibus per multo  
 annos divinis scientiis instructus varia composuit  
 Opera, in primis egregium suum, & à viris peri-  
 tis tantoperè laudatum Opus de *Nugis Curialium*  
 seu *Polycraticum*, quod dicavit Sancto *Thomæ Can-*  
*tuariensi* adhuc ejusdem Ecclesiæ Archidiacono  
 Regisque Angliæ Cancellario. Passionem ejusdem  
*S. Thomæ Cantuariensis Archiepiscopi* ab eodem  
*Joanne Saresberiensis* descriptam, cujus memini-  
*Nangius* in *Chronico* ad annum MCLXXX. dicit,  
 vidisse MS. in Bibliotheca Regalis Montis Ord-  
 nis Cisterciensis *Casimirus Oudin* in *Supplemen-*  
*to de Scriptoribus Ecclesiasticis*, ubi etiam Cata-  
 logum aliorum Operum, quæ edidit *Ioannes Saresb-*  
*riensis*, accuratè exhibet. *Joanni Saresberiensis* in  
 Sede Carnotensi successit anno MCLXXX. *Petri*  
 vulgò *Cellensis* nuncupatus, qui primùm Monaste-  
 rii *Cellæ* in suburbio Tricassino, & postea cæn-  
 obii *S. Remigii Remensis*, Ordinis Benedictini  
 Abbas fuit. Scripsit varios Sermones, *Epistola-*  
*rum* libros novem, librum De *Panibus* ad *Joan-*  
*nem Saresberiensis* amicum suum, & alia Ope-  
 ra Ascetica, de quibus legendus est *Casimiri*  
*Oudin* loco mox à me laudato. His tribus pe-  
 doct



leis Ecclesiæ Carnotensis Episcopis, quatuor  
 milites, qui duodecimo sæculo in Galliis flo-  
 runt, addere non pigebit, videlicet *Hil-  
 delbertus*, *Guillelmum Campellensem*, *Arnulphum*, &  
*Johannum*, quorum Opera hic breviter indicabo.  
*Hilbertus* Cenomanensis Episcopus, & post obi-  
 tum *Gilleberti* Archiepiscopi Turonensis, ad eam  
 Metropolim anno mxxv. translatus, eruditione  
 & pietate inter Præsules ævi sui celebris fuit, ac  
 inter varia ab ipso edita Opera, quæ a *Labbeo*  
 numerantur, plures ejus Epistolæ Tomis VI. &  
 XII. *Spicilegii Dacheriani*, & una illius Epistola  
 Tomo I. *Analectorum Mabillonii* editæ sunt. *Guil-*  
*elmus à Campello* Oppido *Briegii* haud procul Me-  
 tuno, ubi natus erat, *Campellensis* dictus, &  
 Ecclesiæ Parisiensis Archidiaconus factus, magna  
 celebritate Dialecticam Parisiis publicè docuit.  
 Dein, Canonîcorum Regularium Institutum pro-  
 fecit, Cænobio S. *Victoris* in suburbanis urbis Pa-  
 risiensis initium dedit. Denique Episcopus Ca-  
 notensis anno mxxiii. renunciatus est, ut fidem  
 præstat *Albericus* in suo *Chronico*. De Scriptis *Guil-*  
*elmi Campellensis* legendus est *Casimirus Oudinus* in  
*Supplemento de Scriptoribus Ecclesiasticis*. Extat in  
*Bibliotheca Patrum Editionis Lugdunensis Tomo*  
*II. Dialogus* ab eodem *Guillelmo Campellensi* edi-  
 tus, in quo Christianus, & Judæus de Religione  
 disputant. *Arnulphus*, Sagiensis primùm Archi-  
 diaconus, ac deindè Lexoviensis Episcopus, com-  
 posuit Tractatum de *Schismate Petri Leonis orto*  
*papa Honorii II. Papæ decessum*, in quo ait, se nihil  
 scivisse, quod nō vel ipse cognoverit, vel ab *Au-*  
*gustino* probabili non habuerit, vel quod saltē fama

publica non affirmet. Hunc de *Schismate* Tractatum publicavit *Lucas Dacherius* Tomo II. *Spicilegii* Scripsit etiam idem *Arnulphus* varias variis de causis Epistolas, Conciones plures, & Epigrammata, quæ extant in Bibliotheca Patrum Tomo XXII. *Stephanus* Abbas Sancti *Euurti* Ordinis S. Augustini in urbe Aurelianensi, & postea ad Abbatiam Parisiensem Sanctæ *Genovefæ*, quæ per plures annos summa cum laude rexit, translatus; tandem ad Episcopatum Tornacensem promotus, edidit Sermones 31. qui extant MSS. in Bibliotheca Tornacensi Sanctæ *Genovefæ*. Commentarium etiam adornavit in *Decretum Gratiani*, quod habetur MS. in Bibliotheca Sancti *Victoris* Parisiensis. Scripsit quoque Epistolas cclxxxvii. quæ Parisiis anno MDCLXXXII. præmissâ Authoris vitæ novæ Editionis honore donavit, Notisque illustravit Pater *Claudius du Moulinet* Congregationis Gallicanæ Canonorum Regularium Vir eruditus. De Scriptoribus Gallis non plura impræsentiarum dicam, quia de Abbatibus, præsertim de S. *Bernardo* Clarævallensi, de Monachis, & de his, qui de Theologia Scholastica, vel Jure Canonico in Galliis sæculo duodecimo ediderunt, commodius suo loco, idest, tam in quinta, quam in sex Classe Scriptorum 12. sæculi sub finem hujusce nostri colloqui differemus.

D. In secunda Classe duodecimi sæculi Scriptorum complures laudasti Anglos, qui vel Historiam universalem, vel suæ Gentis Annales litteræ consignarunt; nunc in hac quarta Virorum eisdem sæculi illustrium classe ceteros Scriptores Anglos, qui varias ediderunt lucubrationes, & Sa  
ait

etatis famâ celebriores fuerunt , in medium pro-  
ferre debes •

M. Anglorum , qui duodecimo sæculo do-  
ctrinâ & pietate insignes fuerunt , unus instar om-  
nium est Sanctus *Thomas* , Londinensis , Archidia-  
conus primùm Cantuariensis, deindè Angliæ Can-  
cellarius ab *Henrico II.* Rege creatus , tandem Ar-  
chiepiscopus Cantuariensis , Ecclesiasticæ liberta-  
tis vindex & assertor intrepidus , pro qua exilium  
petiit , mortemque generosè oppetere promeritus  
est . Gravissima inter *Henricum* Angliæ Regem hu-  
jus nominis *II.* & Sanctum *Thomam* Cantuarien-  
sem Archiepiscopū exarsit discordia, quæ ex eo po-  
tissimum enata est , quòd Sanctus ille Antistes præ-  
dictam consuetudinem , quâ Rex Episcoporum ele-  
ctiones consultò procrastinabat , ut vacantium Ec-  
clesiarum fructibus in Fiscum redactis diutiùs frue-  
retur , vehementer improbaverit , quòdque Rex  
Clericos contra Ecclesiastica privilegia ad sæcula-  
ria judicia vocari juberet. His pravis inolitis con-  
suetudinibus cùm assentiri nollet Sanctus *Thomas* ,  
exasperavit animum Regis , qui Regni sui Episco-  
pos convocavit, coràm quibus Sanctus *Thomas* Ec-  
clesiasticam libertatem, & Clericorum jura strenuè  
propugnavit . Postulati à Rege Episcopi , an vel-  
lent avitas consuetudines observare? responderunt  
se condicito se velle quidem Regis & Regni con-  
suetudines observare , sed *salvo ordine suo & jure*  
*ecclesiæ* . At cùm Regi non placeret hæc obedi-  
entiæ restrictio, iratus è Concilio discessit, ac postri-  
mè munitiones & honores Archiepiscopi , dùm  
Cancellarii officio fungeretur , commissos ab ipso  
petiit , recepitque , & hinc terror omnium ani-



mos invasit. Affirmarunt aliqui Episcopi, occasione unius verbuli Statum Regni non esse convellendum. Alii suaserunt, Regiæ voluntati esse consentiendum, cum præsertim Rex Cardinalibus promississet, se nulla in re Ecclesiæ jura labefactaturum. Horum itaque Episcoporum gravitate motus, & precibus flexus Sanctus Thomas, se Regias consuetudines bonâ fide observaturum promisit, ac reverrà solemni juramento confirmavit in Concilio Clarendonensi habito anno MCLXIV., verùm, paulò post facti pœnitens, lapsum suum agnovit Sanctus ille Antistes, & de vulnere, quod ecclesiasticæ libertati intulerat, absolutionem ab *Alexandro III.* Pontifice Maximo petiit & impetravit. Quod ubi rescivit *Henricus* Rex, vehementer indoluit, & tractos in partem Episcopos apud *Northamptoniam* an. MCLXIV. convocavit, ubi Aulici Episcopi in Concilio congregati, & regiæ voluntati turpiter obsequentes, *S. Thomam* damnarunt, & omnia ipsius bona mobilia Regio Fisco addixerunt. Adversus tam iniquam sententiam ætutùm reclamavit *S. Thomas*, ad Sedem Apostolicam appellavit, & ut periclitanti vitæ suæ consuleret, secessit in Belgium, indèque ad Regem Christianissimū *Ludovicum VII.* confugit, qui ipsum benignè & honorificè suscepit, seque pacis sequestrem inter eum & Anglorum Regem interposuit. Hinc Colloquium Regis *Henrici* cum Sancto Archipræsule decretum est. *Thomas* ad pedes Regis Angliæ procidit dicens: *Totam causam, undè inter nos orta est dissensio, tuo committo arbitrio, honore salvo Dei.* Tùm ad Regem Francorum conversus *Henricus* Rex, ait: *Domine mi, attende, si placet, quidquid ipsi displicuerit, dicet*  
hono-

honoris Dei esse contrarium, & mea omnia sibi vendidit. Sed, ne videar honoris Dei, vel sibi in aliquo ille resistere, hæc offero: Quod Antecessorum suorum major & sanctior fecit Antecessorum meorum minimo, & mihi faciat, & quiesco. Nunquam tamen vult Sanctus Thomas hanc à se appositam Clausulam, salvo honore Dei, silentio premere. Longum enim esset recensere omnes Legationes missas tam à Henrico II. Angliæ Rege ad Alexandrum III. Pontificem Maximum, quàm ab Alexandro III. ad eundem Henricum Regem, & omnia minutatim exponere, quæ in Causa Sancti Thomæ Cantuariensis Archiepiscopi tempore ipsius exilii usque ad constantem pacem gesta sunt. Sufficiat hîc dicere, hanc discordiam inter S. Thomam & Henricum II. Angliæ Regem durasse usque ad annum MCLXX. quo, pace trinque compositâ, in Angliam reversus S. Thomas, Sedem suam Cantuariensem recuperavit, quâ tamen diù potitus non est. Denuò quippè apud Henricum II. qui tunc in Normannia erat à quibusdam Prælatibus discordiæ incentoribus accusatus est inquam publicæ pacis perturbator, Episcoporum persecutor, & Regis inimicus. Quibus querimoniis ad iram concitatus Rex, in funestam vocem erupit, omnibus familiaribus suis imprecans, quòd ipsum de uno Sacerdote, Regnum suum ita perturbante, non vindicarent. His vocibus emissis à Principe sui præ ira haud parùm compote extati quatuor impii satellites, mox in Angliam profecti necem Sanctissimo Antistiti in ipsa Ecclesia intulerunt, à qua tamen cæde Henricum II. Angliæ Regem insontem fuisse, nec ei mandato, nec consilio, nec assensu cooperatum esse, ostendimus

in Colloquio primo in Historiam hujus sæculi 12. Epistolas ad diversos scripsit Sanctus *Thomas Cantuariensis* Archiepiscopus, & Martyr, quæ in quinque libros digestæ, unâ cum ejus Vita à quatuor Auctoribus scriptâ, ex MS. Codice Vaticano editæ sunt à Viro doctissimo *Christiano Lupo* Ordinis Eremitarum S. Augustini, & in sacra Facultate Lovaniensi Doctore Theologo,

Non minori Sanctitate ac doctrina antè Sanctum *Thomam Cantuariensem* Archiepiscopum in Anglia præfulsit Sanctus *Anselmus*, qui licet natione Anglus non esset, utpotè *Auguste* propè Alpes in Italiæ, Burgundiæque finibus ortus, nihilominus ex Abbate Cœnobii Beccensis in Normannia, Ordinis Sancti Benedicti, consecratus est anno millesimo nonagesimo tertio, annuente *Vvillielmo II.* Anglorum Rege, Cantuariæ Metropolis Archiepiscopus, eamque summo cum zelo, magno cum labore, scripto, verbo, & exemplo per sexdecim annos rexit, hoc est, usque ad annum mctx. quo plenus meritis & miraculis clarus ad Cœlum migravit. Crebras lites Sanctus *Anselmus* ab initio Pontificatus sui habuit cum *Vvillielmo II.* Anglorum Rege, qui omnia solutâ animi libidine agebat, templa evertebat, & Ecclesias devastabat. Hujus iracundi, nimisque ferocis Regis animum cum suis monitis & adhortationibus delinire haud posset Sanctus ille Antistes, in exteris oras exul abiit, & Lugdunum in Galliis secessit. Indè Romam ab *Urbano II.* Pontifice Maximo accitus, ingenti honore exceptus est, & in Concilio Barenfi contrâ Græcos acerrimè disputavit, & Pontificem contrâ *Vvillielmum II.* Anglorum Regem anathema expedire volen-



ntem suis precibus inhibuit. Mortuo *Vvilhel-*  
*mo II.* Anglorum Rege anno millesimo suprâ cen-  
tesimo, Sanctus *Anselmus* ab *Henrico I.* in Angliam  
vocatus rediit, sed redeuntem alia excepit con-  
roversia, de Hominio videlicet Regi præstando,  
& de ordinandis Episcopis, atque Abbatibus, quos  
ipse *Henricus I.* Angliæ Rex, ejusque frater *Vvilhel-*  
*mus II.* per annulum & baculum investierant.  
Utrumque in suo Regno fieri præcepit *Henricus I.*  
recusavit *Anselmus*, & in Concilio Londini an-  
no MCII. habito laicas Investituras, & conjugia  
Clericorum, quæ id temporis frequentissima erant,  
damnavit. Verum, hæc Investiturarum Contro-  
versia finem habuit in Anglia anno MCVII. quo *Hen-*  
*ricus I.* sororis suæ *Adelæ* Comitissæ Blesensis roga-  
tu cum Sancto *Anselmo* in gratiam rediit, & concor-  
diâ utrinque sancitâ, Rex Investiturâ Episcopo-  
rum, & Abbatum per annulum & baculum cessit.  
Quare Sanctus *Anselmus* Sedem suam Cantuarien-  
sem pacificè deinceps tenuit, & restaurandæ Ec-  
clesiasticæ Disciplinæ, quæ Clericorum conjugii  
hæud parùm fœdata erat, strenuè incubuit. Om-  
nium Sancti *Anselmi* Cantuariensis Archiepiscopi  
Operum Editionem postremam, eamque uberri-  
mam & accuratissimam adornavit Parisiis *Gabriel*  
*Gerberonius* Monachus Benedictinus Congregatio-  
nis Sancti *Mauri* anno MDCLXXV. & genuina ejus  
Opera à spuriiis, adhibitis perdoctis Censuris, se-  
crevit. Vitam Sancti *Anselmi* Cantuariensis Ar-  
chiepiscopi duobus libris scripsit *Eadmerus*, natio-  
ne Anglus, Cantuariensis, Ordinis Benedictini  
Monachus, Sancti *Anselmi* discipulus & Auditor,  
deindè victor, & laborum ac exiliorum indivi-  
duus

duus comes . Complura alia Opera composuit *Eadmerus Sancti Anselmi* discipulus , quæ tam edita , quàm adhuc manuscripta referunt *Baleus*, *Pit-sens* , aliique Scriptores Angli . Sed inter Opera *Eadmeri* præcipuè à Viris eruditis commendatur ea, quam scripsit, *Historia Novorum* sex libris distincta , quæ tempore *Baronii* necdum prodierat , & quam jam citatus *Gabriel Gerberonius* cum *S. Anselmi* Operibus edidit . In hac *Historia Novorum* describit *Eadmerus* rerum mutationes insolitas, quæ suis temporibus in Anglia contigerunt , & in hoc potissimum versatur , ut ea , quæ inter Reges Angliæ & Sanctum *Anselmum* Cantuariensem Archiepiscopum gesta sunt, inconcussâ veritate designet . Quatuor etiam Opuscula , quæ olim Sancto *Anselmo* inscripta inter Opera ejus delitescabant , videlicet *de Excellentia Beatæ Mariæ Virginis* -- *De quatuor Virtutibus, quæ fuerunt in Beata Maria Virgine* . *De Beatitudine Cœlestis Patriæ* -- *De similitudinibus Sancti Anselmi* , hæc, inquam , quatuor Opuscula *Eadmero* discipulo Sancti *Anselmi* vindicavit, & sub illius nomine edidit *Gabriel Gerberonius* ad calcem Sancti *Anselmi* Operum . Non defuerunt alii Scriptores Angli , qui duodecimo Ecclesiæ sæculo doctrinâ & pietate conspicui fuerunt , quia tamen monasticam vitam professi sunt , de illis , eorumque Operibus in sequenti Classe , quæ erit quinta Virorum illustrium duodecimi sæculi, commodius agemus .

D. In hac quinta Illustrium duodecimi sæculi Scriptorum Classi, quæ illos omnes complectitur , qui in diversis Orbis Nationibus monasticæ vitæ cultores extiterunt ; primum locum obtine-

de debent Abbates, qui doctrinâ, vitæque sancti-  
oniam ceteris antesteterunt. Deindè, sequetur Mo-  
achi, qui eodem 12. sæculo pietatis & eruditionis  
vide in variis Orbis regionibus claruerunt. Re-  
cente itaque in primis præclara Gesta & Opera Ab-  
batum, qui duodecimo sæculo scientiâ cum vitæ  
sanctitate conjunctâ magnum Ecclesiæ splendorem  
contulerunt.

M. Inter omnes Abbates, qui duodecimo  
sæculo doctrinâ & pietate floruerunt, nullus fuit  
aut Sanctitate illustrior, aut doctrinâ purior, aut  
in scribendo elegantior, aut in Ecclesia auctoritate  
major Sancto *Bernardo* natione Gallo, & Monaste-  
rii *Claravallensis* in Territorio *Lingonensi* Abbate  
vigilantissimo. Is quippè pro restaurandis & am-  
pliandis Ecclesiæ rebus multa itinera & labores su-  
cepit, sæpiusque ad Principes Christianos Legatio-  
nes obiit, quibus pietatis & religionis causâ su-  
ceptis magno animi studio ac felici exitu perfun-  
ctus est. *Petrum Abaelardum* in Concilio *Senonensi*, *Gilbertum Porretanum* Episcopum *Pictavien-*  
*sem* in Synodo *Remensi* convicit. *Henricum* Hære-  
ticum, *Petri de Bruis* discipulum, confutavit. *Guil-*  
*elmum IX.* *Aquitaniæ Ducem* ad meliorem frugem  
reduxit & ex Schismatico Principe, Principem ob-  
sequantissimum Ecclesiæ fecit. Ad sedandum *Petri*  
*Leonis* schisma multa gessit, scripsit, aut dixit tam  
in Concilio *Stampis* in *Galliis* coacto an. *mcxxx.*  
quàm in Concilio *Pisano* anno *mcxxxiv.* habito.  
*Innocentium II.* maximè juvit, tantùmque rationum  
vi apud *Antipapam*, *Victorem IV.* dictum, valuit,  
ut exutis ille vestibus Pontificalibus *Innocentium*,  
legitimum Pontificem adierit, & pacem petierit,  
quam



etiam obtinuit . Ecclesiam Mediolanensem tumultuantis populi factione turbatam oratione , miraculis , & eloquio pacavit , atque Ecclesiæ reconciliavit mellifluus ille Doctor . Sanctitatem ac disciplinam adversus dissolutos mores incomparabili studio & ardore defendit . Litteris undequaque missis , & Sermonibus ad Principes , populumque habitis ita omnes ad recuperandam Terram Sanctam animavit , tantæque authoritate usus est , ut *Conradum* Romanorum Imperatorem , *Ludovicum VII.* Galliarum Regem , *Theodoricum* Flandriæ Comitem , & *Henricum* Blesensem , aliosque Orbis Christiani Magnates monitis suis excitatos ipse manu propriâ Cruce signarit , totque Cruces , maxime dum in Galliis *Cruciatam* anno *MCXLVI.* prædicaret , populo expetenti distribuerit , ut *cum earum fascem preparatum seminasset potius , quàm dedisset , coactus sit vestes suas in Cruces scindere & seminare , sicut testatur Odo de Diogilo* Monachus Sancti Dionysii , & in Abbazia ejusdem Monasterii *Sugerii* successor , qui septem libellos edidit de *Ludovici VII.* Galliarum Regis profectioe in Orientem , quos *Petrus Franciscus Chiffletius* in asserto genere *Illustri Sancti Bernardi* è tenebris eruit . Multa egregia Opera scripsit Sanctus *Bernardus* , in quibus Laicos , Monachos , Clericos , Abbates , Episcopos , ipsos quoque Summos Pontifices in *Eugenio III.* quondam discipulo suo , ad quem libros quinque *De Consideratione* direxit , eruditè , facundè , solidè & piè docet , instruit , informat , & omnibus congrua sanctioris vitæ documenta præbet : *Modus docendi ejus* , inquit noster *Sixtus Senensis* , *in sensibus mysticis indagandis , & in moribus formandis*

è *semper versatur*. *Oratio ubique dulcis & ardens, delectat, & ardentè incendit, ut ex suavissima* *gua ejus mel & lac verborum fluere, & ex ardentissimo ejus pectore ignitorum affectuum incendia* *mpere videantur.* Opera Sancti Bernardi genuina sunt, teste Bellarmino in lib. *De Scriptoribus Ecclesiasticis*, quæ Gaufridus discipulus Sancti Bernardi & alumnus, ejusque Vitæ Scriptor Historicus censet libro 3. Vitæ ipsius cap. ultimo, Verùm, quina Sancti Bernardi Opera à supposititiis nec certiùs distinxit ac secrevit, vel de iis doctiùs indicavit, quàm Clarissimus Joannes Mabillonius in castigatissima S. Bernardi Operum Editione anno MDCLXVI. Parisiis publicata, & digesta in duobus volumina, in quorum primo genuina Opera reponit, in altero Volumine reponit dubia & spuria, Sancto Bernardo perperam adscripta. Plures etiam eisdem Sancti Doctoris Epistolas & Tractatus è MSS. Codicibus depromptos, hætenùs ineditos, in lucem emisit, & Observationes pro more suo doctissimas inseruit.

Sub initium duodecimi sæculi floruit *Rupertus* Abbas Monasterii Tuitiensis, quod à Sancto *Riberto* Colonienfi Archiepiscopo constructum est in regione Civitatis Coloniae Aggrippinae juxta Benenum. Fuerat *Rupertus* antea Monachus Cœnobii Sancti Laurentii in Monte Leodii, sicut testatur *Renerus* ejusdem Cœnobii Monachus in libro *De Viris illustribus sui Monasterii*. Multa Opera composuit *Rupertus* Abbas, inter quæ potissimum commendantur libri 12. *De Divinis Officiis*, quos ejus genuinum foetum esse malè à quibusdam negari,

gari, luculenter demonstrat *Gabriel Gerberonius* in doctissima & uberrima *Apologia*, quam pro *Ruperto* concinnavit. Nonnulli moderni Scriptores secuti *Baronium* in *Annalibus* ad annum *MCXI.* & *Bellarminum* in libro *De Scriptoribus Ecclesiasticis* gravissimum errorem circa Sacramentum Eucharistiæ *Ruperto* impingunt, asserentes, eum hypostaticam panis & vini Eucharistici cum Verbo Divino unionem admisisse. Verum, quamvis negare haud possit, *Rupertum* durioribus & obscuris suis locutionibus huic opinioni locum dedisse, adeò ut hæretici eum inter suos connumerare minimè dubitent: illum tamen ab hoc errore fuisse prorsus alienum evincunt viri eruditi, non solum, quia nullus veterum ad posteriora usque tempora hanc erroris notam *Ruperto* inussit, etsi multos æmulos habuerit; sed etiam, quia in epistola Nuncupatoria libris 12. *De Divinis Officiis* præfixâ, & passim in iisdem libris Berengarianam hæresim clarè oppugnat *Rupertus*, suamque mentem Catholicæ fidei apprimè consentaneam explicat asserendo, *panem & vinum mutari & converti in Corpus & Sanguinem Christi*. Qui certè loquendi modus hypostaticam Verbi Divini cum pane Eucharistico unionem penitus excludit, non secus ac ille, qui his utitur vocibus: *Natura humana in Christo conversa est in Verbum Divinum*, apertè censeretur negare unionem hypostaticam Verbi Divini cum natura humana. Sed plura ad vindicandum ab hoc errore *Rupertum* legis apud *Gabrielem Gerberonium* lococitato, & apud *Natalem Alexandrum* tomo 6. *Historiæ Ecclesiasticæ*, art. 8. cap. 6. *De Scriptoribus XII sæculi*.



Inter insignes Abbates, qui duodecimo Ecclesiæ sæculo doctrinâ & pietate claruerunt jure merito censendus venit *Goffridus* natione Gallicus, patriâ Andegavensis, Cœnobii Vindocinensis, Ordinis Benedictini, Carnotensis Diœcesis, Abbas, & B. Priscæ Cardinalis. Is quippè *Urbano II.* *Aschali II.* & *Callisto II.* charissimus fuit, & Sedi apostolicæ ita addictus, ut pro ejus utilitate ac defensione duodeciès Alpes transcenderit, ac ter ejus adversariis captivus ductus fuerit. Epistolarum libros quinque, Sermones undecim, & Tractatus octodecim scripsit, ex quibus quantum fuerit in sacris studiis, & Canonibus exercitatus, facile judicari potest. Inter ejus epistolas una est præ ordine quadragesima septima extat libro quarto, ad *Robertum de Arbrifello* Ordinis Fontis *Boraldi* fundatorem, quæ his verbis monet *Goffridus* Abbas Vindocinensis: *fœminarum quasdam, ut dicitur, nimis familiariter tecum habitare permittis, quibus privata verba sæpius loqueris, & cum ipsis etiam inter ipsas noctu frequenter cubare non erubescis.* . . . Hoc si modo agis, vel aliquandò egisti, novum inauditum, sed infructuosum genus Martyrii invenisti. Hanc ad *Robertum de Arbrifello* epistolam non de legitimam *Goffridi* Vindocinensis Abbatis prolem credidère *Sirmondus* editor epistolarum ejusdem *Goffridi*, *Bollandus* in Commentario prævio vitam B. Roberti de Arbrifello, & *Joannes à Janu Firma* Fontebraldensis Monachus in Dissertatione duplici de Epistola contra B. Robertum de Arbrifello conficta. Verùm, periti alii Critici hanc epistolam scriptam ad *Robertum de Arbrifello* vivcant *Goffrido* Abbati Vindocinensi, tum quia le-

gitur in antiquissimo Codice MS. Cenomanensi eadem manu scripta, quâ cæteræ ejusdem Abbatis epistolæ, ut testatur *Sirmondus*; tum quia etiam *Mabillonius* in Musæo Italico tomo 1. pag. 59. loquens de Bibliotheca Reginae Sueciæ, asserit se illam ea vidisse Codicem complectentem epistolas *Goffridi* Abbatis Vindocinensis, ipsius ætate scriptum & has inter epistolam ad *Robertum de Arbrifello* cujus nomen solâ primâ litterâ R. designatur. Ait etiam idem *Mabillonius* pag. 164. se vidisse Florentiæ in Bibliotheca S. Crucis, (quæ FF. Minorum Conventualium domus est) Codicem MS. ætate *Goffridi* Abbatis exaratum, in quo inter ejus epistolas ea reperitur, quæ scripta est ad *Robertum de Arbrifello*. Quamobrem, negari non potest, hanc epistolam ad *Robertum de Arbrifello* verè à *Goffrido* Abbate Vindocinensi fuisse scriptam, quæ tamen officere non debet famæ & inculpatae vitæ *Roberti de Arbrifello*, qui, ut ostendimus in sequenti Colloquio, Galliam & universam Ecclesiam sanctitatis illustravit, & Apostolicis ædificavit virtutibus. Hanc siquidem epistolam scripsit *Goffridus* falsis delusus rumoribus à malevolis in *Robertum de Arbrifello* temerè in vulgus sparsis. Quod sanè mirum nemini videri debet, cum ipsemet *S. Bernardus* Clarævallensis Abbas factioni adversus Sanctum *Willelmum*, electum & consecratum Archiepiscopum Eboracensem in Anglia innocenter adhæserit, & infontem præsulatu mulctari curaverit. Mortuo siquidem Archiepiscopo Eboracensi, par major *Willelmum* Thesaurarium elegit Episcopum, & *Henricus* Vintoniensis Episcopus, Sanctæ Sedis Legatus, illum consecravit. At *Osberto* Ar  
chi

diacono ejusdem Ecclesiæ, homine turbulento  
 actioso, intercedente, variæ per Angliam ad-  
 sùs *Willelmum* sparsæ sunt criminationes, quæ  
*Bernardum* seduxerunt, effeceruntque ut Sanctus  
 Doctor adversùs *S. Willelmum* scriberet ad  
 mmos Pontifices *Innocentium II.* *Cælestinum II.*  
*ium II.* & *Eugenium III.* eumque Sanctum Ar-  
 præfulem appellaret in suis epistolis *Idolum*,  
*Eboracense*, *pestem communem*, *servum nequam*, &  
*um* in Sedem Eboracensem *non per ostium*, *sed*  
*te* *ut ajunt*, *sarculo intrusum*. Et tamen tunc  
 glia sanctiorem Præfulem *Willelmo* Eboracensi  
 habebat, neque majori apud alios multos vi-  
 piissimos existimatione pollentem. Undè pa-  
 magnos ac pios viros falsis relationibus quan-  
 que decipi, & trahi in sententias à veritate alie-  
 Sed sicut criminationes adversùs *Willelmum*,  
 oracensem Archiepiscopum excogitatæ non  
 medierunt, quominùs *Honorius III.* Pontifex Ma-  
 nus eum Sanctorum Catalogo adscripserit, ita  
 epistola *Goffridi* Abbatis Vindocinensis ad *Ro-*  
*um de Arbrifello*, quæ falsos dumtaxat rumores  
 alevolis sparsos continet, nullū sanctitati, mo-  
 que innocentix *Roberti de Arbrifello* præjudi-  
 in inferre debet, ut fusiùs ostendemus in Collo-  
 to sequenti.

Cæteros Abbates, qui duodecimo sæculo va-  
 in locis eruditionis laude conspicui fuerunt,  
 acis hìc indicabo. Floruerunt sub initium duo-  
 mi Ecclesiæ sæculi *Ingulphus*, *Franco*, & *Beren-*  
 os, quorum primus, seu *Ingulphus*, fuit patriâ  
 dinensis, & Abbas Croylandensis, qui sui Cœ-  
 cui scripsit Historiam, cui tamen varia à Regi-



bus Angliæ gesta intexuit. Hæc Historia *Ingulphi*, quam continuavit *Petrus Blesensis*, cum aliis Rerum Anglicarum Scriptoribus edita est à *Savilio* Londini anno MDXCVI. sed auctior, ac longè correctior prodiit Oxonii anno MDCLXXXVI. supplet Lacunis, & additâ *Petri Blesensis* continuatione, quæ in editione Saviliana deerat. *Franco* fuit Abbas Cœnobii Afflegemensis in Brabantia Ordinis Benedictini, qui scripsit libros 12. de *Gratia Dei*, qui extant tomo 21. Bibliothecæ Patrum. *Berengosus* Abbas S. *Maximi* extra Muros Trevirenses, Ordinis Benedictini, edidit libros tres de *Inventione*, & laude S. *Crucis*, libellum de *Mysterio Ligni Domini*, & Sermones aliquot. Quæ Opera extant in Bibliotheca Patrum. *Anselmus*, Gemblacensis Monasterii Abbas, Chronicon *Sigeberti* ejusdem Cœnobii Monachi continuavit ad annū usq; MCXXXVI. *Rodolphus*, Abbas Monasterii S. *Trudonis*, Ordinis Benedictini in Diœcesi Leodiensi, scripsit Chronicon Monasterii Trudonensis libris 13. quos edidit *Lucas Dacherius* tomo 7. Spicilegii. Item Vitam S. *Lietberti* Episcopi Cameracensis, ab eodem *Lucas Dacherio* editam tomo 9. Spicilegii. Composuit etiam septem libros contra *Simoniacos*, qui extant in Bibliotheca Gemblacensi, & epistolam ad *Sibertum* Priorem Cœnobii S. *Pantaleonis*, qui ab eo quæsierat; An & qua ratione liceat aliquid exigere pro susceptione puerorum in Monasteriis? Prolixam & eruditam *Rodulphi* epistolam ad quæstionem à *Siberto* propositam unâ cum litteris *Siberti* ad *Rodolphum* edidit doctissimus *Mabillonius* Tomo 2. Analectorum.

*Waselinus* cognomento *Momalius*, Cœnobi

S. Lau

*urentii* apud Leodieneses Abbas, scripsit episto-  
 de *Continentia Conjugatorum ante Communio-*  
 , quam evulgavit *Mabillonius* tomo 1. *Anale-*  
 um pag. 339. ubi de legibus continentix Con-  
 alis , quam certis diebus præscribunt Canones,  
 a eruditè observat idem *Mabillonius* . Plures  
 oates doctrinâ & pietate celebres in Gallia duo-  
 imo sæculo extiterunt, quos inter præcipuè emi-  
 t *Petrus Mauritius* Abbas Cluniacensis, *Guillel-*  
 Abbas *S. Theodoric* propè Remos , *Guerricus*  
 acensis Monasterii in Diœcesi Remensi Abbas,  
 oldus Abbas Bonævallis, in Diœcesi Carnoten-  
 Serlo Monasterii *Saviniaci*, quod est in Diœcesi  
 incensi, Abbas ; *Isaac* Abbas *de Stella* in Diœ-  
 Pictaviensi, *Alanus*, Insulensis, Cœnobii Ripa-  
 in Diœcesi Trecenti I. Abbas , *Amedeus* Ab-  
 Altacumbæ in Diœcesi Gebennensi, & *Henricus*  
 nobii Clarævallēsis Abbas electus, quorum scri-  
 hic breviter, quantum fieri poterit, recensebo.  
 rimis , *Petrus Mauritius* in Arvernia ex nobili  
 ere natus , & Abbas Cluniacensis electus anno  
 cxi. morum gravitate , vitæ sanctimonjâ, &  
 ratione eximiâ excelluit, & *Venerabilis* cognomē-  
 appellari promeritus est , quo nomine ab *Inno-*  
 no II. & *Eugenio* II. Summis Pontificibus insi-  
 mur . Eum *S. Bernardus* in epistola 276. ad *Euge-*  
 in III. appellat *Vas in honorem plenum gratiæ &*  
*eratis , refertum plurimis bonis . Virtutis exem-*  
*le, disciplinæ summam , speculum sanctitatis . Scri-*  
*si Petrus Venerabilis Epistolarum libros sex , Tra-*  
*ctatum adversus Judæos : Tractatum adversus Petro-*  
*gnos , libros duos de Miraculis , Sermones qua-*  
*dam Hymnos & Rithmos quosdam, & Statuta Con-*

gregationis *Cluniacensis*, quæ Opera excusa sunt in Bibliotheca Patrum, & recensentur in vita ejusdem Abbatis *Cluniacensis*, quæ extat in *Chronico Cluniacensi*. *Guillelmus*, Ordinis primùm Benedictini & Abbas *S. Theodorici* propè Remos, arctissima necessitudine cum *S. Bernardo Claravallensi* Abbate junctus fuit, cujus post mortem, abdicatâ Præfecturâ, Cisterciensem Ordinem in Monasterio *Signiacensi* professus est, ac multa scripsit Opera, quæ edita sunt tomo 4. Bibliothecæ Cisterciensis. *Guerricus*, *S. Bernardi* Discipulus, & *Igniacensis* Monasterii Ordinis Cisterciensis Abbas composuit piissimos & elegantissimos Sermones, qui extant in Bibliotheca Patrum tomo 23. pag. 169. *Arnoldus*, Abbas *Bonavallis* in Diœcesi *Carnotensi*, Ordinis Benedictini, Sancto *Bernardo*, dùm adhuc in vivis esset, amicissimus fuit, ut liquet ex epistola 310. quam *S. Bernardus* in extremis positus ad ipsum scripsit, ut se ejus precibus commendaret. Scripsit *Arnoldus* Abbas Tractatum de septem verbis Domini in Cruce prolatis: Tractatum de operibus sex dierum, Sermonem de laudibus *S. Mariæ Virginis*. Tractatum de Cardinalibus Christi operibus, qui olim *S. Cypriano* perperam adscriptus fuit, Meditationes varias, quæ Opera in unum collecta, & *Arnoldo* Abbati, eorum legitimo Authori, restituta, prodierunt ad calcem *S. Cypriani* Operum *Oxonii* anno MDCLXXXI I. Scripsit etiâ idem *Arnoldus* Abbas plures epistolas, & Auctor est libri secundi de *Vita S. Bernardi*, ut demonstrat doctissimus *Mabillo-nius* in suis Notis ad epistolas *S. Bernardi* pag. 154. *Serlo* Abbas Monasterii *Saviniaci*, quod in Diœcesi *Abrincensi* in Galliis situm est, Ordinis Benedicti-



ni Sancto *Bernardo* familiaris fuit , eique, ac Cœnobio Clarævallenſi Ordinis Cisterciensis non ſolum Monasterium *Saviniacum*, cui Præpoſitus erat, ſed etiam triginta alia , quæ ipſi velut Ordinis Caput parebant, tradidit ac perpetuò addixit . Poſt ortum *S. Bernardi* ad Cœnobium Clarævallenſe ſeulo, abdicato regimine, ſeceſſit, ubi piè obiit, & Sermones à ſe conſcriptos reliquit , quos tomo 6. Bibliothecæ Cisterciensis publicavit *P. Bertrandus Tſſier* . Varios itidem Sermones compoſuit *Iſaac*, Cisterciensis Ordinis Monachus , tum Abbas de *Silla*, quos unà cum ejusdem Abbatis libro de *Animæ*, & epistolâ ad *Joannem* Episcopum Piſtavienſem mox citatus *Bertrandus Tſſier* edidit tomo 6. Bibliothecæ Cisterciensis . *Alanus* , patriâ Inſulanus , ac ſubindè Gallo-Flander, in Cœnobio Clarævallenſi vitam Monasticam profeſſus , poſtea Cœnobii *Ripatorii* recens in Diœceſi Trecenſi conſecti primus Abbas fuit , indè tamen educus, ad Epiſcopatum Antiſiodorenſem provectus eſt . Sed cum huic Eccleſiæ per tredecim annos præuiſſet, Epiſcopatui , de licentia Sedis Apoſtolicæ , nuncium remiſit, & ad ſuam *Claramvallem* reverſus eſt. Multa elucubravit Opera , de quibus legendus eſt *Henricus de Gandavo* in libro de *Scriptoribus Eccleſiaſticis* cap. 21. Vitam *S. Bernardi* ab eodem *Alano* ſcriptam in lucem emiſit , & editioni ſuæ Operum Sancti *Bernardi* præfixit *Joannes Mabillonius* anno MDCLXVI. *Amedeus* non longè à Vienna in Gallicæ illuſtri familia oriundus , Ordinis Cisterciensis Monachus , ac *S. Bernardi* apud *Claramvallem* Diſcipulus fuit , exindè Abbas Altacumbæ in Diœceſi Gebennenſi, ac demùm Epiſcopus Lauſa-

nenſis conſecratus , & à *Friderico I.* Imperatore Cancellarius Imperii renunciatus eſt . Compoſuit octo Homilias de *Laudibus B. Mariæ Dei-paræ*, curâ *Richardi Gibboni* Soc. Jeſu editas Audomari anno MDCXIII. ac deindè inſertæ fuerunt ad calcem *S. Leonis Operum* Lugduni MDCXXXIII. & in Bibliotheca Patrum tomo 20. pag. 1262. *Henricus* Abbas Claravalleniſis electus , & à *Clemente III.* Pontifice Maximo Cardinalis Episcopus Albanenſis creatus , miſſuſque in Gallias Legatus adverſùs hæreticos Albigenſes , ſcripſit librum de *Peregrinante Civitate Dei*, & aliquot epiſtolas , quæ unâ cum epiſtolis *Petri* Abbatis itidem Claravalleniſis , & Sermonibus *Garrerii*, qui *Petro* in Præſectura Claravalleniſi ſucceſſit, editæ ſunt tomo tertio Bibliothecæ Claravalleniſis. Ex tot eruditis juxta ac piis Abbatibus , qui duodecimo Eccleſiæ ſæculo Claravalleniſi Cœnobio præfuerunt , facile intelligere potes , Ordinem Cisterciensem eâ ætate in Galliis maximè flouriſſe .

Angliam tres inſignes Ordinis Cisterciensis Abbates duodecimo Eccleſiæ ſæculo illuſtrarunt, videlicet *Gillebertus*, *Ælredus*, & *Baldwinus* cognomento *Devonius* , quorum primus , ſeu *Gillebertus de Hoilandia* ſub *S. Bernardo* Cisterciensis Ordinis Monachus, tum *Svinscherenſis* Abbas in agro Lincolnienſi, magnus fuit *S. Bernardi* æmulator, & elegantiffimos quadraginta octo Sermones in tria libri *Cantici Canticorum* Capita ſcripſit , ibi incipiens, ubi *S. Bernardus* ſcribendi ſimul & vivendi finem fecerat, qui unâ cum epiſtolis quibuſdam, & Aſceticis ejuſdem Abbatis Diſſertationibus extant in

Appendice Operum S. Bernardi editionis P. Mallonii tomo 4. Alia opera edidit Gillebertus, quæ refert Joannes Pitseus lib. de Illustribus Scriptoribus Angliæ. Alter, seu Ælredus natione Anglus, Ordinis Cisterciensis Monachus, & Abbas Rievallensis Eboracensi Diœcesi, scripsit Sermones xxxi. Oneribus Isaïæ, aliosque variis de argumentis & solemnitatibus Sanctorum: Speculi Charitatis libros tres: Libros totidem Dialogorum Spirituali Amicitia: Tractatum de Jesu Puero prodenni, & alia nonnulla Opera, quæ refert Pitseus lib. de Illustribus Angliæ Scriptoribus. Tertius, Balduinus, cognomento Devonius, oxoniæ in Anglia natus, Cænobii Fordensis, Ordinis Cisterciensis, Abbas, tum Vigorniensis Episcopus, ac tandem Archiepiscopus Cantuariensis, edidit Tractatum De Sacramento Corporis & Sanguinis Domini, quosdam alios libros, quos collegit ac publicavit, Bertrandus Tissier Tomo V. Bibliothecæ Cisterciensis anno MDCLXII. Hic prætermittere haud solum duos alios eruditos Abbates, qui duodecimo sæculo in Anglia claruerunt, quamvis ex Anglia oriundi non fuerint. Primus est Gilbertus, de Gislebertus cognomento Crispinus patriâ Normannus qui in Beccensi Cænobio, unâ cum S. Anselmo Monasticam vitam egit, ac postea Westmonasteriensis in Anglia factus Abbas, celebrem Disputationem, quam cum Judæo quodam Mogunnico de Christianæ Religionis veritate olim haberat, litteris mandavit, & in Dialogi formam redegit sub hoc titulo: de Fide Ecclesiæ contra Judæos. Hoc Gilberti Abbatis Opus, quod Gabriel Berberonius inter Opera S. Anselmi anno MDCLXXV.

inte-



integrum inseruit, perperam nonnulli confundunt cum alio libro, qui inter S. *Augustini* Opera extat sub titulo; *Altercatio Synagogæ & Ecclesiæ*. Alia ejusdem *Gilberti* Abbatis Opuscula memorant *Balaus*, & *Pitseus* lib. de *Illustribus Angliæ Scriptoribus*. Alter Abbas, qui Angliam eruditione suâ illustravit, quamvis natione Anglus non esset, fuit *Hugo* Gente Gallus, patriâ *Ambianensis*, qui *Radingæ* in Anglia primus Abbas factus est, dein Archiepiscopus *Rotomagensis* creatus. Scripsit tres libros contra Hæreticos sui temporis, sive de *Ecclesia & ejus Ministris ad Albericum Ostiensem Episcopum Sedis Apostolicæ Legatum*, quos *Lucas Dacherius* ad calcem Operum *Guiberti Novigentini* Abbatis edidit.

In Germania floruerunt *Ekbertus* S. *Florini* *Sconhauiensis* Abbas, *Elizabetha* ejus soror *Abbatissa Sconhaugensis* in *Diœcesi Trevirensi* Ordinis *Benedictini*; & *Hildegardis* *Monasterii S. Ruperti* in *Monte ad Bingam Moguntinæ Diœceseos* propè *Rhenum* fluvium *Abbatissa*. Sermones tredecim contra *Catharos* composuit *Ekbertus* Abbas, & vitam *Elizabethæ* *Abbatissæ* sororis suæ, cujus extant *Visionum*, seu *Revelationum* libri tres, & *Epistolarum* liber unus, typis impressi *Coloniæ* anno *MDXXV* III. *Hildegardis* *Abbatissa* sanctitate & divinis *Revelationibus* illustris fuit, quas scripto traditas *Eugenius III.* Papa, & primores *Germaniæ* & *Galliæ* *Episcopi* ac *Abbates*, in quibus S. *Bernardus*, examinarunt atque probarunt. Nec solum *Eugenius III.* sed etiam *Anastasius IV.* & *Hadrianus IV.* Summi Pontifices *Hildegardim* suis *Epistolis* honorarunt, ejusque orationibus se ac Romanam

nam Ecclesiam commendarunt. Scripsit tres Revelationum libros, plurimas Epistolas, librum scriptum *Scivias*, idest *de scientia viarum Dei*, et alios Tractatus, quos *Trithemius* Abbas lib. *de viris Illustribus Ordinis Sancti Benedicti* cap. xix. & lib. *De Scriptoribus Ecclesiasticis* commemorat.

Denique, in Belgio, præter *S. Norbertum*, præmonstratensium Ordinis Institutorem sanctitate & doctrinâ illustrem, de quo in sequenti Colloquio differendi sese opportunior dabit occasio, præfulsit *Philippus* ejusdem Præmonstratensis Ordinis Canonicus Regularis, & Monasterii *Bonæ Spei*, primo lapide à *Binchio* Hannoniæ oppido siti secundus Abbas. Scripsit Commentaria in *Cantica anticomum*, librum *De lapsu primi hominis & damnatione Salomonis*, libros tres *De Clericorum dignitate, scientia, continentia* &c. Vitas aliquot Sanctorum Selectorum, varias Epistolas, nonnullaque Poemata, & alia Opuscula, quæ *Nicolaus Chamars* Abbas *Bonæ Spei*, edidit Duaci anno MDCXXI.

D. Longum satis texuisti Illustrium Abbatum duodecimi sæculi Catalogum, veniamus modo ad Monachos, qui eodem sæculo variis in locis aliquâ nominis celebritate claruerunt, & quorum hætenus nullam mentionem fecisti.

M. Septem præsertim Monachi in Galliis doctrinâ & pietate duodecimo sæculo celebres extiterunt, videlicet *Guigo Carthusianus*, *Hugo à Sancto Victore*, *Richardus à Sancto Victore*, *Hervæus*, Monachus Ordinis Sancti Benedicti, *Gaufredus* Monachus *Claravallensis*, *Petrus Pictaviensis*, *Benedictinus*, & *Hugo Pictavinus* Ordinis itidem Benedicti.

nedictini Monachus, de quorum Scriptis breviter hic agendum est. *Guigo* in Delphinatu natus, & quintus Carthusiæ Majoris Prior, scripsit *vitam S. Hugonis Grationopolitani Episcopi*, jubente *Innocentio II.* Pontifice Maximo, cui ipsam nuncupavit. Hanc vitam *Henschenius*, & *Papebrochius* inter Acta sanctorum mensis Aprilis ad diem primum publicarunt. Alia Opuscula edidit *Guigo* Carthusianus, quæ in Supplemento de Scriptoribus Ecclesiasticis enumerat *Casimirus Oudin*, ubi tamen malè ait, Sanctum Hugonem fuisse primum Carthusianorum Fundatorem. *Hugo à Sancto Victore*, Canonicus Regularis Sancti Victoris Parisiensis, vir fuit in divinis Scripturis eruditissimus, & in sæculari Philosophia nulli priscorum inferior, ut ait *Trithemius*. Multa Opera *Hugo à Sancto Victore* eruditione singulari scripsit, quorum indicem texere nimis longum esset. Hic dumtaxat obiter observabo, nonnulla opera *Hugoni Victorino* attribui, quæ tamen non ab ipso, sed ab *Hugone Corbeien*si in Gallia Monacho, *De Folieto* dicto, qui postea fuit S. R. E. Cardinalis, edita fuerunt, sicut testatur *Casimirus Oudin* in Supplemento Scriptorum Ecclesiasticorum, ubi ex MSS. Codicibus à se visis demonstrat, libros quatuor *de Claustro Animæ*, librum *De Medicina Animæ*, aliosque quosdam, *Hugoni Victorino* perperam attributos, vindicari debere *Hugoni* Monacho Corbeiensi, *De Folieto* nuncupato, cujus meminit *Trithemius* in Chronico, & aliqua ejus Opera recenset, inter quæ duo mox à me laudata, & *Hugoni à Sancto Victore* falsò adscripta reperiuntur. *Richardus à Sancto Victore* fuit discipulus *Hugonis à Sancto Victore*, &

quam



quamvis natione Scotus esset, floruit tamen in Galliis ut potè Canonicus Regularis Ordinis S. Augustini in Cænobio Parisiensi, ejusdemque Prior. Eum S. Bernardus in gravioribus Theologiæ difficultatibus consulere solitus erat, extatque Richardi à S. Victore Tractatus *De tribus appropriatis personis ad Bernardum Claravallensem scriptus*. Extat & alius Tractatus ejusdem Auctoris *De Incarnato Verbo ad Bernardum Abbatem Claravallensem*, aliisque sub hoc titulo: *Declarationes nonnullarum difficultatum scripturæ ad Bernardum Claravallensem*. Multa alia perdocta Opera edidit Richardus à S. Victore, quæ recensent Trithemius in Chronico, Bellarminus, & Labbeus lib. *De Scriptoribus ecclesiasticis* & noster Sixtus Senensis lib. 4. Bibliothecæ Sanctæ. Prodierunt Richardi à S. Victore Opera Venetiis anno MDCXXI. & Rothomagi MDCL. Herueus Monachus Dolensis edidit *Commentarium in Epistolas S. Pauli*, qui falsò adscriptus S. Anselmo inter Opera ejus habetur. Extat etiam in Bibliotheca Claromontana, teste Labbeo, prægrandis *commentarius MS. ejusdem Heruei in Isaiam Prophetam ad Joannem Dolensem*. Epistolam Encyclicam, quam scripserunt Monachi Dolenses, & in qua Heruei vita & Scripta continentur, edidit Lucas Pachetius Tomo 2. Spicilegii pag. 514. Gaufridus Monachus Clarevallensis scripsit *Epistolam de rebus in Concilio Remensi in causa Gilberti Porretani Actis*, quæ extat inter Acta Concilii Remensis. Petrus Octaviensis Monachus, Ordinis Benedictini, Petro Venerabili Abbati Cluniacensi Carmen Panegyricum cecinit, & ad ipsum scripsit Epistolam. Auctor est etiam idem Petrus Epiraphii Gelasii II.

Pontificis Maximi. *Hugo Pictavinus*, Ordinis S. Benedicti Monachus cænobii Vezeliacensis, quatuor libris complexus est ejusdem Monasterii Historiam, quæ extat Tomo III. Spicilegii Dacheriani. Hic prætermittere non possum *Drogonem* insignem Monachum, S. Joannis Laudunensis in Galliis Abbatem, qui ab *Innocentio II.* Summo Pontifice Romam vocatus, Episcopus Cardinalis Ostiensis creatus est. Scripsit Sermonem *De Passione Domini*, item librum *De Creatione & Redemptione hominis*, Opusculum *De septem Donis Spiritus Sancti*, & Tractatum *De Horis Canonicis*. Quæ Opera extant in Bibliotheca Patrum.

In Italia duo eximie eruditionis Monachi Cænobii Cassinensis, *Leo* videlicet, & *Petrus* floruerunt. *Leo* gente *Campanus*, & à patria *Marsicanus* appellatus, ad Cardinalitias Infulas à *Paschali II.* Pontifice Maximo evehctus est. Scripsit *Chronicon* Monasterii Cassinensis tribus libris comprehensum à tempore S. Benedicti usque ad *Desiderium* ejusdem Monasterii Abbatem, qui postea Pontifex Romanus electus, *Victor III.* nuncupatus est. Hunc *Leonem Marsicanum* Monachum Cassinensem *Baronius* in Annalibus, & *Possevinus* in Apparatu sacro confundunt cum altero *Leone* Monacho itidem Cassinensi, qui *Urbano II.* fuit ab Epistolis, & Registrum ejus composuit, quique à *Paschali II.* inter Cardinales Diaconos adscriptus est. Verum, sicut jam à viris doctis observatum est, *Leo Marsicanus* Cardinalis, qui *Chronicon* Cassinense tribus libris composuit, & ad mortem usque *Victoris III.* Papæ perduxit, diversus est ab altero *Leone* Cardinali, qui *Epistolarum Urbani II.* Registrum edidit, sicut

ut manifestò demonstrat *Petrus Diaconus* in  
 oro De *Viris Illustribus* cap. 30. ubi de *Leone*,  
 & *Marsicano*, dicit, eum Sanctitate & Monasti-  
 s disciplinis ad plenum imbutum, & in Divinis  
 scripturis apprimè eruditum fuisse. Capite verò  
 sequenti loquens de alio *Leone* Cardinali, affir-  
 mat, eum fecisse *Registrum* Epistolarum *Urbani II.*  
 tumque studio ac eloquentiâ insignem extitisse,  
 statur. Confundi itaque haud debent duo isti  
 ones ejusdem Cænobii *Cassinensis* Monachi, &  
 postea S. R. Ecclesiæ Cardinales. *Chronicon* Cæno-  
 ii *Cassinensis* à *Leone Marsicano* cæptum, & ad  
*Esiderii* Abbatis tempora perductum continuavit  
*Petrus* patriâ Romanus, & Monachus *Cassinensis*,  
 amque continuationem absoluit anno MCXL. Præ-  
 ter istud Opus, innumera alia Opuscula à se con-  
 sta recenset *Petrus* Monachus *Cassinensis* cap. 68,  
 o. 4. *Chronici Cassinensis*, sed præsertim librum  
*viris Illustribus Cænobii Cassinensis*, qui extat To-  
 o XXI. Bibliothecæ Patrum Editionis Parisien-  
 . De Abbate *Joachimo*, qui XII. Ecclesiæ sæcu-  
 in Italia floruit, deque ejus sanctitate & vati-  
 niis, sat superque diximus sub finem Colloquii  
 rtii. Quapropter, breviter hîc annotare sufficiet,  
 obatem *Joachimum* quinque scripsisse libros de  
*Concordia veteris ac Novi Testamenti*, *Psalterium de-*  
*Chordarum*, *Commentaria in Jeremiam* Prophe-  
*am*, in *Isaiam*, & in nonnulla *Capita Nahum*, *Aba-*  
*ec*, *Zachariæ*, & *Malachiæ Prophetarum*, nec non  
 orum adversùs quamdam *Petri Lombardi* Opinio-  
 um, qui in Synodo Lateranensi IV. sub *Innocen-*  
 o III. damnatus est. Plurima alia Abbatis *Jo-*  
*imi* Scripta recenset, & MSS. extare refert *Caro-*  
*lus*



*lus Du Vifch* in Bibliotheca Scriptorum Cisterciensium pag. 172.

Infinitus profectò essem, si hìc sigillatim recensere vellem alios Monachos, qui XI. s.culo doctrinæ & pietatis laude claruerunt, quique Vitas, Miracula, & Gesta Sanctorum scripserunt. Iis itaque referendis, brevitatis ergò, supersedebo, totumque Illustrium XII. s.culi Monachorum agmen claudet *Algerus*, primùm Leodiensis Canonicus, indeque spreto s.culo Cluniacensis Monachus, qui tres libros *De Sacramento Corporis & Sanguinis Domini adversus Berengarium* edidit, & extant in Bibliotheca Patrum tomo 21. pag. 251. Scripsit etiam *Algerus* Tractatum *De Misericordia & Justitia*, cujus Præfationem doctissimus *Mabillonius* publicavit tom. 1. Analectorum pag. 303. & integrum Tractatum se aliquandò in lucem emissurum pollicetur.

Pervenimus tandèm ad sextam & ultimam duodecimi s.culi Scriptorum Classèm, in qua de iis Auctoribus sermonem instituere debemus, qui de Theologia Scholastica, & de Jure Canonico scripserunt, ut igitur ab his Scriptoribus, qui Theologiam Scholasticam suis lucubrationibus illustrarunt, initium sumamus, ostende in primis, quænam fuerit Origo, quive progressus Theologiæ Scholasticæ. Dein, referes celebriores Auctores, qui duodecimo Ecclesiæ s.culo in tradenda & propaganda Theologia Scholastica studium operamque posuerunt?

M. Theologiæ Scholasticæ nomen duodecimo præsertim s.culo invaluit, ejusque professores *Scholastici* fuere appellati, tum quia, ut inquit *Bulæus* tom. 2. *Historiæ Universitatis Parisiensis* pag. 584 eam ex Philosophorum instituto Discipulis in Scho

tradebant ; tùm quia etiam Scholasticorum,  
ore disputabant , altercabantur , ac sæpiùs quæ-  
siones ventilabant, quæ extrà Scholas nullius, aut  
tèm exigui usus esse videbantur . Hujus intro-  
ductæ Theologiæ Scholasticæ quatuor Antesigna-  
s constituit *Gualterus de Sancto Victore*, videlicet  
*Matthæum Abaelardum*, *Gilbertum Porretanum*, *Petrum*  
*Combardum*, & *Petrum Pictavinum*, contrà quos li-  
os quatuor scripsit, in quibus eos crebrò *Schola-*  
*sticos* appellat . Paulò plus studii, quàm par fuisset,  
iculo duodecimo impensum est promovendo  
Theologiæ Scholasticæ Imperio, Dialecticæque sub-  
tilitatibus excogitandis, magis quàm cæteris libe-  
alibus artibus excolendis , ità ut gravissimi dein-  
ps emerferint abusus . Nonnulli quippè pro do-  
rina Aristotelis acerrimè decertantes juxta me-  
ocritatis terminos prætergressi vitiosam omninò  
Theologiæ Professoribus planè indignam in Fa-  
ltatem Parisiensem invexerunt Theologiam, gra-  
s nimirum seriosque & suâ majestàte sacros Tra-  
tus futilibus quæstionibus, vanis inventionibus,  
gidis & jejunis argumentis, ridiculisq; distinctio-  
bus & solutionibus dehonestâtes. Alii bellatricem  
Theologiã sic in deliciis habebant, & cæsim ac pun-  
um, ità in arena digladiari gestiebant, ut in suis ar-  
tis, subtilibusq; de rebus Theologicis disputatio-  
bus ne verbum quidem de Scriptura, Patribusq; ul-  
citroque proferrent, & quod festivum ac lepidum  
ut, omnes quæstiones Theologicas ad frivolas exi-  
Dialecticæ regulas exigèrent, quasi ex *Porphirii*  
ificio , vel ex Aristotelis argumentationibus no-  
a suspensa esset Religio . Hunc gravem in Facult-  
te Parisiensi serpentem abusum ut radicitus ex-

tirparet *Gregorius IX.* Pontifex Maximus, ad Magistros Parisienses an. MCCXXVIII. Scripsit epistolam, in qua significat, se graviter admodum, ac moleste ferre, Theologos Parisienses ad varias descendisse Philosophorum tricas, inanesque quæstiones ostentandi tantum ingenii causâ excogitatas: *Tacti dolore cordis intrinsecus, inquit, amaritudine repleti sumus absinthii, quod, sicut auribus nostris est intimatum, quidam apud vos spiritu vanitatis ut uter distenti, positos à Patribus terminos prophana transferre satagunt novitate, Cælestis pagina intellectum Sanctorum Patrum studiis certis terminis limitata, quos transgredi non solum est temerarium, sed prophanum, ad doctrinam Philosophorum naturalium inclinando, ad ostentationem scientiæ, non profectum aliquem auditorum, ut sic videantur non Theodidacti, seu Theologi sed potius Theophanti. Cum enim Theologiam secundum approbatas traditiones Sanctorum exponere debeant, & non carnalibus armis, sed Deo potentibus destruere omnem altitudinem extollentem se adversus scientiam Dei, & captivum in obsequium Christi omnem redigere intellectum; ipsi doctrinis variis & peregrinis abducti redigunt caput in caudam, & ancillæ cogunt famulari Reginam . . . . . ne igitur huiusmodi dogma temerarium & perversum ut cancer serpat & inficiat plurimos, oporteatque filios perditos plorare Rachelem, presentium vobis auctoritate mandamus & districte precipimus, quatenus, prædicta vesania penitus abdicata, sine fermento mundana scientiæ doceatis Theologicam puritatem, non adulterantes verbum Dei Philosophorum figmentis, sed contenti terminis à Patribus institutis, mentes auditorum vestrorum fructu cælestis eloquii saginetis &c*



egram Gregorii IX. ad Theologos Parisienses  
istolam refert *Bulaeus* tomo 3. *Historia Universi-*  
*is Parisiensis* pag. 129.

Non hæc eò tamen impræsentiarum dico ,  
od velim improbare studium Theologiæ Scho-  
licæ , cujus potius utilitatem in sequenti Col-  
quio contrà Heterodoxos, qui eam cane pejùs &  
que odio prosequuntur , asseram ac vindicabo ,  
solum necessarium esse duxi historicè referre ,  
am malè de Theologia Scholastica , statim ac  
odecimo sæculo prodire cæpit , meriti sint qui-  
n arguti homines, qui eam in captiosam ac me-  
sophisticam converterunt versutiam , de rebus  
inis cavillantes morosiùs, argutantes subtiliùs,  
triticis unicè morantes, contorta & aculeata vi-  
ntes sophismata, perstringendis oculis, fucò fa-  
ndo , & infuscandæ quàm inquirendæ & liman-  
veritati aptiora . Sed, missis illis otiosis homi-  
us, qui duodecimo sæculo, repudiata solidâ ger-  
næ Theologiæ formâ , se suosque auditores va-  
 , frugisque expertibus commentis pascebant ,  
iamus ad celebres illos Scriptores , qui eodem  
ulo Theologiam Scholasticam in meliorem for-  
m redegerunt, eamque , collectis veterum Pa-  
m sententiis , auxerunt , exornarunt , illustra-  
nt . Inter illos primas tenet , ac faciliè omnium  
nceps est *Petrus Lombardus* magnæ famæ & exi-  
nationis Magister, natione Insuber, Patriâ No-  
iensis , qui ex Academia Bononiensi ad Pari-  
ensem se transtulit , & postea ad Episcopatum  
ensensem anno MCLIX. vel MCLX. assumptus est.  
celluit præsertim in Theologia Scholastica , &  
Academia Parisiensi gradus Doctorales insti-  
Sf 2 tuit,

tuit, exemplo *Gratiani*, qui, ut mox dicemus, eodem *Gradus in Jure Canonico* jam *Bononiæ* instituerat, aut instituendorum author fuerat. De *Petro Lombardo* hæc habet *Henricus Gandavensis*: *Petrus Lombardus Theologiæ Scholæ Parisiis Præfidentem scripsit quatuor libros sententiarum, Opus magnum & arduum, quo opere usque hodiè vel maxime utuntur studia Theologorum. Inveniuntur etiam sermones aliqui de diversis solemnitatibus ab ipso scripti.* Noster *Sixtus Senensis* libro 4. *Bibliothecæ Sanctæ* ait, omnes *Theologorum Scholas Petrum Lombardum* singulari quadam venerationis excellentiâ *Magistrum sententiarum* appellare, & in ejus *Theologia Compendium* innumerabilia disputationum volumina eruditissimos clarissimarum toto *Christiano Orbe* *Academiarum Theologos* elaborasse. Faciendum tamen est, non omnes *Petri Lombardi* sententiâs esse receptas, sed nonnullas communi *Theologorum* calculo explodi, quarum extat index ac calcem libri quarti *sententiarum*. Omnes *Petri Lombardi* nævos ad *Articulos quatuordecim* revocat *Sanctus Antoninus* parte 4. tit. 11. cap. 8. Fertur, *Petrum Lombardum, Gratianum, & Petrum Comestorem*, germanos fratres fuisse ex adulterio procreatos, quorum mater de peccato, quo tantos viros pepererat, vix dolere potuerit. Sed hæc historiola inter aniles fabulas reponenda est, cum certissimè constet, *Petrum Lombardum*, *Insubrium* fuisse & patriâ *Novariensem*; *Gratianum* ex *Etruria* in *Oppido Clusio* oriundum; *Petrum* verò *Comestorem* natione *Gallum*, patriâ *Trecensem*. Quia igitur fieri potuit, ut tres illi insignes viri nationibus adeò diversi ex ejusdem matris utero prodierint? apage fabulam.

Petri Lombardi Magistri sententiarum scri-  
 ndi modum imitati sunt *Magister Anselmus*, Lau-  
 nensis Decanus, qui per quadraginta & ampliùs  
 nos Theologiam publicè Parisiis professus est,  
*Robertus Pullus*, quorum primus, seù *Ansel-*  
*mus*, congestis hic indè ex veterum Patrum Scriptis  
 tentiis, totum vetus ac novum Testamentum,  
 terlineari marginalique Glossa illustravit, alia-  
 re reliquit Opera, quorum pleraque adhuc in-  
 ta sunt. Habuit *Anselmus* discipulos celeberr-  
 os, videlicèt *Villelmum Campellensem*, qui fuit  
 istè Episcopus Catalaunensis; *Petrum Abaelar-*  
*um*, *Gaufridum Britonem*, dein Rotomagensem  
 chipræsulem, aliosque. *Anselmi* elogium, an-  
 que ejus emortualem *Lucas Dacherius* in No-  
 ad Opera, quæ publicavit, *Gilberti Abbatis*  
 atæ Mariæ de Novigento pag. 642. descripsit ex  
 ronico Canonici Laudunensis corvæ hætenùs  
 edito. *Robertus Pullus* in Angliâ natus, studio-  
 m causâ Gallias petiit, & Parisiis scientias cum  
 ras, tùm prophanas didicit, & docuit, ut ha-  
 t *Pitsæus* in *Roberto Pullano*. Romam ab *Innocen-*  
 II. vocatus, à *Lucio II.* ejus successore Cardina-  
 renunciatus est *Robertus Pullus*, ediditque octo  
 tentiarum libros, quos *Hugo Mathoudus* Mona-  
 us Congregationis Sancti Mauri eruditis Notis  
 ustratos publicavit Parisiis anno MDCLV. Sub  
 em duodecimi sæculi duo celeberrimi in Galliis  
 ruerunt Theologi, videlicèt *Petrus Comestor*, seù  
 nducator dictus, & *Petrus Cantor*, quorum pri-  
 us gente fuit Gallus, patriâ Trecensis, ejusdem-  
 e urbis Canonicus & Decanus. Celeberrimâ  
 tri *Comestoris* famâ excitati Parisienses, cum ad



se vocarunt, & Academia Parisiensis Cancellarium constituerunt. Scripsit ad Guillelmum Archiepiscopum Senonensem *Historia Ecclesiastica* libros sexdecim, in quibus Historiam sacram à principio Geneseos usque ad finem Actuum Apostolorum in Compendium redegit. Sermones, & alia Opera, quæ edidit, adhuc Parisiis in Cenobio Canonorum Regularium Sancti *Victoris*, & in variis Bibliothecis MSS. asservantur. Duos Tractatus, videlicet *De Vita & Gestis Beatæ Virginis*, & *de Laudibus Sancti Joannis Evangelistæ* scriptos fuisse à Petro Comestore pertendit Petrus de Alva & Astorga Minorita in libro, quem, sub eментito nomine Roderici Rodriguez, inscriptum *Pleytos de los libros Tortosæ* anno MDCLXIV. Hispanica lingua edidit. At duos istos Tractatus Petrum Comestorem parentem non habere, sed nostro Vincentio Bellovacensi vindicari debere invictis momentis, sed præsertim ex peritorum Criticorum consensu, & styli similitudine demonstrat noster Jacobus Echard in libro, quem Parisiis anno MDCCVIII. publici juris fecit, sub hoc titulo: *Summa S. Thomæ suo Auctori vindicata*, & omnes conjecturas, quibus laudatus Petrus de Alva famosis Ordinis Predicatorum æmulus duos istos Tractatus Petro Comestori asserere, & nostro Vincentio Bellovacensi abjudicare nititur, perdoctè exsufflat pag. 505. & sequentibus. Petrus Cantor, celeberrimus Theologus fuit, vita & scientia clarus, ut ait Nangius in suo Chronico. Eum etiam plurimum laudant Vincentius Bellovacensis in Speculo Historiali lib. 29. cap. 59. Albericus in Chronico, sed præsertim Jacobus de Vitriaco Cardinalis in Historia Occidentis

cap.8. ubi de Petro Cantore hæc habet: *Cepit  
 docere & docere velut lucerna ardens & lucens, &  
 unitas supra montem posita, & candelabrum in domo  
 domini aureum, de cujus fonte limpidissimo beatissi-  
 mus vir Fulco Presbyter potavit. Vitam Monasti-  
 um in Abbazia Longi pontis Ordinis Cisterciensis  
 cum fuisset amplexus Petrus Cantor, necdum exple-  
 ti probationis anno migravit è corpore. Hæc au-  
 tem Abbazia Longipontis à Iosleno Sueffionensi Epi-  
 scopo anno MCXXXII. fundata est, quò è S. Bernar-  
 di familia Monachos misit. Petrus fuit cognomi-  
 natus Cantor, quòd in Ecclesia Cathedrali Parisiensi  
 Cantor fuerit. Varia composuit Opera, quæ in  
 diversis Bibliothecis adhuc MSS. habentur, ut te-  
 statur Casimirus Oudinus in Supplemento de Scripto-  
 ribus Ecclesiasticis. Sola ejus Summa Moralis, quæ  
 vocatur *Verbum Abbreviatum*, eò quòd ab his ver-  
 bis incipiat, typis excusa est Montibus Hannoniæ  
 anno MDCXXXIX.*

D. Satis, quæso, de Theologiæ Scholasticæ  
 Origine, & de illis Professoribus, qui in ea XII. sæ-  
 culo excelluerunt, dictum sit. Nunc à te percon-  
 tri velim, nùm eodem sæculo duodecimo Juris  
 Civilis, quàm Canonici Professio in Scholis  
 fuerit instituta, & unà cum Theologiæ Scholasticæ  
 studio publicè caperit exerceri?

M. Juris Civilis Professionem, quam sexto  
 Ecclesiæ sæculo instituerat Justinianus Imperator,  
 quæque ab ejus ævo ad XII. usque sæculum, hoc  
 est, per sexcentos fermè annos neglecta omninò,  
 à propter inundationes Barbarorum in Italiã fre-  
 quentes, priscarumque legum, seu Romanarum  
 contemptum, & exoticarum introductionem, pe-  
 nè

nè extincta erat, primus *Irnerus* Jurisconsultus peritissimus in apertam lucem revocavit circa annum mccccvi. sicut communiter scribunt Historici. Ex *Irneri* Schola prodierunt viri peritissimi, quorum alii eandem Juris Civilis Professionem in Italia conservarunt, alii in Galliam, & Angliam, hoc est, Parisios, & Oxoniam, ubi florebant studiorum Academiarum, intulerunt circa annum mcl. ut scribit *Valentinus Forsterus* lib.3. *Historiæ Juris Civilis Romani*. Verum, quia multò plures ad Juris Civilis, quàm ad Theologiæ studium sese conferebant, veriti Romani Pontifices, ne Juris Civilis Professio invalesceret, ac sensim sine sensu à Theologiæ, cæterarumque Disciplinarum Scholis studiosos avocaret; sub excommunicationis interminatione inhibuerunt, ne Monachi, immò n. Sæculares Clerici, Presbyteri, & in dignitatibus Ecclesiasticis constituti ad audiendum leges admitterentur. Id sancitum ab *Honorio III.* Pontifice Maximo anno mcccxvii. referturque lib.3. Decret. tit. ult. cap. *Super specula*, ibique leguntur hæc verba: *Quia verò Theologiæ studium cupimus ampliari, ut dilatato sui tentorii loco funiculos suos faciat longiores, ut sit fides Catholica circumcincta muro inexpugnabili bellatorum, quibus resistere valeat ascendentibus ex adverso, ad Archidiaconos, Decanos, Plebanos, Præpositos, Cantores, & alios Clericos personatus habentes, necnon Presbyteros hoc extendi volumus & mandamus.* Hoc pacto Juris Civilis Schola minùs frequentari, contrà verò Juris Canonici & Theologiæ Professio vigere magis celebrari cæpit. Ad promovendam duodecimo sæculo Juris Canonici disciplinam duo Clarissimi



Iri Ivo Carnotēsis Episcopus, & Gratianus natione  
 truscus, Monachus Bononiensis, omnes suas curas,  
 industriam, studia & labores contulerunt. Inter cæ-  
 tera, quæ fecit Ivo, de quo superius Sermonem  
 habuimus, Canones Sanctorum Patrum, & Con-  
 siliorum Generalium edidit in lucem, & compen-  
 diosum Decretum appellavit, quo ante Gratiani  
 tempora per sexaginta circiter annos usi sunt Ju-  
 ristæ, de quo Opere sic ipse Ivo habet in suo Pro-  
 logo: *Excerptiones*, vel, ut alii legendum putant  
*Exceptiones*, *Ecclesiasticarum Regularum partim ex*  
*epistolis Romanorum Pontificum, partim ex gestis Con-*  
*ciliorum, Catholicorum Episcoporum, partim ex Tra-*  
*ctatibus Orthodoxorum Patrum, partim ex institu-*  
*tionibus Catholicorum Regum nonnullo labore in unum*  
*corpus adunare curavi, ut qui scripta illa, ex quibus*  
*excerpta sunt, ad manum habere non poterit, hinc*  
*saltem accipiat, quod ad commodum causæ suæ valere*  
*perspexerit. A fundamento itaque Christianæ Reli-*  
*gionis, idest, fide inchoantes, sic ea, quæ ad quæque*  
*negotia discutienda vel definienda pertinent, sub ge-*  
*neralibus titulis distincta congeessimus, ut non sit quæ-*  
*renti necesse totum volumen evolvere. Porro, licet*  
 in Galliis duodecimo Ecclesiæ sæculo vigere cæpe-  
 rit Juris Canonici studium, illud tamen in Italia,  
 & præsertim Bononiæ, magis fuisse excultum, ex  
 eo maximè patet, quod sicut hi, qui Artes libera-  
 les & Theologiam perfectè callere cupiebant,  
 ad Parisiensem confluebant Academiam, ita & il-  
 li, quibus Juris Canonici scientiam in animo erat  
 in ipso fonte haurire, Bononiam petebant, teste  
 Nekamo lib. 2. de Naturis Rerum, ubi inquit: *Juris*  
*peritiam sibi vendicat Bononia, sed Cælestis Scriptura*  
 & li-

*& liberales Artes Civitatem Parisiensem ceteris præferendam esse convincunt.* Hujus professionis Juris Canonici Bononiæ institutæ originem acceptam referre debemus *Gratiano Bononiensi Monacho*, qui Corpus Decretorum Pontificiorum, & Canonum Ecclesiasticorum conflavit, quod *Eugenius III.* Pontifex Maximus in Universitatibus, seu Studiis Generalibus, maximè Bononiæ, publicè prælegi jussit, & suggerente eodem *Gratiano*, gradus quosdam Academicos excogitavit non tam annorum, quàm profectus, scilicèt Baccalaureatûs, Licentiatûs & Doctoratûs, ut hocce specioso titulo studiosos ad Jus Canonicum amplectendum excitaret, & Privilegiis accenderet. Aliqui ante *Gratianum* Collectiones Canonum dederant, ut *Dionysius exiguus*, *Cresconius*, *Burchardus*, *Ivo*, & si qui alii sunt, solus tamen *Gratianus* id obtinuit, ut publicè in scholis prælegeretur, & multorum doctissimorum virorum Commentariis illustraretur.

Juris Canonici scientiâ utilem, ac præsertim Clericis necessariam esse in cōfesso est apud omnes. At sicut XII. Ecclesiæ sæculo in Theologiam Scholasticam, ita & in jurisprudentiâ, seu Juris Canonici doctrinâ non nulli irrepsērūt abusus, quos jure ac meritò eruditi ejusdem sæculi viri improbarunt, & imprimis *Stephanus Tornacensis Episcopus*, qui Romanum Pontificem, ut inutiles Commentarios Theologiæ, & inextricabilem Decretalium sylvam succideret, vehementer in epistola 251. adhortatur his verbis: *Lapsa sunt apud nos in confusione officinarum sacrarum, studia litterarum, dùm & discipuli solis novitatibus applaudunt, & Magistri gloriæ potius invigilant, quàm doctrinæ, novas recentesque.*  
sum-

*mmulas & Cōmentaria firmantia super Theologia cō-*  
*tribunt, quibus auditores suos demulceant, detineant,*  
*recipiant, quasi nondū sufficerent Sanctorum Opu scula*  
*tratum, quos eodem spiritu Sacram Scripturam legi-*  
*mus exposuisse, quo eam composuisse credimus Aposto-*  
*los & Prophetas. Ignota & peregrina conviviiis ap-*  
*ponunt fercula, cū in nuptiis filii Regis tauri, & alti-*  
*lia ejus sint occisa parataque omnia: nec restat ve-*  
*nientibus ad nuptias nisi quæ apposita sunt prendere*  
*& prodere. Disputatur publicè contra Sacras Consti-*  
*tutiones, de incomprehensibili Deitate; de Incarnatio-*  
*ne Verbi verbosa caro & Sanguis irreverenter liti-*  
*at. Individua Trinitas in triviis secatur & discerpi-*  
*tur, ut tot jam sint errores, quot Doctores; tot scanda-*  
*la, quot auditoria, tot blasphemiae, quot plateæ. Rur-*  
*us, si ventum fuerit ad judicia, quæ jure Canonico*  
*sunt tractanda, vel vobis commissa, vel ab Ordinariis*  
*Judicibus cognoscenda, profertur à venatoribus inex-*  
*tricabilis sylva Decretalium Epistolarum, quasi sub*  
*nomine sanctæ recordationis Alexandri Papæ; & an-*  
*tiquiores sacri Canones abjiciuntur, respuuntur, ex-*  
*puuntur, Hoc involucro prolata in medium ea, quæ in*  
*Conciliis Sanctorum Patrum salubriter instituta sunt,*  
*nec formam consiliis, nec finem negotiis imponunt, præ-*  
*valentibus epistolis, quas forsitan advocant, & condu-*  
*ctitii sub nomine Romanorum Pontificum jam Pro-*  
*pheta in cubiculis suis consingunt & conscribunt. No-*  
*uum Volumen ex eis compactum & in scholis solemni-*  
*tè legitur, & in foro venalitè exponitur, &c. Hac*  
*omnia, Pater, correctionis Apostolicæ manum deside-*  
*rant, ut uniformitas docendi, discendi, disputandi au-*  
*thoritate vestra certam redigatis ad formam, ne ser-*  
*mo divinus attritione vulgari vilescat. Ex hac Ste-*  
*phani*



*phani* Tornacensis declamatione facile intelligere potes , quantâ diligentîâ in studio Theologiæ Scholasticæ, & Juris Canonici abstinere debes à spinosis , jejunis , ac frigidis nonnullis quæstionibus, quæ veræ & germanæ Theologiæ , nec non jurisprudentiæ tenebras offundunt, quæque tam in scholis, quàm in foro , æternæ discordiæ semina serunt ac foveant . Altè in animo tuo defixa sit gravissima ista Innocentii III. vox : *Nemini Sacerdotum liceat Conciliorum Canones & facta Patrum ignorare* , totusque deinceps incumbet in studium Theologiæ ad Scripturæ Sacræ & Sanctorum Patrum directæ normam , ad Historiæ & Disciplinæ Ecclesiasticæ veritatem exactæ , quam vel ad emendandos fidelium mores , vel ad restituendam collapsam Ecclesiæ Disciplinam , vel ad convincendos diversæ factionis homines, qui antiquitatem nostris auribus crebrò inculcare , & hoc velut objecto muro sese tueri solent , longè plurimum dignitatis & amplitudinis, emolumenti atque utilitatis habere compertum est.

D. Tuis sapientissimis consiliis lubentissimè parebo , & ne te diutiùs detineam , domum sine cunctatione propero , ut in codicillos meos referam tot illustrium virorum , quos hætenùs percensuisti , nomina ; quibus , ut candidè fatear, meam memoriam hæud parùm oneratam esse sentio .

M. Tuos , per me licet, familiares repetere lares, sed cave , ne in describendo Catalogo Virorum Illustrium, qui duodecimo sæculo floruerunt, prætermittas Romanos Pontifices , quorum seriem dedimus in secundo Colloquio , quique sin-

gulari doctrinâ, & eximiâ pietate Ecclesiam maximè cohonestarunt. Extant etiamnum in Labbeana Conciliorum Collectione complures epistolæ, quas Romani Pontifices, qui duodecimo sæculo universæ Ecclesiæ præfuerunt, ad sanciendam Disciplinam, ad componendas id temporis enatas controversias, & ad varia emergentia Ecclesiæ dirimenda negotia scripserunt. *Hadrianum IV.* Pontificem Maximum, præter multas, quas conscripsit epistolas, Auctorem esse *Catechesum* ad Populos Norvergiæ & Sueciæ, *Homiliarum* quarundam, libri *de Legatione sua*, & alterius libri *de Conceptione Beatissimæ Virginis*, refert *Augustinus Oldoinus* in *Additionibus ad Ciaconium*.

## COLLOQUIUM VI.

*De Doctrina, de Disciplina cum Ecclesiastica tum Monastica, & de Ethica Christiana duodecimi Ecclesiæ sæculi.*

DISCIP. **U**T aliquas difficultates in promptu haberem, quas tibi in hoc Colloquio proponere possem, datâ operâ per aliquot dies perlegi *Centuriatores Magdeburgenses*, qui Centuriâ duodecimâ cap. 3. fidentèr affirmant, antiquam Ecclesiæ doctrinam densis errorum tenebris fuisse duodecimo Ecclesiæ sæculo cõsepultam. Sic enim scribunt: *Sincerior cœlestis doctrina caligine multa, quam quidem humanæ traditiones & figmenta induxerunt, obscurata & quasi sepulta fuit.*

*Rarissimi erant Ecclesiæ Doctores, quibus doctrina pura curæ esset, ac inter mille vix unum reperies Episcopum, animarum salutem in amplissimo suo munere spectantem. Reliquum Episcoporum, vel, ut rectius dicamus, Antichristi sociorum vulgus, sæculi sectabatur luxum, delicias, gloriam & dignitates, ac prorsus apud eos jacuit confessio & propagatio doctrinæ veræ, quam quidem ipsi nunquam didicerunt. Sic effrænata lingua, stylique petulantia nefarii illi hæretici in Ecclesiam Romanam passim in suis Centuriis invehuntur, & in ejus doctrinam, omnem calumniarum fæcem, & contumeliarum sentinam evomere non verentur. Contrà igitur illos hæreticos religionis ac pietatis omninò expertes, obsecro te, ut in præsentia ostendas, doctrinam Ecclesiæ Catholicæ, seu Romanæ, quæ à Christo Domino, & ab Apostolis profecta est, ne leviori quidem alienæ doctrinæ afflatu perstrictam, nec peregrinis ritibus, & abhorrentibus à prima institutione Sacris fuisse duodecimo sæculo corruptam.*

M. Adeò per se odiosa est omnis novitas, ut ejus artifices & molitores ipsi, etiam cum eam effecerunt in lucem, & commendare populo student, nihil à se vehementius, quam novitatis odium deprecentur; malintque carere inventi laude, quam adhærescentem ad res novas offensionem suspicionemque justissimam subire. Hinc hæretici nostri temporis, dum suos spargunt errores ac nova sua venditant flagitia, ubique plenis buccis antiquitatem crepant, ubique Apostolum *Paulum* Auctorem, & primam, quæ vocant *aurea*, Ecclesiæ sæcula, doctrinæ sibi normam & exemplum Religionis prædicant; Ecclesiæ verò Romanæ novam affingunt



unt doctrinam , atque in ejus sinum sordes errorum intolerabiles , morumque corruptelam irrepsisse clamitant . Sed proclive est his hæreticis larvam detrahere , ac multis evincere momentis , quòd, sicut Apostolica doctrina per undecim priora sæcula jugiter in Ecclesia Romana pura & illibata permansit , ita & duodecimo sæculo facta te-  
ta fuit conservata, nec ullis erroribus aut novitatibus respersa .

Et primò quidem vehementer mirari subit , quòd tam perfrixtæ frontis audaciâ asserant isti centuriatores Magdeburgenses , rarissimos duodecimo sæculo fuisse Ecclesiæ Doctores , quibus doctrina pura curæ esset , ac inter mille vix unum speriri Episcopum, animarum salutem in amplissimo suo munere spectantem . Hujus atrocis calumnix falsitas vel ex eo maximè patet, quòd, præter clarissimos Scriptores , quos in superiori Colloquio laudavimus , sola Academia Parisiensis innumeros duodecimo sæculo Athletas fortissimos, plerique acerrimos produxerit defensores, è quorum numero prodierunt quinque Summi Pontifices meritis & virtutibus , non minùs quàm scientiarum fulgore conspicui *Innocentius II. Cælestinus II. Hadrianus IV. Urbanus III. & Innocentius III.* complures Cardinales , Archiepiscopi & Episcopi puritate doctrinæ & integritate vitæ commendabiles , necnon Abbates & Monachi Regularis vitæ professione sanctissimi, Sacerdotes denique omnis gradus & Ordinis perillustres , de quibus latè differt *Bulaus* tomo 2. *Historiæ Universitatis Parisiensis* .

Præterea, doctrinam, quæ sæculo duodecimo  
in

in Ecclesia Romana obtinuit, meliùs perspectam habere haud possumus, quàm ex Synodis, & ex Patribus, à quibus, vel proscriptæ, vel confutatae sunt hæreses, quæ ea ætate eruperunt. Jam verò si percurramus præcipuos errores, quos duodecimo sæculo disseminarunt hæretici, plenè compariemus, Petrobusianos, Henricianos, Waldenses, aliosque duodecimi sæculi hæreticos esse in Anabaptistis, Calvinistis, & in cæteris nostri temporis heterodoxis redivivos, atque eorum Patriarchas jure optimo appellari posse. At enim docebant Petrobusiani & Henriciani Missæ Sacrificium nihil esse: Fidelium preces nihil defunctis prodesse posse: Sacras Cruces confringi debere, & baptismum sine fide esse parvulis prorsus inutile. Ecclesiam Romanam diæteriis & calumniis infectabant, Waldenses, ejus ritus & cœremonias sugillabant, Romano Pontifici & Episcopis parendum non esse dictitabant, sanctorum invocationem, cultum Crucis, Reliquiarum, & Sanctarum Imaginum impugnabant, Indulgentias repudiabant, ac multa contra Catholicæ Ecclesiæ Sacramenta garriebant. Hi sunt in summa palmares hæreticorum duodecimi sæculi errores, quos jam ab Ecclesia prædaminatos denuò suscitaverunt hæretici nostri temporis, eosque etiamnum, crambis instar recoctæ, totis viribus obtrudere moliuntur, ac subindè, velint nolint, fateri coguntur, se toto cœlo distare à vera & Catholica doctrina, quam Synodi & Patres duodecimi sæculi contra hæreticos, qui in campo aperto Marte insurrexerant, strenuè defenderunt, atque singulis fidelibus firmitè credendam proposuerunt. At verò Ecclesia Romana, Apostolicæ do-

doctrinæ pervigil custos, hos jampridem confixos  
 hereticorum duodecimi sæculi errores anathema-  
 percellit, eâdem Religione, Sacramentis iisdem  
 titur, eademque planè profitetur fidei dogmata,  
 uæ Synodi, Patres, & eruditione juxta & sancti-  
 te præstantes duodecimi sæculi Scriptores, præ-  
 rtim *Bernardus* Clarævallenſis, & *Petrus* Clunia-  
 enſis, juxta perpetuam omnium Eccleſiæ ſæculo-  
 um traditionem contra hæreticos conſtanti-  
 gnarunt. Denique, ipſimet Centuriatores Mag-  
 eburgenſes contra ſe teſtimonium ferunt, quip-  
 è qui Centuriâ duodecimâ capite 4. ubi agunt  
*doctrina Eccleſiæ*, & aliis capitibus ſequentibus,  
 hereticorum Petrobuſianorum, contra S. *Bernar-*  
*um*, & *Petrum* Cluniacenſem, patrocinium ſuſci-  
 unt. Capite etiam nono Synodos, in quibus pro-  
 cripti ſunt duodecimi ſæculi hæreticorum erro-  
 res, rejiciunt, & toto capite decimo Episcopos,  
 atres, & Scriptores Eccleſiaſticos, qui eodem  
 ſæculo errores hæreticorum oppugnarunt, & pro  
 antiquæ doctrinæ tutela diligentèr excubarunt,  
 maledictis inceſſunt, probè intelligentes, Synodos,  
 atres, & Scriptores Eccleſiaſticos duodecimi ſæ-  
 culi eamdem ſanxiſſe, & contra hæreticos defen-  
 iſſe doctrinam, quam nunc tenet ac docet ſibi in-  
 de ſemper conſtans, & omnis planè erroris ne-  
 cia Sancta Mater Romana Eccleſia.

D. Novi jam dudum peſſimas artes hæreticorū,  
 i licèt ſint flagitioſâ novitate infames, & venerā-  
 um antiquitatem reverà ſtudiant, nihil oſeciùs,  
 al conciliandos ſibi populorum animos, vetuſtæ  
 religionis doctrinam pleno ore, buccisq; tumen-  
 tous, haud ſcio an ſtudioſius, an contumelioſius,



celebrare, solent, & ut novam impietatem aliquā antiquæ doctrinæ specie velent, aiunt, se afferre laudatiora quædam priscæ Ecclesiæ Instituta, & castigatorem disciplinam, qualis aut natæ recens, aut ævi quodam flore vividæ Religionis fuerat; consenuisse apud æquales suos Ecclesiam; illâ viriditate, illo ætatis integerrimo robore ac virtute defectam, à limpidis illis fontibus divertisse multas jam ætates ad turbidos lutulentosque riuulos, quorum cœnoscas, ac putres aquas ad sua tempora permanasse affirmant, seque ad illas repurgandas divinitus missos fuisse iactitant. Eo exquisitissimæ simulationis artificio, & immani quâdam vires suas ostentandi libidine, proh dolor! tot infortunata capita, tot sacratas orco victimas pænis hætenus devoverunt hæretici, quasi illorum felicitatis pars sit, infelices homines facere, & Ecclesiam Christi tot in partes, si possent, dilacerare, quot olim in frustra infelicem Orpheum Bacchæ mulieres discerpserunt. Sed redeamus ad doctrinam duodecimi sæculi, & expone, si placet, quorsum hæretici tantoperè invehantur in Theologiam Scholasticam, cujus studium, sicut jam observasti, duodecimo Ecclesiæ sæculo vigere cepit.

M. Hæreticorum contra Theologiam Scholasticam expositiones ad quatuor præcipuè classes revocari possunt. Aiunt in primis, Theologiam Scholasticam esse aliud nihil, quàm ignorantiam veritatis, inanemque fallaciam, quâ semel admisâ, obscuratum est Evangelium ac fides extincta. Secundò, dicunt, nullum apud Sanctos Patres undecim priorum Ecclesiæ sæculorum probatum

tum unquam fuisse Theologiæ Scholasticæ usum,  
 sed dumtaxat usurpatum ab hæreticis, qui his præ-  
 figiis delusi innumeros alios inescarunt, & varios  
 errores præcipitarunt. Tertiò, vitio vertunt  
 Theologiæ Scholasticæ, quòd putidiusculis atque  
 aulicis ineptiis, meris nugis, & frigidis ac spi-  
 ritibus quæstionibus, tota quanta est, scateat, quò-  
 d, ut de Schola Theologi pro pietate, pro mo-  
 destia, pro charitate & mansuetudine Christiana,  
 honorem, odium, iram, contentionem præ se ferant,  
 aque per inane volitantes suis se compungant  
 auleis. Demùm, hæretici Theologiam Scholasti-  
 cam contemnunt, explodunt ac exhibitant, quòd  
 stultenta, inquinata ac barbara sit. Hæc est hære-  
 tiorum in Theologiam Scholasticam odii & ira-  
 tem causa. Sed perfacilis ac prompta est Theolo-  
 gorum de Schola defensio. At enim, non vident  
 hæretici, quid intersit homo Sophista & vir Theo-  
 logicus; quid distent captionibus vis & acumen;  
 quid fallaciis acies & perspicacia. Theologus  
 quippe Scholasticus in deducendis suis conclusio-  
 nibus ex Principiis fidei à Deo revelatis ratione,  
 & Philosophiâ naturali utitur, ut rem acutiùs in-  
 traspiciat, ut rectâ ad scopum collimet, & ut In-  
 fidelium, Judæorum, & Hæreticorum errores fa-  
 ciliùs ad viuum resecare possit. *Est quidem, ut*  
*ait S. Clemens Alexandrinus libro I. Stromatum,*  
*per se perfecta Servatoris doctrina & nullius indiga,*  
*cum sit Dei virtus & sapientia; accedens autem, Phi-*  
*losophia non veritatem facit potentior, sed debi-*  
*le adversus eam efficit sophisticam argumentatio-*  
*nem, & propulsans dolosas adversus veritatem insi-*  
*das, vinea est sepes & vallum. Et sanè, si Theo-*  
 logus,

logus, non secus ac Episcopus, debet esse *potens exhortari in doctrina sana, & eos qui contradicunt arguere*, ut ait Apostolus Paulus Epist. ad Titum capite primo, si juxta monitum S. Petri Epist. capite 3. paratus esse debet ad *satisfaciendum omni poscenti rationem de ea quæ in nobis est spe*: si denique eum scire oporteat *versutias Sermonum & dissolutiones argumentorum*, ut dicitur sapientia cap. 8. quæ, fodes, Theologus hæc omnia munia quæ ipsi ex officio obeunda incumbunt, sedulo præstare poterit, si peregrinus & hospes omnino sit in Theologia Scholastica, quæ sola docet expectatam methodum scitè & appositè argumentandi rationem omni poscenti reddendi, versutias sermonum & dissolutiones argumentorum cognoscendi? Hinc S. Augustinus lib. 2. de Doctrina Christiana cap. 31. ait: *Disputationis disciplina ad omnia genera questionum, quæ in litteris sanctis sunt penetranda & dissoluenda, plurimum valet, tantum ibi cavenda est libido rixandi, & puerilis quedam ostentatio adversarium decipiendi*. Et libro 14. de Trinitate cap. 1. idem Aquilinus Doctor disertè asserit, quod per hanc disputationis disciplinam *Fides saluberrima in nobis gignitur, nutritur, defenditur & roboratur*. Viden, quàm perperam hæretici Theologiam Scholasticam appellant inanem fallaciam, & Theologos, qui ejus studio delectantur, infictos vitiligatores. Sed quid facias hominibus illis, si quæstiones pressius tractare, & difficultates subtilius discutere & enucleare penitus, id vocare placet præstigias, ambages, meras nugas, errores inextricabiles, & quid non?

At inquit hæretici, Theologiæ Scholasticæ



sus multis fraudi fuit, eosque suis præstigiis in  
 arios errores induxit. Quid tum postea? at frau-  
 di ne fuit *Athanasio*, *Basilio*, *Gregorio Nisseno*, *Au-*  
*gustino*? illorum Scriptis quid, amabo, pressius? quid  
 cutiùs? quid subtiliùs? Hæret pede pes, viro vir,  
 nec mora, nec requies, donec hic Manichæos, Pe-  
 rgianos, & Donatistas, illi Arianos ad incitas re-  
 egerint & ad ipsa erroris cubilia perventum fue-  
 rit. Quapropter licet verum sit, ante S. *Joannem*  
*Chrysostomum*, *Petrum Lombardum*, & S. *Thomam*  
*Aquinatem* non ita methodicam, accuratam, suis-  
 que omnibus numeris absolutam, ac hodie, vi-  
 misse in Ecclesia Theologiam Scholasticam, atta-  
 men ex Scriptis antiquorum Sanctorum Patrum,  
 certissimè liquet, semper in Ecclesia ad revincen-  
 das hæreses, ad confutandas Ethnicorum supersti-  
 tiones, ad convincendam Judæorum obstinatio-  
 nem, pellendos errores, fugandas novitates, &  
 custodiendum illibatum fidei depositum aliquam  
 viguisse methodicam res divinas tractandi doctri-  
 nam, quæ progressu temporis vario, varia susce-  
 pit perfectionis incrementa, donec tandem sæ-  
 culo XII. à *Petro Lombardo*, & sæculo XIII. à S.  
*Thoma Aquinate*, Doctore Angelico, ad summum  
 perfectionis culmen fuerit provecta.

Nec minùs facilè solvi potest, quod ad con-  
 quendam Theologis invidiam, eorumque authori-  
 tatem elevandam dictitant hæretici, videlicet,  
 Theologiam Scholasticam friuolis dumtaxat qua-  
 stionibus à capite ad calcem esse refertam, nec  
 illam planè consortium habere cum Theologia  
*positiva*; quæ Scripturæ Sacræ & Sanctorum Pa-  
 trum doctrinæ studio, Historiæ Ecclesiasticæ, &

Critices Disciplinæ peritiâ maximè commenda-  
 tur. Id quippè oppidò falsum est, & tam à veri-  
 tate alienum, quàm quod maximè. Conspirat  
 siquidem utraque Theologia, *Positiva* nimirum  
 & *Scholastica*, & amicè conjurat, nec una sine al-  
 tera esse debet; quia sicut Theologia Scholastica  
 contra fidei hostes sua arma ex Theologia positi-  
 va promit, hoc est, ex ipsis scripturæ sacræ fon-  
 tibus, ex doctrina sanctorum Patrum, ex defini-  
 tionibus Summorum Pontificum & Conciliorum,  
 seu ex auctoritate Ecclesiæ sua potissimum haurit  
 argumenta; ita & Theologia positiva mutuatur à  
 Theologia Scholastica modum hæc arma tractan-  
 di, seu adversus fidei hostes bellandi peritiâ.  
 Undè, sicut Theologus Scholasticus sine præsi-  
 dio Theologiæ positivæ caret omninò armis, qui-  
 bus fidei hostes aggredi, impetere ac prosternere  
 queat, ita vir Theologiæ positivæ peritus, sed  
 auxilio Theologiæ Scholasticæ destitutus, artem  
 armis, quibus instructus est, cum solertia & indu-  
 stria utendi, seu modum contra inimicos Ecclesiæ  
 bellandi unquam callere haud poterit, eritque  
 planè similis *Davidi*, qui, ut dicitur libro 1. Re-  
 gum cap. xvii. v. 39. postquam eum Rex *Sau-*  
*l* induisset vestimentis suis, & imposuisset galeam  
 æream super caput ejus, & vestivisset eum loricâ,  
*cepit tentare si armatus posset incedere, non enim*  
*habebat consuetudinem;* dixitque *David ad Saul: Non*  
*possum sic incedere, quia usum non habeo, & depo-*  
*suit ea.* Eos igitur, qui Theologiam Scholasticam à  
 Positiva divellunt, &, detractâ scripturæ sacræ,  
 sanctorumque Patrum auctoritate, contortis dum-  
 taxat syllogismis de rebus divinis philosophan-  
 tuti

ut, in tractandis futilibus quæstionibus consene-  
 runt, & oleum operamque perdunt, non dubi-  
 tarem appellare *adscriptitios Theologos*. Sic enim  
 conceptis verbis illos vocat doctissimus noster *Mel-*  
*ior Canus* cap. 1. libri octavi de locis Theologicis,  
 ubi hæc habet: *intelligo autem fuisse in Schola quos-*  
*dam Theologos ascriptitios, qui universas quæstiones*  
*Theologicas friuolis argumentis absoluerint, & va-*  
*nas, invalidisque ratiunculis magnum pondus rebus*  
*gravissimis detrahentes, ediderint in Theologiam Com-*  
*mentaria vix digna lucubratione anicularum, &*  
*etiam in his sacrarum Bibliorum testimonia rarissima*  
*esse, Conciliorum mentio nulla, nihil ex antiquis san-*  
*ctis oleant, nihil ne ex gravi Philosophia quidem;*  
*sed fere è puerilibus disciplinis; scholastici tamen, si*  
*operis placet, Theologi vocantur; nec scholastici*  
*sunt, nedùm Theologi, qui sophismatum facies in*  
*Scholam inferentes, & ad risum viros doctos incitant,*  
*et delicatiores ad contemptum. Aerem itaque ver-*  
*berant hæretici, dùm propter vitia quorundam*  
*Theologorum, si qui tamen adhuc sint, omnium*  
*reputationem traducunt, & iniquè profectò Scholam*  
*reputant propter eà vitia, quæ non sunt scho-*  
*larum, sed inertis, vanæ & contentiosæ Scholæ. Ipse*  
*verò Theologorum dumtaxat Scholasticorum, qui*  
*modò hoc cognomine digni sunt, quique Theolo-*  
*gicæ Scholasticæ simul & Positivæ studio diligenter*  
*incumbunt, auctoritatem impræsentiarum asserere*  
*& vindicare volo.*

Denique, conqueruntur hæretici, quòd Theo-  
 logia Scholastica lutulenta, inquinata & barbara  
 est. Scilicet peregrina quædam verba, quæ com-  
 muni usus, majoris claritatis ergò, jam pridem



in Schola consecravit, rident polituli & limatuli isti homines, morosi munditiarum in stylo exatores! Sed quàm injuriâ id vitio dent Theologiæ, quæso, animum tantispèr adverte. Quid enim sua cuique arti erunt concepta verba, suæ Pictoribus, Nautis, Militibus, aliisque id genus artificibus erunt voces certæ atque solemnes, & si desint, fingent ad arbitrium, reclamante nemine, & Theologis non eadem dabitur venia? non eis licebit istud inter disputandum intercalare verbum *Concedo, Nego, Distinguo* &c. aliasque solemnes ac sæpiùs in Scholis frequentatas usurpare voces, quæ licèt, ob inelegantiam, ad salivam quorundam non satis temperatæ videantur, sunt tamen ad res expressiùs significandas, & ad difficultates promptiùs, subtiliùsque expediendas perquàm appositè excogitatæ. Quàmquàm, ut obitèr dicam, non abest à Theologia Scholastica sermonis ille nitor, & castigatæ dictionis elegantia, cui nostra ætas tantoperè indulget, eâ præsertim tempestate, quâ vel ipsa Scholastica Theologia, inamænior olim, & inornatior, excoli cæpit atque splendescere, & veterem tristitiam lenitate verborum mitigare, ut patet ex doctissimis Operibus recentium Theologorum, qui in stylo munditias amant, sed faciles & nunquàm exquisitas, quorum æmulari malim negligentiam, quàm aliorum obscuram & affectatam diligentiam. Sed satis hætenus vindicavimus Theologiam Scholasticam, quam adeò averfantur hæretici, ut non dubitent asserere, ejus contagione doctrinam Ecclesiæ afflatam, labefactatam ac pessumdatam fuisse duodecimo sæculo, & nunc funditùs veram perditam esse Theologiam.

Ex quo capitali errore, ut optimè observat non  
 Melchior Canus, reliquæ istorum Hæreses de-  
 rivatæ sunt. Principiò namque, quod erat facile,  
 Scholæ auctoribus contemptis, Scholæ quoque ju-  
 dicia contempserunt. His neglectis, mox necesse  
 erat, Hieronymus, Augustinus, Gregorius, Ambro-  
 sius, Basilus negligenter, quos Theologi recentes  
 dogmatum suorum auctores habebant. At, anti-  
 quis sanctis posthabitis, despectui quoque habita-  
 runt eorum Concilia. Undè consecutum est, ut,  
 prætâ auctoritate Ecclesiæ, dixerint hæretici, se  
 non habere necesse alios audire, non Patres Ec-  
 clesiæ, non Pontifices, non Synodos, non magni  
 in Ecclesia nominis Theologos, sed se ipsos tan-  
 tum, qui sibi de interiori Spiritus Sancti omnia,  
 illos edocentis assistentiâ perperam blandiuntur,  
 cum potius hac illac spiritu vertiginis acti, per  
 inextricabiles tenebras oberrent, atque in varios  
 errores præcipites ferantur.

D. Theologiam Scholasticam solidè vindi-  
 casti à calumniis, quibus eam hæretici mirificè con-  
 temnunt, & inimicè insectantur. Vnum modò cir-  
 cā doctrinam Ecclesiæ duodecimi sæculi superest  
 examinandum fidei dogma, quod totis suis viri-  
 bus oppugnant hæretici nostri temporis, quodque  
 duodecimo duntaxat sæculo in Ecclesiā fuisse inve-  
 stitū pervicaciter contendunt. At enim usum Indul-  
 gentiarū, per quas relaxatur, seu cōdonantur pœnæ  
 quibus, vigente olim pœnitentia publica, ex præ-  
 scripto Canonū addicebantur grauium peccatorū  
 rei, cœpisse duntaxat sub finem undecimi sæculi,  
 & initium duodecimi affirmant hæretici. Tunc  
 enim, ut inquiunt, jus & potestatem sibi arroga-  
 runt

runt Romani Pontifices Indulgentias plenarias concedendi, seu adæquatam satisfactionis canonicæ relaxationem iis indulgendi, qui expeditionem Hierosolymitanam aggredierentur, vel qui pœnitentias juxtà sacros Canones in quatuor pœnitentium Stationibus præscriptas redimerent eleemosynis, precibus, flagellationibus, peregrinationibus, aut aliis piis operibus. Ex qua relaxatione dicunt hæretici, sublatum penitus fuisse rigorem pœnitentiæ ex præscripto Canonum imponendæ, & in Ecclesiam introductū fuisse duodecimo sæculo usum Indulgentias concedendi. Profer igitur, si placet, argumenta, quibus nostri Theologi Polemici probant, Ecclesiam accepisse à Christo Domino potestatem concedendi Indulgentias, seu remittendi pœnitentiam, quæ ex præscripto Canonum per plures annos subeunda erat.

M. Ecclesiam posse largiri Indulgentias negarunt secundo sæculo Montanistæ, & duodecimo sæculo Waldenses, quos postea secuti sunt Wiclefistæ, Lutherani, Calvinistæ, Zuingliani, aliæque hujusce farinæ pestes. At Ecclesiam accepisse à Christo Domino potestatem Indulgentias concedendi invictis momentis adstruunt Catholici Doctores Polemici. Primò, quia Christus Apostolos suos Matthæi cap. 18. sic alloquitur: *Amen dico vobis, quæcumque alligaveritis super terram, erunt ligata & in Cælo: & quæcumque solveritis super terram, erunt soluta & in Cælo.* Quibus ex verbis manifestò colligitur, quòd sicut Christus per hæc verba; *Quæcumque alligaveritis &c.* Ecclesiam potestate donavit peccatores addicendi pœnitentiæ laboribus, ita per hæc verba: *Quæcumque solveritis*  
*&c.*



etc. dedit Ecclesiæ potestatem ab iisdem pœniten-  
 tiæ laboribus peccatores eximendi. Hinc Aposto-  
 lus Paulus epist. 2. ad Corinth. cap. 2. scribit se Co-  
 rinthiorum precibus motum, sed nomine & in  
 persona Christi, veniam, seu indulgentiam conce-  
 dere incestuoso, quem ab anno & amplius pœni-  
 tentiâ damnarat. Prætereà, Ecclesiam à Christo  
 Domino potestatem accepisse indulgentias conce-  
 dendi docet perpetua sibi que semper constans pra-  
 xis Ecclesiæ Catholicæ, quæ à suis incunabulis ad  
 hanc usque ætatem pœnitentibus nonnunquam  
 indulgentias concessit, eis videlicet remittendo  
 pœnitentiam, quam ex præscripto Canonum subi-  
 te debuissent, ut constat ex benè multis exemplis,  
 quorum nonnulla adduxi, si benè memini, in Col-  
 loquio quinto in Historiam trium priorum Eccle-  
 siæ sæculorum, quod etiam ex Operibus antiquo-  
 rum Scriptorum Ecclesiasticorum, & ex traditione  
 ad nos usque propagatâ confirmare in præsentia  
 non pigebit. *Tertullianus*, qui secundo exeunte sæcu-  
 lo scripsit, in libro *ad Martyres* refert & laudat mo-  
 rem Ecclesiæ, quæ iis, qui lapsi erant, & *Martyrum*,  
 seu eorû, qui grassante persecutione pro fide Chri-  
 stiana passi fuerât, libellos offerebant, pacem & re-  
 conciliationem dabat, necdum integrâ peractâ pœ-  
 nientiâ. Verû quidem est, *Tertullianum* improbasse  
 eundem Ecclesiæ morem in libro *de Pudicitia* cap.  
 ult. ubi alloquendo *Zephirinum* Papam, qui lapsis  
 non nihil de pœnitentia Canonica ex indulgentia  
 remittebat, hæc habet: *An tu & in Martyres tuos*  
*effundis hanc potestatem? . . . . . sufficiat Martyri*  
*propria delicta purgasse . . . . . Quis alienam mortem*  
*tua solvit, nisi solus Dei filius?* Sed advertere debes,

*Tertullianum*, dùm hunc librum de *Pudicitia* scripsit, Montanistarum hæresi fuisse infectum, eumque, carpendo hunc Ecclesiæ indulgentias concedendi morem, illius constantem veterem usum ostendisse. *S. Cyprianus*, qui circà medium tertium sæculum vixit, damnavit quidem indulgentiarum abusum, quem *Felicissimus*, & *Novatus* inducere moliebantur, omnes promiscuè lapsos, quos suis libellis Martyres commendabant, præproperâ veniâ & absolutione donantes, sicut ostendimus in Colloquiis quarto & quinto in Historiam trium priorum Ecclesiæ sæculorum, prudentem tamen & moderatam indulgentiarum concessionem ultrò admisit Sanctus ille Doctor, ut videre est in ejus epistolis 10. 11. & 17.

Præterea, toto eo durante tempore, quo pœnitentia publica in Ecclesia viguit, seu, quo lapsi injunctam pœnitentiam canonicam subire debebant, eamque eleemosynis, flagellationibus, precibus, peregrinationibus, aliisque id genus piis operibus redimere necdùm soliti erant, toto, inquam, eo durante tempore, hoc est usque ad octavum sæculum, poterant Episcopi, juxta facultatem eis concessam à Conciliis Ancyrano, Nicæno primo, Carthaginensi iv. Trullano, & Triburiensi, aliquid de imposita pœnitentia, seu satisfactione canonica relaxare, quandò id pœnitentium salutis & fidelium utilitati expedire judicabant. Post sæculum verò octavum pœnitentes, annuentibus Episcopis, pœnitentiam canonicam sibi impositam redimere cæperunt, eleemosynis, jejniis, orationibus, aliisque id genus externis pietatis operibus, quibus multum de pœnitentiæ, seu satisfactionis

canonicæ rigore detrahebatur . Sub finem undecimi sæculi *Urbanus II.* in Concilio Claromontano indulgentiam , seu canonicæ satisfactionis relaxationem his concessit, qui expeditionem Hierosolymitanam contra Saracenos aggredierentur . Idemque duodecimo sæculo confirmarunt Summi Pontifices *Callistus II.* in Concilio Lateranensi I. *Eugenius III.* in epistola ad *Ludovicum* Galliarum Regem, & *Clemens III.* in epistola ad *Hubertum* Cantuariensem Archiepiscopum . Porro, si Romani Pontifices hanc potestatem concedendi indulgentias , seu pœnitentiam canonicam justis de causis relaxandi à Christo Domino non accepissent , sed eam sub finem undecimi sæculi & initium duodecimi sibi arrogassent , ut obstrepunt hæretici , omnino procul dubio Episcopi , & Doctores contra hanc novitatem reclamassent , & laudatis illorum Pontificum Diplomatis contradixissent , quod tamen nunquàm factum fuisse certissimè constat. Immo, teste *S. Bernardo* ad calcem Epistolæ 246. tam ingens fuit numerus eorum , qui allecti spe consequendæ indulgentiæ , quam Summi Pontifices sub finem undecimi sæculi , & initium duodecimi pro expeditione Hierosolymitana concesserunt, ut omnis generis homines, relictis uxore , patre , filiis, bonis, arduum illud iter aggressi fuerint , & urbe penè vacuas reliquerint : *Vacuantur*, ait *S. Bernardus*, *Urbes & Castella*, & penè jam non inveniunt quem apprehendant septem mulieres virum unum, sed ubique viduæ vivis remanent viris . Denique, hanc perpetuam Ecclesiæ indulgentias concedendi praxim constantèr à duodecimo sæculo ad nostra usque tempora Romani Pontifices conservarunt.



Expleto siquidem sæculo duodecimo institutum, seu decretum est à *Bonifacio Papa VIII.* Jubilæum celebrandum anno millesimo trecentesimo, statutumque fuit, ut qui eo anno Romam venirent Apostolorum limina invisuri, integram peccatorum remissionem, seu plenariam indulgentiam consequerentur. *Jubilæum* centum annorum spatio celebrandum constituerat *Bonifacius VIII.* sed postea *Clemens VI.* qui anno *MCCCXLI I.* creatus est Pontifex Maximus, ad quinquaginta annos revocavit, ac demùm *Paulus II.* senescente sæculo decimo quinto, *Jubilæum* ad annum vigesimum quintum reduxit, & in ea nunc forma servatur. His omnibus, quæ hætenùs adduxi, momentis ad probandam perpetuam Ecclesiæ in concedendis indulgentiis praxim, lubentissimè addam definitionem Concilii Tridentini, quod contra Lutheranos, Calvinistas, & Zuinglianos, qui Waldensium hæreticorum XII. sæculi errorem contra indulgentiarum usum postremis hisce temporibus suscitaverunt, hæc ad calcem Sessionis 25. decernit: *Cùm potestas conferendi indulgentias à Christo Ecclesiæ concessa sit, atque hujusmodi potestate divinitùs sibi tradita antiquissimis temporibus usa fuerit; Sacro-sancta Synodus indulgentiarum usum, Christiano populo maxime salutarem, & sacrorum Conciliorum autoritate probatum, in Ecclesia retinendum esse docet & præcipit, eosque anathemate damnat, qui aut inutiles esse asserunt, vel eas concedendi in Ecclesia potestatem esse negant. In his tamen concedendis moderationem, juxta veterem & probatam in Ecclesia consuetudinem adhiberi cupit, ne nimia facilitate Ecclesiastica Disciplina enervetur. Non ergo antiquam Ecclesiæ doctrinam*

am per moderatam indulgentiarum concessio-  
nem duodecimo sæculo adulterarunt Romani Pon-  
tifices, sicut falsò ipsis imponunt hæretici nostri  
temporis; sed potiùs, ut dicam quod res est, hæ-  
retici Lutherani, & Calvinistę ipsi sunt, qui Ecclesię  
doctrinam omnium sæculorum usu comprobata,  
nunc per amplissimam impię ac funestę indul-  
gentię concessionem corrumpunt, & solidiora  
Christianę Moralis doctrinę principia ab imis  
fundamentis convellere moliuntur. Hi siquidem,  
satis omnibus notum est, pœnitentiam tùm  
publicam, tùm occultam de medio tollunt, neces-  
sarietatem bonorum operum explodunt, & quod ca-  
vetur est, pertendunt, justificationem fieri per solam  
fidem in Christum, eamque fidem justificantem,  
ullo quantumvis gravi & enormi delicto, exce-  
pto infidelitatis peccato, amitti posse. Quo semel  
dimisso infesto hæreticorum dogmate, latissimum  
et omnia flagitiorum genera panditur ostium, eò-  
que faciliùs, liberiùs ac frequentiùs peccant homi-  
nes, quòd impio isto errore delusi, sibi persua-  
deant, nulla peccata sibi imputari, nec se ex justi-  
tia excidere posse, sed certissimam de sua salute,  
eterna fiduciam habere, modò credant in Chri-  
stum, etiamsi in sentina vitiorum sint immer-  
si. Potestne, quæso, major, sed eadem operâ perni-  
ciosior indulgentia concedi eâ, quam hæretici no-  
stri temporis, qui tamen Reformatorum nomen  
ambiunt, suis sectariis promittunt? Legis super  
hoc re librum Gallicè editum ab Antonio Arnaldo  
doctore Sorbonico, cui titulus est: *Le renverse-  
ment de la Morale de Jhesus Christ par les erreurs des  
Calvinistes touchant la justification, seu Doctrina Mo-  
ralis*

*ralis Christiana erroribus Calvinistarum de justificatione omninò profligata.*

D. De doctrina duodecimi sæculi sat superque hætenùs egimus. Tempus est jam de Politia, & de Disciplina Ecclesiastica, quæ eodem sæculo vixit, breviter differere. Ea igitur in primis exponere, quæ spectant Romanum Pontificem, Cardinales, Primates, Episcopos, Presbyteros, & Clericos,

M. Romano Pontifici, utpotè Christi in terris Vicario, cura ex jure divino, incumberebat universam regendi Ecclesiam, & sedulò invigilandi ut unusquisque omnia sui ordinis adimpleret officia. Sic enim S. Bernardus, qui floruit XII. Ecclesiæ sæculo, libro quarto de Consideratione capite quinto Eugenium III. Papam alloquitur: *Superes, ut generalitèr super universum Ecclesiæ statum intendat consideratio tua, si plebes Clericis, si Clerici Sacerdotibus, si Sacerdotes Deo in ea qua oportet humilitate subiecti sint; si in Monasteriis & Religiosis Locis servetur ordo, vigilet disciplina; si super prava opera & dogmata censura Ecclesiastica vigeat, si floreat vine honestate & sanctimonia Sacerdotum, si flores fructu pariant, obedientiam fidelium populorum, si demum vestra ipsorum Apostolica mandata & instituta, ea qua dignum est, sollicitudine observentur, ne quid in agro Domini tui aut neglectu incultum, aut fraud subreptum inveniatur. Appellationes ad Sedem Apostolicam ex totius, quàm latè patet, Orbis Christiani Ecclesiis sæculo duodecimo deferrebantur idque Primatus Romanis Pontificibus à Christo Domino concessi testimonium esse agnoscit idem Sanctus Bernardus lib. 3. de Consideratione cap. 11*



ubi *Eugenium III.* Pontificem Maximum his verbis compellat, & modum, quem in illis appellationibus tenere debeat, docet: *Appellatur*, inquit, *de toto mundo ad te*, id quidem in testimonium singularis *Primatus tui*. At tu, si sapis, non *Primatu* gaudebis, sed *fructu*. . . . . *Appellatur ad te*, & utinam tam fructuosè, quàm necessariè. . . . . Fateor, grande & generale mundo bonum esse *Appellationes*, idque tam necessarium, quàm solem ipsum mortalibus. *Revera quidem Sol justitiæ est*, prodens ac redarguens *opera tenebrarum*. Prorsus fovendæ & manu tenendæ sunt, sed quas extorsit necessitas, non calliditas advenit. *Usurpatoriæ sunt hujusmodi omnes*, non subvenientes in necessitate, sed opitulantes iniquitati. Denique, eum his verbis laudat: *Benè facis tu, quòd appellationum negato suffragio, immò suffugio, multa remittis negotia ad cognoscentes*, vel qui noscere cilius possunt. *Ubi enim certior ac facilior notio, ibi desidio tutior expeditiorque esse potest*. Quàm plenum *gratiæ, quàm multorum perindè per hoc laboribus parvis & sumptibus?* Duodecimo Ecclesiæ sæculo jure quo utebantur Romani Pontifices temperandi *Canones* & ab illis dispensandi, quando urgebat necessitas, & communis aliqua postulabat Ecclesiæ utilitas, sicut disertè docet sæpè laudatus *S. Bernardus* libro quarto de *Consideratione ad Eugenium* capite quarto his verbis: *Quid, inquis, prohibes dispensare?* Non, sed dissipare. Non sum tam rudis, ut ignorem positos vos dispensatores, sed in ædificationem, non in destructionem. Denique, quaritur inter dispensatores ut fidelis quis inveniatur. Ubi necessitas urget, excusabilis dispensatio est. Ubi utilitas provocat, dispensatio laudabilis est. Utilitas dico, commu-

*nis non propria . Nam cum nihil horum est , non planè fidelis dispensatio, sed crudelis dissipatio est . Idem argumentum lato calamo tractat in libro quem edidit de Præcepto, & dispensatione.*

Cardinalium dignitas magnum duodecimo Ecclesiæ sæculo suscepit incrementum , novisque radiis & eximiis prærogativis fulgere cæpit. Enim verò ad ipsos solos Cardinales restrictum est jus eligendi Romanum Pontificem , sicut observat Onuphrius in Adnotatione ad Vitam *Alexandri III.* ubi ait, in electione *Lucii III.* Pape, quæ facta est anno MCLXXXI. ad solos Cardinales , Clero omninò & populo exclusis , Electionem Romani Pontificis tunc primùm fuisse reductam , legemque salutarem , quâ in Concilio Generali Lateranensi tertio celebrato anno MCLXXIX. statutum fuerat , ut , ac evitanda deinceps Schismata , à duabus tertiis Cardinalium partibus eligeretur Romanus Pontifex, executioni mandatam esse, idque sibi constare dicit ex ejusdem Pontificis Diplomate apud se asservato . Præterea , in tractandis negotiis , Causisque Ecclesiasticis judicandis præcipuum locum post Romanum Pontificem duodecimo sæculo Cardinales tenere ceperunt, indeque dicti Summi Pontificis *Collaterales*, in regimine Ecclesiæ *Coadiutores universalis Ecclesiæ Senatores , seniores populi , Orbi Judices* . Inter Epistolas Sancti *Thomæ* , qui duodecimo sæculo Cantuariensem regebat Ecclesiam extat una , quæ libro 2. est ordine XLVI. in qua hi verbis Sanctæ Romanæ Ecclesiæ Cardinales convenit : *Christi vicem gerere debetis in terra . . . . . Decet vos esse vacuos ab omni offensa , ab aliena gratia penitus liberos, si rectè tractatis aliena negotia ;*

loqui

quimini veritatem in populo, si diligitis, qui facitis  
 iudicium in gente. Ad Cardinales etiam S. Bernar-  
 dus, duodecimi sæculi decus & ornamentum, Episto-  
 lam CLXXXVII. in Causa *Abaelardi* scripsit, quæ in-  
 cipit his verbis: Nulli dubium, quin ad vos specia-  
 tèr spectet tollere scandala de Regno Dei, surgentes  
 occidere spinas, sedare querelas &c. Hinc mellifluus  
 Doctor, videns quantà duodecimo sæculo Car-  
 dinales in Ecclesia potestate pollerent, libro quar-  
 to De Consideratione Capite quarto suggerit Euge-  
 nio III. Pontifici Maximo quales ad id muneris di-  
 gnè obeundum eligere ac promovere debeat: *Ve-*  
*namus*, inquit, ad Collaterales & Coadiutores tuos...  
 unum est undecumque evocare & asciscere tibi (exem-  
 plo Moysis) senes non juvenes, sed senes non tam ætate  
 quam moribus, quos tu nosti quia senes populi sunt.  
 An non eligendi de toto Orbe Orbem iudicaturi? Sanè  
 hic negotio non se ingerat rogans. Consilio, non pre-  
 agendum est... Pro quo rogaris, sit suspectus.  
 Qui ipse rogat pro se, jam iudicatus est..... *Adu-*  
*entem*, & ad placitum loquentem, unum de roganti-  
 bus puta, etiamsi nihil rogaverit..... *Quærendi*  
*libus* nec defectus timeatur, nec profectus optetur,  
 potè jam perfectis. Itaque non volentes neque cur-  
 rentes assumito, sed cunctantes, sed renuentes: Etiam  
 age illos & compelle intrare. In talibus, ut opinor,  
 quiescet spiritus tuus, qui non sint attritæ frontis,  
 sed verecundi, sed timorati, præter Deum tamen ti-  
 deant nihil, nihil sperent nisi a Deo. Qui adventan-  
 tum non manus attendant, sed necessitates &c. Inte-  
 rum istud Caput quartum libri iv. De Considera-  
 tione ad Eugenium Papam, si attento animo legas,  
 facile intelliges, quot & quam præclaris dotibus,



juxtà Sanctum Bernardum , in Ecclesia præfulger debeant hi , qui ad Eminentissimam illam Cardinalium dignitatem sublimantur .

Primates , Metropolitani , Archiepiscopi , & Episcopi iisdem juribus ac Privilegiis sæculo decimo fruebantur, quibus, juxtà Disciplinam Ecclesiasticam in præcedentibus sæculis sancitam potiti fuerant . *Callixtus II.* Pontifex Maximus Viennensi Ecclesiæ in Galliis , cujus ante Pontificatum Archipræsul fuerat , Primatum in septem Provincias contulit, sicut jam observavimus in Colloquio II. in Historiam hujusce sæculi duodecimi . Verùm, resistentibus aliis veteribus Primatibus, qui istud *Callisti II.* Decretum subreptitium esse , seque inauditos esse dicebant, nullam Primatis auctoritatem obtinere potuit Viennensis Archiepiscopus , sed tantùm vi illius Rescripti Diersem & Albensem , seu Vivariensem Episcopatus a Arelatenſi Provincia distractos in suâ Viennensē Provinciam adscivit, cujus etiamnùm partes sunt Primatum Ecclesię Lugdunensis in Provincias Lugdunensem, Rotomagenſem, Turonensem, & Senonensem , senescente jam sæculo undecimo , seu anno MLXXIX. instituit *Gregorius VII.* deditque *Gebuino* Archiepiscopo Lugdunensi. Huic Summi Pontificis Decreto obtemperavit *Rodulfus* Turonensi Archiepiscopus, & ea de re *Gebuinus* tam ipsi, quàm ejus Suffraganeis gratulatus est, ut constat ex ejusdem *Gebuini* litteris , quas *Baluzius* in Appendice libri *de Primatibus* editi à *Petro de Marca* Archiepiscopo Parisiensi produxit . At *Richerius* Senonensis Archiepiscopus jura suæ Ecclesiæ tueri volens huic Lugdunensi Primatui intercessit . Decre

am tamen *Gregorii VII.* confirmavit *Urbanus II.*  
 Synodo Claromontana anno *MXCV.* celebratâ,  
 Senonensem, ac Rotomagensem Archiepisco-  
 ps, nisi *Hugonem* in Archiepiscopatu Lugdunensi  
*Abuini* successorem tanquàm Primate[m] suum re-  
 rerentur, Pallio privavit, eorumque in Suffraga-  
 nos auctoritatem suspendit, ut liquet ex Decreto  
*urbani II.* & Synodi Claromontanæ à laudato *Pe-*  
*tro de Marca* in prædicto libro edito. Huic judi-  
 cio refragatus est *Richerius* Senonensis Archiepi-  
 scopus, eumque nec judicium Claromontani Con-  
 cili, nec exemplum Provincialium Episcoporum,  
 nec *Ivonis* Carnotensis Episcopi Consilium, neque  
 interdictio, quæ adversus illum fuit pronunciata,  
 vincere potuerunt, nec ab illo obtinere, ut Lugdu-  
 nensis Ecclesiæ Primatum agnosceret. Immo, in  
 obstentia sua usque ad mortem, quæ anno *MXCVI.*  
 contigit, continuò perstitit. Demortuo *Richerio*  
 Archiepiscopo Senonensi successit *Daimbertus*, cu-  
 jus consecrationem fieri prohibuit *Hugo* Archi-  
 episcopus Lugdunensis, nisi priùs *Daimbertus* Prima-  
 tum Ecclesiæ Lugdunensis agnovisset. Sed cum  
 hæc hanc conditionem contrà Ecclesiæ suæ jura ad-  
 implere nollit, nec Ordinationem ab Episcopis  
 Comprovincialibus obtinere posset, Romam pro-  
 ceffit, & in ipsa urbe consecratus ab *Urbano II.*  
 Pontifice Maximo. Paulò post tamen *Daimbertus*  
 vocatus ad Synodum ab eodem Pontifice an. *MXCIX.*  
 Romæ celebratam, coactus est promittere, se Lug-  
 dunensis Ecclesiæ Primatum super Senonensem  
 agniturum, sicut nos docet ejusdem Romani Pon-  
 tificis Epistola ad *Hugonem* Archiepiscopum Lug-  
 dunensem data, quam edidit *Petrus de Marca* in-

Dissertatione *de Primatibus*. Cùm igitur de Primatu Ecclesię Lugdunensis sublata esset omnis contentio, *Hugo* Archiepiscopus Lugdunensis jura Primatus sui pacificè duodecimo sæculo exercuit in Provincias Lugdunensem, Rotomagensem, Turo-nensem, & Senonensem. De hoc Primatu Lugdu-nensi legendus est *Petrus de Marca* loco citato, *Carolus Du Bois* in *Historia Ecclesię Parisiensis* lib. 11. cap. 5. & noster *Natalis Alexander* art. 3. cap. 7. *Hist. Eccles. sæc. 11. & 12.*

Ecclesię Toletanę per Hispaniarum Regna Primatum, quem *Urbanus II.* ad petitionem *Ildephonsi*, seu *Alphonfi VI.* Castellę Regis, an. MLXXXVIII. contulerat *Bernardo* Archiepiscopo Toletano, novis Decretis confirmarunt Romani Pontifices duodecimi sæculi, videlicet *Paschalis II.* *Eugenius II.* *Anastasius IV.* *Hadrianus IV.* *Alexander III.* & *Innocentius III.* ut videre est apud *Marianam* lib. 12. de *Rebus Hispaniæ* cap. iv. Præstat etiam legere, quæ de ejusdem Primatus Toletani Origine differit accuratus ille ac elegans Historicus lib. 9. cap. 19. ubi etiam refert omnia Diplomata Romanorum Pontificum, qui Primatum Toletanum per Hispaniarum Regna autoritate Apostolicâ duodecimo Ecclesię sæculo comprobaverunt.

Ad fanciendam Disciplinam Ecclesiasticam, circa vitam & mores Presbyterorum & Clericorum benè multa 12. sæculo constituta sunt in Conciliis saluberrima Decreta. Presbyterorum incontinentia damnata fuit, eorum matrimonia non solum prohibita, sed etiam nulla & planè irrita declarata fuerunt, eorum filii ex his invalidis matrimoniis procreati tãquàm spurii proscripti sunt,



à Clero ubique in perpetuum exclusi, omnesque sanctissimæ leges, quæ tùm ad cælibatum adamus-  
 observandum, tùm ad impediendum ne bene-  
 ficia simoniacè conferrentur, vel hæreditaria in-  
 familiis redderentur, jàm in præcedentibus Con-  
 ciliis latæ erant, denuò comprobata sunt, earum-  
 que transgressoribus gravissimæ indictæ poenæ.  
 Denique, Clerici ab omni servitute publica duo-  
 decimo sæculo erant liberi, & possessiones Ecclesia-  
 rum à publicis exactionibus immunes. Bonorum  
 ecclesiasticorum Clericos non dominos, sed di-  
 pensatores tantummodò esse, nec plura Beneficia  
 possidere posse, nec possessiones ex Ecclesiæ bonis  
 acquisitas, aut pecunias ex redditibus Ecclesiasti-  
 cis residuas ad hæredes transmittendi jus habere,  
 doctrina erat duodecimo Ecclesiæ sæculo recepta,  
 aut ex his, quæ mox dicemus de Doctrina Morali  
 duodecimi sæculi, liquidò constabit.

D. Quænam duodecimo sæculo in Sacra-  
 mentorum administratione observabatur Disci-  
 plina?

M. Hæc duodecimo sæculo in Sacramento-  
 rum administratione vigeat Ecclesiæ Disciplina.  
 Baptisma in trina immersione solemnibus diebus  
 conferebatur. Pœnitentia publica erat adhuc in  
 usu, sensim tamen sine sensu exolescere cæpit, quia  
 amplurimi sese ab ea peragenda redimebant  
 elemosynis, peregrinationibus, flagellationibus,  
 itæ Monasticæ professione, & Indulgentiis, quas,  
 superius diximus, Romani Pontifices concede-  
 bant illis, qui expeditionem Hierosolymitanam,  
 contra Saracenos suscipiebant. Publicam pecca-  
 torum Confessionem frequentè faciebant ægroti

in extremo vitæ discrimine, ac nonnulli, imminente morte, cilicio ac cinere cooperti vestem Monachalem, pietatis ergò, induebant; quod licèt, ut obiter dicam, in his, quos verè peccatorum pœnitet, laudabile etiamnùm ac salutare sit, illis tamen, qui datâ operâ penitentiam usque ad vitę exitum procrastinant, valdè incertum est, an aliquandò profit, quia, ut vulgò dicitur: *Simia semper simia, etiamsi purpura vestiatur*. Sacramentalis Absolutio, & Communio Eucharistica reis extremo supplicio sententiâ Judicis addictis duodecimo adhuc Ecclesię sæculo in Galliis denegabantur. Eucharistię administratio sub solo panis Symbolo, ne Domini sanguinis effusio accideret, Laicis in multis Ecclesiis porrigebatur. Quæ tamen consuetudo non statim obtinuit in omnibus Ecclesiis Occidentis, in quibus adhuc retentus est antiquus mos communicandi sub utraque specie. Sed sequenti sæculo, hoc est, decimotertio, postquàm S. Thomas, Doctor Angelicus, ea de re consultus, earum Ecclesiarum, quæ in frequenti communicantium cœtu solum panis consecrati Symbolum Laicis impertiebant, pietatem & prudentiam eo in usu laudavit, certatim reliquæ omnes Ecclesiæ illum amplexæ sunt. *Provide*, inquit Angelicus Doctor 3. par. quæst. 80. art. 12. *in quibusdam Ecclesiis observatur ut populo sumendus sanguis non detur*. Denique, eleemosynas pro Missarum celebratione, spontè oblatas poterant quidem Sacerdotes recipere, sed non exigere. Pretium etiam pro Ordinatione, Chrismate, Oleo, Christianâ sepulturâ, & professione religiosa exigere, sacris Canonibus districtè vetitum erat. Sed hæc præcipua Capita

Disci-

Disciplinæ Ecclesiasticæ, quæ in Sacramentorum administratione duodecimo sæculo observari solebat, delibasse sufficiat.

D. Floruitne sæculo duodecimo Monastica Disciplina, cui tot Sanctissimi Ordinum fundatores maximum undecimo sæculo splendorem conciliarunt?

M. Quamvis certum sit, Monasticam Disciplinam suam adhuc duodecimo sæculo retinuisse splendorem, & Ecclesiam novis Religiosorum ac Monachorum institutis Ordinibus munitam, atque plurimum fuisse illustratam; negari tamen haud potest, Monasticam Disciplinam sub initium duodecimi sæculi in nonnullis Cœnobiis, præsertim, Sanctimonialium, fuisse valdè labefactatam & corruptam in Galliis. Sanctus Ivo Carnotensis Episcopus in Epistola ad Galterium Meldesem Episcopum anno mc. datâ, & quæ ordine est lxx. eum vehementer hortatur, ut nullus timor incommodorum ab officii sui intentione dimoveat. Quod ideo, inquit, suggero dilectioni vestræ, quia tam ex verbis Turonensium Monachorum, quàm ex litteris dominæ Adelaidis venerabilis Comitissæ audiui turpissimam famam de Monasterio Sanctæ Faræ (quod situm est in Diœcesi Meldensi) quod jam non locus Sanctimonialium, sed mulierum Dæmonialium prostibulum dicendum est, corpora sua ad turpes usus omni generi hominum prostituentium. Doctissimus Mabillonius libro 5. De Re Diplomatica pag. 368. refert Epistolam Philippi Francorum Regis Bernardo Majoris Monasterii Abbati datam, in qua istud Monasterium Sanctæ Faræ, ejectis ex eo Monialibus, donavit Monachis Benedictinis. Hermannus Laudunen-



sis Monachus, & duodecimi sæculi Scriptor, qui tres libros *De Miraculis Beatae Mariæ Laudunensis* obtulit *Bartholomæo* ejusdem urbis Episcopo, asserit libro tertio capite vigesimo secundo, in *Monasterio Sancti Joannis Laudunensis* nonnulla sinistrae famæ de illius Sanctimonialibus dicta fuisse, cumque frequentèr commonitæ emendationem verbo promitterent, sed factò non implerent, eas à *Bartholomæo* Episcopo è Monasterio fuisse ejectas. Quod accidit anno MCXXVII. anno verò sequenti, seu MCXXXIX. *Matthæus* Albanensis Cardinalis, Sedis Apostolicæ Legatus, Parisiis Concilium celebravit, in quo decretum est, ut Moniales Monasterii Argentoliensis tribus circitèr leucis ab urbe Parisiensi distiti, quæ spurcâ & infami conversatione, omnem ejusdem loci affinitatem fœdare dicebantur, indè expellerentur. Quod *Honorius II.* literis Laterani nono Kal. Maii datis confirmavit, & ad petitionem *Ludovici* Galliarum Regis Monasterium illud, cujus tùm temporis *Heloïssa*, olim uxor Petri *Abaelardi*, Priorissa erat, Monachis Benedictinis Cœnobii San-Dionysiani dedit. Nec solum in Gallia, sed etiam in Germania, in Belgio, & in Lotharingia aliquæ Sanctimoniales, contempto castitatis voto, vitam sæcularem amplexæ sunt, & è Monasteriis ejectæ, in quæ eodem sæculo duodecimo introducti sunt Monachi, sicut tradunt Historici Scriptores hujus sæculi.

Verùm, Regularem ac Monasticam Disciplinam, quæ in multis Monialium Cœnobiis collapsa erat, impensè coluerunt, & magna cum vitæ austeritate duodecimo sæculo observarunt Cistercienses, Carthusienses, Camaldulenses, Grandi-

montenses, Vallumbrosani, Cluniacenses, alique  
 ne Monachi Benedictini, quorum ritus hîc brevi-  
 ter describam. Pueros à Parentibus offerri Mo-  
 nasteriis, ac vitę Religiosę dedicari, mos erat duo-  
 decimo sæculo adhuc in Ecclesia receptus, nec po-  
 terant pueri sic à parentibus Deo dicati à Mona-  
 steriis discedere, & ad sæculum redire, quia, ut ait  
*Clemens III. cap. cum virum*, Titulo de Regularibus,  
 lib. 3. Decretalium: *Cum juxta Concilii Toletani*  
*ensuram, Monachum aut paterna devotio, aut propria*  
*professio faciat, quidquid horum fuerit alligatum, te-*  
*nebit, revertendi ad sæculum aditu penitus interdi-*  
*cto*. Hanc tamen Disciplinam *Cælestinus III.* qui an-  
 no MCCCXI. electus est Pontifex Maximus, abrogavit  
*cap. Cum simus*, ubi statuit, ut si Pater se cum bonis  
 suis, & filio impubere obtulerit Monasterio, filius  
 ad annos discretionis perveniens habitum Mona-  
 chalem retinere noluerit, non sit ullatenus compul-  
 sendus, quia tunc liberum sibi erit eum dimittere,  
 ad sæculum redire, & bona paterna, quę sibi ex suc-  
 cessione proveniunt, postulare. Monachi ad Profes-  
 sionem ante annum decimum quartum etatis con-  
 pletum non admittebantur, & pro ingressu Mona-  
 sterii, seu pro receptione ad Religiosam Professio-  
 nem nullum pretium, juxta Canones in multis Con-  
 ciliis 12. sæcul. sancitos, exigi poterat. Opus manuum  
 statim horis à Monachis & Sæctimonialibus frequen-  
 tari solemne erat, nec tamen à sacris studiis arce-  
 rantur Monachi, immò, sacrorum Studiorum exerci-  
 tationem, lectionem, scriptionem, editionem li-  
 brorum ad publicam Ecclesię utilitatem dignum  
 esse Monachis laborem & manuum operi præfe-  
 rendum asserit Sanctus Petrus Cluniacensis Abbas,  
 qui

qui sæculo duodecimo floruit in Epistola xx. libri primi ad *Gislebertum*, ubi hæc habet : *Plantari non possunt arbusculæ, rigari nequeunt sata, neque aliquid ruralis operis exerceri . . . . . Sed, quod est utilius, pro aratro convertatur manus ad pennam, pro exarandis agris, divinis literis paginæ exarentur, seratur in chartula verbi Dei Seminarium, quòd, maturatis segetibus, hoc est, libris perfectis, multiplicatis frugibus, esurientes Lectores repleat, & sic panis cælestis lethalem animæ famem depellat. Non omnibus tamen promiscuè Monachis licitum erat legere libros Gentilium, Poetarum, aut Philosophorum, sed iis tantum quibus id ab Abbate præcipiebatur, sicut observat doctissimus Pater Martene Monachus Benedictinus Congregationis Sancti Mauri in Commentario in Caput quartum Regulæ Sancti Benedicti, ubi hæc scribit : Procul ergò à nostris Gentilium libri, procul Poetarum, aut Philosophorum fallaciæ . . . . . nisi fortè ad eorum ineptias confutandas, & ad mysteria nostræ Fidei confirmanda . . . . . Sed hæc omnium non sunt, sed Doctorum dumtaxat, & eorum quidem non etiam omnium, sed quibus id ab Abbate præcipitur. Quapropter, faciliè componi, ac conciliari potest literaria illa Concertatio, quam circà *Studia Monastica* sæculo proximè elapso habuerunt duo præstantissimi viri, vel potius duo magna Monastici Ordinis luminaria, regularisque columnina Disciplina, Dominus De Rance Abbas Trappensis, & Joannes Mabillonius Benedictinus Congregationis Sancti Mauri. Nec enim clarissimus juxtà ac religiosissimus Abbas eo fine studia Monastica impugnat, ut lectionem Scripturæ Sacræ, Sanctorum Patrum,*



trum, & Scriptorum Asceticorum Monachis omnino interdictam esse velit, sed id unum dumtaxat ostendendum sibi proponit, non omnes Monachos Prophanarum litterarum, peregrinarum linguarum, Mathematicarum disciplinarum, Numismatum, Inscriptionum, aliarum id genus humanarum Artium atque Scientiarum notitiâ indiscriminatum imbui debere. Quod sanè verissimum est, quia ut plurimum hujusmodi prophanæ disciplinæ sanctiorem disciplinam cum pietate enervant, superbiam ingenerant, neglectum vitæ Monasticæ officiorum, & nimium affectum rerum mundanarum, quibus Monachi nuncium penitus remittere debent. Mabillonius verò, dum *Studia Monastica* vindicat, non omnes disciplinas Monachis necessarias esse contendit, longè minus asserit, Monachos omnes, neglectis vitæ Monasticæ officiis, majoribus, altioribusque studiis vacare debere, sed solum studia litterarum, ea maximè, quæ Viros Ecclesiasticos decent, Monachis permittit, ita tamen ut majora aut minora pro cujusque captu, & judicio Superiorum modeste & cum charitate suscipiant. Si igitur (verba sunt Mabillonii in ea, quam *Operi De studiis Monasticis* præfixit, & junioribus Benedictinis Congregationis Sancti Mauri inscripsit Epistola) quas studio ac labore comparatis, divinarum humanarumque rerum notitiæ hunc in vobis fructum (videlicet divinarum perfectionum notitiam & mundanæ gloriæ contemptum) non referant, studiis nuncium penitus remittere, quàm mortifero scientiarum veneno infici, aut, quem incautis plerumque pariunt, superbiæ tumore inflari, longè satius est. In eundem igitur scopum circà *Studia Monastica* colli-

lima-

limarunt duo illi præstantissimi Viri, quamvis, necdum satis benè perspecto quæstionis statu, discrepare videantur in libris, quos ultrò citròque, ediderunt non verborum asperitate, non dictionibus, non felle, jocisque, ut plurimum fieri solet, resperfos, sed mirâ eruditione, nec minori modestiâ, insolenti animi moderatione, & humanitate ubique conditos, eâque charitate perfusos, quæ tantoperè in Evangelio commendatur, virosque decet maximè religiosos.

De austero Monachorum vivendi genere, quod in Colloquio sexto in Historiam sæculorum x. & xi. descripsimus, nihil planè xii. sæculo immutatum est. *Qualis ac quanta fuerit, inquit Mabillonius in Præfatione Operum Sancti Bernardi, Cisterciensium sub Bernardo districtio, & rigiditas, non est necesse hoc loco exponere, quando id satis superque patet tum ex Bernardi scriptis, tum ex ipsius vita, maximè ex libro primo cap. 5. ubi primi Clarevallis incolæ, Deo servire memorantur in paupertate spiritus, in fame, & siti, in frigore, & nuditate, in vigiliis multis. Pulmentaria sæpius ex foliis fagi conficiebantur, panis ex hordeo, & vicia & milio erat. Ità Guillelmus testis oculatus. Tanta in cibo erat parcimonia, inquit Stephanus Tornacensis, ut duobus tantum pulmentis utantur, quæ aut ager ex leguminibus, aut ex oleribus hortus affert. Ipsi pisce tantò rariùs utuntur, quantò frequentius apud eos audiri solet, quàm videri. Eamdem vitæ severitatem nos Galli etiam nunc reflorescere conspiciamus in piissimis Monachis Beatæ Mariæ de Trappa, aliisque nonnullis eorum imitatoribus, qui vitæ suæ puritate, austeritate, solitudinis amore, silentio, labore, aliisque religiosis virtutibus,*

us, id factu possibile adstruunt, quod de Bernardo,  
usque Discipulis legebamus, nec ferè credebamus.  
actenus perdoctus Mabillonius. Nec minor duo-  
cimo sæculo fuit Monachorum Camaldulensium  
tæ austeritas, sicut testatur Rever. Pater Guido  
andi Abbas Camaldulensis in suo libro, cui titu-  
s est: *Dissertationes Camaldulenses*. Sic enim eru-  
tus ille Abbas Dissertatione 1. cap. 3. scribit:  
unc igitur vivendi Regulam, & ipse usque ad exitus  
diem servavit Romualdus, & eam cunctis Eremitæ  
vitæ sectatoribus reliquit, ut unusquisque se tunc  
eremiticæ vitæ abstinenciam & jejunium tenere co-  
goscet, cum per hebdomadam triduana secundæ, ter-  
tiæ, & quartæ feriæ, & biduana sextæ feriæ, & Sab-  
bati jejunia, idest, in panis tantum & aquæ perce-  
ptione, observat; quinta feriæ & Dominica diebus  
cæra, vel quodcumque legumen cum gratiarum actio-  
ne percipiat. Quamdiu igitur Beatus iste vitæ Eremitæ  
Institutor vixit, & multo tempore, postquam ad  
ternæ Beatitudinis gaudia conscendit, hæc fuit in  
monasterio Camaldulensi ex integro forma servata. De-  
inde, Monachis duodecimi sæculi tantus Regu-  
laris disciplinæ infidebat amor, ut Cistercienses in  
conventibus Generalibus anni mcccciv. Episcopis ex  
monasteriis suis assumptis imposuerint legem Mo-  
nasticum habitum deferendi, & vitæ regularis In-  
stitutum ad strictos juris apices servandi: Episcopi,  
inquit, assumpti de ordine nostro consuetudines no-  
stas tenebant in qualitate ciborum, in forma indu-  
mentorum, in observantia jejuniorum, in officio Ho-  
morum Regularium; excepto, quod mantellum de vili  
linno, & pelle ovina, & pileum similem aut simpli-  
ter de lana habere poterunt, qui voluerint. Hic ra-  
men



men dissimulare haud possum, multos duodecimi sæculi Abbates nimio ambitu sibi Pontificum Privilegia, & Monasteriis suis exemptiones à jurisdictione Episcopali quæsisse. Quâ de re vehementer conqueritur Sanctus Bernardus in Epistola XLII. ad Henricum Senonensem Archiepiscopum his verbis: *Miror, inquit, quosdam in nostro Ordine Monasteriorum Abbates hanc humilitatis Regulam odiosa contentione infringere, & sub simili, quod pejus est, habitu & tonsura tam superbè sapere, ut cum ne unum quidem verbum de suis imperiis subditos prætergredi patiantur, ipsi propriis obedire contemnant Episcopis. Spoliant Ecclesias ne emancipentur, redimunt se ne obediant . . . . . Verùm aperte indicant quidam horum quid cogitent, dùm multo labore ac pretio Apostolicis adeptis Privilegiis, per ipsa sibi vendicant Insignia Pontificalia, utentes & ipsi, more Pontificum, Mitra, Annulo, atque sandaliis. Sanè si attenditur rerum dignitas, hanc Monachi abhorret Professio: Si ministerium, solis liquet congruere Pontificibus. Et libro 3. De Consideratione ad Eugenium Papam Capite 4. contrâ Ecclesiarum & Monasteriorum Exemptiones ita scribit Mellissius ille Doctor: *Murmur loquar & querimoniam Ecclesiarum: truncari se clamitant ac demembrari: Vel nullæ, vel paucæ sunt, quæ plagam istam aut non doleant, aut non timeant. Quæris quam? Subtrahuntur Abbates Episcopis, Episcopi Archiepiscopis . . . . . Sic faciendo, probatis vos habere plenitudinem potestatis, sed utrùm & debeatis, quæstio est &c.* At licet Sanctus Bernardus has Monasteriorum Exemptiones ambitione quæsitæ improbaverit, illas tamen legitimas agnovit, quæ necessitatis, aut commu-*

is utilitatis intuitu à Sede Apostolica concedantur . Undè ibidèm subdit : *Nonnulla tamen Monasteria sita in diversis Episcopatibus , quòd specialius pertinuerint ab ipsa sui fundatione ad Sedem Apostolicam pro voluntate fundatorum , quis nesciat ? sed aliud est quod largitur devotio , aliud quod molitur ambitio impatiens subjectionis .*

D. Quinam sunt isti Religiosorum Ordines , quibus Ecclesia , ut mox dixisti , duodecimo seculo munita fuit , ac plurimùm illustrata ?

M. Canonicorum Regularium Ordinem lon-  
gè latèque duodecimo seculo propagavit S. Ivo , qui  
Monasterii Sancti *Quintini* Bellovacensis primus Ab-  
bas fuit , & postea Episcopus Carnotensis , de cujus  
doctrina & pietate sat diximus in præcedenti Col-  
loquio , de Viris Illustribus duodecimi sæculi dis-  
serendo . Pro Canonicis Regularibus Ordinis San-  
cti Augustini Cœnobium Sancti *Victoris* ad muros  
Parisienfes Regiâ munificentia seculo .xii. excita-  
vit *Ludovicus VI.* Galliarum Rex . Quæ Regalis  
Abbatia Caput celeberrimæ Congregationis ac  
veterimarum Abbatiarum , præsertim S. *Genovefæ* ,  
in urbe Parisiensi sitæ Parens fecundissima fuit .  
Ex utraque Canonicorum Regularium Ordinis  
sancti Augustini Abbatia , seu Sancti *Victoris* , &  
sanctæ *Genovefæ* , in Galliis prodierunt Sanctimo-  
nii & doctrinâ insignes Viri , quorum aliqui illu-  
riorum infulis dignitatum fuerunt in Ecclesia ,  
ornati . Celebres etiam duodecimo seculo ex-  
terunt variæ Canonicorum Regularium Congre-  
gationes , præsertim *San - Rufina* , sic dicta ab Ab-  
batia S. *Rufi* extra muros Avenionenses , quæ hu-  
ius Congregationis *San-Rufinæ* caput erat ; Con-

gregatio *B. Petri de Honestis*, Congregatio Sancti Salvatoris apud Bononiam, *Lateranensis*, & alia quædam. Nouum Canoniorum Regularium Ordinem duodecimo sæculo, hoc est anno millesimo centesimo vigesimo instituit *S. Norbertus*, in Diceceſeos Laudunenſis loco, qui *Præmonſtratus* dicitur, quem ipſi *Bartholomæus* Episcopuſ Laudunenſis in Galliis conceſſit, ac naſcentem Ordinem fovit ac propagavit, quinque Monasteriis in Diceceſi ſua conditiſ, Sancti Norberti Inſtitutum approbavit *Calliſtus II.* Pontifex Maximuſ, *Honoriuſ II.* confirmavit, & *Innocentiuſ II.* *Luciuſ II.* *Eugeniuſ II.* *Hadrianuſ IV.* *Alexander III.* *Luciuſ III.* *Urbanuſ III.* *Clemenuſ III.* multis hunc Ordinem Privilegiis donarunt, quæ in Bibliotheca Præmonſtratenſi ſunt excuſa. *S. Auguſtini* Regulam ſectantur Canonici Regulares Præmonſtratenſes, & Conſtitutioneſ auſteruſ obſervant ex Sancti Norberti diſciplina. De hoc Præmonſtratenſium Canoniorum Regularium Ordine *Herimannuſ*, qui hoc tempore vivebat, ex Monacho Laudunenſiſ *Vincenſii*, factuſ poſteâ Abbaſ Sancti Martini Tornacenſiſ, in *Hiſtoria Reſtaurationiſ Abbatieſ Martini Tornacenſiſ*, quæ extat Tomo XII. Spicillegii Dacheriani, hæc ſcribit: Sic per Dei gratiaſ brevi tempore, profecit, ut nullum, præter Apoſtoloſ, videamuſ hodiè tantum fruſtum in Eccleſia ſeciſſe. Nam cum necdum converſionis ejuſ trigeſimuſ annuſ ſit, jam ferè centum Monasteria à ſequaciſ ejuſ per diverſaſ Orbis parteſ conſtructa audivimuſ, ita ut etiam in Hieruſalem uſque Regula eorum ſervetur. Sed de hujus celeberrimi Præmonſtratenſium Canoniorum Regularium Ordiniſ exordio ac pro-



agatione plura leges apud P. *le Paige* in Bibliotheca Præmonstratensi, *Aubertum Miræum* in Chronico Præmonstratensi. Obitèr tantum dicam, *Norbertum*, & Canonicos Regulares Præmonstratenses ab eo institutos non gestasse olim, etiam Choro, vestem lineam, seu, ut vocant, *Superpelliceum*, sed solum Cappam albam, ut liquet ex multis depictis tabellis in antiquis Præmonstratensium Abbatiis etiamnum asseruatis, in quibus *Norbertus* cum habitu albi coloris, cum Cappabâ, & cappucio ac cingulo super scapulare ejusdem coloris, absque veste lineâ, depingitur. Similem S. Norberti antiquam effigiem nullâ lineâ veste induti exhibent Continuatores *Bollandi* in *Actis Sanctorum* Tomo I. mensis Junii. Unde Hoc tum singulari observatione dignum colligit doctissimus *Mabillonius* in suo secundo Scripto, quod Galli *Factum* vocant, ubi disertè asserit, Dominicos esse veros Canonicos Regulares, tum quia Dominicani, non secus ac Præmonstratenses, qui sunt veri Canonici Regulares, Cappam gestant cum hoc solo discrimine, quod Dominicanorum Capta nigra sit, Præmonstratensium verò alba; Tum etiam Dominicani, perinde ac Præmonstratenses, sectantur Regulam S. Augustini, quam S. *Dominicus*, Canonicus Regularis, eorumque institutor, ipsis servandam proposuit. Sed de hoc in Colloquio nostris in Historiam sæculi XIII. iterum reuertitur sermo, præsertim in Colloquio sexto, ubi de operâ agemus de institutione Ordinis FF. Prædictorum, & an Dominicani jure ac meritò dici possint Canonici Regulares? breviter inquiremus.

D. Sæpius audiui à viris eruditis, multos

Equestres Ordines religiosos sæculo XII. fuisse institutos, quorum nomina, Officia, ac in Ecclesiam promerita cùm necdùm satis explorata habeam, ea à te in præsentia perdiscere cupio.

M. Inter Equestres Ordines religiosos, qui XII. sæculo instituti referuntur, celebriores fuerunt Ordo Hospitalariorum S. Joannis Hierosolymitani, Ordo Militum Templi, seu Templariorum, Ordo Equitum Sancti Sepulchri, Ordo Sanctæ Mariæ Teutonicorum, Ordo de Calatrava, & Ordo S. Jacobi, quorum officia, & Ecclesiæ redditu obsequia paucis hìc expendemus. In primis Equitum Hospitalariorum, seu S. Joannis Hierosolymitani Ordinis institutio, sicut narrant *Willelmus Archiepiscopus Tyrius lib. xviii. de Bello sacro cap. v. & Jacobus de Vitriaco in Hist. Hierosolym cap. lxiv.* in hunc modum anno mxcix. initium habuit. *Amalphytani* (qui Normanni erant) cùm sæpiùs merces peregrinas Hierosolymam afferrent, Calypham Ægypti muneribus sibi benevolum reddiderunt, & ab eo obtinuerunt, ut pro Ecclesiam sepulchri Dominici Ecclesiam Latinorum construerent, dictam postea Ecclesiam *Sanctæ Mariæ de Latina*, quia Abbatem & Monachos morum Latinorum divina celebrantes Mysteria in ea statuerunt. Illuc deindè certatim confluyente, pietatis ergò, Peregrinorum multitudine, cùm tam Monasterium illud, quàm Monasterium *Sanctæ Mariæ Magdalene* pro peregrinis mulieribus Latinis ab ipsis fundatum non sufficerent ad excipiendo omnes pauperes & infirmos, prædictus Abbas & Monachi Xenodochium, seu Hospitale & Capellam in honorem *Sancti Joannis Eleemosynar*

Patriarchæ Alexandrini in eodem loco construxerunt. Postquàm verò Hierosolyma à Christianis recepta fuit, *Gerardus*, qui diù de mandato Abbatis in prædicto Hospitali pauperibus inservierat, adiunctis sibi quibusdam aliis, habitum regularem accepit, vestibus suis albam crucem exterius affixens. Hoc pacto Equitum Hospitalariorum Ordinem sumpsisse initium asserunt duo illi laudati Scriptores *Willelmus* Archipræsul Tyrius, & *Jacobus de Vitriaco*. Verùm in hac narratione unum est, quod jure merito negant Equites Hierosolymitani, qui appellantur *Equites Melitenses*. Negant enim *Gerardum* dedicasse Sancto *Joanni Eleemosynario* Hospitale, quod hierosolymis ædificavit, armantque, nullam unquàm in Ordine Ecclesiam in honorem Sancti Joannis Eleemosynarii fuisse constructam, aut aliquod Festum de eo celebratum, sed Sanctum *Joannem Baptistam* semper Ordinis Patronum agnitum, varia per annum Festa antiquissimis temporibus de illo facta, ejusque mentionem in votis ab Equitibus Hierosolymitanis, quandò professionem emittunt, fieri solitis, super habitam. Huic autem perpetuæ totius Ordinis S. *Joannis Hierosolymitani* traditioni officere non debet testimonium *Willelmi* Archiepiscopi Tyrii contrarium asserentis, quia certissimè constat, prædictum *Willelmum* Equitibus Hierosolymitanis primum æquum fuisse, præsertim post dissidia inter Cerum Hierosolymitanum & eosdem Equites exorta, quòd hi nimirum se ab Episcoporum jurisdictione subtraxissent, & ab *Anastasio IV.* Pontifice maximo privilegium obtinuissent bonorum à se possessorum decimas eisdem non soluendi. Fides



itaque *Willelmo* Archiepiscopo Tyrio adversus Equites Hierosolymitanos adhibenda non est, explodendumque commentum, quod ex eo *Jacobus de Vitriaco*, multique viri docti exscripserunt, scilicet Hierosolymitanos Equites, postquam divitiis abundarunt, ejurasse Patronum suum Sanctum *Joannem Eleemosynarium*, & Sanctum *Joannem Baptistam* in ejus locum adoptasse. De rebus gestis Equitum Hierosolymitanorum ( qui olim Rhodii, nunc Melitenses Equites dicuntur ) legi possunt libri editi à *Pantaleone*, *Bosio*, *Boissato* &c.

Ordinis Militum Templi, seu Equitum Templariorum primi institutores fuerunt duo Equites, *Hugo de Paganis*, & *Godefridus de Sancto Audomaro*, qui certum domicilium cum necdum haberent, *Balduinus II.* Hierosolymorum Rex locum in Palatio, quod secus Templum Domini ad australem plagam situm erat, eis ad habitandum concessit anno *mcxviii*. iidemque *Fratres Militiæ templi*, seu Templarii dicti sunt, Horum Instituti finis erat vias publicas custodire, fideles ab infidelibus, & peregrinantes ad loca sacra Christianos à Prædonum insidiis, & Christiani nominis hostium incursibus defendere ac tutari. Novus ille Equitum Templariorum Ordo confirmatus est in Concilio Trecensi in Galliis anno *mcxxviii*. celebrato, Præfide *Matthæo* Cardinali Episcopo Albanensi, & *Se dis* Apostolicæ Legato, ipsisque tradita Regula & præscriptus albi coloris habitus, cui postea super pallium Crucem rubeam attexi curavit  *Eugenius III.* Papa anno *mcxlvii*. Floruit multos annos famâ celebris hic Templariorum Ordo, sed tandem divitiis nimium locupletatus, in tot abusus & viti

itia lapsus est , ut in Generali Concilio Viennensi in Galliis anno mcccxi. sub *Clemente V.* Summo Pontifice habito fuerit suppressus , abolitus & extinctus , sicut ostendemus in nostris Colloquiis in Historiam decimi quarti Ecclesiæ sæculi.

Huic Templariorum Ordini similem alium, militare Ordinem, seu *Equitum S. Sepulchri*, anno mcccxx. instituit *Alphonsus VI.* Aragoniæ Rex, qui- bus ex officio incumbere Christianos in Arago- niâ à Mauris defendere , & ad Valentiam , Murcia- que Regna Mauris eripienda aditum pandere . Horum Equitum S. Sepulchri præsidio adiutus eodem *Alphonsus* Aragoniæ Rex, celebrem victoriam de Saracenis ad *Penecadel* retulit, sicut narrat *Orde- nicus* lib. 13. *Histotix Eccles.* ubi illos Equites S. Se- pulchri , qui in hoc prælio magnam sibi gloriam peperere , appellat *Fratres de Palmis* , eò quòd , ut rectè explicat *Petrus de Marca* lib. 5. *Historiæ Bear- niæ* cap. 21. isti Equites S. Sepulchri pro Insignibus *Pal- mam* elegissent. *Joannes Briz Martinez* in *Histo- riâ S. Joannis Pennatensis* libro 5. cap. 24. optimè demonstrat, hos Equites S. Sepulchri in variis Ara- goniæ locis adversus Infideles ab *Alphonso VI.* Re- ge institutos, planè diversos fuisse à Templariis, de quibus mox sermonem habuimus.

Ordinis Templariorum fectus est ac propago *Ordo Beatæ Mariæ Teutonicorum* , ejus Institutio- nem *Onuphrius* in *Chronico* cum anno mcxix. co- mularit . Sed observant viri eruditi, *Onuphrium* hac in re deceptum fuisse , illiusque Equitum Teutoni- corum Ordinis institutionem accuratiùs ab Inter- polatore *Chronici Aquicinctini* referri ad annum mxcxi. ubi scribit : *Ordo Militum Teutonicorum in-*

choatur, quem anno MCXCI. Februarii die XXII. Cælestinus Papa, hujus nominis III. confirmavit. Primus hujus Ordinis Magister creatus fuit Henricus Walpot. Ordo ille fuit fundatus à Teutonicis, seu nobilibus Germanis, pro susceptione pauperum peregrinorum, & infirmorum, qui ex Teutonica gente, seu ex Germania erant oriundi. Hujus Ordinis Equites Cruces nigras albis chlamidibus intextas habebant, & militiæ solemnī voto sub patrociniō Dei-paræ Virginis sese obstringebant, indeque dictus illorum Ordo *Equitum Beatæ Mariæ Teutonicorum*. De origine Ordinis Teutonici & rebus ab eo gestis latè disserit *Petrus de Dufburg* Sacerdos Ordinis Teutonici in suo *Chronico Prussie*, quod publicavit anno MCCCXXVI. Legendus est etiam *Trithemius* in *Chronico Hirsaugiensi* ad annum MCXCII. ubi accuratè Ordinis Teutonici initia narrat. Addam hīc dumtaxat, magno huic Ordini Equitum Beatæ Mariæ Teutonicorum unitum postea fuisse alium militare Ordinem *Gladiferorum*, qui in Livonia anno MCLXXXVI. ad debellandos Crucis inimicos fuerat institutus, sicut refert *Arnaldus* Abbas Lubecensis in *Historia Slavorum* libro 7. cap. 8. & seq. Dicebantur autem istius Militaris Ordinis Equites *Gladiferi*, quia professionis suæ signum in forma gladii, quo pro Deo certabant, in suis vestibus præferebant, sicut testatur idem *Arnoldus*. Denique in Hispania duodecimo sæculo multi Ordines Militares, seu *Calatravæ*, *Sancti Juliani de Peirero*, & *Sancti Jacobi*, ad defensionem Christianorum adversus Saracenos fuerunt instituti. His Ordinibus Militaribus, quibus floret Hispania, antiquior est, teste *Manrico* in *Annalibus Cister-*



Cisterciensibus, Ordo *Calatrava* quem *Beatus Raymundus Abbas Fiterii*, quod est Cisterciensis Ordinis celebre Monasterium in Navarra, unâ cum *Didaco Velasqui* Monacho, & quondâm strenuo in officio militari, & à juventute cum *Sanctio* Navarræ Rege enutrito, instituit anno millesimo centesimo quinquagesimo octavo, sicut probat *Bollandus* in Commentario Historico de *Beato Raymundo Abbate Fiterii* ad diem 1. mensis Februarii. Hunc Ordinem fundavit *Beatus Raymundus* ut *Calatravâ* urbem, quæ in summo discrimine versabatur defenderet contra Saracenos, quorum impetus, ope *Joannis* Archiepiscopi Toletani collecto exercitu, repressit, iisque deinceps impugnandis condidit hunc novum Ordinem militum *Calatravæ* Instituti Cisterciensis, quem anno MCLXIV. *Alexander III.* Pontifex Maximus confirmavit suis litteris, quæ extant in libro de *Origine & Constitutionibus Ordinis Calatravæ*. Idem Pontifex *Alexander III.* approbavit anno MCLXXX. Ordinem militiæ Sancti Jacobi in Hispania institutum ad defensionem Christianorum adversus Saracenos, litteris datis anno decimo sexto Pontificatus sui, in quibus gratulatur, quòd nobiles quidam non solum possessiones terrenas, sed & corpora sua dare in extrema, quæque pericula pro Domino decreverunt, statuitque, ut habeantur in ipso Ordine qui cèlibem vitam ducant, & sint etiam qui ad procreandam sobolem, & incontinentiæ præcipitium evitandum, conjugibus suis utantur. Sed de his Militaribus Religiosis Ordinibus, qui duodecimo Ecclesiæ sæculo ad Christianos à furore & incursionibus infidelium liberandos instituti sunt, hæc dicta sufficiant. Si tamen  
plura

plura de his scire desideres, consule *Aubertum Miracum*, & *P. Labbe* Soc. jesu in *Originibus Ordinum Equestrium*. Legendus est etiam *Rades* in *Historia Ordinum militarium Hispaniæ*.

D. Audivi nudius tertius rem certè singularem de Ordine Religioso in Galliis duodecimo Ecclesiæ sæculo, seu anno centesimo supra millesimum à Venerabili *Roberto de Arbrissello* fundato, qui appellatur *Ordo Fontis Ebraldi*, Gallicè *de Fontenraud*. Ajunt enim, *Robertum de Arbrissello* voluisse & statuisse, ut *Abbatissa Fontis Ebraldi* esset totius Ordinis Mater, Caput, & Antistita non solum Sanctimonialium, sed etiam Monachorum, ita ut viri Religiosi sua *Abbatissæ* obsequia exhibere, ejusque regimini sese singulari voto addicere teneantur. Id autem, ut candidè fatear, mirum omninò & insolens mihi esse videtur. At enim, cum Deus, ut legitur cap. 3. *Gene. v. 16.* dixerit mulieri: *Sub viri potestate eris, & ipse dominabitur tui*; quæ sodes, *Ordo* magis præposterus esse potest, quam viros regimini ac imperio mulieris subditos esse? Hunc meum itaque, si placet, exime scrupulum, & ostende, quid tu de *Roberto de Arbrissello*, & de Ordine *Fontis Ebraldi* ab ipso fundato sentias?

M. Sentio, *Robertum de Arbrissello*, Theologum Parisiensem doctrinâ & pietate clarissimum, tam in vita, quam in morte de Ecclesia optimè meritum esse. Fuit enim Summorum Pontificum, Legatorum, Archiepiscoporum, Episcoporum, & illustrium Scriptorum testimoniis & laudibus maximè celebratus, Regibus, Episcopis, & Principibus, Clericis, & quibuslibet popularibus acceptus, sicut testatur *Baldricus Dolensis* Episcopus coævus Au-  
thor

thor in ejus vita . At licèt *Robertus de Arbrifello* Ecclesiam universam sanctitate sua vivens & mortuus illustrarit, calumniâ tamen passus est à *Roscelino* hæretico & à quibusdam æmulis , qui, ut Apostolico huic viro infamix notam inurere possent, sinistros de eo rumores sparserunt , atque diabolicam calumniam de propudioso illius inter mulieres accubitu , de Sanctimonialium cum viris permixtione , cujus fœditatem vagitibus infantium proditam fuisse dictitabant , comminisci ac vulgare non erubuerunt improbi illi homines , quibus mens prava , & fallax lingua , & odia venenata, & sacrilega mendacia . His falsis rumoribus in *Robertum de Arbrifello* à malevolis temerè sparsis deceptus est non solùm *Goffridus* Abbas Vindocinensis , qui, licèt *Roberto* amicus esset , ad eum tamen , sicut in superiori Colloquio observavimus, acrem scripsit epistolam, sed etiam *Marbodus* Episcopus Redonensis eundem *Robertum de Arbrifello* multis de rebus , quibus offensionem populis creare dicebatur, redarguit in epistola, quæ sub ejus nomine circumfertur, eleganti quidem , sed acriori stylo exarata ; quamvis non desint viri doctissimi , qui gravissimis ducti conjecturis autumant, ejusmodi epistolam non à *Marbodo* religiosissimo Redonensi Episcopo scriptam fuisse , sed vel à *Roscelino* hæretico , vel à quodam Clerico sæculari ægrè ferente, quòd *Robertus de Arbrifello*, egregius Christi præco, in depravatos tum temporis Clericorum mores , in turpem Beneficiorum Ecclesiasticorum nundinationem , in sacrilegas Presbyterorum cum concubinis copulas, & in alia id genus vitia his temporibus longè latèque serpentina Apostolico-



stolico zelo inter concionandum inveheretur, hanc contumeliosam epistolam scriptam ac vulgatam fuisse. Sed nec ea epistola, etiamsi à *Marbodo Redonensi* Episcopo scripta fuisset, neque alia *Goffridi* Abbatis Vindocinensis, ullo pacto sanctitati *Roberti de Arbrifello* officere possunt. Primò, quia *Goffridus* Abbas Vindocinensis, & *Marbodus* Episcopus Redonensis hujusmodi epistolas scripserunt decepti falsis rumoribus sparsis à Diaboli ministris, quibus solemne est, eos præcipuè, qui fœminis ad sanctiorem vitam informandis operam navant, alicujus turpitudinis infamiâ notare, ut continuò spernantur, & omnia, quæ antehac seminarunt salutaria consilia penitus abjiciantur. Ea diabolica arte impetitus est *S. Hieronymus* castissimus Doctor, qui ut homo parùm pudicus à multis traductus est, quòd Matronas, & Virgines quasdam Romanas, pietate & sacrarum litterarum studio præstantes, assiduè inviseret, ut eas in viâ Christianæ perfectione dirigeret, sicut ipsemet testatur in epistola 99. ad *Asellam*. Quid igitur mirum, si ministri Diaboli famam *Roberti de Arbrifello* fœminas ad sanctiorem vivendi normam instituire satagentis contumeliis falsisque rumoribus lacerarint, quibus per malignorum obtrektorum ora volitantibus decepti *Goffridus*, & *Marbodus* has ad *Robertum de Arbrifello* epistolas scripserunt, non ut illum redarguerent, sed potius ut de falsitate criminum, quæ à malignis detractoribus falsò ei impingebantur, certiores ab ipso fieri possent.

Præterea, quàm iniquo & malè affecto animo fama tam sinistra de *Roberto de Arbrifello* sparsa fuit

fuerit , manifestò indicant tot encomia , quibus viri egregii & coætanei eum profecuti sunt . *Urbanus II.* prædicandi officium ei injunxit . *Paschalis II.* eum appellat *Magnæ Religionis virum* , & *Religionis studiis indefinenter insistentem* . *Petrus Pictaviensis* Episcopus ait , eum esse *virum Apostolicum* , qui tonitruo sanctæ exhortationis plures tam viros , quàm mulieres à seculari luxu revocavit . *Robertus de Monte* vocat eum *virum aptum ad lucrandas animas* & *prædicandum verbum Dei* , & ut cæteros alios duodecimi sæculi Scriptores prætermittam , qui eximias *Roberti de Arbrissello* dotes celebrant ; *Willelmus Neubrigensis* Scriptor Anglus , & Canonicus Regularis Ordinis S. Augustini , libro 1. Historiæ Angl. cap. 15. *Robertum de Arbrissello* impensè laudat , eumque doctrina & pietate parem facit cum duobus aliis Abbatibus , qui duodecimo sæculo non modò litteris , sed omnibus quoque virtutibus eminuerunt , videlicet cum *B. Bernardo* Fundatore Congregationis Tirionensis , & cum *B. Vitali* , qui Saviniacensis Cænobii in confinio Normanniæ , Aremoriciæ & Cenomanorum anno MCXII. conditor fuit : *In transmarinis partibus* , sicut à majoribus accepi , inquit *Willelmus Neubrigensis* , *tres memorabiles viri uno tempore fuere* , scilicet *Robertus cognominatus de Arbuscula* , *Bernardus* , & *Vitalis* . Hi non ignobiliter eruditi & spiritu ferventes circuibant per Castella & vicos , seminantesque secundum Isaiam super omnes aquas , de conversione multorum fructus uberes colligebant , pio inter se placito constituto . Quòd *Robertus* quidem sæminarum communi labore ad meliora conversarum sollicitudinem gereret ; *Bernardus* verò & *Vitalis* maribus provi-

providerent, Robertus itaque famosissimum illud Monasterium fœminarum de Fonte Ebraudi construxit, & regularibus disciplinis informavit. Bernardus verò apud Tironiam, & Vitalis apud Saviniacum Monachis regulariter institutis, suos quisque ab aliis per quasdam præceptorum proprietates distinxit. His momentis, & locupletissimis coævorum probatissime fidei Scriptorum testimoniis, facile Robertus de Arbrifello vindicatur à calumniis, quibus eum incessere non puduit malevolos quosdam & effrontes obrectatores.

Quòd verò Robertus de Arbrifello non solum Sanctimoniales, sed etiam Monachos Ordinis à se instituti imperio & regimini Abbatissæ subjecerit, ac singulari voto devinxerit, nemo eum justè carpere potest. Voluit quippè Robertus de Arbrifello suum fundare Ordinem super verbis Christi Domini in Cruce pendentis, dum Matri suæ dicebat: *Mulier, ecce filius tuus*: Discipulo verò Joanni: *Ecce Mater tua*: ex qua hora accepit eam Discipulus in sua. Sanè, Robertum de Arbrifello in Institutione & Ordinis sui regimine rem prorsus novam non tentasse, probat ejusdem Ordinis confirmatio, quam ipse paucos post annos à Summis Pontificibus Paschali II. & Callisto II. obtinuit, promovente præsertim Petro Pictaviensi Episcopo, qui erat ei amicissimus, & in cujus Diœcesi Cœnobium Fontis Ebraudi situm erat. Romam siquidem profectus Episcopus ille Pictaviensis, & sancti hujus Instituti fructus uberes declarans, facile à Pontifice Romano ejus confirmationem, protectionemque Romanæ Sedis Roberto de Arbrifello impetravit. Præter quàm quòd, placuisse Deo regimen istud in hoc Ordine



Ordine Fontis Ebraldi à Roberto de Arbrifello institutum satis patet ex propagatione ejusdem Ordinis, quem duodecimo sæculo pro Dei voluntate ferè ad quatuor aut quinque millia Sanctimonialiũ jam excrevisse testatur Sugerius Abbas San-Dionysianus in epistola ad Eugenium III. Pont. Max. quam P. Sirmondus edidit in Notis ad Goffridi Abbatis Vindocinensis epistolas: *Tantum*, inquit Sugerius, *tantæ Religionis locum, quem, cum in partibus illis in scholis essemus, novitèr inceptum esse vidimus, & pro Dei voluntate ferè usque ad quatuor aut quinque millia Sanctimonialium jam excrevisse audivimus & gaudemus.* Omnes Episcopi rogabant Robertum de Arbrifello ut novi Ordinis Monasteria suis in Diœcesibus conderet. Reges & Principes novas domos beneficiis augebant. In Angliam & Hispaniam penetrabant novi Instituti Religiosæ Colonix, ibique, *tota sæculi voluptate castrata, in Dei fervebant obsequio*, sicut scribit Willelmus Malmesburiensis, qui XII. sæculo vivebat, libro 5. de *Gestis Regum Angl.* Ex ea itaque Fontebraldensis Ordinis confirmatione facta à Summis Pontificibus, & ex ejusdem propagatione, quam Episcopi Reges ac Principes omni studio promovere saterunt, falsi convincuntur omnes calumniæ, quibus nebulones quidam Venerabilis Roberti de Arbrifello nomen infuscare; regimen, quod in suo Ordine instituit, improbare; summam, quæ de Sanctimonialium ejusdem Ordinis castitate & Sanctimonia apud bonos omnes erat, opinionem immutare atque labefactare moliti sunt. Verùm Roberti de Arbrifello, & Fontebraldensis Ordinis ab eo fundati sanctitas longè latèque nota & maximis

mis præconiis celebrata, putidis illis calumniis superior extitit, fecitque Deus, ut *Robertus de Arbrifello* triumpharet de omnibus illis æmulis, quos ipsi virtutum splendor, populorum ad ejus conciones incredibilis concursus, ferventissimus in vitiis reprehendendis zelus, juxta vitæ severioris studium, novi Ordinis Institutio, mulierum ad vitam religiosam conversio, & summa apud Ecclesiæ sæculique Principes gratia & auctoritas pepererunt. Plura de virtutibus *Roberti de Arbrifello* leges apud *Baldricum Dolensem* in *Aremorica* Episcopum, & apud Anonymum *Fontis Ebraldi* Monachum coævum, qui ejus vitam scripserunt. Utramque *Roberti de Arbrifello* Vitam edidit *Bollandus* inter Acta Sanctorum mensis Februarii ad diem xxv. & in Commentario ad eandem Vitam prævio varia ejusdem Venerabilis Fundatoris Ordinis Fontis Ebraldi collegit elogia, quæ P. *Joannes à Manu Firma* Fontebraldensis Monachus congeffit & inseruit in Dissertatione duplici de *Epistola contra B. Robertum de Arbrifello conficta*.

D. Nihil aliud, opinor, tibi occurrit dicendum de Religiosis Ordinibus, aliisque piis Foundationibus, quæ sæculo duodecimo originem habuerunt.

M. Ad sæculum duodecimum referenda etiam est fundatio *Beguinarum*, quas nonnulli tradunt, à *Sancta Bagga*, *Pippini Landensis* filia, & *Sanctæ Gertrudis* sorore, nomen & originem accepisse. Sed id gratis & solâ nominis similitudine innixasserunt. Contrà verò, *Beguinarum* institutionem Auctores coævi & suppare acceptam referunt *Lamberto* pio *Leodienti* Sacerdoti, qui anno mil  
lesi

lesimo centesimo septuagesimo florebat, ut videre est apud *Chapeavillum* lib. 2. *Episcoporum Leodien-  
sium* pag. 118. *Ægidius* quoque Monachus Aureæ Vallis in *Episcopis Leodiensibus* cap. 52. hanc Beguinarum Institutionem eidem *Lamberto* adscribit: *Suscitavit Deus Spiritum Sancti cujusdam Sacerdotis viri religiosi, qui Lambertus le Begues, quia balbus erat, de Sancto Christophoro dicebatur, cujus cognomine mulieres & puellæ, quæ castè vivere proponunt, Beguines Gallicè cognominantur, quia ipse primus extitit, qui eis præmium castitatis verbo & exemplo prædicavit. In Concilio Viennensi in Galliis sub Clemente V. Pontifice Max. anno mcccxi. celebrato Beguinæ, quod per Germaniam falsè spargerent dogmata, damnatæ sunt, & abolitum earum Institutum. Sed, ut observat Continuator Nangii ad annum mcccxvi. Non obstante condemnatione status earum, processu temporis convaluerunt; cum longè melius sit eas sic esse, quàm laxatis habenis in sæculis pompis & vanitatibus evagari; inter ipsas enim sunt multæ bonæ, & religiosæ personæ, & inter ipsas exercentur opera pietatis. Quamvis igitur Clemens V. in Concilio Viennensi Beguinarum statum reprobaverit, permisit tamen Joannes XXII. lib. 3. Extravagan. Commun. Cap. Ratio de religiosis domibus, ut mulieres, quæ nec sunt culpabiles nec suspectæ, sub habitu Beguinarum viverent, immò, extant, teste Spondano in Annalibus Ecclesiasticis ad an. mcccxi. in Formulario litterarum Apostolicarum Marini Eboli, qui sub Innocentio IV. & deinceps vixit, diversa Pontificum Diplomata in favorem Beguinarum, quæ in Germania & Belgio magno*



numero pullularunt, pro earum conservatione à molestiis tam Clericorum, quàm Laicorum, de quibus etiam latè differit *Petrus Coens* Canonicus Antuerpiensis in sua *Disquisitione Historica de Origine Beguinarum* anno MDCXXIX. editâ. Durat adhuc Beguinarum Institutum tam in Belgio, quàm in Diœcesi Leodiensi, & quæ illud profitentur, possunt ad nuptias transvolare. Superfunt etiam adhuc in Belgio aliqua Beguardorum, qui in eodem Concilio Viennensi suppressi fuerunt, Monasteria. Sed de Beguinis, & *Beguardis*, qui etiam *Fratricelli* dicebantur, & de eorum erroribus in Concilio Generali Viennensi proscriptis opportuniùs differemus in nostris Colloquiis in Historiam XIV. sæculi.

D. Doctrinam, & Disciplinam tam Ecclesiasticam, quàm Monasticam, quæ duodecimo Ecclesiæ sæculo vixit, probè nunc perspectam habeo; at subiit animum difficultas circa doctrinam Moralem istius sæculi, quam ex depravatis populi Clericorumq; moribus valdè corruptâ fuisse suspicor. Tunc enim, ut sæpiùs observasti, Laici in Cœno vitiorum hærebant, Ecclesiasticas facultates ac decimas usurpabant, in Ecclesias dominabantur, vel potiùs tyrannidem exercebant, usuris, rapinis, incendiis, privatis bellis, incestis nuptiis, aliisque id genus vitiis erant impliciti. Sed, quod gravius est, sicut populus, ita Sacerdos. Beneficiorum Ecclesiasticorum nundinatio, sacrilegæ Presbyterorum cum concubinis copulæ, Bonorum Ecclesiasticorum dissipatio, pluralitas Beneficiorum, avaritia Clericorum, qui *sua quærebant, non quæ Jesu Christi*, hæc, inquam, vitia his temporibus longè

gè latèq; in Clero serpebant. Dicebat autè mihi nuperrimè vir quidam severioris doctrinæ, istam morum corruptelam inductâ fuisse à Theologis Scholasticis duodecimi sæculi, qui argutis quibusdam rationibus plus equò indulgentes legem Dei emolliere, &, relictâ regiâ Sanctorum Patrum viâ, aviam Christianæ Moralis doctrinæ integritatem labefactare cœperunt. Dicas igitur, amabo, an reverà Theologi Scholastici duodecimi sæculi doctrinæ Moralis puritatem novis, laxisque opinionibus corruperint?

M. Doctrinam Moralem Christianam à Theologis Scholasticis duodecimi sæculi fuisse corruptam, merum commentum est, & immanis calumnia, quæ ipsorum libris, qui adhuc superiunt, manifestò falsi convincitur. Nullum quippè in eorum Operibus offendes vestigium earum laxitatum, quas molliores quidam posteriorum temporum Casuistæ excogitarunt. Quamvis igitur tam Clericorum, quàm Laicorum mores fuerint duodecimo Ecclesiæ sæculo haud parùm corrupti, Moralis tamen Christianæ doctrina pura & illibata permansit, & ad ejus integritatem conservandam Summi Pontifices, Concilia, Patres, & Theologi Scholastici duodecimi sæculi omnes suas curas, vigilias, & labores contulerunt, sicut facili negotio intelliges ex ea, quam hic attexam, Synopsi Doctrinæ Moralis Christianæ, quæ eo sæculo in Ecclesia vigit.

Et primò, prolixior quidem essem, si hinc proterre ac sigillatim expendere vellem omnes Canones, quos Summi Pontifices, & Concilia variis in locis convocata ad compescendas grassantes duode-

cimo Ecclesiæ sæculo morum corruptelas conderunt. Satis erit præcipua ab his sancita Decreta referre, ex quibus certò constabit, Summos Pontifices & Concilia nihil antiquius duodecimo Ecclesiæ sæculo habuisse, quàm ut Christianæ Moralis doctrinæ puritatem fartam tectam conservarent. Serpebat latissimè duodecimo sæculo usura, hanc labem Concilium Lateranense Generale tertium sub *Alexandro III.* Summo Pontifice an. *MCLXXIX.* celebratum penitus exterminavit, omnesque Usurarios gravissimis pœnis addixit Canone vigesimo quinto his verbis: *Quia in omnibus ferè locis crimen usurarum ita inolevit, ut multi, aliis negotiis prætermisissis, quasi licitè usuras exerceant, & qualiter utriusque Testamenti pagina condemnetur, nequaquam attendant; ideò constituimus ut usurarii manifesti, nec ad Communionem admittantur altaris, nec ad Christianam, si in hoc peccato decesserint, sepulturam. Sed nec eorum oblationem quisquam accipiat. Qui autem acceperit, aut eos Christianæ tradiderit sepulturae, & ea, quæ acceperit, reddere compellatur, & donec ad arbitrium sui Episcopi satisfaciat, & ab Officii sui maneat executione suspensus.*

Simonia impunè grassabatur in Clero, & Monasteria invaserat; hanc gliscentem pestem radicatus extirpavit idem Concilium Lateranense III. Canone VII. ubi contrà Simoniacos hæc statuit: *Cum in Ecclesiæ corpore omnia debeant ex charitate tractari, & quod gratis receptum est gratis impendi, horribile nimis est quod in quibusdam Ecclesiis locum venalitas perhibetur habere, ita ut pro Episcopis, vel Abbatibus, seu quibuscumque personis Ecclesiasticis ponendis in Sede, seu introducendis Presbyteris in Ec-*



clesiam, nec non pro sepulturis & exequiis mortuorum & benedictionibus nubentium, seu aliis Sacramentis, aliquid exigatur, & ille, qui indiget, non possit ista percipere, nisi manum implere curaverit largitoris. . . . . Ne igitur hoc de cætero fiat, & vel pro personis Ecclesiasticis deducendis ad Sedem, vel Sacerdotibus instituendis, aut mortuis sepeliendis, seu etiam nubentibus benedicendis, seu etiam aliis Sacramentis aliquid exigatur districtius inhibemus. Et Canone decimo sancit idem Concilium, ut Monachi non pretio recipiantur in Monasterio, non peculium permittantur habere. . . . . Si quis autem exactus pro sua receptione aliquid dederit, ad sacros Ordines non ascendat, is autem, qui receperit, officii sui privatione mulctetur. Si verò peculium habuerit, nisi ei ab Abbate pro injecta ei fuerit administratione permissum, à Communionem removeatur altaris. Et qui in extremis cum peculio inventus fuerit, nec oblatio pro eo fiat, nec inter fratres recipiat sepulturam. Verum, quia plures erant, qui usuram & Simoniam, aliasque morum corruptelas sibi licere autumabant, quòd progressu, ac diuturnitate temporis invaluissent, altasque radices egissent; hanc falsam opinionem convellunt Patres ejusdem Concilii Lateranensis tertii Canone septimo his verbis; Putant plures ex hoc sibi licere, quia legem mortis de longa invaluisse consuetudine arbitrantur, non satis, quia cupiditate cæcati sunt, attendentes, quòd tantò graviora sunt crimina, quantò diutius animam infelicem tenuerint alligatam. Gravitèr etiam Petrus Cantor, qui duodecimo Ecclesiæ sæculo florebat, in sua Summa Morali, quæ Breviarium dicitur, carpit eos, qui morum corruptelas consuetudine, &

errantium multitudine roboratas sibi licitas esse existimabant. *Non minùs peccas, inquit, quia cum multis, sed magis peccas; nec minùs ardebis, quia cum pluribus. Qui post multitudinem, vel Prælatum excusari à peccato credunt, similes sunt Pilato lavanti manus suas, & dicenti: Mundus sum à sanguine hujus; non Danieli, qui ait: Sanguinem innocentem condemnasti, Viri Juda, redite ad judicium.*

Sed prosequamur alia præcipua Capita doctrinæ Moralis duodecimi Ecclesiæ sæculi. Bonorum Ecclesiasticorum Clericos esse dispensatores dumtaxat, non dominos, doctrina erat omnium Ecclesiæ Doctorum duodecimi sæculi consensu probata. Ità docuit Sanctus Bernardus Epistola 2. ad Fulconem datâ, ubi hæc habet: *Conceditur ergò tibi, ut, si benè deservis, de altario vivas, non autem ut de altario luxurieris, ut de altario superbias, ut inde compares tibi fræna aurea, sellas depictas, calcaria deargentata, varia griseaque pellicea à collo & manibus ornatu purpureo diversificata. Denique, quidquid præter necessarium victum ac simplicem vestitum de altario retines, tuum non est, rapina est, sacrilegium est. Et in Epistola XLII. ad Henricum Senonensem Archiepiscopum inquit: Clamant nudi, clamant famelici: nostrum est quod effunditis, nobis crudeliter subtrahitur quod inaniter expenditis.... duo denique mala de una prodeunt radice cupiditatis, dùm & vos vanitando peritis, & nos spoliando perimitis. Sancto Bernardo succinunt duo insignes ejusdem sæculi duodecimi Viri Arnulphus Lexoviensis Episcopus, & Petrus Blesensis, quorum primus in Sermone habito in Concilio Turonensi sic effatur: Possumus licitè divitias possidere, si tamen*

nos non reputaverimus dominos, sed ministros: Si intellexerimus, patrimonium pauperum esse patrimonium Christi, si proventibus Ecclesiæ, si pauperum necessitatibus erogantur. Alioquin fures & latrones nos ratio manifesta convincet, si res alienas, invito dominis, præsumpserimus arbitrio contrectare. De reddituum Ecclesiasticorum dispensatione per Episcopum facienda sic in Epistola xx. loquitur Petrus Blesensis: Beneficiorum, quæ pauperibus conferuntur, mensura debet esse immensitas. Non militibus, sed pauperibus erogare patrimonium Crucifixi, cujus ipse non dominus, sed tutor est, ut misereatur & commodet ad usus egentium, tanquam testamentarius dispensator: Ex quibus testimoniis certissimè liquet, hanc fuisse doctrinam Moralem duodecimi Ecclesiæ sæculi, Clericos non habere dominium in redditibus Ecclesiasticis honestæ eorum sustentationi superstites, sed quidquid ultrà victum & vestitum eis superest, in pauperum subsidium cedere debere.

Polygamiam spirituales, seu Beneficiorum pluralitatem Concilia, & Patres duodecimi sæculi districtè prohibuerunt. Sufficiet hinc referre Canonem decimum tertium Concilii Lateranensis sub Alexandro III. Pontifice Maximo celebrati, qui his verbis exprimitur: Quia non nulli modumavaritiæ non ponentes, Dignitates diversas Ecclesiasticas, & plures Ecclesias Parochiales contra sacrorum Canonum Instituta nituntur acquirere; ita ut cum unum Officium vix implere sufficiant, stipendia sibi vindicent plurimorum: ne id de cætero fiat districtiùs inhibemus. Cum igitur Ecclesias, vel Ecclesiasticum Ministerium committi debuerit, talis ad hoc persona queratur, quæ residere in loco, & curam  
ejus



ejus per se ipsam valeat exercere; quod si aliter fuerit actum, & qui receperit, quod contra Sanctos Canones recepit, amittat; & qui dederit, largiendi potestate privetur. In hoc Canone XIII. sicut & in sequenti XIV. Patres Concilii Lateranensis III. exhibent multiplicem deformitatem, quam habet Beneficiorum pluralitas. Primò, quòd quis unius officium vix implere potest, plurium stipendia sibi vindicet. Secundò, quòd Officium Sacrum, propter quod Beneficium Ecclesiasticum institutum est, residentiam postulet Ministri Ecclesiastici; residere autem in pluribus Ecclesiis Beneficiarius haud potest. Tertiò, quòd justitiam distributivam lædat plurium Beneficiorum in unam personam coacervatio, ex quibus plurium Clericorum virtute & litteris conspicuorum posset inopia sublevari. Quartò, quia Beneficiorum pluritas fovet ambitionem & cupiditatem, dissolutionisque & vagationis causam, unde certum continet periculum animarum, ut dicunt Patres ejusdem Concilii Lateranensis III. Canone XIV. Meritò itaque Petrus Blesensis, Scriptor duodecimi sæculi, in caput I. Job perstringit Clericos, qui, non utilitatis Ecclesiæ & salutis animarum, sed suæ dumtaxat ambitionis & cupiditatis habitâ ratione, plura Beneficia possident. Plerique sunt, inquit, qui non dicam animarum, de quibus respondere tenentur in die tremendi judicii, sed vix Ecclesiarum suarum numerum cognoverunt. Adiungunt Ecclesiam Ecclesiæ, Præbendam Præbendæ, domum domui, agrum agro. De talibus dicit Isaias: Væ qui conjungitis domum ad domum &c. Clerici, qui nihil possidere debuerant, præsumunt omnia possidere; non laborant, non arant, non  
semi-

minant, non edificant, non navigant, neque punant, & ut verbo Psalmistæ utamur, in labore hominum non sunt, & cum hominibus, non flagellabuntur, ideòque tenuit eos superbia, &c. Certè, qui cum hominibus temporalitèr non flagellabuntur, æterna-  
 bunt cum demonibus flagella passuri.

Postremò, ut brevitatìs ergò, alia quàm plurima prætermittam purioris Moralis doctrinæ saberrima documenta, quæ in Operibus Patrum & Scriptorum Ecclesiasticorum duodecimi sæculi passim leguntur de inimicorum dilectione, de elemosyna pauperibus eroganda, de charitate ergà proximum, de vera cordis contritione, de incera pœnitentia agenda, de jugi cupiditatum castigatione, & de sedula mandatorum Dei observatione; His, inquam, missis purioris Moralis Christianæ præceptis, obiter tantummodò observabo, doctrinam, quæ, ad veram & stabilem cordis in Deum conversionem, necessitatem, amoris Dei super omnia dilecti admittit, fuisse divulgatam apud Sanctos Patres, & Scriptores ecclesiasticos duodecimi sæculi. Unum instar omnium laudabo Sanctum Bernardum, qui in Epistola XI. ad Guigonem Priorem Cartusiensem disertè docet, solam charitatem legem esse, quæ convertit animas: Nec timor, inquit, nec amor privatus convertit animam. Mutant interdum vultum vel actum, factum nunquam. Facit quidem etiam servus non inquam opus Dei, sed quia non spontè, in sua adhuc avaritia permanere convincitur. Facit & mercenarius, quia quia non gratis, propria trahi cupiditate cognoscitur. Porro ubi proprietas, ibi singularitas, ibi angulus; ubi verò angulus, ibi sine dubio sordes, sive rubi-

rubigo. Sit itaque servo sua lex timor ipse, quo constringitur: Sit mercenario sua cupiditas, qua ipse arctatur, quando ab ipsa tentatur, abstractus & illectus. Sed harum nulla aut sine macula est, aut animas convertere potest. Charitas verò convertit animas, quas facit & voluntarias. Hactenus mellifluus ille Doctor, & præstantissimum sæculi duodecimi decus & ornamentum.

D. In momentoso salutis meæ negotio priori doctrinæ Morali Christianæ mordicè adhærebo, nec probabiles sequar hominum opiniones, sed viam simplicem, angustam, & arduam, juxta consilium Lactantii Firmiani, quem, te suatore, identidem lego & cujus lectione magnoperè delector. Hanc autem viam Lactantius, Cicero Christianus, libro vi. Divinarum Institutionum cap. 7. & 8. depingit aureis verbis: Hæc autem via, quæ est veritatis & sapientiæ, & virtutis & justitiæ, quorū omnium fons unus est, una Sedes, & simplex est, quoddam paribus animis, summaque concordia unum sequamur & colamus Deum: & angusta, quoniam paucioribus virtus data est: & ardua quoniam ad bonum, quod summum atque sublime est, nisi cum summa difficultate ac labore non potest perveniri. .... Errant ergò velut in mari magno, nec quod ferantur intelligunt, qui nec viam cernunt, nec ducem sequuntur ullum. Eadem namque ratione hanc vitæ viam quæri oportet, qua in alto iter navibus quæritur, quæ nisi aliquod cæli lumen observent, incertis cursibus vagantur. Quisquis autem rectum iter vitæ tenere nititur, non terram debet aspicere, sed Cælum, & ut apertiùs loquar, non hominem sequi debet, sed Deum: non his terrestribus simulachris, sed



ad Deo servire cœlesti : non ad corpus referre omnia,  
 ad ad mentem : non huic vitæ dare operam, sed æter-  
 . Itaque si oculos in cælum semper intendas, &  
 lem, quæ oritur, observes, eumque habeas vitæ,  
 quasi navigii ducem, sua sponte in viam pedes diri-  
 untur, & illud cœleste lumen, quod sanis mentibus  
 ultò clariùs sole est, quàm hic, quem carne mor-  
 li videmus, sic reget, sic gubernabit, ut ad sum-  
 um sapientiæ virtutisque portum sine ullo errore  
 rducat. Suscipienda igitur Dei lex est, quæ nos ad  
 iter dirigat, illa sancta, illa cœlestis &c. Ad  
 anc tutissimam vitæ humanæ Regulam, quam  
 ppeditat Lactantius, mores meos exigere pro-  
 ribus satagam, & omnes vias incertas, dubias  
 periculosas sollicitè declinans, sæpius cum Vate  
 egio Psalm. xvi. Vers. x. dicam Deo Optimo  
 aximo : *Ut non loquatur os meum opera hominum,*  
*propter verba labiorum tuorum ego custodivi vias*  
*tuas.*

*Finis Tomi Quarti.*

# M E N D A,

## Quæ in Editionem hujus Tomi irrepperunt.

| Pag. Lin. | Errata.                            | Corrige.                                      |
|-----------|------------------------------------|---|
| 43. 16.   | Fringenſis                         | Friſingenſis                                  |
| 45. 26.   | octogefimo                         | nonageſimo                                    |
| 55. 16.   | nongentefimo                       | nonageſimo                                    |
| 375. 25.  | anno milleſimo<br>centefimo tertio | anno milleſimo centefi-<br>mo vigefimo tertio |
| 377. 19.  | ab                                 | ob  |
| 386. 32.  | Regnum                             | Regum   |
| 389. 32.  | inauratus                          | inauguratus                                   |
| 391. 7.   | ſchimatis                          | ſchiſmatis                                    |
| 406. lin. | penultima MCXIII.                  | MEXCIII.                                      |
| 414. 21.  | MLVI.                              | MCVI.   |
| 448. 16.  | in quas                            | in qua  |
| 474. xv.  | anno MCXXXIX.                      | MCXXXIX.                                      |
| 480. 29.  | vicifci                            | ulciſci                                       |
| 558. I.   | conſent                            | cenſent                                       |
| 574. 28.  | Ohilippus                          | Philippus                                     |

*Cum litterarius à Prælo, citrà miraculum, in lucem exeat, ſine macula nullus, mirari certè haud debes, amice lector, quòd ejusmodi menda, quæ partim Typographorum oſcitantia, partim meæ oculorum ægritudini adſcribere debes, irrepperint in hanc Editionem, in qua tot, præter expectationem meam, coactus ſum devorare moleſti-  
as, ut iſtum mentis meæ partum jure meritò appellare poſſim Filium doloris mei, quo nomine Rachel fili-  
um ſuum Beniaminum, ob difficultatem partus, dona-  
vit; ut legitur Geneſeos cap. xxxv. vers. 17. & 18. Pauca, quæ obuia, vel graviora ſunt, collecta men-  
da hic notavi, alios verò leviores navos, ſi quibus adhuc folia ſordent, tute facili negotio, cum ſis ocula-  
tus, peritus ac ſolers, inter legendum deprehendes,  
atque pro tua benignitate emendabis.*

